

ପ୍ରେରିତ ଶିକ୍ଷ୍ୟମାନଙ୍କର କାର୍ଯ୍ୟଗୁଡ଼ିକ ପକ୍ୟାତାକାତ୍ କାମାୟ ପକ୍ୟାତାକାନ୍ ପତି ବିଷ୍ଣେ ପାଦେକ୍

ପକ୍ୟାତି ପତି ଆନାତା ମଣ୍ଡଳିନି ଆରମ୍ ଆରି ଇନେସ୍ ଇଦାଂ ଜିରୁସାଲମ୍‌ତାଂ, ଜିହୁଦା, ସମରିଆ ଆରି ବାରତ ଇନେସ୍ ମେଙ୍ଗ୍‌ତାତ୍ ଇଦାଂ ଜିସୁତି ସାଗେ ଦୁମ୍‌ନି ଆଗେତାଂ ତା ଚେଲାର୍‌ରିଂ ଇଞ୍ଜି ମାଗାନ୍ । ୧:୮ ପକ୍ୟାତି ପତି ଲୁକ ତାଂ ଲେକାତାତ୍‌ନା ଇନେର୍କି ଲୁକ ଲେକିକିତି ନେକ୍ରିକାବୁର୍ ପା ଲେକିକିଜି ମାଗାନ୍ । ହେଝାନ୍ ରଝାନ୍ ଡାକ୍ତର ମାଗାନ୍ ଆରି ବୁଲ୍ କିଝାଦାଂ ଲେକିକିନାକାନ୍ ୧:୧ଲେକିକିନିତ ବେସି ତ୍ରିକାତ୍ ମାଗାନ୍ । ହେଝାନ୍ ରିଣ୍ଡି ନେକ୍ରିକାବୁର୍ ଆରି ପକ୍ୟାତି ପତିତ ତିଅପିଲତିଂ ଲେକିକିନାନା ଇନେର୍କି ହେଝାନ୍ ରଝାନ୍ ଗ୍ରିକ୍ ମାଗାନ୍, ପତିତିଂ ରିଣ୍ଡି ଗ୍ରିକ୍ ଆରି ଜିହୁଦି କୁଚୁମ୍ କାଜିଂ ମାଗାତ୍ । ଇତିସ୍ ପକ୍ୟାତି ପତି ଜିସୁ କ୍ରିସ୍ତୁତି ଜଲମ୍ ପାଚେ ୬୦ ତାଂ ୬୪ ବିତ୍ତେ ଲେକା ଆଜି ମାଗାତ୍, ଇନେକିଦେଂକି ପାଉଲ୍‌ତି ବନ୍ଦିମୁକ୍ତି ଆଗେତାଂ ପତି ଲେକିକିନି କାମାୟ ସେସ୍ ଆଜି ମାଗାତ୍ । ଲୁକ ପା ପକ୍ୟାତି ପାଉଲ୍ ଲାହାଂ ବୁଲାନାର୍ ଆରି ପକ୍ୟାତି ପତି ଆନ୍ତକିଆତାଂ ଲେକା ଆଜି ମାନ୍‌ଗାନାତ୍ । ପକ୍ୟାତି ପତି ଲୁକ ନେକ୍ରିକାବୁର୍ ଚାଲାନି କାମାୟ ଆନାତ୍ ଆରି ଜିସୁତି ସାଗେ ଦୁମ୍‌ନାକା ଆରମ୍ ଆନାତ୍ । ଲୁକ ଲେକିକିତି ନେକ୍ରିକାବୁର୍ ଉଦେସ୍‌ତ ପକ୍ୟାତି ଲେକାନି ଉଦେସ୍ ଲାହାଂ ସମାନ୍ ଆନାତ୍ । ହେଝାନ୍ ତିଅପିଲତିଂ ଆରି ବୁଦିପାୟାନି କ୍ରିସ୍ତୁୟାନରିଂ ହାତ୍‌ପା ଆଦେଂ ଇଚାକିନାର୍ ଇନାକା ହେଝାରିଂ ହିକ୍ୟା ହିଜିମାତି ବିଷ୍ଣେ ଜିସୁ କ୍ରିସ୍ତୁତି ଜିବୁନ୍ ଆରି ମେଙ୍ଗ୍‌ଜି ଲାବ୍ କିଜି ମାତିଲେ କ୍ରିସ୍ତୁୟାନରିଂ ନେକ୍ରିକାବୁର୍ ବୁଲ୍ କିଝାଦାଂ ଇସାବ୍ କିଜି ଇଚ୍‌ନାର୍ । ପକ୍ୟାତି ପତିତ ଆଗେନି ମଣ୍ଡଳି କ୍ରିସ୍ତୁ ତାକେ ପାତ୍ ଇଚ୍‌ନି କାଜିଂ ମା କାଜିଂ ଉତରମୁତ୍ ଜାଣାୟକିନାତ୍ । ପକ୍ୟାତାକାର୍‌ତି ଉତରମୁତ୍‌ତାଂ ମାଙ୍ଗେଙ୍ଗ୍ ପୁନ୍‌ଧାନାତ୍ ଜେ, ଇନେସ୍ ପୁଇପୁୟା ଜିବୁନ୍‌ତିଂ ମାନି କିତାର୍

ବିନ୍‌ଲକାର ତାକେ ନେକ୍ରିକାବୁର୍ ବେରଣ୍ ହପ୍‌ୟାନାଡ୍ ।

ପତି ବିଚ୍ଚେନି ରାହାଣ୍

- ୧. ପୁଇପୁୟା ଜିବୁନ୍ ଜୁଦ୍‌ନାକା ଆରି ମଣ୍ଡଲି ବାତାନାକା । ୧:୧-୮:୧
- ୨. ମଣ୍ଡଲିନି ଇଣ୍ ଆରି ନେକ୍ରିକାବୁର୍ ମେଙ୍ଗ୍‌ଜି ଲାବ୍ କିନାଡ୍ । ୮:୨-୧୨:୨୩
- ୩. ପାଉଲ୍‌ତି ପର୍ତ୍ତୁମ୍ ମିସିନାରି ଜାତ୍ରା । ୧୨:୨୪-୧୪:୨୮
- ୪. ପୁନ୍ ପାତ କିନାକାରିଂ ଲଡ଼ା ଆରି ଜିରୁସାଲମ୍‌ତ ସବା । ୧୫:୧-୩୫
- ୫. ପାଉଲ୍ ରିଣ୍ଟି ମିସିନାରି ଜାତ୍ରା କିନାନ୍ । ୧୫:୩୬-୧୮:୨୨
- ୬. ପାଉଲ୍‌ତି ତିନି ମିସିନାରି ଜାତ୍ରା କିନାନ୍ । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମ୍‌ତ ବନ୍ଦି ଆନାନ୍ । ୨୧:୨୭
- ୮. ପାଉଲ୍‌ତିଂ ରମ୍‌ତ ଜାତ୍ରା । ୨୭:୨୮

ପୁଇପୁୟା ଜିବୁନିଂ ପାର୍ମାଣ୍

୧ ☆ଏ ଖାରିନି ତିୟପିଲ୍,

ଇମ୍‌ଣି ଦିନ୍ ଜିସୁ ଜାର୍ ବାଟିକିତି ପକ୍ୟାତାକାରିଂ ପୁଇପୁୟା ଜିବନ୍ ଲାହାଙ୍ଗ୍ ବଲ୍ ହିଜି ଜପି ଅୟାତାନ୍, ^୨ ବାଦାଡ୍‌ତ ଦୁମ୍‌ନି ପାତେକ୍ ଇମ୍‌ଣି ସବୁ କାମାୟ୍ କିଜି ମାଚାର୍ ଆରି ବଲ୍ ହିଜି ମାଚାର୍, ହେ ଖିଜୁ ବିସ୍ତେ ଲେକିକିଜି ମାଚାଙ୍ଗ୍ । ବାଦାଡ୍‌ତ ଦୁମ୍‌ନି ଆଗେ ଇମ୍‌ଣାକାରିଂ ହେଖାନ୍ ଜାର୍ ପକ୍ୟାତାକାର୍ ଲାକେ ବାଟି କିଜି ମାଚାନ୍, ହେଖାରିଂ ହେଖାନ୍ ପୁଇପୁୟା ଜିବୁନ୍ ସାଲ୍‌ତାଂ ବଲ୍ ହିଜି ମାଚାନ୍ । ^୩ ଜିସୁ ପା ଜାର୍ ଦୁକ୍‌ବଗ୍ ପାଚେ ଆଦେକ୍ ପାର୍ମାଣ୍ ହୁକେ ହେଖାର୍ ତାକେ ଜାର୍‌ତିଂ ଜିଜି ମାନାକା ଚର୍‌ଚାନ୍, ଆରେ ରିକଡ୍‌ତି ଦିନ୍ ପାତେକ୍ ତାଇନାଡ୍ ହେଖାରିଂ ଚଞ୍ଜା ଆଜି ଇସ୍‌ପୁର୍‌ତି ରାଜିନି ବିସ୍ତେ ଇଚାନ୍ । ^୪ ରଗ ହେଖାର୍ ହୁକେ ଚିଞ୍ଜେଙ୍ଗ୍ କୁଚ୍‌ନି ଖେଡାଲିଂ ଜିସୁ ହେଖାରିଂ ଇ ବଲ୍ ହିଜି, “ଏପେଙ୍ଗ୍ ଜିରୁସାଲମ୍‌ତାଂ ହାଲ୍‌ମାଟ୍, ମାଚର୍ ଆବାତି ଇମ୍‌ଣି ପାର୍ମାଣ୍ ବିସ୍ତେ ନା ତାଙ୍ଗ୍ ଖେଚାଦେଣ୍ଟା, ହେବେ କାସିମାନାଟ୍;

☆ ୧:୧ ୧:୧ ଲୁକ ୧:୧-୪.

୫ ☆ ଇନେକିଦେଂକି ଜହନ୍ ଏସ୍ତ ବାପ୍ତିସିମ୍ ହିତାନ୍ ସତ୍, ମାତର୍ ଅଲପ୍ ଦିନ୍ ବିସ୍ତେ ପୁଇପୁୟା ଜିବୁନ୍ତ ବାପ୍ତିସିମ୍ ଆନାଦେର୍ ।”

ଜିସୁତି ବାଦାଡ୍ତ ଦୁମ୍ନାକା

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୬ ଲାଗିଂ ହେଝାର ରବେ ରୁଣ୍ଡା ଆଜି ହେଝାନିଂ ଗଝାରି କିଦେଙ୍ଗ୍ ଲାଗାତାର୍; “ଏ ମାପୁ, ଏନ୍ ଇନାକା ଇ ସମୁତ ଇସ୍ରାଏଲ୍ କେଇଦ୍ ଆରେରଗ ରାଜିନି ବଜ୍ ହେଲାୟ୍ କିନାୟା ?”

୭ ହେଝାନ୍ ହେଝାରିଂ ଇତାନ୍, “ଇମ୍ଣି ଝିଜୁ କାଡ୍ କି ସମୁ ଆବା ଜାର୍ ଆଦିକାର୍ ତାରେନ୍ ଇଡ୍ତାନ୍ନା ହେଦାଂ ମିଦାଙ୍ଗ୍ ପୁନି ବିସ୍ତେ ଆକାୟ୍ । । ମାତର୍ ପୁଇପୁୟା ଜିବୁନ୍ ମି ଜପି ଜୁଜି ଝାତିସ୍, ଏପେଙ୍ଗ୍ ସାକ୍ତି ପାୟାନାଦେର୍, ଆରେ ଜିରୁସାଲମ୍ ଝିଜୁ ଜିହୁଦା ରାଜି ଆରି ସମିରଣ୍ ଆରେ ପୁତ୍ ନି ହାରିହାରା ହାନ୍ଦି ପାତେକ୍ ପା ନା ସାକି ଆନାଦେର୍ ।” ୯ ☆ହେଝାନ୍ ଇ ଝିଜୁ କାତା ଇତି ପାତେ ହେଝାର୍ ହୁଡ୍ ହୁଡ୍ ହେଝାନ୍ ଜପି ଅୟାତାନ୍, ଆରେ ଅଲପ୍ ବାଦାଡ୍ତ ହେଝାନିଂ ହେଝାର୍ ନଞ୍ଜରତାଂ ଦେହା ଆତାନ୍ ।

୧୦ ଜିସୁ ହାଲୁ ହାଲୁ ହେଝାର୍ ବାଦାଡ୍ ନିପ ମିଟ୍ କିଝାଦାଂ ହୁଡ୍ନାରା, ଇ ଲାକେ ସମୁତ, ହୁଡ୍ଡାଟ୍, ଡିଞ୍ଜିନି ହେହା ଉସ୍ତାତାକାର୍ ରିକାର୍ ଆଣ୍ଡାଙ୍ଗ୍ ହେଝାର୍ ଲାଗାଂ ଇକାଝାତାର୍, ୧୧ ଆରେ ହେଝାର୍ ଇଚାର୍, “ଏ ଗାଲିଲିୟର୍ ଲକୁ, ଇନାକିଦେଂ ଏପେଙ୍ଗ୍ ବାଦାଡ୍ ନିପ ହୁଡ୍ଜି ନିଲ୍ତାଦେଣ୍ଡା ? ଇ ଇମ୍ଣି ଜିସୁ ମିତାଙ୍ଗ୍ ବାଦାଡ୍ତ ଅୟାତାନ୍, ହେଝାନିଂ ଏପେଙ୍ଗ୍ ଇନେସ୍ ବାନି ବାଦାଡ୍ତ ହାନାକା ହୁଡ୍ତାଦେର୍, ହେଝାନ୍ ହେ ଲାକେ ମାଜ୍ଡି ଝାନାନ୍ ।”

ଜିହୁଦାତି ବାହାତ ମାତିଆତି ପୁରାକିନାକା

(ମାତିଉ ୨୭:୩-୧୦)

୧୨ ଇଦାଂ ପାତେ ପକ୍ୟାତାକାର୍ ଜିଡ୍ ଇନି ମାଡିତାଂ ଜିରୁସାଲମ୍ତ ମାସଦି ଝାତାର୍ । ହେ ଜିରୁସାଲମ୍ ଲାଗେ, ର ଜମନିବାର୍ନି ହାଜି ର କିଲମିଟର୍ ଦେହା ମାତାଡ୍ । ୧୩ ☆ହେଝାର୍, ଇତିସ୍ ପିତର୍, ଜହନ୍,

☆ ୧:୫ ୧:୫ ମାତିଉ ୩:୧୧; ମାର୍କ ୧:୮; ଲୁକ ୩:୧୭; ଜହନ୍ ୧:୩୩. ☆ ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧. ☆ ୧:୧୩ ୧:୧୩ ମାତିଉ ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬.

ଜାକୁବ୍, ଆନ୍ଦ୍ରିୟ, ପିଲିପ୍, ତମା, ବାର୍ତ୍ତଲମି, ମାଡିଉ, ଆଲପିତି ମେହି ଜାକୁବ୍, ତିରକାଡ୍ ସିମନ୍ ଆରି ଜାକୁବ୍ତି ମେହି ଜିହୁଦା, ଜିରୁସାଲମ୍ ଗାଡ୍ ବିତ୍ରେ ହଣ୍ଡି, ଇମ୍ଣି ଜପ୍ଣି ବାକ୍ରାତ ହେଝାର୍ ବାହା କିଜି ମାଚାର୍, ହେବେ ହାଚାର୍ । ୧୪ ଇଝାର୍ ଝିଜାର୍ କଗଲୋରାହିଁ ହୁକେ ଆରି ଜିସୁତି ତେହି ମରିୟମ୍ ଆରି ହେଝାର୍ତି ଟଣ୍ଡାର୍ ଲାହାଙ୍ଗ୍ ର ମାନ୍ତ ପାର୍ତାନାତ ଲାଗା ଆଜି ମାଚାର୍ ।

୧୫ ହେ ପାର୍ତାନା ଝେଡାଲିଁ ପିତର ତରଦି ଟଣ୍ଡାର୍ ବିତ୍ରେ ମାଦି ଇଞ୍ଜି ଇଚାନ୍ ହେବେ ଜିସୁ ଆନ୍ମାନ୍ତାଁ ଚକଡି ଜାଣ୍ ରବେ ମାଚାର୍, ୧୬ “ଟଣ୍ଡାର୍, ଆରେ ତଣ୍ଡେକ୍ ଇମ୍ଣି ଇସ୍ପାରିଡ୍ ଜିହୁଦା ଜିସୁଙ୍ଗ୍ ଆହ୍ନି ମାନାୟାରିଁ ହାଜି ଚର୍ଚି ମାଚାନ୍, ହେ ବିସ୍ତେ ପୁଇପୁୟା ଜିବୁନ୍ ପୁର୍ବେତାଁ ଦାଉଦ୍ତି ଝେଇଦାଁ ଇନାକା ଇଞ୍ଜି ମାଚାର୍, ହେ ସାସ୍ତର ବଚନ୍ ପୁରାଦେଁ ଲଡା ମାଚାଡ୍; ୧୭ ଇନାକିଦେଁକି ହେଝାନ୍ ମା ଦଲ୍ଦ ରଝାନ୍ ଇଞ୍ଜି ଗାଣାକିୟାଜି ମାଚାନ୍ ଆରି ହେବା ପାଦ୍ତ ମେହାଆଜି ମାଚାନ୍ ।”

୧୮ ଇ ମାନାୟା ଜିହୁଦା ଅଦାମ୍ ମଲ୍ ହୁକେ ର ବୁମି କଡ୍ଡି ମାଚାନ୍, ଆରେ, ହେଝାନ୍ କାପ୍ଡା ଇଡ୍ଡୟାଜି ଆର୍ତ୍ତଲେ ହେଝାନ୍ତି ପଟ ପାଡ୍ଡାଡ୍ ଆରି ଝାହିଁ ହସି ହାଚିକ୍; ୧୯ ଆରେ, ଇଦାଁ ଜିରୁସାଲମ୍ ଗାଡ୍ଦ ବାହାକିତି ଝିଜାକାର୍ ପୁଚିଲେ ହେ ବୁମି ହେଝାର୍ତି ଜାର୍ ବେରଣତ “ହକଲ୍ଦମା” ଇଚିସ୍ “ନେତେର୍ ବୁମି” ଇଞ୍ଜି ପୁଟାତାଡ୍ ।

୨୦ “ଆରେ ପତିତ ଲେକାମାନାଡ୍,
ହେଝାନ୍ତି ବାହା ମେଲାୟେଡ୍,
ହେବେ ଇନେର୍ ବାହା କିମେନ୍ ।’

ଆରି ହେଝାନ୍ କାମାୟତ ଆରେ ବିନ୍ନିକାନ୍ ପାୟାୟେନ୍ ।’

୨୧ ✧ “ଲାଗିଁ, ମାପୁ ଜିସୁ ଜହନ୍ ହୁକେ ବାପ୍ତିସିମ୍ ଅନି ସମୁତାଁ ଆରମ୍ କିଜି, ମା ଲାଗାଁ ଜପିତାଁ ଅୟାନି ଦିନ୍ ପାତେକ୍ ଏଚେକ୍ ସମୁ ମା ବିତ୍ରେ ବୁଲା ଚାଲା ଆଜି ମାଚାର୍ । ୨୨ ହେ ସମୁ ଇମ୍ଣି ମାନାୟାର୍ ମା ହାଙ୍ଗ୍ଦାକାର୍ ଆଡାଣ୍ଟା, ହେଝାର୍ ବିତ୍ରେତାଁ ଜହନ୍ ବାପ୍ତିସିମ୍ ଅଜି ମା ଲାହାଁ ହେଝାନ୍ତି ଆରେ ନିଁନାକା ସାକି ଆଦେଁ ଲଡା ।”

✧ ୧:୨୧ ୧:୨୧ ମାଡିଉ ୩:୧୬; ମାର୍କ ୧:୯; ଲୁକ ୩:୨୧; ମାର୍କ ୧୬:୧୯; ଲୁକ ୨୪:୪୧.

୨୩ ହେବେ ହେୱାର ରିୟାରିଂ, ଇତିସ୍ ଜସେପ୍ତିଂ, ଇନେରିଂ ବର୍ସବା ଇଞ୍ଜି ଇନାର ଆରି ଇନେରତ୍ କୁକ୍ନି ତର ଜୁସ୍ତ, ଆରି ମତିୟ ବିନେ ତର ହିତାର୍, ୨୪ ଇ ପାର୍ତାନା କିତାର୍, “ମାପୁ ସବୁ ଲକାରତି ଚିନ୍ତା ପୁନି ମାପୁ ଇ ରିୟାର ବିତ୍ରେତାଂ ମି ହୁକେ ଇନେର୍ ବାଟି କିୟାତାନ୍ ମାଲୋଙ୍ଗ୍ ଝେର୍ଚାଟ୍, ୨୫ ଇ ମାନାୟ୍, ଜିହୁଦାତି ବାହାତ ପକ୍ୟାତି ହେବା ପାଦ୍ କାମାୟ୍ କିନାନ୍ ।” ୨୬ ଆରେ, ହେୱାର୍ ହେ ରିୟାର୍ କାଜିଂ ଦରମ୍ଗୁଲି କିତାର୍, ଆରେ ମତିୟ୍ ତରଦ୍ ଦରମ୍ଗୁଲି ନିଂତାଡ୍; ହେବେ ହେୱାନ୍ ଏଗାର୍ ଜାଣ୍ ପକ୍ୟାତାକାର୍ ଲାହାଂ ମିହାତାନ୍ ।

୨

ପୁଇପୁୟା ଜିବୁନ୍ତି ଜୁଦ୍ନାକା

୯ ଜିହୁଦ୍‌ରତି ପେଣ୍ଟିକସ୍ ପାର୍ଟୁ ଦିନ୍ ଏକାୱାତିଲେ, ଝିଜାର୍ ର ବାହାତ ରୁଣ୍ଡାଜି ମାତାର୍ । ୨ ଆରେ, ହାଚାଗ୍ରେ ବେସି ଦୁକାନି ଗାର୍ଜାନ୍ ଲାକେ ର ଗାର୍ଜାନ୍ ହାଚାଗ୍ରେ ବାଦାଡ୍‌ତାଂ ୱାଜି. ଇମ୍‌ଣି ଇଞ୍ଜି ହେୱାର୍ କୁଚ୍‌ଚି ମାତାର୍, ହେ ଇଲ୍‌ନି ଝିଜେନିପ ମେଙ୍ଗ୍‌ତାଡ୍, ୩ ଆରେ ନାଣି ଲାକେ ଝେନ୍‌ଲିଂ ହେୱାର୍‌ତି ନଞ୍ଜର୍ ଆଜି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେୱାର୍‌ତି ଝିଜାରିଂ ଜପିତାଂ ତୁତାଡ୍ । ୪ ହେବେ ଝିଜାକାର୍ ପୁଇପୁୟା ଜିବୁନ୍ତି ବାତ୍ ଆତାର୍, ଆରେ ଜିବୁନ୍ ହେୱାରିଂ ଇନେସ୍ ଇଞ୍ଜେଙ୍ଗ୍ ସାଲ୍ଟି ହିତାଡ୍, ହେ ଲାକେ ହେୱାର୍ ବିନ୍ ବିନ୍ ବେରଣ୍ଡ କାତା ଇଞ୍ଜେଙ୍ଗ୍ ଲାଗାତାର୍ ।

୫ ଇ ସମୁତ ପେଣ୍ଟିକସ୍ ପାର୍ଟୁ ପାଲି କିନି ଉଦେସ୍‌ତ ବାଦାଡ୍ ତାରେନ୍ ମାନି ସବୁ ଜାତିତାଂ ପୁଜାରିର୍ ଜିହୁଦ୍‌ର୍ ୱାଜି ଜିରୁସାଲମ୍‌ତ ବାହା କିଜି ମାତାର୍; ୬ ଆରେ, ହେ ଗାର୍ଜାନ୍ ଝେଟିଲେ, ହେନି ଲକୁ ରୁଣ୍ଡା ଆଜି କ୍ରିସ୍‌ଟ୍ ପାତ୍ କିନାକାର୍ ଜାଣ୍‌କେ ଜାର୍ ଜାର୍ ବେରଣ୍ଡ ହେୱାରିଂ କାତା ଇନାକା ଝେନ୍‌ଞ୍ଜି କାବା ଆତାର୍ । ୭ ଆରେ, “ହେୱାର୍ କାବା ଆରି ବକ୍‌ୱା ଆଜି ଇଞ୍ଜେଙ୍ଗ୍ ଲାଗାତାର୍, ହୁଡାଟ୍, ଇ ଇମ୍‌ଣି ମାନାୟାର୍ କାତା ଇନାରା, ହେୱାର୍ ଝିଜାର୍ ଇନାକା ଗାଲିଲିୟର୍ ଆକାୟ୍ ? ୮ ୱାଟିଙ୍ଗ୍, ଆସେଙ୍ଗ୍ ଇନେସ୍ ଜାଣ୍‌କେ ଇନାକା ଜାର୍ ଜାର୍ ବାସା ବେରଣ୍ଡ କାତା ଝେନାସା ? ୯ ପାତ୍‌ୟା, ମାଦିୟା ଆରି ଏଲାମି, ଆରେ ମେସପଟାମିଆ, ଜିହୁଦା ଦେସ୍ ଆରି କାସ୍ତାଦକିଆ,

ପନ୍ଥ ଆରି ଆସିଆ, ^{୧୦} ପୁଗିଆ ଆରି ପଂପୁଲିଆ, ମିସର୍ ଆରି କୁରିଣି
ଲାଗେନି ଲିବିଆ ନିପନି ଲକୁ, ଆରି ରମ୍ତାଂ ଝାଜି ମାନି ଜିହୁଦି
ଆରି ଜିହୁଦି ଦରମକିନାକାର୍, ^{୧୧} ଆରେ କ୍ରିତିୟ ଆରି ଆରବିୟ ଲକୁ
ଜେ ଆସେଙ୍ଗ୍, ଆସେଙ୍ଗ୍ ଜାର୍ ଜାର୍ ବାସାତ ଜିହୁଦିରିଂ ଇସ୍ବରତି
ଗାଜା ଗାଜା ସାକ୍ତି କାମାୟ୍ନି କାତା ଇନାକା ଝେନାସା ।” ^{୧୨} ଆରେ,
ଝିଜାକାର୍ କାବା ଆରି ବୁଦିବାଣା ଆଜି ହାରି ଇଞ୍ଜେଙ୍ଗ୍ ଲାଗାତାର୍,
“ଇଦାଂ ଅରତ୍ ଇଚିସ୍ ଇନାକା ?”

^{୧୩} ମାତର୍ ବିନ୍ଲଗୁ ପାତର୍ କିନାକାରିଂ ଗ୍ଲୁଜି ଇଚାର୍, “ଇଝେର୍
ପୁନି ଅଙ୍ଗୁର୍ ରାସ୍ତ ହର୍ଚାଣ୍ଟା ।”

ପିତରୁତି ପର୍ଚାର୍

^{୧୪} ମାତର୍ ପିତର୍ ଏଗାର୍ ଜାଣ୍ ହୁକେ ଇଞ୍ଜ ଗାଜା କାଟ୍ତାଂ
ହେଝାର୍ ତାକେ ଇଞ୍ଜି ଇଚାନ୍, ଏ ଜିହୁଦିର୍ ଲଗୁ ଆରି ଜିରୁସାଲମ୍ନି
ଝିଜାକାଦେର୍, ଏପେଙ୍ଗ୍ ଇଦାଂ ପୁନାର୍ ଆରି ନା ବଚନ୍ ଝେନାର୍
। ଆନ୍ ଇ ବିସ୍ତେ ବୁଜାୟ୍ କିଦନାଙ୍ । ^{୧୫} ଇନାକିଦେଂକି ଏପେଙ୍ଗ୍
ଇନେସ୍ ବାବି କିନାଦେରା, ଇଝାର୍ ହେ ଲାକେ ହର୍ଝାତାଣ୍ଟା, ଲାଗିଂ
ନଙ୍ଗ୍ ସମ୍ପୁ ନାଡ଼ିହିଂ ନଅ ଗଣ୍ଟା ମତର୍ । ^{୧୬} ମାତର୍ ଜୟେଲ୍ ଇଞ୍ଜି
ମାଚାନ୍, ବେଶ୍‌ବାକ୍‌ଶାୟ୍‌କିନାକାର୍ ତାଙ୍ଗ୍ ଇନାକା ଲେକାମାନାଡ଼,
ଇଦାଂ ହେ ବିସ୍ତେ ।

^{୧୭} “ଇସ୍ବର୍ ଇନାନ୍,

ସେସ୍ କାଡ଼୍ ଏଲେଙ୍ଗ୍ କିନାଙ୍,
ଆନ୍ ଝିଜାର୍ ଜପି ନା ଜିବୁନ୍ ବେସି ବାବ୍ରେ ହିନାଙ୍,
ହେବେ ମି ହିମଣା ଝାକ୍ତାର୍ ବେଶ୍‌ବାକ୍‌ଶାୟ୍‌କିନାକାନ୍,
ଆରେ ମି ଦାଙ୍ଗ୍‌ଶାର୍ ହୁଡ଼ନାର୍,
ଆରେ ମି ପ୍ରାଚିନାର୍ କ୍ଳେଞ୍ଜନାର୍,

^{୧୮} ଆଁ, ହେ କାଡ଼୍ ଆସେଙ୍ଗ୍ ଆଡ଼ିୟାଣି,

ଆଣ୍ଟାଙ୍ଗ୍ ଆରି କଗ୍‌ଲେହିମଣାଂ,

ଜପି ଜାର୍ ଜିବୁନ୍ ହିନାଙ୍, ହେବେ ହେଝାର୍

ବେଶ୍‌ବାକ୍‌ଶାୟ୍‌କିନାକାର୍ ।

^{୧୯} ଆସେଙ୍ଗ୍ ଜପିନି ବାଦାଡ଼୍‌ତ ବାର୍‌ବିନ୍ କାବାନି କାମାୟ୍,

ଆରେ ତାରେନ୍ନି ପୁତର୍ ବାର୍‌ବିନ୍ ଚିନ୍କୁ, ନେତେର୍,

ନାଣି ଆରି ବେସି କଦା ଚଚ୍ଚତାନାୟ ।

୨୦ ମାପୁତି ସିଗ୍ ଆରି ଜାଜ୍‌ମାଲ୍‌ନି ଦିନ୍
ଝାନି ଆଗେ, ଝେଡ଼ା ମାଜ୍‌ଗା ଆନାଡ଼,
ଆରି ଲେଞ୍ଜ୍ ନେତେର୍ ଆନାଡ଼ ।

୨୧ ଆରେ, ଏଲେଙ୍ଗ୍ ଗିଟାନାଡ଼ ଜେ,

ଇନେର୍ ମାପୁତି ତର୍ଦ୍ଦ ପାର୍ତ୍ତାନା କିନାନ୍, ହେଝାର ରାକ୍ୟା ପାୟା
ଆନାନ୍ ।”

୨୨ “ଏ ଇସ୍ରାଏଲିୟନି ଲକୁ, ଇ ଝିଜୁ କାତା ଝେନାଟ୍ । ନାଜରିତ୍‌ୟ
ଜିସୁ ବାର୍‌ବିନ୍ ସାଲ୍‌ନି କାମାୟ, କାବାନି କାମାୟ ଆରି ତିନ୍‌କୁ
ହୁକେ ମି ଲାହା° ଇସ୍‌ବର୍‌ତି ପକ୍ୟାତି ମୁଣିକା ଇଞ୍ଜି ପାର୍ମାଣ୍ ଆତାନ୍ନା,
ହେଝାନତା° ଇସ୍‌ବର୍ ଜେ ମିଲେଙ୍ଗ୍ ପା ଇ ଝିଜୁ କାମାୟ କିତାନ୍‌ନା,
ଇଦା° ଏପେଙ୍ଗ୍ ଇଦା° ପୁନାଟ୍ ଇନାକିଦେ°କି ମି ବିତ୍ରେ ଇ ଝିଜୁ
ଗର୍‌ଶା ବାତ୍ ଆତାଡ଼ନ୍ନା” ୨୩ ☆ଇସ୍‌ବର୍ ତା ଉପାୟ ଇସାବ୍ରେ ଜିସୁ°
ମି କେଇଦ ହେଲାୟ କିନି କାଜି° ତିର୍ କିଜି ମାତାନ୍ ଆରେ ଏପେଙ୍ଗ୍
ତାଲେଙ୍ଗ୍ ଅଦାମ୍ ହୁକେ କୁରୁସ୍‌ତ ଦୁପ୍‌ତି ଅସ୍ତି ମାତାଦେର୍;
୨୪ ☆ମାତର୍ ଇସ୍‌ବର୍ ହାକିତା° ମୁକ୍‌ତାୟ କିଜି ଇସ୍‌ବର୍ ହେଝାନି°
ନିକ୍‌ତାନ୍ନା, ଇନାକିଦେ°କି ହେଝାନ ଜେ ହାକିତା° ଗାଟ୍‌ୟାନାନ୍ ହେଦା°
ମୁଡ଼େଆକାୟ । ୨୫ ଦାଉଦ୍ ତ ହେଝାନ୍ତ ବିସ୍ତେ ଇଚାନ୍ନା,
“ନା ମୁମ୍‌ଦ ନିତ୍ରେ ମାପୁଙ୍ଗ୍ ହୁଡ଼ତା°, ଇନାକିଦେ°କି ଆନ୍ ଇନେସ୍ ବିପ୍ତି
ଆମେଙ୍ଗ୍,

ହେଦା° କାଜି° ହେଝାନ୍ ନା ବୁଜ୍‌ଣି ପାଡ଼କାତ ମାନାନ୍ ।”

୨୬ ଲାଗି° ନା ମାତ୍ର ଝାରି,

ଆରି ନା ଝେୟୁଲ୍ ସାର୍ଦା ଆତାଡ଼,

“ଆରେ ନା ଗାଗାଡ଼ ପା ବାସ୍‌ତ ବାହା କିନାଡ଼,

ନା ବାସ୍‌ତ ବାହା କିନାଡ଼ ।

୨୭ ଇନାକିଦେ°କି ଏନ୍ ନା ଝାସ୍‌ତି° ପାତାଲ୍‌ତ ପିସ୍‌ୟୁ,

କି ଜାର୍ ପୁଲ୍‌ପୁୟା ହେବାକାରିୟା° ଜିରା ଆଦେ° ହିଉୟ ।

୨୮ ଏନ୍‌ନାଙ୍ଗ୍ ଜିବୁନ୍‌ନି ହାଜି ଚଚ୍ଚତାୟନା, ଏନ୍ ଲାଗେ ମାନାକା

☆ ୨:୨୩ ୨:୨୩ ମାତିଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହନ୍ ୧୯:୧୮. ☆ ୨:୨୪
୨:୨୪ ମାତିଉ ୨୮:୫,୬; ମାର୍କ ୧୭:୬; ଲୁକ ୨୪:୫.

ଏନ୍ ଜାର୍ ଲାଗେ ନାଂ ଖାରିତ ବାତ୍ କିଦ୍‌ନାୟ ।”

୨୯ “ଏ ଇସ୍ରାଏଲ୍ ଟଣ୍ଡାର୍ ଆରି ତଣ୍‌ଦେକ୍, ଆବା ଲାତ୍ରା ମୁଣିକା ଦାଉଦ୍‌ତି ବିସ୍ତେ ଆନ୍ ମିଙ୍ଗେଙ୍ଗ୍ ପୁର୍ତ୍ତେ ଇଞ୍ଜେଙ୍ଗ୍ ଆଡ୍‌ନାଂ ଜେ, ହେଝାନ୍ ହାତାନ୍, ଆରେ ଦୁଗେର୍ ପାୟାତାନ୍, ଆରେ ହେଝାନ୍ତି ଦୁଗେର୍ ନେଞ୍ଜେଙ୍ଗ୍ ପାତେକ୍ ମା ବିତ୍ରେ ମାନାଟ୍ ।” ୩୦ ରାଜା ଦାଉଦ୍ ରଝାନ୍ ବେଣ୍‌ବାକ୍‌ଶାୟକିନାକାର୍ ବାବ୍ରେ ହେଝାନ୍ତି ନେତେରତାଂ ଗାଟାତି ରଝାନ୍ ହେଝାନ୍ତି ଗାଦିତ ରାଜା କିଜି କୁଚି କିନି କାଜିଂ ଇସ୍ବର୍ ହେଝାନ୍ତି ପାର୍ମାଣ୍ କିଜି ମାତାନ୍ ଇଞ୍ଜି ପୁନ୍‌ଞ୍ଜି ମାତାନ୍, ୩୧ ଇଦାଂ ପୁଚିଲେ ହେଝାନ୍

ଆଗେନିକା କେଞ୍ଜନାକା ହୁକେ କ୍ରିସ୍ତତି ଆରେ ନିଂନାକା ବିସ୍ତେ ଇଚାନ୍, ଇନାକିଦେଂକି ହେଝାନ୍ ପାତାଲ୍‌ତ ତୁହିକିୟା ଆଝାତାନ୍, କି ହେଝାନ୍ତି ଗାଗାଡ୍ କି ଗାଗାଡ୍‌ତ ଜିରା ଆଝାତାନ୍ ।

୩୨ ଇ ଜିସ୍ତତି ଇସ୍ବର୍ ନିକ୍‌ତାନ୍ନା, ହେ ବିସ୍ତେ ଆସେଙ୍ଗ୍ ଝିଜାକାସ୍ ସାକି । ୩୩ ଜିସ୍ତ ତା ଆବା ଇସ୍ବର୍‌ତି ବୁଜ୍‌ଣି ବାଗାଙ୍ଗ୍ ଆରେ ନିଙ୍ଗ୍‌ତାନ୍ନା, ଆରି ଆବାତି ପାର୍ମାଣ୍ ଇସାବ୍ରେ ହେଝାନ୍ତାଂ ପୁଇପୁୟା ଜିବୁନ୍ ପାୟାତାନ୍ନା, ଏପେଙ୍ଗ୍ ନଙ୍ଗ୍‌ୟ ହୁଡ୍‌ନାଦେରା ଆରି ଝେନାଦେରା ହେଦାଂ ତା ଦାନ୍ । ୩୪ ଇନାକିଦେଂକି ଦାଉଦ୍ ନିଜେ ବାଦାଡ୍‌ତ ଦୁମ୍‌ଝାଦାଂ ମାତାନ୍,

ମତର୍ ହେଝାନ୍ ନିଜେ ଇନାନ୍ନା,
ମାପୁ ନା “ମାପୁଙ୍ଗ୍ ଇଚାନ୍,

୩୫ ଆନ୍ ଇମ୍‌ଣି ପାତେକ୍ ମି ସାତୁରିଂ ମି ପାନା ତାରେନ୍ ଇଟ୍‌ଝାତାପ୍‌ନା,

ହେ ପାତେକ୍ ମା ବୁଜ୍‌ଣିତ କୁଚି ମାନାଟ୍ ।”

୩୬ “ଲାଗିଂ, ଝିଜୁ ଇସ୍ରାଏଲ୍ ପୁନେର୍ ଜେ, ଇମ୍‌ଣି ଜିସ୍ତୁଙ୍ଗ୍ ଏପେଙ୍ଗ୍ କୁସ୍‌ତ ଅସ୍ତାଦେର୍, ହେଝାନ୍ତିଂ ଇସ୍ବର୍, ମାପୁ ଆରି କ୍ରିସ୍ତ୍ ରି ପାଦ୍‌ତ ବାଟିକିତାନ୍ନା ।”

୩୭ ଇ କାତା ଝେନଞ୍ଜି ହେଝାନ୍ତି ମାନ୍ତ ରାସ୍ ଆଜି ହାଗାଟ୍, ଆରେ ହେଝାନ୍ ପିତର୍ ଆରି ବାକି ପକ୍ୟାତାକାର୍‌ରିଂ ଇଚାର୍, “ଟଣ୍ଡାର୍, ଆସେଙ୍ଗ୍ ଇନାକା କିନାସ୍ ?”

୩୮ ହେବେ ପିତର୍ ହେଝାରିଂ ଇଚାନ୍, “ଏପେଙ୍ଗ୍ ମାନ୍‌ବାଦ୍‌ଲାୟ୍ କିୟାଟ୍, ଆରେ ଜାର୍ ଜାର୍ ପାପ୍ କେମା କାଜିଂ ସବୁଜାଣ୍ ଜିସ୍ତ କ୍ରିସ୍ତତି

ତରଦ ବାପ୍ତିସିମ୍ ଆଡୁ; ତା ଆଡିସ୍ ଏପେଙ୍ ପୁଇପୁୟା ଜିରୁନ୍ତି ଦାନ ପାୟାନାଦେର୍ । ୩୯ ଇନାକିଦେଂକି ଇ ଇସ୍ପୁର୍ତି ପାର୍ମାଣ୍ ମି କାଜିଂ, ମି ହିମ୍‌ଶାଞ୍ଜାକ୍‌ଡା କାଜିଂ, ଆରେ ଇସ୍ପୁର୍ତି କୁକ୍ୟାତି ଦେହା ଦେହାତାଂ ମାନି ଏତେକ୍ ମାନାୟାରିଂ ମାପୁ ମା ଇସ୍ପୁର୍ ତା ତାକେ କୁକ୍‌ତାନାନ୍, ହେ ଝିଜାକାର୍ କାଜିଂ ଆନାଡୁ ।”

୪୦ ଆରି ବିନ୍‌ବିନ୍ ବେସି କାତା ହୁକେ ସାକି ହିଦେଂ ଲାଗାତାନ୍ ଆରି ହେଞ୍ଜାରିଂ ଉପଦେସ୍ ହିଜି ଇଚାନ୍, “ଇ ଇଲ୍ ଲାତ୍ରାତାଂ ଏପେଙ୍ ରାକ୍ୟା ପାୟା ଆଡୁ ।” ୪୧ ହେବେ ଇମ୍‌ଶାକାର୍ ହେଞ୍ଜାନ୍ତି ବଚନ୍ ଝାସ୍ତିତ ଇଡ୍‌ତାର୍, ହେଞ୍ଜାର୍ ବାପ୍ତିସିମ୍ ଅତାର୍, ଆରେ ହେ ଦିନ୍ ଆନାର୍ କିନ୍ଦା ତିନ୍‌ହାଜାର୍ ଲକୁ ଦଲ୍ ହୁକେ ମେହା ଆତାର୍ । ୪୨ ହେଞ୍ଜାର୍ ପକ୍ୟାତାକାର୍ ହିକ୍ୟା ମେହାବିଡାତ, ରୁଟି ତ୍ରିକ୍‌ନିତ ଆରି ପାର୍ତାନାତ ର ମାନ୍ ଆଜି ମାଚାର୍ ।

ପାତର୍ କିନାକାତର୍ ନିତ୍ରେନି ଜିରୁନ୍

୪୩ ଆରେ, ଲକୁ କାବାନି କାମାୟ ପାଶ୍ତାଦେଂ ଲାଗାତାର୍, ପକ୍ୟାତାକାର୍ ହୁଦାଂ ପା ଆଦେକ୍ କାବା କାମାୟ ଆରି ତିନ୍‌କୁ ଆଦେଂ ଲାଗାତାଡୁ । ୪୪ ମତର ଇମ୍‌ଶାକାର୍ ପାତର୍ କିତାର୍, ହେଞ୍ଜାର୍ ହାରିତିଂ ଝିଜାକାର୍ ରବେ ମାନ୍‌ଞ୍ଜି ସରୁ ଜିନିସ୍ ସିଦାସାଦା ସମ୍ପତି ଇଞ୍ଜି ଗିୟାଣ୍ କିଜି ମାଚାର୍ । ୪୫ ଆରେ ହେଞ୍ଜାର୍ ଜାର୍ ଜାର୍ ସମ୍ପତି ପ୍ରହି, ଇନେର୍ତର୍ ଇନେସ୍ ଲଡା, ହେ ଲାକେ ଝିଜାକାରିଂ ପାସ୍‌ପିସ୍ ହିଦେଂ ଲାଗାତାର୍ । ୪୬ ଆରେ, ହେଞ୍ଜାର୍ ର ମାନ୍ ଆଜି ନିତ୍ରେ ମନ୍ଦିରତ ମେହାଜି ମାଚାର୍ ଇଲ୍‌କୁ ଇଲ୍‌କୁ ରୁଟି ତ୍ରିକ୍‌ତି ଝାରିତାଂ ଆରି ହୁଦାର୍ ମାନ୍ତ ତିନାଉଶା କିଜି ୪୭ ଇସ୍ପୁର୍ତିଂ ଦନ୍‌ସବାଦ୍ କିଜି ମାଚାର୍ ଆରି ଝିଜାକାର୍ ମାନାୟାର୍ତି ଲାଡୁ ଆଜି ମାଚାର୍ । ଆରେ, ମାପୁ ରାକ୍ୟା ଗାଟାତି ଲକାଂ ନିତ୍ରେ ମଣ୍ଡଲି ଦଲ୍ ହୁକେ ପାତର୍ ମେହାୟ କିଦେଙ୍ ଲାଗାତାର୍ ।

୩

ପିତର୍ ରଞ୍ଜାନିଂ ଚଟା ବିକାରିଂ ଉଜ୍ କିତାନ୍

☆ ୨:୪୪ ୨:୪୪ ପକ୍ୟାତାକା ୪:୩୨-୩୫.

୧ ଦିନେକ ପାର୍ତ୍ତାନାନି ସମାନ୍ ସମୁତ, ଇତିସ୍ ମିକାହାରେସ୍ ତିନ୍ ଗଣ୍ଡା ଖେଡାଲିଂ, ପିତର୍ ଆରି ଜହନ୍ ମନ୍ଦିରତ ହାଲ୍ଲି ମାଚାର । ୨ ଏଲେଙ୍ଗ୍ ଖେଡାଲିଂ ଜଲମତାଂ ଚଟା ରଞ୍ଜାନ୍ ମାନାୟ୍ ପିଣ୍ଡିୟା ଆଜି ହାଲ୍ଲି ମାଚାନ୍, ମନ୍ଦିରତ ହଣାକାର ମାନାୟାରତାଂ ବିକ୍ୟା ଏନ୍ନି କାଜିଂ ଲକୁ ହେଞ୍ଜାନିଂ ନିତ୍ରେ ହେବେ ହଲ୍ଲି ତର୍ ନି ଦୁଞ୍ଜେରତ ଇଡ଼ବିସ୍ ମାଚାର । ୩ ହେଞ୍ଜାନ୍ ପିତର୍ ଆରି ଜହନ୍ତିଂ ମନ୍ଦିରତ ହଣ୍ଡେଙ୍ଗ୍ ହାନିହିଂ ହୁଡ଼ଜି ଗଞ୍ଜାରି କିଜି ବିକ୍ ଏନ୍ତେଙ୍ଗ୍ ଲାଗାତାନ୍ । ୪ ପିତର୍ ଆରି ଜହନ୍ତାଙ୍ଗ୍ ର ଲୟାତ ହୁଡ଼ତାର, ଆରେ ପିତର୍ ଇଚାନ୍, “ମା ନିପ ହୁଡ଼ଦା ।” ୫ ହେବେ ହେଞ୍ଜାନ୍ ହେଞ୍ଜାର୍ ତାଙ୍ଗ୍ ଅଲପ୍ ଗାଟାନି ଆହାତ ହେଞ୍ଜାର୍ ନିପ ହୁଡ଼ଜି ମାଚାନ୍ । ୬ ମତର୍ ପିତର୍ ଇଚାନ୍, “ରୁପା କି ହନା ନାଦାଂ ହିଲ୍ଲୁଡ଼, ମତର୍ ନାଦାଂ ଇନାକା ମାନାଡ଼, ହେଦାଂ ଆନ୍ ନିଂ ହିଦ୍ନାଙ୍ଗା, ନାଜରିତିୟ୍ ଜିସୁ କ୍ରିସ୍ଟି ତର୍ଦ୍ଦ ତାଙ୍ଗା ।” ୭ ଆରେ, ହେଞ୍ଜାନ୍ ତା ତିନା କେଇ ଆସ୍ତି ହେଞ୍ଜାନିଂ ନିକ୍ତାନ୍, ହେବେଶ୍ଟାଂ ଦାପ୍ରେ ହେଞ୍ଜାନ୍ତି ପାନା ଆରି କାଲ୍ଲିନି ଗାଟିଂ ସବୁ ବାଡ଼କାସ୍ ଆତାନ୍, ୮ ହେଞ୍ଜାନ୍ ତଗ୍ଜି ନିଲ୍ତାନ୍, ଆରେ, ତାଙ୍ଗ୍ଦେଂ ଲାଗାତାନ୍, ଆରେ ହେଞ୍ଜାନ୍ ତାଙ୍ଗୁ ତାଙ୍ଗୁ ଆରି ତଗ୍ଜି ତଗ୍ଜି, ଆରେ ଇସ୍ପର୍ତିଂ ପାର୍ତ୍ତାନା କିଉ କିଉ ହେଞ୍ଜାର୍ ହୁକେ ମନ୍ଦିରତ ହଚାନ୍ । ୯ ହେବେ ମାନି ମାନାୟାର୍ ଝିଜାକାର୍ ହେଞ୍ଜାନିଂ ତାଂନାକା ଆରି ଇସ୍ପର୍ତିଂ ଜୁଞ୍ଜାର୍ କିନାକା ହୁଡ଼ତାର୍; ୧୦ ଆରେ ଇମ୍ପଣି ରଞ୍ଜାନ୍ ମନ୍ଦିରନି ହଲ୍ଲିନି ଦୁଞ୍ଜେର୍ ଲାଗେ କୁଡ଼ି ବିକ୍ ଏନ୍ତି ମାଚାନ୍, ଇଞ୍ଜାନ୍ ହେ ଲକୁ ଇଞ୍ଜି ହେଞ୍ଜାର୍ ତିନକିତାର୍, ଆରେ ତାଙ୍ଗ୍ ଇନାକା ଗିଟାତାନ୍ନା, ହେଦାଂ ହୁଡ଼ଜି ହେଞ୍ଜାର୍ ବେସି ବକ୍ଞା ଆରି କାବା ଆଜି ହାଚାର ।

ଉପାସ୍ ମନ୍ଦିରତ ପିତର୍ତି ପର୍ଚାର୍

୧୧ ହେଞ୍ଜାନ୍ ପିତର୍ ଆରି ଜହନ୍ତିଂ ଆସ୍ତି ମାନି ଖେଡାଲିଂ ଲକୁ ଝିଜାକାର୍ ବେସି କାବା ଆଜି ସଲମନ୍ତି ମଣ୍ଡମ୍ତ ହୁଡ଼ଜି ହେଞ୍ଜାର୍ତି ଲାଗେ ରଚେ ହନ୍ତି ଝାତାର୍ । ୧୨ ପିତର୍ ହେଦାଂ ହୁଡ଼ଜି ମାନାୟାର୍ ଉତର୍ ହିତାନ୍, “ଏ ଇସ୍ରାଏଲିୟର୍ ଲକୁ, ଏପେଙ୍ଗ୍ ଇନେକିଦେଂ ଇ ମାନାୟ୍ ବିସ୍ତେ କାବା ଆନାଦେରା ? କି ଆସେଙ୍ଗ୍ ଇନେସ୍ ଜାର୍ ସାଲ୍ଲି କି ଲବାୟ୍ ବାଡ଼କାସ୍ତାଂ ଇଞ୍ଜାନିଂ ତାଂଦେଂ ସାଲ୍ଲି ହିତାପ୍ନା, ହେଦାଂ ବାବି କିଜି ମା କାଜିଂ ଇନେକିଦେଂ ମାପ ହୁଡ଼ଦାନାଦେରା ?

୧୩ ଅଭାହାମ୍, ଇସହାକ୍ ଆରି ଜାକୁବ୍ତି ଇସ୍ବର, ମା” ରୁତାତ ଇସ୍ବର, ଜାର୍ ଆଡ଼ିଏନ୍ ଜିସୁଙ୍କ୍ ଝିଜ୍ଝି ଜାଜ୍ମାଲ୍ କିତାନ୍ନା; ମାତର୍ ଏପେଙ୍ଗ୍ ହେଝାନିଂ ମୁଡ୍, ତାକେ ହେଲ୍ଲାୟ୍ କିନାଦେର୍ । ଏଲେଙ୍ଗ୍ କି ବିଚାର୍ କାରୟା ହେଝାନିଂ ମୁକ୍ତି କିଦେଙ୍ଗ୍ ତିର୍ କିଜି ମାଚାନ୍ ପା ହେଝାନିଂ ପିଲାତ ମୁମ୍ଦ ପାତ କିଝାତାଦେର୍ । ୧୪ ଏପେଙ୍ଗ୍ ହେ ପୁଇପୁୟା ଆରି ଦାମ୍ ଲଗାଂ ପାତ କିନାଦେର୍, ଆରେ ରଝାନ୍ ନାର୍ମାରୁଙ୍ଗ୍ ଇନେସ୍ ମି କାଜିଂ କେମା କିୟାନାଡ୍, ଇଦାଂ ପାର୍ତାନା କିତାଦେର୍, ୧୫ ମାତର୍ ଜିରୁନ୍ନି ହାଜି ତର୍ନାକାନିଂ ଅସ୍ବାର୍, ହେଝାନିଂ ଇସ୍ବର ହାତାକାର୍ ବିତ୍ରେ ନିକ୍ତାନ୍ନା, ଆପେଂ ହେବେନି ସାକି । ୧୬ ଆରେ, ହେଝାନ୍ତି ତର୍ଦ ପାତ କିତିଲେ ଇ ଇମ୍ଣି ମାନାୟ୍ତିଂ ଏପେଙ୍ଗ୍ ହୁଡ୍ନାଦେରା ଆରି ପୁଚାଦେଣ୍ଣା, ଇଝାନିଂ ଜିସୁ ତର୍ଦ ବାଡ଼କାସ୍ କିତାନ୍ନା; ଆଁ, ହେଝାନ୍ତି ହୁଦାଂ ହିଡ୍ତି ପାତ ମି ଝିଜାକାର୍ ମୁମ୍ଦ ଇଝାନିଂ ପୁରା ଉଜ୍ କିତାନ୍ନା ।

୧୭ “ଆରେ ନଙ୍ଗ୍, ଏ ଇସ୍ରାଏଲ୍ ଟଣ୍ଡାର୍ ଆରି ତଣ୍ଡେକ୍, ମି ମୁଣିକାର୍ ଇନେସ୍, ଏପେଙ୍ଗ୍ ପା ହେ ଲାକେ ଗିୟାନ୍ହିଲ୍ଝି କାଜିଂ ଇଦାଂ କିତାଦେଣ୍ଣା ଇଞ୍ଜି ଆନ୍ ପୁନାଙ୍ଗ୍ । ୧୮ ମାତର୍ ଇସ୍ବର ଜାର୍ କ୍ରିସ୍ଟ ଦୁକ୍ବଗ୍ ବିସ୍ତେ ଝିଜାକାର୍ ବେଣ୍ଟବାକ୍ଣାୟ୍କିନାକାର୍ ଝେଇଦାଂ ଇନା ଇନାକା ପୁର୍ବେତାଂ ସୁଣାୟ୍ କିଜି ମାଚାର୍, ହେ ସବୁ ହେଝାନ୍ ଇ ବାନି ପୁରା କିତାନ୍ନା । ୧୯ ଲାଗିଂ, ଇନେସ୍ ମିଦାଂ ପାପ୍ କେମା ଆନାଡ୍, ଇଦାଂ କାଜିଂ ମାନ୍ବାଦ୍ଲୟ୍ କିଜି ଇସ୍ବର ନିପ୍ ମାଜ୍ଡି ଝାଡ୍, ୨୦ ତା ଆତିସ୍ ମାପୁତି ଲାଗାଂ ସୁସ୍ତାନି ସମ୍ ଇକାଝାନାଡ୍; ଆରେ, ମି କାଜିଂ ଆରେନିଂତି କ୍ରିସ୍ଟୁଙ୍ଗ୍, ଇତିସ୍ ଜିସୁଙ୍କ୍ ହେଝାନ୍ ପକ୍ଲାନାନ୍ । ୨୧ ଝିଜୁ ବିସ୍ତେ ଆରେ କିଦେଙ୍ଗ୍ ଇମ୍ଣି ସମ୍ମୁନି କାତା ବେସି ପ୍ଲାଡ୍ନିକାଡ୍ଦାଂ ଇସ୍ବର ଜାର୍ ପୁଇପୁୟା ବେଣ୍ଟବାକ୍ଣାୟ୍କିନାକାର୍ ଝେଇ ହୁଦାଂ ଝେଟ୍ଟାନ୍ନା, ହେ ସମ୍ ଏକାଝାଝି ପାତେକ୍ ହେଝାନିଂ ହାତେ ବାଦାଡ୍ଡ ଇଟ୍ୟା ଆଦେଂ ଆନାଡ୍ । ୨୨ ଇ ବିସ୍ତେ ମସା ଇଞ୍ଜି ମାଚାନ୍, ମି ମାପୁ ଇସ୍ବର ମିଙ୍ଗେଙ୍ଗ୍ ଟଣ୍ଡାର୍ ବିତ୍ରେ ନା ଲାକେ ରଝାନ୍ ବେଣ୍ଟବାକ୍ଣାୟ୍କିନାକାର୍ ପକ୍ଲାନାନ୍ । ହେଝାନ୍ ଜାର୍ ମାନାୟ୍ରିଂ ବିତ୍ରେତାଂ ରଝାନ୍ ଆନାନ୍ ହେଝାନ୍ ମିଙ୍ଗ୍ ଇନାକା ଝେଟ୍ଟାନ୍ନା, ହେ

ସବୁ ବିସ୍ତେ ଏପେଙ୍ଗ ପାଲି କିନି ଲଡ଼ା । ୨୩ ମାତର ଏଲେଙ୍ଗ ଗିଟାନାଡ଼
 ଜେ, ଇମଣି ଖାସ୍ତି ହେ ବେଶ୍‌ବାକ୍‌ଶାୟକିନାକାର ବଚନ୍ ଝେନ୍ଦୁନ୍,
 ଇସ୍‌ବୁତି ମାନାୟାର ବିତ୍ତେ ନସ୍‌ ଆନାନ୍ । ୨୪ ଆଁ, ସାମୁୟେଲ୍ ଆରି
 ହେଝାନ୍ତି ପାଚେନି ସମୁତା° ଏତେକ୍ ବେଶ୍‌ବାକ୍‌ଶାୟକିନାକାର କାତା
 ଇଚାଣ୍ଟା, ହେଝାର୍, ଝିଜାକାର ପା ଇ କାଡ଼ ବିସ୍ତେ ବେଶ୍ କିତାଣ୍ଟା ।
 ୨୫ ଏପେଙ୍ଗ ହେ ବେଶ୍‌ବାକ୍‌ଶାୟକିନାକାର ହିମ୍‌ଶା°, ଆରେ ମି ଲାତ୍ରା
 ହୁକେ ପୁତ୍ ନି ଝିଜୁ କୁଚୁମ୍ ଆସିର୍ବାଦ୍ ପାୟାନାର୍, ଇ ବଚନ୍ ଇସ୍‌ବୁ
 ଅବ୍ରାହାମ୍‌ତି ଇଞ୍ଜି ମି ବୁଡ଼ାଲୁର୍ ହୁକେ ଇମ୍‌ଣି ନିୟମ୍ ରଚ୍‌ଚି ମାଚାନ୍,
 ଏପେଙ୍ଗ ହେ ନିୟମ୍‌ନି ହିମ୍‌ଶାକାଦେର୍ । ୨୬ ଇସ୍‌ବୁ ପର୍ତ୍ତୁମ୍ ମି କାଜି°
 ଜାର ହେ ଆଡ଼ିଏନ୍‌ନି° ବାଚି କିତାନ୍, ଝିଜାରି° ବାନ୍‌ଧା ହାଜିତା° ମାସ୍‌ନି
 ଆସିର୍ବାଦ୍ ହିନାନ୍ ଇଞ୍ଜି ପକ୍‌ତାନ୍ ।”

୪

ଜିହୁଦି ଗାଜା ସବାତ ପିତର ଆରି ଜହନ୍

୧ ହେଝାର୍ ମାନାୟାର୍ ଲାଗେ କାତା ଇ ଝାଡ଼ାଲି°
 ମାପୁହେବାକିନାକାନ୍ ମନ୍ଦିରନି ମୁଡ଼୍‌ମେଲ୍ୟା ଆରି ସାଦୁକିର୍ ହେଝାର୍
 ଲାଗେ ଏକାଝାତାର୍; ୨ ହେଝାର୍ ରିସା ଆଜି ମାଚାର୍, ଇନାଦେ°କି
 ଜିସୁ ଇଚାନ୍ ପଦ୍ୟାତାକାର୍ ଲକୁରି° ହିକ୍ୟା ହିଜି ହାତାକାର୍ ଆରେ
 ନିନାକା ଇଞ୍ଜି ପାର୍ମାଣ୍ କିଜି ମାଚାର୍ । ୩ ଆରେ, ହେଝାର୍ ହେଝାରି°
 ଆସ୍ତି ଆକାଡ଼ ଦିନ୍ ପାତେକ୍ ଜଇଲ୍ ଇଞ୍ଜି ଇଚ୍‌ତାର୍, ଇନାକିଦେ°କି
 ହେ ଝେଡ଼ାଙ୍ଗ୍ ମିକାହାରେସ୍ ଆଜି ମାଚାଡ଼ । ୪ ମାତର ହେଝାର୍‌ତି
 ହିକ୍ୟା ଝେନ୍‌ଞ୍ଜି ମାନି ବେସି ହେନି ମାନାୟାର୍ ହେବେ ପାଡ଼ କିତାର୍,
 ହେଝାର୍‌ତି ବାତାନାକା ଲମର୍ ପାଞ୍ଚ ହାଜାର୍ ଆତାର୍ ।

୫ ତା ଆକାଡ଼ ନାଜି° ଜିହୁଦି ମୁଣିକାର୍, ପ୍ରାଚିନ୍ ଆରି
 ସାସ୍ତର ଗୁରୁ ଜିରୁସାଲମ୍‌ତ ରୁଣ୍ଡାତାର୍; ୬ ହେଝାର୍ ମୁଡ଼୍
 ମାପୁହେବାକିନାକାନ୍ ହାନାନ୍, କୟାପା, ଜହନ୍, ଆଲେକ୍‌ଜାଣ୍ଡର,
 ଆରେ ମାପୁହେବାକିନାକାନ୍ ନି ବସ୍‌ନି ଝିଜାର୍ ଲକୁ ମାଚାର୍ ।
 ୭ ହେଝାର୍ ପଦ୍ୟାତାକାରି° ମାଦ୍‌ଣି ବାହାତ ନିଲି କିଜି ଝେନ୍‌ବେଦେ°

ଲାଗାତାରୁ, ଇନେସ୍ ସାକ୍ରିତ କି ଇମ୍ଫାଣି ତରଦ “ଏପେଙ୍ଗ୍ ଇଦା କିତାଦେଣ୍ଡା ?”

୮ ହେବେ ପିତର ପୁଇପୁୟା ଜିରୁନ୍ତ ବାତ ଆଜି ହେଝାରିଂ ଇଚାନ୍, “ଏ ମାନାୟାତ ମୁଣିକା ଆରି ପ୍ରାଟିନାର୍,” ୯ ନେଝେଙ୍ଗ୍ ଜଦି ରଝାନ୍ ରଗ୍ୟା କାଜିଂ କିଜି ମାଟି ହାଦ କାମାୟ ବିସ୍ତେ ମାଂ ପରସନ୍ ଝେନ୍‌ବିତିସ୍ ଜେ, ଇ ମାନାୟା ଇନା ଉପାୟତ ଉଜ୍ ଆତାନ୍ନା, ୧୦ ତା ଆତିସ୍ ଏପେଙ୍ଗ୍ ଝିଜାକାଦେର ଆରି ଝିଜୁ ଇସ୍‌ସାଲ୍ ଲକୁ ପୁନାଟ୍, ଇମ୍ଫାଣି ନାଜରିତିୟା ଜିସୁ କ୍ରିସ୍ଟ୍ ଏପେଙ୍ଗ୍ କୁସ୍‌ତ ଅସ୍ତାଦେର, ଇନେରିଂ ଇସ୍‌ର ହାକିତାଂ ବିତ୍ରେ ନିକ୍‌ତାନ୍ନା, ହେଝାଟ୍ରି ତରଦାଂ ଆଁ ହେଝାଟ୍ରି ହୁକେ ଇ ମାନାୟା ଉଜ୍ ଆଜି ମି ମୁମ୍‌ଦ ନିଲ୍‌ତାନ୍ନା । ୧୧ ଇଲ୍ ରନ୍‌ନାକାଦେର,

ଇମ୍ଫାଣି କାଲ୍ ଇଟ୍‌ଝାତାର୍ ହେ କାଲ୍‌ନେ,

ଇଲ୍‌ନି ମୁଡ୍‌କାଲ୍ ଆତାଡ୍ ।

୧୨ ହେଝାନ୍‌ ପିସ୍ତି ଆରେ ଇନେର ତାକେ ମୁକ୍ତି ହିଲୁଡ୍, ଇନାକିଦେଂକି ଇମେତାଂ ମାଂ ମୁକ୍ତି ଗାଟାଦେଂ ଆନାଡ୍, ବାଦାଡ୍‌ତ ତାରେନ୍ ମାନାୟା ବିତ୍ରେ ଆରେ ଇନାକାପା ତର ହିୟାଝାତାଡ୍‌ନା ।

୧୩ ହେଝାର୍ ପିତର ଆରି ଜହନ୍ ସାସ୍ ହୁଡ୍‌ଜି ଆରି ହେଝାର୍ ଜେ ଅସିକ୍‌ତି ଆରି ଗିୟାନ୍ ହିଲ୍‌ଝି ଲଗୁ, ଇଦାଂ ବୁଜାଜି କାବା ଆତାର୍, ଆରେ ହେଝାର୍ ଜିସୁତି ହୁଦାଂ ମାତାର୍ ଇଞ୍ଜି ହେଝାରିଂ ଚିନିକିତାର୍, ୧୪ ଆରେ ହେ ଉଜ୍ ଆଜି ମାଟି ମାନାୟାତ ହେଝାର୍ ହୁକେ ଇଞ୍ଜି ମାନାକା ହୁଡ୍‌ଜି, ବିରୁଦ୍‌ତ ମୁଡ୍‌ତେ ଇଞ୍ଜେଙ୍ଗ୍ ଆଡ୍‌ଝାତାର୍ । ୧୫ ପାଚେ ହେଝାରିଂ ସବାତାଂ ହସି ହାଞ୍ଜେଙ୍ଗ୍ ବଲ୍ ହିଜି ହେଝାର୍ ରକାନ୍ ଆରେ ରକାନ୍ ବିତ୍ରେ ବୁଜାବୁଜି କିଜି ଇଞ୍ଜେଙ୍ଗ୍ ଲାଗାତାର୍, ୧୬ ଇ ମାନାୟାରିଂ ଇନାକା କିନାସ୍ “ଇନାକିଦେଂକି ଇଝାର୍‌ତାଂ ଜେ, ର ଗାଜା କାବା କାମାୟ ଆତାଡ୍‌ନା, ଇଦାଂ ଜିରୁସାଲମ୍ ନିକାରିଂ ତାକେ ଝିଣ୍ଡାଡ୍‌ନା, ଆରେ ଆସେଙ୍ଗ୍ ହେଦାଂ ପାତ କିଝାଦାଂ ଆଡୁସ୍; ୧୭ ମାତର କାତା ଇନେସ୍ ମାନାୟା ବିତ୍ରେ ଆରେ ବେସି ମେଙ୍ଗ୍‌ମେଡ୍, ଇଦାଂ କାଜିଂ ଜିସୁ ତରଦ ଇମ୍ଫାଣି ମାନାୟାତ ଆରେ ମୁଡ୍‌କେ ଇନ୍‌ଝି କାଜିଂ ହେଝାରିଂ ଚିମ୍‌ରା କିନାନ୍ ।”

୧୮ ପାଚେ ପିତର ଜହନତିଂ କୁକ୍ତି ଜିସୁତି ତର ମୁଡ଼କେ କାତା
 ଇନ୍ଦ୍ର କାଳିଂ ଆରି ହିକ୍ୟା ହିଞ୍ଜି କାଳିଂ ଡାଟ୍ ବଲ୍ଲ ହିତାନ୍ । ୧୯ ମାତର
 ପିତର ଆରି ଜହନ୍ ହେଞ୍ଜାରିଂ ଉତର ହିତାର, “ଇସ୍ପରତି କାତା
 ଝେନି ବାଟା ମି କାତା ଝେନାକା ଇସ୍ପରତି କାଣ୍‌କୁତ ଦାମ୍ କି ମିଟ୍,
 ହେଦାଂ ଏପେଙ୍ଗ୍ ବିଚାର କିୟାଟ୍ । ୨୦ ଇନାକିଦେଂକି ଆପେଂ ଇନାକା
 ଇନାକା ହୁଡ଼ତାପନ୍ନା ଆରି ଝେଚାପନ୍ନା, ହେ ସବୁ ଇନ୍‌ଝାଦାଂ ମାଞ୍ଜେଙ୍ଗ୍
 ଆଡୁପ୍ ।” ୨୧ ହେବେ ହେଞ୍ଜାର ଲକୁ କାଳିଂ ହେଞ୍ଜାରିଂ ଡାଣ୍ ହିଦେଂ
 ଇମ୍‌ଣାକା ପା ହାଜି ଗାଟାଞ୍ଜାତିଲେ ହେଞ୍ଜାରିଂ ଆଦିକ୍ ପାଣ୍ଡୁ ଚୁଟି ପିସ୍ତି
 ହିତାର, ଝାଟିଙ୍ଗ୍ ଇନାକା ଗିଟାଜି ମାଟାଟ୍, ହେଦାଂ କାଳିଂ ଲକୁ ଝିଜାର
 ଇସ୍ପରତି ଜାଜମାଲ୍ କିଦେଙ୍ଗ୍ ଲାଗାତାର, ୨୨ ଇମ୍‌ଣି ମାନାୟ୍ ତାକେ
 ହେ ଉଦ୍ ଆନାକା କାବା କାମାୟ୍ କିୟାଜି ମାଟାଟ୍, ହେଞ୍ଜାକ୍ତି ରିକଡ଼ି
 ବାହୁଡ଼ାଂ ଆଦିକ୍ ଆଜି ମାଟାଟ୍ ।

ପାଚି କିନାକାରତି ସାସ୍ କାଳିଂ ପାର୍ତନା

୨୩ ହେଞ୍ଜାର ମୁକ୍ତା ଆଜି ଜାର ହାଙ୍ଗଦାକାର ଲାଗେ ହାଟାର
 ଆରି ମୁଡ଼ ମାପୁହେବାକିନାକାନ୍ ଆରି ପ୍ରାତିନାର ହେଞ୍ଜାରିଂ ଇନାକା
 ଇନାକା ଇଞ୍ଜି ମାଟାର, ହେ ସବୁ ଝେଚଟାର । ୨୪ ପାଚି କିନାକାର
 ହେଦାଂ ଝେନ୍‌ଞ୍ଜି ରମାନ୍ତ ଇସ୍ପରତି ଲାଗେ ଗାଜାକାଟ୍‌ତାଂ ପାର୍ତନା
 କିଜି ଇଟାର, “ଏ ମାପୁ ଏନ୍ ବାଦାଡ଼ତ, ପୁଚି, ହାମ୍‌ଦୁର୍ ଆରି ହେ
 ସବୁ ବିଡ୍ରେ ଝିଜୁ ବିସ୍ତେ ଉବଜାଣ୍ କିତାୟନା ୨୫ ଏନ୍ ଜାର ଆଡ଼ିଏନ୍
 ମା ଆବା ଦାଉଦତି ଝେଇ ହିଜି ପୁଇପୁୟା ଜିବୁନ୍ ହୁଦାଂ ଇ କାତା
 ଇଟାୟନା,

ପାଚି କିଞ୍ଜି ଜିହୁଦି ଇନେକିଦେଂ ରିସା କିଟାର,
 ଆରେ ମାନାୟାର ଇନେକିଦେଂ ଝାରାକା ବିସ୍ତେ ହାମାୟ୍ କିଟାର
 ?

୨୬ ମାପୁତି ବିରୁଦ୍‌ତ ଆରି ହେଞ୍ଜାକ୍ତି ସିଗ୍‌ଆତାକାର ବିରୁଦ୍‌ତ,
 ପୁଚି ନି ରାଜାର ଜାଲ୍‌ଦି ଆଟାର,
 ଆରେ ମୁଣିକାର ରବେ ରୁଣ୍ଡାଟାର ।

୨୭ ✧ ଇନାକିଦେଂକି ମି ଇମଣି ପୁଇପୁୟା ଆଡ଼ିଏନ୍ ଜିସୁଙ୍ଗ ଏନ୍ ସିଗ କିତାୟ, ହାଡ଼ପାନେ ହେଝାନ୍ତି ବିରୁଦ୍ଧ ହେରଦ୍ ଆରି ପନ୍ତିୟ ପିଲାତ ରିକାର୍ ପାତ୍ କିଝି ଜିହୁଦି ଆରି ଇସ୍ରାଏଲ୍ ଲକୁ ହୁଦାଂ ଇ ଗାଡ଼ଦ୍, ୨୮ ନି ଜଜନା ହୁଦାଂ ଜେ ଝିଜୁ ଗିଟାନାଡ଼ ଇଞ୍ଜି ପୁର୍ବେତାଂ ବାଟି ଆଜି ମାତାଡ଼, ହେଦାଂ କିଦେଙ୍ଗ୍ ରବେରୁଣ୍ଡା ଆତାର୍ । ୨୯ ଆରେ ନଙ୍ଗ୍, ଏ ମାପୁ, ହେଝାର୍ତି ପାଣ୍ଡୁକିକାରିଂ ମେହା; ଆରେ, ନି ଆଡ଼ିୟାରିଂ ପୁରା ସାସ୍ ହୁକେ ନି ବଚନ୍ ଇଞ୍ଜେଙ୍ଗ୍ ସାକ୍ତି ହିଦା, ୩୦ ଆରେ ହେ ସାଙ୍ଗେ ସାଙ୍ଗେ ନି ପୁଇପୁୟା ଆଡ଼ିଏନ୍ ଜିସୁତି ତରଦ୍ ଉଜ୍ କିଦେଙ୍ଗ୍ କାଜିଂ ଆରି ଚିନ୍କୁ ଆରି କାବାନି କାମାୟ୍ କିଦେଙ୍ଗ୍ କାଜିଂ ନି କେଇ ଲାମାୟ୍ କିଦା ।”

୩୧ ହେଝାର୍ ପାର୍ତାନା କିତି ପାଟେ, ଇମଣି ବାହାତ ରବେ ରୁଣ୍ଡାଜି ମାତାର୍, ଇମଣି ବାହାତ ରବେ ମାତାର୍, ହେଦାଂ କମ୍ପାତାଡ଼, ଆରେ ଝିଜାକାର୍ ପୁଇପୁୟା ଜିରୁନ୍ତ ପୁରା ଆଜି ସାସ୍ତ ଇସ୍ପରତି କାରୁର୍ ଇଞ୍ଜେଙ୍ଗ୍ ଲାଗାତାର୍ ।

ପାତ୍ କିନାକାର୍ ଦାନ୍ ବାଟାକିତାର୍

୩୨ ✧ ପାତ୍ କିନାକାରିଂ ଲକୁ ର ଝାସ୍ ଆରି ର ପାରାଣ୍ଡ ମାତାର୍; ହେଝାର୍ତି ବିତ୍ରେ ଇନେରପା ଜାର୍ ସଂପତିତାଂ ଇଚୁକ୍ ଜାତ୍ ଇଞ୍ଜି ଇନ୍‌ଝାଦାଂ ମାତାର୍, ମତର୍ ହେଝାର୍ତି ଝିଜୁ ବିସ୍ତେ ସିଦାସାଦା ମାତାଡ଼ । ୩୩ ପକ୍ୟାତାକାର୍ ଗାଜା ସାକ୍ତି ହୁକେ ମାପୁ ଜିସୁତି ଆରେ ନିଂନାକା ବିସ୍ତେ ସାକି ହିଦେଂ ଲାଗାତାର୍, ଆରେ ଇସ୍ପର୍ ଝିଜାକାର୍ ଜପି ବେସି ଦୟା କିଜି ମାତାନ୍ । ୩୪ ଲାଗିଂ ହେଝାର୍ ବିତ୍ରେ ଇନେରିଂ ଇନାକାପା ଅବାବ୍ ହିଲ୍‌ଝାତାଡ଼, ଇନାକିଦେଂକି ଏଚେକ୍ ଲକାତ୍ ରୁମି କି ଇଲ୍ ମାତାଡ଼, ହେଝାର୍ ହେଦାଂ ପ୍ରସି ଦନ୍‌ନି ମଲ୍ ତାସି, ୩୫ ଆରେ ଜାଣକେ ରଝାନିଂ ତାଦି ଅବାବ୍ ହୁଡ଼ଜି ପକ୍ୟାତାକାର୍ ଚେଲାରିଂ ପାସ୍ପିସ୍ ମାତାର୍ ।

୩୬ ଆରେ, ଜସେପ୍ ତରନି ବାହାତ ଜଲମ୍ ଆଜି ମାନି ଲେବି ଲାତ୍ରାନି ରଝାନ୍ ସାଇପ୍ରସ୍ ଜାତିନି ଲକୁ, ଇନେରିଂକି ପକ୍ୟାତାକାର୍

✧ ୪:୨୭ ୪:୨୭ ଲୁକ ୨୩:୭-୧୧; ମାତିଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଜହନ୍ ୧୮:୨୮,୨୯. ✧ ୪:୩୨ ୪:୩୨ ପକ୍ୟାତାକା ୨:୪୪,୪୫.

ବର୍ଣ୍ଣିବା ଇଞ୍ଜି କୁକ୍‌ନି ତର ହିଜି ମାଚାର ଅନୁବାଦ୍ କିତିସ୍ “ଇଦାଂ ନି ଅରତ୍ ଦୁକ୍‌ସାରାୟନି ମାଜି.” ୩୭ ହେଞ୍ଜାନ୍ତି ରଞ୍ଜି ରୁମି ମାଚାତ୍; ହେଞ୍ଜାନ୍ ହେଦାଂ ପ୍ରସି ହେବେନି ଟାକାଂ ତାସି ପକ୍ୟାତାକାର୍ତି ପାନା ତାରେନ୍ ଇଡ଼ତାନ୍ ।

୫

ହନନିୟ ଆରି ସପିରା

୯ ହନନିୟ ତରଦାକାନ୍ ରଞ୍ଜାନ୍ ମୁଣିକା ଜାର୍ ତକ୍ତି ସପିରା ଲାହାଂ ଅଲପ୍ ଜମି ପ୍ରତାର୍, ୨ ମାତର ତକ୍ତିହି ର ମାନ୍ କିଜି ହେବେନି ମଲ୍‌ତାଂ ଅଲପ୍ ତକ୍ତି ଇଡ଼ଜି ବାଗ୍ ମତର ତାହି ପକ୍ୟାତାକାର୍ତି ମୁମ୍‌ଦ ଇଡ଼ତାନ୍ । ୩ ହେବେ ପିତର ଇଚାନ୍, ଏ “ହନନିୟ, ପୁଇପୁୟା ଜିବୁନ୍ ଲାଗେ ମିର୍ ଇଞ୍ଜେଙ୍ ଆରି ବୁମିନି ମଲ୍‌ଦାଂ ଅଲପ୍ ତକ୍ତି ଇଡ଼ଦେଂ ଇନାକିଦେଂ ସୟତାନ୍ ନି ମାନ୍ତ ପୁରା ଆଦିକାର୍ କିଡ଼ତାଡ଼ନା ? ୪ ପ୍ରଞ୍ଜି ଆଗେ ହେଦାଂ ଇନାକା ଆଞ୍ଜାଦାଂ ମାଚାତ୍ ? ଆରେ, ପ୍ରତି ପାଚେ ହେବେନି ମଲ୍ କି ନି ନିଜନି ଆଦିକାର୍ ହିଲ୍‌ଞ୍ଜାତାତ୍ ? ଞାଟିଙ୍ ଏନ୍ ଇନେସ୍ ଜାର୍ ମାନ୍ତ ଇନାକିଦେଂ ଇ ବିସ୍ତେ ବାବି କିତାୟ୍ ? ଏନ୍ ଜେ ମାନାୟ୍ ଲାଗେ ମିର୍ ଇଚାୟ୍, ହେଦାଂ ଆକାୟ୍, ମତର ଇସ୍‌ରତି ଲାଗେ ମିର୍ ଇଚାୟ୍ ।” ୫ ଇ କାତା ଝେନ୍‌ଞ୍ଜି ସାଙ୍ଗେ ସାଙ୍ଗେ ହନନିୟ ଦୁହିୟାଜି ପାରାଣ୍ ପିସ୍ତାନ୍ । ହେବେ ଏଚେକ୍ ଲକୁ ଇଦାଂ ଝେଚାର୍, ଝିଜାକାର୍ ବେସି ପାଣ୍ଡା ଆତାର୍ । ୬ ଆରେ, ଦାଂଶାର୍ ନିଂଜି ହେଞ୍ଜାନିଂ ହେନ୍ଦାତ ହୁର୍ପାତାର୍ ଆରି ବାର୍ଡ ଅଜି ହାଲ୍‌ଜି ମୁଚ୍‌ଚାର୍ ।

୭ ତିନି ଗଣ୍ଡା ପାଚେ ହେଞ୍ଜାନ୍ତି ତକ୍ତିହି ଞାତାତ୍, ମତର ଇନାକା ଗିଚାତାଡ଼ନା, ହେଦାଂ ହେଦେଲ୍ ପୁନ୍‌ଞ୍ଜାଦାଂ ମାଚାତ୍ । ୮ ଆରେ, ପିତର ହେଦେଲିଂ ଝେନ୍‌ବାତାନ୍, ଝେଚା ତ, “ଏପେଙ୍ ଇନାକା ଏଚେକ୍ ଟାକାକାଂ ବୁମି ପ୍ରତାଦେର୍ ?”

ହେଦେଲ୍ ଇଚାତ୍, “ଆଁ, ଏଚେକ୍‌ନେ ।”

୯ ହେବେ ପିତର ହେଦେଲିଂ ଇଚାନ୍, ମାପୁତି “ଜିବୁନ୍‌ତିଙ୍ ପରିକ୍ୟା କିଦେଙ୍ କାଜିଂ ଏପେଙ୍ ଇନାକିଦେଂ ର ମାନ୍ତ ବେଣ୍ କିତାଦେର୍, ହୁଡ଼ାଟ୍, ଇନେର୍ ନି ତକ୍ତାଂ ମୁଚ୍‌ଚାଣ୍ଡା, ହେଞ୍ଜାର୍ ଦୁଝେର୍ ଲାଗେ ଇକାଞ୍ଜାତାରେ, ଆରେ ହେଞ୍ଜାର୍ ନିଂ ବାର୍ଡ ପିଣ୍ଡି ଅଜି ହାଞ୍ଜନାର୍ ।”

୧୦ ହେଦାପ୍ରେ ହେଦେଲ୍ ହେଝାନ୍ତି ପାନା ତାରେନ୍ ତୁହିଆ ଆଜି ପାରାଣ୍ ପିସ୍ତାଡ୍, ଆରେ, ଦାଂଣାର ବିତ୍ରେ ଝାଜି ହେଦେଲିଂ ହାତାକା ହୁଡ୍ଡ଼ି ବାର୍ତ୍ ଅତାର୍ ଆରି ହେଦେଲ୍ ଡକ୍ରାହି ଲାଗେ ହେଦେଲିଂ ମୁର୍ଚାର୍ ।
 ୧୧ ହେବେ ଝିନ୍ନୁ ମଣ୍ଡୁଲି ଆରି ଏଚେକ୍ ଲକୁ ଇ ସବୁ ବିସ୍ତେ ଝେଚାର୍, ହେଝାର୍ ଝିଜାକାର୍ ବେସି ପାଣ୍ଡା ଆତାର୍ ।

ଚିନ୍ କାମାୟ୍ ଆରି କାବାନି କାମାୟ୍

୧୨ ପକ୍ୟାତାକାର୍ତି ହୁଦାଂ ମାନାୟାର୍ ବିତ୍ରେ ବେସି ଆଡ୍ଡ଼ି ଆରି କାବାନି କାମାୟ୍ ଆଦେଂ ଲାଗାତାଡ୍, ଆରେ ଝିନ୍ନୁ ମଣ୍ଡୁଲି ରମାନ୍ ସଲମନ୍ତି ମଣ୍ଡୁମ୍ତ ରୁଣ୍ଡାଜି ମାଚାର୍, ୧୩ ମାତର୍ ମାନାୟ୍ ବିତ୍ରେତାଂ ଇନେର୍ ହେଝାର୍ ହୁଦାଂ ମେହାଆଦେଂ ସାସ୍ କିଝାଦାଂ ମାଚାର୍; ଆତିସ୍ ପା ବିନ୍ ଲକୁ ହେଝାରିଂ ଝାରି କିଜି ମାଚାର୍, ୧୪ ମାତର୍, ଆରେ ଆଦିକ୍ତାଂ ଆଣ୍ଡାଂ ଆରି କଗ୍ଲେକ୍ ମାପୁ ତାକେ ପାତ୍ କିଜି ଇ ଦଲ୍ଦ ମେହାଆଦେଂ ଲାଗାତାଡ୍, ୧୫ ଏଲେଂକି, ପିତର୍ ଝାନି ଝେଡାଲିଂ କେବଲ୍ ହେଝାନ୍ତି ଡିଗା ଇନେସ୍ ରଗ୍ୟାର୍ ତାକେ ଇନେର୍ ଇନେର୍ ଜପି ଆରନାଡ୍, ଇଦାଂ କାଜିଂ ଲକୁ ହେଝାରିଂ ହାକ୍ଡିତ ପିଣ୍ଡୁଜି ଆଜି, ଗାଟି ଆରି କାଟେଲ୍ଡ ଇଡ୍ବିସ୍ ମାଚାର୍ ।
 ୧୬ ଜିରୁସାଲମ୍ତ ଚାରିବେଣ୍ଡି ବସ୍ତିତାଂ ମାନାୟାର୍ ପା ରଗ୍ୟାରିଂ ଆରି ବାନ୍ୟା ଜିରୁନ୍ ହୁଦାଂ ଆହ୍ୟାତି ଲୁଗାରିଂ ତାହି ରୁଣ୍ଡା ଆଜି ମାଚାର୍, ଆରେ ହେଝାର୍ ଝିଜାକାର୍ ଉଜ୍ ଆତାର୍ ।

ପକ୍ୟାତାକାର୍ କାଜିଂ ଇଣ୍

୧୭ ପାଚେ ମୁଡ୍ ମାପୁହେବାକିନାକାନ୍ ଆରି ହେଝାର୍ତି ହାଙ୍ଗ୍ଦି ଝିଜାକାର୍, ଇତିସ୍ ସାଦୁକିର୍ କୁଦା, ପକ୍ୟାତାକାର୍ ଜପି ଆକାର୍ତ ରିସା ଆଜି ନିଂତାର୍ ୧୮ ଆରି ପକ୍ୟାତାକାର୍ତିଂ ଆସ୍ତି ଗାଚ୍ତି ସାଦା ଜଇଲ୍ଡ ଇଚ୍ଚାର୍ । ୧୯ ମାତର୍ ରଝାନ୍ ମାପୁତି ଦୁଡ୍, ନାଣାଝେଡାଲିଂ ଜଇଲ୍ଡି ଦୁଝେରୁରିଂ ରିକ୍ତାଡ୍ ଆରି ହେଝାରିଂ ହପ୍ତି ତାସି ଇଚାଡ୍, ୨୦ “ହାଲାଟ୍, ମନ୍ଦିର୍ ବିତ୍ରେ ଇଞ୍ଜ ମାନାୟାରିଂ ଇ ପୁନି ଜିରୁନ୍ନି ବିସ୍ତେ ଝିନ୍ନୁ ବଚନ୍ ଇନାଟ୍ ।” ୨୧ ଇଦାଂ ଝେନ୍ଞି ହେଝାର୍ ନାଡ୍ଡିହିଂ ମନ୍ଦିର୍ତ ହଣ୍ଡି ହିକ୍ୟା ହିଦେଂ ଲାଗାତାର୍ ।

ଓସ୍ତି ବିତ୍ତେ ମୁଡ଼୍ ମାପୁହେବାକିନାକାନ୍ ଆରି ପକ୍ୟାତାକାରିଂ ତା ଚେଲାର୍ ଖାଜି ଗାଜା ସବା ଆରି ଇସ୍ରାଏଲ୍ ହିମ୍ନାଂତି ପ୍ରାଚିନାର୍ କୁକ୍ତି ରବେ କିତାର୍, ଆରେ, ହେଞ୍ଜାରିଂ ତାଇଞ୍ଜାନି କାଜିଂ ଜଇଲ୍ତ ଲକାଂ ପଞ୍ଚାର୍ । ୨୨ ମାତର୍ ହେବା କିନାକାର୍ ହାଲ୍ଜି ଜଇଲ୍ ଇଞ୍ଜ ହେଞ୍ଜାରିଂ ଗାଟାଞ୍ଜାଦାଂ ମାସ୍ଦି ଖାଜି ଇତାର୍, ୨୩ “ଆପେଂ ହୁଡ଼ତାପ୍, ଜଇଲ୍ ଇଞ୍ଜ ଆଟ୍ଞା କିଜି ଗେସ୍ତାକା ମାନାଡ଼୍ ଆରି ଦୁଞ୍ଜାରିଂକାଂ ଜାଗ୍ଞାଡ଼ାର୍ ନିଲ୍ତାଣ୍ଡା, ମତର୍ ଦୁଞ୍ଜେର୍ ଜେତିଲେ, ଜଇଲ୍ ଇଲ୍ ଆପେଂ ଇନେରିଂ ଗାଟାଞ୍ଜାତାପ୍ ।” ୨୪ ଇ ସବୁ କାତା ଖେନଞ୍ଜି ମନ୍ଦିରନି ଜାଗ୍ଞାଡ଼ାର୍ ଆରି ମୁଡ଼୍ ମାପୁହେବାକିନାକାନ୍ ଇବେନି ଦସା ଇନାକା ଏଡ଼ କିଜି ପକ୍ୟାତାକାର୍ ବିସ୍ତେ କାବା ଆଦେଂ ଲାଗାତାର୍ । ୨୫ ଏଲେଙ୍ଗ୍ ଖେଡ଼ାଲିଂ ରଞ୍ଜାନ୍ ମାନାୟ୍ ଖାଜି ହେଞ୍ଜାରିଂ କାରୁର୍ ହିତାନ୍, “ହୁଡ଼ାଟ୍, ଏପେଙ୍ଗ୍ ଇମ୍ଫି ଲୁଗାଂ ଜଇଲ୍ ଇଞ୍ଜ ଇଡ଼ଜି ମାଟାଦେର୍, ହେଞ୍ଜାର୍ ମନ୍ଦିର୍ ଇଞ୍ଜ ମାନାୟାର୍ତିଂ ହିକ୍ୟା ହିନାରା ।” ୨୬ ମନ୍ଦିରନି ମେଲ୍ୟାର୍ କାମ୍ଲିୟାର୍ ଲାହାଙ୍ଗ୍ ହାଲ୍ଜି ପକ୍ୟାତି ଚେଲାରିଂ ଆରେରଗ ତେୟ୍ ଖାତାର୍ । ହେଞ୍ଜାର୍ ଇନେସ୍ବାନି ପା ପାଣ୍ଡା ଆଞ୍ଜାତାର୍, ଇନାକିଦେଂକି ହେଞ୍ଜାରିଂ ପାଣ୍ଡୁମାଟାଡ଼୍ ଜେ ମାନାୟାର୍ ହେଞ୍ଜାର୍ ଜପି କାଲ୍କୁ ଇଡ଼ନାର୍ ।

୨୭ ହେଞ୍ଜାର୍ ହେଞ୍ଜାରିଂ ତାହି ଗାଜା ସବା ମୁମ୍ପଦ ନିଲି କିୟକିତାର୍ । ହେବେଣ୍ଡାଂ ମୁଡ଼୍ ମାପୁହେବାକିନାକାନ୍ ହେଞ୍ଜାରିଂ ଖେନବାତାନ୍, ୨୮ ☆“ଆପେଂ ମିଙ୍ଗେଙ୍ଗ୍ ଇ ତର୍ଦ୍ଦ ହିକ୍ୟା ହିଦେଂ ବେସି ଆଟ୍ଞା ଲାକେ ମୁନାକିଜି ମାନ୍ଞାପ୍, ମାତର୍ ହୁଡ଼ାଟ୍, ଏପେଙ୍ଗ୍ ଇନାକିନାଦେରା ମି ହିକ୍ୟାତ ଜିରୁସାଲମ୍ ପୁରା କିଜି ହେ ମାନାୟାତି ନେତେର୍ନି ଦସ୍ ମା ଜପି ଲାଦି କିଦେଂ ମାନ୍କିନାଦେରା ।”

୨୯ ମାତର୍ ପିତର୍ ଆରି ଆଦେକ୍ ପକ୍ୟାତାକାର୍ ଉତର୍ ହିତାର୍, “ଆପେଂ ଇସ୍ବର୍ତିଂ ମାନିକିନାପ୍ ମାନାୟାରିଂ ମାନି କିଡପ୍ । ୩୦ ଇମ୍ଫି ଜିସୁଙ୍ଗ୍ ଏପେଙ୍ଗ୍ କୁସ୍ତ ଡ଼ଇ କିଜି ଅସ୍ତି ମାଟାଦେର୍, ମା ବୁଡ଼ାତ୍ ଇସ୍ବର୍ ହେଞ୍ଜାନିଂ ହାକିତାଂ ନିକ୍ତାନ୍ନା । ୩୧ ଆରେ, ହେଞ୍ଜାନ୍ ଇନେସ୍ ଇସ୍ରାଏଲ୍ତିଂ ମାନ୍ବାଦ୍ଲାଇୟ୍ ଆରି ପାପ୍ କେମା ଦାନ୍ କିନାନ୍, ଇଦାଂ କାଜିଂ ଇସ୍ବର୍ ଜାର୍ ବୁଜିଣି କେଇ ହୁଦାଂ ହେଞ୍ଜାନିଂ ଗାଜାକାନ୍ ଆରି

☆ ୫:୨୮ ୫:୨୮ ମାଡିଉ ୨୭:୨୫.

ମୁକ୍ତିକିନାକାନ୍ ଲାକେ ଗାଜା କିତାନ୍ନା । ୩୨ ଆରେ, ଆପେଂ ଇ ଝିଜୁ କାତା ବିସ୍ତେ ସାକି, ଆରେ ଇମଣି ପୁଇପୁୟା ଜିବୁନ୍ ଇସ୍ବର ହେଝାନ୍ତି ବଲ୍ଲ ମାନିକିନାକାରିଂ ହିଡ଼ତାନ୍ନା, ହେଝାନ୍ ପା ସାକି ।”

୩୩ ଇ କାତା ଝେନ୍ଝି ଗାଜା ସବାନି ମାନାୟାର୍ ବେସି ରିସା ଆତାର୍ ଆରି ପକ୍ୟାତାକାରିଂ ଅହ୍ନି କାଜିଂ ରୁହାୟ୍ କିଦେଙ୍ଗ୍ ଲାଗାତାର୍ । ୩୪ ମାତର୍ ଗମଲିୟେଲ୍ ତରନି ରକାନ୍ ପାରୁସି, ଇନେନ୍କି ସାସ୍ବର ଗୁରୁ ଆରି ଝିଜାକାର୍ ଲାଗେ ସନ୍ମାନ ପାୟାଜି ମାତାନ୍, ହେଝାନ୍ ଗାଜା ସବାତ ନିଲ୍ଚି ପକ୍ୟାତାକାରିଂ ଅଲପ୍ ସମୁ କାଜିଂ ହପତେଂ ବଲ୍ଲ ହିତାନ୍, ୩୫ ଆରେ ହେଝାନ୍ ହେଝାରିଂ ଇତାନ୍, “ଏ ଇସ୍ରାଏଲିୟନି ଲକୁ, ଇଝାର୍ କାଜିଂ ଏପେଙ୍ଗ୍ ଇନାକା କିଦେଙ୍ଗ୍ ଜାଲ୍ଦି ଆନାଦେରା, ହେ ବିସ୍ତେ ଜାଗ୍ରତ୍ ଆଡୁ । ୩୬ ଇନାକିଦେଂକି ଇଦାଂ ଆଗେ ତିଉଦା ନିଂଜି ଜାର୍ତିଂ ରଝାନ୍ ଗାଜା ମାନାୟ୍ ଇଝି ଇତାନ୍, ଆରେ ଚାର୍ସ ଲକୁ ତା ହୁଦାଂ ମେହା ଆତାର୍, ଆସା କିତାର୍ ହେଝାନ୍ ହାତାନ୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିତାର୍, ହେଝାର୍ ଝିଜାକାର୍ ଜେଡେକେଡ୍ ଆତାର୍ ଆରି କାମାୟ୍ କିଦେଙ୍ଗ୍ ଆଡ଼ଝାତାର୍ । ୩୭ ହେ ମାନାୟ୍ ପାଚେ ଲକୁ ଗାଣାକିନାକା ଝେଡାଲିଂ ଗାଲିଲିୟ୍ ଜିହୁଦା ନିଂଜି ମାନାୟାରିଂ ତା ପାଚେ ଜେଲ୍ଜି ଅଜି ଗଣ୍ଡଗଲ୍ କିୟ୍କିତାନ୍; ହେଝାନିଂ ଅସ୍ବାର୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିଜି ମାତାର୍, ହେଝାର୍ ଝିଜାକାର୍ ଜେଡେକେଡ୍ ଆଜି ହାଚାର୍ । ୩୮ ନଙ୍ଗ୍ ଆନ୍ ମିଙ୍ଗେଙ୍ଗ୍ ଇଝିନାଙ୍ଗା, ଏପେଙ୍ଗ୍ ଇ ଲକୁ କାଜିଂ ଇନାକା କିଝାଦାଂ ହେଝାରିଂ ପିସ୍ତ୍ର ହିଆର୍, ଇନାକିଦେଂକି ଇ ରୁହାୟ୍ କି ଇ କାମାୟ୍ ଜଦି ମାନାୟତାଂ ଆଜି ମାଟିସ୍, ତା ଆତିସ୍ ହେଦାଂ କ୍ଷାଝାସ୍ ଆଜି ହାନାଡ଼; ୩୯ ମାତର୍ ଜଦି ହେଦାଂ ଇସ୍ବରତାଂ ଆଜି ମାଟିସ୍, ତା ଆତିସ୍ ଏପେଙ୍ଗ୍ ହେଝାରିଂ ନସ୍ବ କିଦେଙ୍ଗ୍ ବାସ୍ ଆଦେଂ ଆଡୁଦେର୍, ଏଚେକାଡ଼୍ ଏପେଙ୍ଗ୍ ଇସ୍ବରତି ବିରୁଦ୍ ତ ଜୁଦ୍ କିନାଦେରା ଇଝି ଚଝ୍ୟାନାଦେର୍ ।”

ଗାଜା ସବାନି ମାନାୟାର୍ ଗମଲିୟାତି କାତା ମାନି କିତାର୍ ୪୦ ହେଝାର୍ ହେଝାନ୍ତି କାତାତ ବାସ୍ ଆତାର୍, ଆରେ ପକ୍ୟାତାକାରିଂ ଲାଗାଂ କୁକ୍ତି ହେଝାରିଂ କର୍ତ୍ତା ତାଂ ଟ୍ରାକ୍ତାର୍ ଆରି ଜିସ୍ତୁତି ତର୍ଦ୍ଦ କାତା ଇନ୍ଝି କାଜିଂ ବଲ୍ଲ ହିଜି ପିସ୍ବାର୍ । ୪୧ ହେବେ ହେଝାର୍ ଜେ ଜିସ୍ତୁ ତର୍ କାଜିଂ ଅପ୍ମାନ୍ ବଗ୍ କିଦେଙ୍ଗ୍ ଲଡା ଇଝି

ଇନ୍ୟାଜି ମାତାର, ହେଦାଂ କାଜିଂ ହେଞ୍ଜାର ଖାରି କିଞ କିଞ ଗାଜା
ସବାତାଂ ହସି ହାତାର; ୪୨ ଆରେ ହେଞ୍ଜାର ନିତ୍ରେ ମନ୍ଦିରତ ଆରି
ହିକ୍ୟା ହିଦେଂ ଆରି ଜିସୁ ଜେ କ୍ରିଷ୍ଣ, ଇ ନେକ୍ରିକାରୁର ସୁଣାୟ କିଦେଙ୍ଗ
ଚେବା ଆଞ୍ଜାତାର ।



ସାତ୍ ଜାଣ୍ ହାଂଞ୍ଜାର

୯ ଇ ଖେଡ଼ାଲିଂ, ଏଚେକାଡ଼୍ ଦ ଚେଲାର ବାତା ଆଜି ମାତାର,
ହେଞ୍ଜାତାଂ ଗ୍ରୀକ୍ ବାସାନିକାର ଜିହୁଦିର ଏବ୍ରୁୟ ବାସାନି ଜିହୁଦି ବିରୁଦତ
ନିନ୍ୟା କିଦେଙ୍ଗ ଲାଗାତାର, ଇନାକିଦେଂକି ନିତ୍ରେ ହେବା କିଦେଙ୍ଗ
ହେଞ୍ଜାରତି ରାଣ୍ଡିକାଂ ପାଚାରି କିଞ୍ଜାଦାଂ ମାତାର । ୧ ହେବେ ବାର
ଜାଣ୍ ଚେଲାର ପାତ୍ କିନାକାର ଲାଗାୟ କୁକ୍ତି ଇଚାର, “ଇସ୍ପରତି
ବଚନ୍ ପରଚାର ପିସ୍ତି କାଦି ପାସ୍ପେଦେଂ ମା ହେବାତ ମାନାକା ହାର
ଆକାୟ । ୩ ଲାଗିଂ ଏ ଟଣ୍ଡାର ଆରି ତଣ୍ଡେକ୍, ଇମ୍ଫାକାରିଂ ଆସେଙ୍ଗ
ଇ କାମାୟତ ବାଟି କିଦେଙ୍ଗ ଆଡ଼ନାସ୍, ଏପେଙ୍ଗ ତାକ୍ପୁଚାତାକାର
ଆରି ଜିବୁନ୍ ଆରି ଗିୟାନ୍ତ ପୁରା ସାତ୍ ଜାଣ୍ତିଂ ମି ବିତ୍ରେ ସାକି
ହିନାକାରିଂ ବାଟି କିଜି ତିର୍ କିୟାଟ୍; ୪ ମାତର ଆସେଙ୍ଗ ପାର୍ତ୍ତାନାତ
ଆରି ବଚନ୍ ପରଚାର ହେବା କାମାୟତ ରଲାଇକେ ଲାଗା ଆଜି ମାନାସ୍
।”

୫ ଇ କାତା ଖିଜୁ ମାନାୟାର ନଞ୍ଜରତ ହାର ଚଞ୍ଜାନାତ୍, ଆରେ
ହେଞ୍ଜାର ପାତ୍ ଆରି ପୁଇପୁୟା ଜିବୁନ୍ତ ବାତ୍ ସ୍ତିପାନ୍ ତରନି
ରଞ୍ଜନ୍ ମୁଣିକାଂ, ଆରେ ପିଲିପ୍, ପ୍ରକର, ନିକାନର, ତିମନ,
ପାର୍ମନା ଆରି ପର୍ଡୁମ୍ ଆକ୍ରିୟକିଆନି ପାତ୍ କିଞ୍ଜି ଜିହୁଦି ନିକଲାୟତିଂ
ବାଟି କିଜି, ୬ ପଦ୍ୟାତାକାରତି ମୁମ୍ଦ ଏକାତାର, ଆରେ ହେଞ୍ଜାର
ହେଞ୍ଜାରତି କାପ୍ତା ଜପି କେଇ ଇଡ଼ଜି ପାର୍ତ୍ତାନା କିତାର ।

୭ ଇଦାଂ ପାଚେ ଇସ୍ପରତି ବଚନ୍ ଆଦିକ୍ ମେଙ୍ଗତାତ୍ ଆରେ
ଜିରୁସାଲମ୍ତ ଚେଲାର ଲମର ବାତାଦେଂ ଲାଗାତାତ୍; ଆରେ,
ମାପୁହେବାକିନାକାନ୍ ବିତ୍ରେତାଂ ବେସି ହେନି କ୍ରିଷ୍ଣଙ୍ଗ ପାତ୍
କିନାକାର ଆତାର ।

ସ୍ତିପାନ୍ ବନ୍ଦି କିତାର

୮ ସ୍ତ୍ରୀପାନ୍ ଦୟା ଆରି ସାକ୍ଷିତ ବାତ୍ ଆଜି ଲକ୍ଷ୍ମୀ ବିତ୍ତେ ଗାଜା ଗାଜା କାବାନି କାମାୟୁ ଆରି କାମାୟୁ କିଦେଙ୍ଗ ଲାଗାତାନ୍ ।
 ୯ ମାତର୍ ଲିବତ୍ ନ, କୁରିଣିୟ ଆରି ଆଲୋକ୍ତାଶ୍ଚିୟ ଗାଡ଼କୁକାଂ ବାହା କିନାକାର୍ ତରଦ ତାକ୍ପୁଟା ଜିହ୍ମୁଦିରତି ପାର୍ତ୍ତନା ଇଲ୍ଲିନି କେତେ ଜାଣ, ଆରେ କିଲିକିୟା ଆରି ଆସିଆ ନିକାର୍ କେତେକ୍ ଲକ୍ଷ୍ମୀ ନିଙ୍ଗି ସ୍ତ୍ରୀପାନ୍ ହୁଦାଂ କାତା ବାର୍ତା କିଦେଙ୍ଗ ଲାଗାତାର୍ ।
 ୧୦ ମତର୍ ହେଞ୍ଜାନ୍ ଇମ୍ପଣି ଗିୟାନ୍ ଆରି ଜିବୁନ୍ତିଂ ସାକ୍ଷିତ କାତା ଇଞ୍ଜି ମାତାନ୍, ହେଞ୍ଜାର୍ ହେଦାଂ ବିରଦ୍ କିଦେଙ୍ଗ ଆଡ଼ଞ୍ଜାତାର୍ । ୧୧ ହେବେ ହେଞ୍ଜାର୍ ମାନାୟାର୍ ଲାଞ୍ଜି ହିଜି ପୁସ୍ତରାୟ କିତାର୍, ଆରେ ହେଞ୍ଜାର୍ ଇଚାର୍, “ଆପେଂ ଇଦାଂ ମସା ଆରି ଇସ୍ତରତି ବିରୁଦ୍ତ ନିୟା ବଚନ୍ ଇନାକା ଝେନାପା ।” ୧୨ ଆରେ, ହେଞ୍ଜାର୍ ମାନାୟାରିଂ, ଆରେ ପ୍ରାଚିନ୍ ଆରି ସାସ୍ତ୍ର ଗୁରୁରିଂ ରିସା କିଜି ହେଞ୍ଜାନିଂ ମାତିବହାତାର୍ ଆରି ହେଞ୍ଜାନିଂ ବାଡ଼କାସ୍ତାଂ ଆଜି ଗାଜା ପଞ୍ଚାଦିତ ତାହିଞ୍ଜାତାର୍, ୧୩ ଆରେ ମିର୍ ସାକିରିଂ ନିଲି କିତାର୍; ହେଞ୍ଜାର୍ ଇଚାର୍, “ଇ ମାନାୟୁ” ଇ ପୁଲ୍ଲପୁୟା ବାହା ଆରି ମସାତି ବିଦି ବିରୁଦ୍ତ ବଚନ୍ ଇଞ୍ଜେଙ୍ଗ ଲାଗାତାନ୍, ୧୪ ଇନାକିଦେଂକି ନାଜରିତିୟ ହେ ଜିସୁ ଇ ମନ୍ଦିର୍ ସେସ୍ କିନାନ୍, ଆରେ ମସା ମାଂ ଇନା ଇନା ରିତିନିତି ହିଡ଼ତାନ୍, ହେ ସବୁ ବାଦ୍ଲୀୟ କିନାନ୍ ଇଞ୍ଜି ହେଞ୍ଜାନ୍ ଇନାକା ଆପେଂ ଝେଚାପ୍ପା । ୧୫ ହେ ଏଚେଞ୍ଜେଡ଼ାଲିଂ ଗାଜା ପଞ୍ଚାଦିତ କୁଚ୍ଚି ମାନି ଝିଜାର୍ ତାଙ୍ଗ୍ ହୁଡ଼ଜି ସ୍ତ୍ରୀପାନ୍ ମୁମ୍ ବାଦାଡ଼ତ ଦୁଡ଼ତି ମୁମ୍ ଲାକେ ହୁଡ଼ତାର୍ ।



ସ୍ତ୍ରୀପାନ୍ତି ପରଚାର୍

୧ ହେବେ ମୁଡ଼ ମାପୁହେବାକିନାକାନ୍ ଝେନ୍‌ବାତାନ୍, “ଇଦାଂ ଝିଜୁ ଦାବା ହାଡ଼ପା କି ?”

୨ ସ୍ତ୍ରୀପାନ୍ ଇଚାନ୍, “ଏ ଚଣ୍ଡାର୍ ଆରି ଆବାର୍, ଝେନାଟ୍ । ମା ଆବା ଅବ୍ରାହାମ୍ ହାରଣ୍ ଗାଡ଼ଦ ବାହା କିନି ଆଗେ ଏଚେକାଡ଼ଦ ହେଞ୍ଜାନ୍ ମେସପଟାମିଆତ ଦେସ୍ତ ମାତାନ୍, ହେ ଏଚେକାଡ଼ଦ ହେଞ୍ଜାନ୍ ଜାଜମାଲ୍ଲିନି ଇସ୍ତର୍ ହେଞ୍ଜାନିଂ ଚଞ୍ଜା ଆଜି ଇଚାନ୍, ୩ ଏନ୍ ପାର୍ତ୍ତନା ଜାର୍ ଦେସ୍ତାଂ ଆରି ଜାର୍ ଝାସ୍ତ୍ରିନିକାରିଂ ବିତ୍ତେ ହସି ଝା,

ଆରେ ଆପେ ନିଂ ଇମ୍ଘଣି ଦେସ୍ ଚର୍ଚ୍ଚାନାପ, ହେ ଦେସ୍ତ ହାଲା ।”^୪ ହେବେ କଲ୍‌ଦିୟର୍ ଦେସ୍ତା ହସି ହେଝାନ ହାରଣ୍ଡ ବାହା କିତାନ, ଆରେ ତା ଆବାତି ହାତି ପାଚେ, ହେବେତାଂ ଏପେଙ୍ଗ ନଙ୍ଗ ଇମ୍ଘଣି ଦେସ୍ତ ବାହା କିତାଦେରନା, ଇ ଦେସ୍ତିଂ ଇସ୍ପର୍ ହେଝାନିଂ ତାସି ଝାତାନ, ^୫ ଆରେ, ହେଝାନ ହେଝାନିଂ ହେବେ ଇମ୍ଘଣାକା ପା ଆଦିକାର୍ ହିଝାତାନ, କି, ର ପାନା ଇଡ୍‌ଦେଂ ଅଲପ୍ ରୁମି ହିଝାତାନ, ଆରେ ହେ ଏଚେକାଡ୍‌ଦ ଅବ୍ରାହାମ୍‌ତି ହିମ୍‌ଶାଂ ହିଲ୍‌ଝିତିସ୍ ପା ହେଝାନ ହେଝାନିଂ ଆରି ହେଝାନ୍ତି ଝାନିବାର୍ହୁନି ଲାତ୍ରାତିଂ ହେଦାଂ ଆଦିକାର୍ କିଦେଙ୍ଗ କାଜିଂ ହିନାଂ ଇଞ୍ଜି ପାର୍ମାଣ୍ କିତାନ ।^୬ ଇସ୍ପର୍ ଇ ଲାକେ ଇଚାନ, “ହେଝାନ୍ତି ଲାତ୍ରା ବିଦେସ୍ତ ବାହା କିତାର୍ ଆରି ହେ ବାହାତ ଲକୁ ହେଝାରିଂ ଚାଲିସ୍ ବାର୍ହୁ ପାଚେକ୍ ଆଡ୍‌ୟାତ ଇଡ୍‌ଜି ହେଝାର୍ କାଜିଂ ଉଡ୍‌ପାଡ୍ କିତାର୍ ।^୭ ଆରେ, ଇସ୍ପର୍ ଇଚାନ, ହେଝାର୍ ଇମ୍ଘଣି ଜାତିତ ହେବା କିନାକାନ୍ ଆନାନ, ଆନ୍ ତାତି ବିଚାର୍ କିନାଂ; ତା ପାଚେ ହେଝାର୍ ହେ ଦେସ୍ତା ହସି ଝାଜି ଇ ବାହାତ ମା ପାର୍ତାନା କିତାର୍ ।”
 「ଆରେ, ହେଝାନ ହେଝାରିଂ ସୁନ୍ନତ୍ ନିୟମ୍ ହିତାନ, ଆରେ ତାହୁଦାଂ ଅବ୍ରାହାମ୍ ଇସ୍‌ହାକ୍‌ତିଂ ଜଲମ୍ ହିଜି ଆର୍ ଦିନତାଂ ହେଝାନିଂ ସୁନ୍ନତ୍ କିତାନ; ଇସାହାକ୍ ଜାକୁବ୍‌ଙ୍ଗ୍, ଆରେ ଜାକୁବ୍‌ତି ବାର ଆବାଲାତ୍ରାରିଂ ଜଲମ୍ ହିଜି ହେ ଲାକେ ସୁନ୍ନତ୍ କିତାନ ।

^୮ “ଜାକୁବ୍‌ତି ହିମ୍‌ଶାଂ ହେଝାର୍ ଟଣ୍ଡାର୍ ଜସେପ୍‌ତିଂ ତାରା ଆଜି ମିସର୍‌ତ ଅନି କାଜିଂ ହେଝାନିଂ ପ୍ରତାର୍, ମତର୍ ଇସ୍ପର୍ ହେଝାନ ହୁଦାଂ ମାଚାନ, ^{୧୦} ଆରେ, ହେଝାନ୍ତି ସବୁ ଦୁକ୍ତାଂ ହେଝାନିଂ ଉଦାର୍ କିଜି ମିସର୍‌ନି ରାଜା ପାର ମୁମ୍‌ଦ ହେଝାନିଂ ଦୟା ଆରି ଗିୟାନ୍ ହିତାନ; ହେବେ ପାର ହେଝାନିଂ ମିସର୍ ଆରି ଜାର୍‌ତି ଝିଜୁ ଇଲ୍‌କୁନି ସାସନ୍‌କାର୍‌ୟା ବାବ୍ରେ ବାତି କିତାନ । ^{୧୧} ପାଚେ ସବୁ ମିସର୍ ଆରି କିଶାନତ୍ କାତାର୍ ଆର୍‌ତାଡ୍, ଆରେ ବେସି ଦୁକ୍ ଗିଟାତାଡ୍, ଆରେ ମା ଆଗେନି ବୁଡାଲୁର୍ କାଦି ପାୟା ଆଝାତାର୍ । ^{୧୨} ମାତର୍ ମିସର୍‌ତ କାଦି ମାନାଡ୍ ଇଞ୍ଜି ଝେନ୍‌ଞ୍ଜି, ଜାକୁବ୍ ତା ମେହିରିଂ ପର୍ତୁମ୍ ପକ୍‌ତାନ । ^{୧୩} ହେବେ ହେଝାର୍ ଆରେ, ରିହା ହାନି ଝାଡାଲିଂ ଜସେପ୍ ତା ଟଣ୍ଡାର୍ ଲାଗାଂ ଜାଣାତିନା ଆତାନ, ଆରେ ପାର ଜସେପ୍‌ତି ପାର୍ତାନାନି ଜାଣାତିନା ଆତାର୍ । ^{୧୪} ତା ପାଚେ ଜସେପ୍ ତା ଲାତ୍ରାହି ଜାକୁବ୍ ଆରି

ତିନିକଡ଼ି ପନ୍ଦର ଜାଣ୍ ଖାସ୍ତି ପାର୍ତ୍ତନା ଓଜାକାରିଂ କୁକିକିଦେଂ ମାନ୍ କିତାନ୍ । ୧୫ ହେବେ ଜାକୁବ୍ ଆରେ ମିସରତ ହାତି ପାତେ, ହେଞ୍ଜାନ୍ ନିଜେ ଆରି ମା ଆବା ଲାତ୍ରାର୍ ହାତାର୍, ୧୬ ଆରେ, ହେଞ୍ଜାର୍ ହାତି ମଡ଼ ସିକିମତ ଅୟାଜି, ଅବ୍ରାହାମ୍ ହେବେ ହମର ହିମ୍ଣାଖାକଡ଼ା ତାଙ୍ଗ୍ ଇମ୍ଣି ଦୁଗେର୍ ରୁପା ମଲ୍ ହିଜି କଡ଼ଜି ମାତାନ୍, ହେବେ ମୁର୍ୟାତାନ୍ ।”

୧୬ “ମାତର୍ ଇସ୍ବର୍ ଅବ୍ରାହାମ୍ ଲାଗେ ଇମ୍ଣି ପାର୍ମାଣ୍ କିଜି ମାତାନ୍, ହେ ପାର୍ମାଣ୍ ପୁରା ଆନି ଖେଡ଼ାଲିଂ ଲାଗେ ଆତିଲେ, ମା ଲକୁ ମିସର୍ ଦେସ୍ତ ବାତାଜି ବେସି ଆଜି ନିଂତାର୍ । ୧୮ ଓସ୍ତି ପାତେ ମିସରତ ଆରେ ରଞ୍ଜାନ୍ ରାଜା ଆତାନ୍, ହେଞ୍ଜାନ୍ ଜସେପତିଂ ପୁନ୍ଞାଦାଂ ମାତାନ୍ । ୧୯ ହେଞ୍ଜାନ୍ ମା ଜାତି କାଜିଂ ଚକଲିଆ ଚିନ୍ତା କିତାନ୍, ଆରେ, ମା ଆବା ଲାତ୍ରାର୍ ଇନେସ୍ ଜାର୍ ଜାର୍ ହିମ୍ଣାଂ ଜିଜି ମାନ୍ଞି କାଜିଂ ବାର୍ତ୍ତ ତୁହିନାନ୍ । ୨୦ ହେ ସମୁତ ମସା ଜଲମ୍ ଆତାନ୍, ହେଞ୍ଜାନ୍ ଇସ୍ବର୍ତି କାଣ୍କୁକାଂ ବେସି ହଲ୍ଲଜି ମାତାନ୍ ଆରି ତିନି ମାସ୍ ପାତେକ୍ ତା ଲାତ୍ରାହି ଇଞ୍ଜି ପହାକିୟା ଆଜି ମାତାନ୍ । ୨୧ ପାତେ ହେଞ୍ଜାନ୍ ଏଚେକାଡ଼ଦ ବାରତ ତୁହିୟା ଆତାନ୍, ହେ ଏଚେକାଡ଼ଦ ପାରତି ଗାଡ଼ହି ହେଞ୍ଜାନିଂ ନିକ୍ତି ଅଜି ତା ହିମ୍ଣା ଲାକେ ପହା କିତାଡ଼ । ୨୨ ଆରେ, ମସା ମିସରିୟର୍ତି ସବୁ ବିଦ୍ୟାତ ସିକିଡ଼ ଆଜି ବଚନ୍ ଆରି କାମାୟତ ଜାଣାଚିନା ଆତାନ୍ ।

୨୩ ମସାତି ରିକଡ଼ି ବାହୁଁ ପୁରାନି ଖେଡ଼ାଲିଂ ତା ଟଣ୍ଡାର୍, ଇତିସ୍ ଇସ୍ରାଏଲ୍ ହିମ୍ଣାକାଂ ହେବା କିନି କାଜିଂ ହେଞ୍ଜାନ୍ତି ମାନ୍ତ ଉବ୍ଜା ଆତାଡ଼ । ୨୪ ହେଞ୍ଜାର୍ ବିତ୍ତେ ରକାନ୍ କାଜିଂ ରଞ୍ଜାନ୍ ମିସରିୟର୍ ଅନ୍ୟାୟ କିଜି ମାନାକା ହୁଡ଼ଜି, ମସା ତା ରାକ୍ୟାକିଦେଂ ମିସରିୟର୍ ରଞ୍ଜାନ୍ କାଜିଂ ପାର୍ମାଣ୍ ଅଜି ହେଞ୍ଜାନିଂ ଅସ୍ବାର୍ ।” ୨୫ ହେଞ୍ଜାନ୍ତି କେଇ ହୁଦାଂ ଇସ୍ବର୍ ଜେ ହେଞ୍ଜାନ୍ତି ଟଣ୍ଡାର୍ରିଂ ମୁଲ୍ଲି କିନାନା, ଇଦାଂ ହେଞ୍ଜାର୍ ବୁଜାନାର୍ ଇଞ୍ଜି ହେଞ୍ଜାନ୍ ବାବି କିଜି ମାତାନ୍, ମତର୍ ହେଞ୍ଜାର୍ ବୁଜାଖାତାର୍ । ୨୬ ଆର୍କାଡ଼ ନାଜିଂ ହେଞ୍ଜାନ୍ ରିୟାର୍ ଇସ୍ରାଏଲିୟର୍ ଗଣ୍ଡଗଲ୍ କିଜି ମାନାକା ହୁଡ଼ତାନ୍ ଆରି ହେଞ୍ଜାର୍ ବିତ୍ତେ ସୁସ୍ତା ମେହାୟ୍ କିଦେଙ୍ଗ୍ ସେସ୍ତା କିତାନ୍ । ହେଞ୍ଜାନ୍ ଇଚାନ୍, “ଖେନାଟ୍, ଏପେଙ୍ଗ୍ ରିୟାଦେର୍ତ ଇସ୍ରାଏଲିୟ ଟଣ୍ଡାର୍ । ଇନେକିଦେଂ ଏଲେଙ୍ଗ୍ ଅନ୍ୟାୟ

କିନାଦେରା ?” ୨୭ ମାତର ଇମଣି ପାଡ଼ହା ଇଞ୍ଜି କାଜିଂ ଅନ୍ୟାୟ କିଜି ମାତାନ୍, ହେଞ୍ଜାନ୍ ମସାଙ୍ଗ୍ ତିଗ୍ଜି ଇଚାନ୍, “ଇନେର୍ ନିଂ ମା ଜପି ମୁଣିକା ଆରି ବିଚାରକାରୟା ଲାକେ ବାହି ହିଡ଼ତାନ୍ ?” ୨୮ “ନିହିଂ ଇନେସ୍ ହେ ମିସରିୟରତିଂ ଅସ୍ତ୍ର ମାଚାୟ, ହେ ଲାକେ ନାଙ୍ଗ୍ ଅସ୍ତେଦେଂ ମାନ୍ କିଦ୍ନାୟା ?” ୨୯ ଇ କାତା ଖେନ୍ଞ୍ଜି ମସା ମିଦିୟନ୍ ଦେସ୍ତ ବାହା କିତାନ୍; ହେବେ ହେଞ୍ଜାନ୍ତି ରିଆର୍ ହିମ୍ଣାଂ ଜଲମ୍ ଆତାର ।

୩୦ ପାଚେ “ରିକଡ଼ି ବାହୁଁ ବାତର୍ ଆତିଲେ, ସିନୟ ମାଡ଼ିନି ବାଚାତ ରଞ୍ଜାନ୍ ଇସ୍ପରତି ଦୁଡ଼ର ରୁଟାତ ନାଣିଅଜଡ଼ତ ହେଞ୍ଜାନ୍ ଚଞ୍ଜାତାନ୍ । ୩୧ ମସା ହେଦାଂ ହୁଡ଼ଜି କାବା ଆତାନ୍, ଆରେ ହାର୍ ଲାକେ ହୁଡ଼ଦେଂ କାଜିଂ ଲାଗେ ହାନ୍ ଖେଡ଼ାଲିଂ ମାପୁତି ଇ କାତା ଖେଚାନ୍ ।” ୩୨ “ଆନ୍ ମି ରୁଡ଼ାଆକତର୍ ଇସ୍ପର, ଅବାହାମ୍, ଇସ୍ପହାକ୍ ଆରି ଜାକୁବ୍ତି ଇସ୍ପର । ହେବେ ମସା ତ୍ରିଗ୍ଜି ହାର୍ ହୁଡ଼ଦେଂ ସାସ୍ କିଞ୍ଜାତାନ୍ ।” ୩୩ ତା ପାଚେ ମାପୁ ହେଞ୍ଜାନ୍ ଇଚାନ୍, “ନି ପାନାତାଂ ପାଣ୍ଡାଲଙ୍ଗ୍ ଉଦା, ଇନାକିଦେଂକି ଏନ୍ ଇମଣି ମେଦ୍ନିତ ନିଲ୍ତାୟନା, ହେଦାଂ ପୁଲ୍ପୁୟା ମେଦ୍ନି । ୩୪ ମିସରତ ମା ଇମଣି ଲକୁ ମାନାର୍, ଆପ୍ ହେଞ୍ଜାନ୍ତି ଦୁକ୍ ହୁଡ଼ତାପ୍ନା ଆରି ହେଞ୍ଜାନ୍ତି ଆଡ଼ାକୁକା ଖେଚାପ୍ନା, ଆରେ ହେଞ୍ଜାରିଂ ଉଦାର୍ କିନି କାଜିଂ ଜୁଡ଼ତାପ୍ନା; ଆରେ ନଂ ଖା, ଆନ୍ ନିଂ ମିସରତ ପଞ୍ଚାନାଂ ।”

୩୫ “ଇନେର୍ ନିଂ ମୁଡ଼ଦାକାନ୍ ଆରି ବିଚାରକାରୟା ଲାକେ ବାତି କିଡ଼ତାନ୍ ଇଞ୍ଜି ଇଞ୍ଜି ଇ ଇମଣି ମସାଙ୍ଗ୍ ହେଞ୍ଜାର୍ ମାନିକିଞ୍ଜାଦାଂ ମାଚାର୍, ହେଞ୍ଜାନ୍ ଇସ୍ପର ରୁଟାତ ଚଞ୍ଜା ଆଜି ଦୁଡ଼ତି ଉପକାରତାଂ ସାସନ୍ ଆରି ଉଦାରକାରୟା କିଜି ପକ୍ତାନ୍ । ୩୬ ଇ ମୁଣିକା ମିସର୍ ଦେସ୍, ନେତେର୍ ହାମଦୁର୍ ଆରି ରିକଡ଼ି ବାହୁଁ ପାଚେକ୍ ବାଚାତ ବାରବିନି କାବାନି କାମାୟ ଆରି ଚିନ୍କୁ ସାଦନ୍ କିଜି ହେଞ୍ଜାରିଂ ହପ୍ତି ତାହିଞ୍ଜାତାନ୍ । ୩୭ ମସା ନିଜେ ଇସ୍ପାଏଲ୍‌ନି ମାନାୟାରିଂ ଇଞ୍ଜି ମାଚାନ୍, ଇସ୍ପର ନାଂ ଇନେସ୍ ପଞ୍ଚାତାନ୍ ହେ ଲାକେ ମି ଲାଗାଂ ରଞ୍ଜାନ୍ ବେଣ୍‌ବାକ୍‌ଶାୟକିନାକାର୍ ପଞ୍ଚାନାନ୍, ହେଞ୍ଜାନ୍ ମି ଜାର୍ ଟଣ୍ଡାର୍ ବିତ୍ତେ ରଞ୍ଜାନ୍ ଆନାନ୍ ।” ୩୮ ଇ ମୁଣିକା ମଣ୍ଡୁଲି ବିତ୍ତେ ମାନ୍ଞ୍ଜି ସିନୟ ମାଡ଼ିତ ହେଞ୍ଜାନ୍ ହୁକେ କାତା ଇଞ୍ଜିମାତି ଦୁଡ଼ତି ଆରି ମା ଆକର୍ ବିତ୍ତେ

ମାଦଣାକାନ୍ଦ ମାତାନ୍; ହେଞ୍ଜାନ୍ ମିଙ୍ଗ୍ ଦାନ୍ କିଦ୍ଦେଂ କାଜିଂ ଜିଜି
ମାନାକା ବଚନ୍ ପାୟାତାନ୍ ।

୩୯ “ମାଦାଂ ଆବାରଲ୍ଲାତ୍ରା ହେଞ୍ଜାର୍ ହେଞ୍ଜାନ୍ତି କାତା ମାନିକିଞ୍ଜାଦାଂ
ହେଞ୍ଜାନିଂ ମାନ୍ କିଞ୍ଜାତାର୍, ଆରେ ଜାର୍ ଜାର୍ ମାନ୍ତ ମିସର୍ ଦେସ୍ତ
ମାସ୍ତି ହାଲ୍ଲଜି ହାରଣ୍ଟ୍ ଇଚାର୍, ୪୦ ହେଦାଂ ହେଞ୍ଜାର୍ ହାରଣ୍ଟ୍
ଇଚାର୍, ମା ଆଗେ ଆଗେ ହାନି କାଜିଂ ମା କାଜିଂ ପେନ୍କୁକାଂ ରଚା,
ଇନାକିଦେଂକି ଇ ଇମ୍ଣି ମସା ମାଙ୍ଗେଙ୍ଗ୍ ମିସର୍ ଦେସ୍ତାଂ ହ୍ପଚି
ତାଇଞ୍ଜାତାନ୍, ତା କାଜିଂ ଇନାକା ଗିଚାତାନ୍ନା, ହେଦାଂ ଆପେଂ
ପୁନ୍ନୁପ୍ ।” ୪୧ ଆରେ, ହେ ସମୁତ ହେଞ୍ଜାର୍ ର ବାଚି ରଚ୍ଚାର୍ ଆରି
ହେ ପୁତ୍ରା ଇସାବ୍ରେ ପୁଜାକିଦେଙ୍ଗ୍ ଜାର୍ ଜାର୍ କେଇ ରଚ୍ଚି
ଆଡ଼ମାଡ଼ିଂ ବଜି କିଜି ଞ୍ଜାରି କିଦେଙ୍ଗ୍ ଲାଗାତାର୍ । ୪୨ ମାତର୍ ଇସ୍ବର୍
ମାସ୍ତି ହେଞ୍ଜାରିଂ ବାଦାଡ଼ି ହୁକାକାଂ ପାର୍ତ୍ତାନା କିଦେଙ୍ଗ୍ ପିସ୍ତି ହିତାର୍,
ଇନେସ୍ ବେଣ୍ଟାକ୍‌ଶାୟକିନାକାର୍ ପତିତ ଲେକା ମାନାଡ଼ି,
“ଏ ଇସ୍ତାଏଲ୍ ଲାତ୍ରା !

ବାଟାତ ରିକଡ଼ି ବାହୁଁ ପାତେକ୍,

ଏପେଙ୍ଗ୍ ମା କାଜିଂ ପସୁ ପୁଜା ଆରି ଆକାଡ଼ କିଞ୍ଜାଦାଂ
ମାଚାଦେର୍ ।

୪୩ ଲାଗିଂ ଏପେଙ୍ଗ୍ ପାର୍ତ୍ତାନା କିନି କାଜିଂ ଇମ୍ଣି ପୁତ୍ରାଂ ରଚ୍ଚି
ମାଚାର୍,

ମଲକର୍ ତୁମ୍ ଆରି ରମ୍ପା ପେନ୍କୁନି ହୁକାତିଂ ଏପେଙ୍ଗ୍ ଅଜି
ପୁଜା କିତାର୍ ।”

ଲାଗିଂ ଆପ୍ ବାବିଲନ୍ତ,

ଆନ୍ତି ବାଗାଙ୍ଗ୍ ପଲ୍ଲାନାଙ୍ଗ୍ ।

୪୪ “ବାଟାତ ମା ଆଗେନି ଆବାରଲ୍ଲାତ୍ରା ଲାହାଂ ଇସ୍ବର୍ତି ମାନାକା
ତାକେ ସାକି ତୁମ୍ ମାଚାଡ଼ି । ଇସ୍ବର୍ ମସାଙ୍ଗ୍ ଇନେସ୍ ରଚ୍ଚି ଞ୍ଜେଚ୍ଚି
ମାଚାନ୍ ଆରି ମସାଂ ଇମ୍ଣି ହାର୍ଦ୍ଦାକା ରଚ୍ଚି ମାଚାନ୍, ଇଦାଂ ହେ
ଲାକେ ରଚ୍ଚୟାଜି ମାଚାଡ଼ି । ୪୫ ଆରେ, ମା ଆକର୍ ହେଦାଂ ଗାଟାଜି,
ଇସ୍ବର୍ ହେଞ୍ଜାର୍ ମୁମ୍ଦାଂ ଇମ୍ଣି ଜାତିରିଂ ହ୍ପଚି ତୁହିତାର୍, ହେ
ଜାତିରିଂ ଆଦିକାର୍ତ ହେଞ୍ଜାର୍ ଜିହସୁୟତି ଇଚି ହଣ୍ଡି ହେଦାଂ
ଦାଉଦତି ଞ୍ଜେଡ଼ାଂ ପାତେକ୍ ଇଡ଼ିତାନ୍ । ୪୬ ହେଞ୍ଜାନ୍ ଇସ୍ବର୍ କାଶକୁତ
ଦୟା ପାୟାଜି ଜାକୁବ୍ତି ଇସ୍ବର୍ କାଜିଂ ର ଇଲ୍ ରଚ୍ଚି କାଜିଂ ପାର୍ତ୍ତାନା

କିତାନ୍ । ୪୭ ମାତର ସଲମନ୍ ହେଞ୍ଜାନ୍ତି କାଜିଂ ର ମନ୍ଦିର ଇଲ୍
ରଚିତାନ୍ ।”

୪୮ “ଆତିସ୍ପା ଇନେର ସିଗ୍ଦାକାନ୍ ଇସ୍ପର, ହେଞ୍ଜାନ୍ କେଇଦ
ରଚି ଇଲ୍ ବାହା କିଉନ୍ ! ଇନେସକି ବେଶ୍‌ବାକ୍‌ଶାୟ୍‌କିନାକାର
ଲେକିକିତାନ୍ ।”

୪୯ ମାପୁ ଇଚାନ୍ “ବାଦାଡ୍‌ତ ମା ଗାଦି,

ପୁର୍ତ୍ତ ମା ପାନା ତାରେନ୍, ମାପୁ ଇଚାନ୍,

ଏପେଙ୍ଗ୍ ମା କାଜିଂ ଇନେସ୍‌ବାନି ଇଲ୍ ରଚିନାଦେର୍ ?

କି ମା ଜମନି ବାହା ଇମେଡ୍ ?

୫୦ ମା କେଇ ଇନାକା ଇ ଝିଜୁ ବିସ୍ତେ ଉର୍‌ଜାଣ୍ କିଞ୍ଜାତାଂନା ?”

୫୧ ସ୍ତ୍ରୀପାନ୍ ଆରେ ଇଚାନ୍ “ଏପେଙ୍ଗ୍ ଏଚେକ୍ ଅମାନ୍ୟା ।
ମି ମାନ୍ତ ଏଚେକ୍ ଅସୁନ୍ନଡ୍ । ଇସ୍ପରତି ବଚନ୍ କାଜିଂ ଏପେଙ୍ଗ୍
ଝେନ୍‌ଞ୍ଜାକାଦେର୍ । ଏପେଙ୍ଗ୍ ସମାନ୍ ମି ଆଗେନି ଆବା ଲାତ୍ରା
ଲାକେ; ଏପେଙ୍ଗ୍ ତାଲନାଡ୍ ପୁଇପୁୟା ଜିବୁନ୍‌ଡିଂ ବିରଦ୍ କିନାଦେରା
। ୫୨ ବେଶ୍‌ବାକ୍‌ଶାୟ୍‌କିନାକାର ବିତ୍ରେ ଇନେରିଂ ମି ଆକର୍

କେତେଞ୍ଜାଦାଂ ମାଚାର୍ ? ଇନେର ହେ ଦାମ୍ ମୁଣିକା ଞ୍ଜାନି
ବିସ୍ତେ ଆଗେତାଂ ଝେଚ୍‌ଚି ମାଚାର୍, ହେଞ୍ଜାରିଂ ହେଞ୍ଜାର୍ ଅସ୍ପାର୍;
ନଙ୍ଗ୍ ଏପେଙ୍ଗ୍ ହେଞ୍ଜାନିଂ ସାତୁ କେଇଦ ହେଲାୟ୍ କିଜି ଅସ୍ତାଦେର୍;

୫୩ ଏପେଙ୍ଗ୍ ଦୁଡ୍‌ର୍ ହୁଦାଂ ଆଗେନି ବିଦିତାଂ ଗାଟାଜି ମାଚାଦେର୍,
ମତର୍ ବିଦି ପାଲି କିଞ୍ଜାତାଦେର୍ ।”

ସ୍ତ୍ରୀପାନ୍ତି ହାକି

୫୪ ଗାଜା ସବାନି ମାନାୟାର୍ ଝିଜୁ କାତା ଝେନ୍‌ଞ୍ଜି ହେଞ୍ଜାର୍
ମୁମ୍‌ରାଡ୍‌ତାର୍, ଆରେ ହେଞ୍ଜାନ୍ କାଜିଂ ଟାଡାଙ୍ଗ୍ ରେତି କିଦେଙ୍ଗ୍
ଲାଗାତାର୍ । ୫୫ ମାତର୍ ହେଞ୍ଜାନ୍ ପୁଇପୁୟା ଜିବୁନ୍‌ଡିଂ ବାଡ୍ ଆଜି
ବାଦାଡ୍‌ତ ର କାଶ୍‌ଗାତ ହୁଡ୍‌ତାନ୍, ଆରି ଇସ୍ପରତିଂ ଜାଜମାଲ୍ ଆରି
ଜିସୁଙ୍ଗ୍ ଇସ୍ପରତି ବୁଜ୍‌ଣି ପାଡ୍‌କା ନିଲ୍‌ଚି ମାନାକା ହୁଡ୍‌ଜି ଇଚାର୍,
୫୬ ହେଞ୍ଜାନ୍ ଇଚାନ୍ “ହୁଡାଟ୍, ଆନ୍ ବାଦାଡ୍‌ତ ଜେୟାତି ଆରି ମାନାୟ୍
ମାଜିଙ୍ଗ୍ ଇସ୍ପରତି ବୁଜ୍‌ଣି ବାଗାଙ୍ଗ୍ ନିଲ୍‌ଚି ମାନାକା ହୁଡ୍‌ନାଙ୍ଗା ।”

୫୭ ମତର୍ ହେଞ୍ଜାର୍ ଗାଜାକାଟାଂ କିକିରାତିଂ କିଜି ଜାର୍ ଜାର୍
କିତୁଲ୍‌ତିଂ ଗେସ୍‌ତାର୍, ଆରେ ପାଡ୍‌କାତାଙ୍ଗ୍ ଆଜି ହେଞ୍ଜାନ୍ତି ଜପି

ମାଡ଼ିବହା ଆତାର୍, ୫୮ ଆରେ, ହେୱାର୍ ହେୱାନିଂ ଗାଡ଼ଦାଂ ହପ୍ତି କାଲ୍ଲକୁ ଇଡ଼ଦେଂ ଲାଗାତାର୍; ଆରେ, ମିର୍ ସାକିର୍ ସାଉଲ୍ଲ ଇନି ରୱାନ୍ ଦାଂଶେନତି ପାନା ଲାଗାୟ୍ ଜାର୍ ଜାର୍ ହେୟାଙ୍ଗ୍ ଇଡ଼ତାର୍ । ୫୯ ହେୱାଡ଼ାଂ ହେୱାର୍ ସ୍ତ୍ରୀପାନତିଂ କାଲ୍ଲକୁ ଇଡ଼ଜି ମାଚାର୍, ହେୱାଡ଼ାଂ ହେୱାନ୍ ପାର୍ତାନା କିଜି ଇଚାନ, “ଏ ମାପୁ ଜିସୁ ନା ଜିବୁନତିଂ ଇଟା ।” ୬୦ ଆରେ, ହେୱାନ୍ ମେଣ୍ଡାଙ୍ଗ୍ କୁନ୍ଦିକିଜି ଗାଜାକାର୍ତାଂ କୁକ୍ତି ଇଚାନ, “ଏ ମାପୁ, ଇ ପାପ୍ ଇୱାର୍ ବିରୁଦ୍ଧତ ଗାଣା କିମା ।” ହେୱାନ୍ ଇଦାଂ କାଶକୁ ଜୁବ୍ତି ହାତାନ ।

୮

ପାତଂ କିନାର୍ ମଣ୍ଡଲି ଜପି ସାଉଲ୍ଲତି ନିନ୍ଦା

୧ ସାଉଲ୍ଲ ହେୱାନ୍ତି ପାରାଶ୍ ନାସ୍ତ ରାଜି ମାଚାନ । ସାଉଲ୍ଲ ମଣ୍ଡଲି ଜପି ନିନ୍ଦା କିନାକା ।

ହେ ଦିନ୍ ଜିରୁସାଲମତ ମାନି ମଣ୍ଡଲି କାଜିଂ ବେସି ନିନ୍ଦା ଆତାଡ଼, ହେବେ ପକ୍ୟାତାକାର୍ତ ପିସ୍ତ୍ରୀ ଆଦେକ୍ ଝିଜାକାର୍ ଜିହୁଦା ରାଜି ଆରି ସମିରଣ୍ ନିପ ଚାରିବେଶତାଂ ଚିନ୍ଦିନ୍ ଆଜି ହାଚାର୍ । ୨ ଆତିସପା କେତେ ଜାଣ ହୁଦାର୍ ଲଗୁ ସ୍ତ୍ରୀପାନତିଂ କବର୍ ହିଜି ହେୱାନ୍ କାଜିଂ ବେସି ଦୁକ୍ କିତାର୍ ।

୩ ମତର୍ ସାଉଲ୍ଲ ଇଲ୍ଲକୁ ଇଲ୍ଲକୁ ହଶ୍ଜି ଆଣ୍ଡାରିଂ ଆରି କଗ୍ଲେକାଂ ଜେଲ୍ଲଜି ତାହି ଜଇଲ୍ଲ ଇଞ୍ଜ ହେଲ୍ଲାୟ୍ କିଜି ମଣ୍ଡଲିତିଂ ବୁତାୟ୍ କିଦେଙ୍ଗ୍ ଲାଗାତାନ ।

ସମିରଣ୍ତ ନେକ୍ରିକାରୁର୍ ପରଚାର୍

୪ ହେବେ ପାତଂ କିନାକାର୍ ଜେଡ଼େକେତେ ଆଜି ମାଚାର୍, ହେୱାର୍ ଚାରିବେଶତାଂ ବୁଲା ଆଜି ନେକ୍ରିକାରୁର୍ନି ବଚନ୍ ସୁଣାୟ୍ କିଦେଙ୍ଗ୍ ଲାଗାତାର୍ । ୫ ଆରେ, ପିଲିପ୍ ସମିରଣ୍ତ ମୁଡ଼୍ ଗାଡ଼ଦ ହାଲ୍ଲଜି ମାନାୟାର୍ ଲାଗେ କ୍ରିସ୍ତୁତି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଲାଗାତାର୍ । ୬ ଆରେ, ମାନାୟାର୍ ପିଲିପ୍ତି କାତା ଝେନ୍ଞ୍ଜି ଆରି ହେୱାନ୍ତି କିତି କାବା କାମାୟ୍ ସବୁ ହୁଡ଼ଜି ରମାନ୍ତ ହେୱାନ୍ତି କାତା ମାନ୍ ହିଜି ମାଚାର୍ । ୭ ଇନାକିଦେଂକି ବାନ୍ୟା ଜିବୁନ୍ ବେସି ଲକ୍ଷତାଂ ହେ ଜିବୁନିଂ ଗାଜାକାର୍ତ କିକିରାତିଂ କିଜି ହସି ୱାଦେଂ ଲାଗିତିକ୍; ଆରେ

ବେସି ହିରକୁଲରଗ୍ୟାର ଆରି ଚଟାର ଉଜ୍ ଆତାର ।^୮ ହେବେ ଗାଡ଼ଦ୍
ବେସି ଖାରିୟା ଆତାଡ଼ ।

^୯ ମାତର୍ ସିମନ୍ ତରନ୍ ରକାନ୍ ମାନାୟ୍ ଇଦାଂ ଆଗେ ହେ
ଗାଡ଼ଦ୍ ଜତର୍ କାମାୟ୍ କିଜି ଜାରତିଂ ରକାନ୍ ଗାଜା ମାନାୟ୍ ଇଞ୍ଜି
ଇଞ୍ଜି ସମିରଣିୟ୍ ଜାତିତିଂ କାବା କିଜି ମାଚାନ୍; ^{୧୦} ଇସ୍ପରତି “ଇମ୍ଫାଣି
ସାକ୍ତିତିଂ ଗାଜା ଇଞ୍ଜି ଇନଧାନାଡ଼, ହାରୁକାରତାଂ ଗାଜା ପାତେକ୍
ଝିଜାକାର୍ ଇଝାନ୍ ହେଝାନ୍ ଇଞ୍ଜି ହେଝାନ୍ ମାନି କିଜି ମାଚାନ୍ ।”
^{୧୧} ହେଝାର୍ ହେଝାନ୍ ମାନି କିନାକା ଇଦାଂ ଜେ, ହେଝାନ୍ ବେସି
ଦିନ୍ ଆତାଡ଼ ଜାର ଜତର୍ କାମାୟ୍ ହୁଦାଂ ହେଝାରିଂ କାବା କିଜି
ମାଚାନ୍ । ^{୧୨} ମାତର୍ ପିଲିପ୍ ଇସ୍ପରତି ରାଜି ଆରି ଜିସୁ କ୍ରିସ୍ତୁତି ତର୍
ବିସ୍ତେ ନେକ୍ରିକାରୁର୍ ସୁଣାୟ୍ କିତିଲେ ହେଝାର୍ ଏଚେକାଡ଼ଦ୍ ହେଝାନ୍ତି
କାତାତ ପାତର୍ କିତାର୍, ହେ ଏଚେକାଡ଼ଦ୍ ଆଣ୍ଟାକ୍ ଆରି କଗ୍ଲେକ୍
ଝିଜାର୍ ବାପ୍ତିସିମ୍ ଅଦେଂ ଲାଗାତାର୍ । ^{୧୩} ଆରେ, ସିମନ୍ ନିଜେ ପା
ପାତର୍ କିଜି ବାପ୍ତିସିମ୍ ଅତାନ୍ ଆରି ପିଲିପ୍ତି ହାକ୍ ହାକ୍ ମାଚାନ୍,
ଆରେ ବାର୍ବିନ୍ ଚିନ୍କୁ ଆରି ଗାଜା ଗାଜା ସାକ୍ତିନି କାମାୟ୍ ହୁଡ଼ଜି
କାବା ଆଦେଂ ଲାଗାତାନ୍ ।

^{୧୪} ସମିରଣିୟ୍ ଲକୁ ଜେ ଇସ୍ପରତି ତରଦାଂ ବଚନ୍ ମାନି କିତାଣ୍ଟା,
ଇଦାଂ ଏଚେକାଡ଼ଦ୍ ଜିରୁସାଲମ୍ତ ମାନି ପଦ୍ୟାତାକାର୍ ଝେଟାର୍,
ହେ ଏଚେକାଡ଼ଦ୍ ହେଝାର୍ ପିତର୍ ଆରି ଜହନ୍ତିଂ ହେଝାର୍ ଲାଗେ
ପକ୍ତାର୍ । ^{୧୫} ହେଝାର୍ ହାଲ୍ଲଜି, ହେ ଲକୁ ଇନେସ୍ ପୁଇପୁୟା
ଜିବୁନ୍ ପାୟାନାର୍, ଇଦାଂ କାଜିଂ ହେଝାର୍ କାଜିଂ ପାର୍ତାନା କିତାର୍,
^{୧୬} ଇନାକିଦେଂକି ଇ ପାତେକ୍ ହେଝାନ୍ ହେଝାର୍ ବିତ୍ରେ ଇନେର୍ ଜପି
ପା ପୁଇପୁୟା ଜିବୁନ୍ ଜୁଦ୍ଝାଦାଂ ମାଚାଡ଼, କେବଲ୍ ହେଝାର୍ ମାପୁ
ଜିସୁତି ତରଦ୍ ବାପ୍ତିସିମ୍ ଆଜି ମାଚାନ୍ । ^{୧୭} ହେ ଏଚେଝେଡାଲିଂ ପିତର୍
ଆରି ଜହନ୍ ହେଝାର୍ ହେଝାର୍ତି ଜପି କେଇ ହିତାନ୍, ଆରେ ହେଝାର୍
ପୁଇପୁୟା ଜିବୁନ୍ ଗାଟା ଆତାର୍ ।

^{୧୮} ପଦ୍ୟାତାକାର୍ତି କେଇ ହିତି ହୁଦାଂ ଜିବୁନ୍ ଝାନାକା ହୁଡ଼ଜି,
ସିମନ୍ ହେଝାରିଂ ଟାକାଂ ହିଜି ଇଚାନ୍, ^{୧୯} “ନାକ୍ ପା ଇ ସାକ୍ତି ହିଦାଟ୍,
ଇନେସ୍ ଆନ୍ ଇମ୍ଫାଣାକାନ୍ ମାନାୟ୍ ତାରେନ୍ କେଇ ହିନାକ୍, ହେଝାନ୍
ପୁଇପୁୟା ଜିବୁନ୍ ଗାଟାନାନ୍ ।”

୨୦ ମାତର ପିତର ହେୱାନିଂ ଇଚାନ୍, ନି ଟାକାଂ “ନି ହୁଦାଂ କର୍ତ୍ତ ଆୟେକ୍, ଇନାକିଦେଂକି ନି ଟାକାଂ ହୁଦାଂ ଇସ୍ପରତି ଦାନ୍ କଡ଼ଦେଂ ବାବି କିତାୟ୍ । ୨୧ ଇ ବିସ୍ତେ, ନି ବାଗ୍ ହିଲୁଡ଼ କି ଆଦିକାର୍ ହିଲୁଡ଼, ଇନାକିଦେଂକି ଇସ୍ପରତି ମୁମ୍ଦ ନି ମାନ୍ତ ହୁଦାର୍ ଆକାୟ୍ । ୨୨ ଲାଗିଂ, ନି ଇ ବାଡ଼ପାଶତାଂ ମାନ୍ବାଦଲାଇୟ୍ କିଜି ମାପୁତି ତାକେ ପାର୍ତନା କିୟା, ଇନେସ୍ ଆତିସ୍ତି ନି ମାନ୍ତ ହାୟାୟ୍ କିନାକା କେମା ଆଦନାଡ଼ । ୨୩ ଇନାକିଦେଂକି ନି ଅଦାମ୍ ବିସ୍ତେ ବାଡ଼ ଆଜି ପାପ୍ ତାକେ ଗାଟ୍ୟା ଆତାଡ଼ନ୍ନା ଇଞ୍ଜି ଆନ୍ ହୁଡ଼ନାଙ୍ଗା ।”

୨୪ ହେବେ ସିମନ୍ ଜହନ୍ ଆରି ପିତରତିଂ ଇଚାନ୍, ଏନ୍ ଇନାକା ଇନାକା ଇସ୍ତାୟ୍, ହେବେତାଂ ଇମ୍ଶାକା ପା ବିସ୍ତେ ଇନେସ୍ ନା କାଜିଂ ପଡ଼ାମେଡ଼, ଇଦାଂ କାଜିଂ “ଏପେଙ୍ଗ୍ ନା କାଜିଂ ମାପୁତି ଲାଗେ ପାର୍ତନା କିୟା ।”

୨୫ ଇ ବାନି ହେୱାର୍ ସାକି ହିଜି ଆରି ମାପୁତି ବଚନ୍ ଇଞ୍ଜି ସମିରଣିୟାର୍ତି ଆଦେକ୍ ନାସ୍କୁକାଂ ନେକ୍ରିକାବୁର୍ ସୁଶାୟ୍ କିଡ଼ କିଡ଼ ଜିରୁସାଲମ୍ତ ମାସ୍ଦି ହାଚାର୍ ।

ପିଲିପି ଆରି ଇତିଓପିଆ ବେଜୁର୍

୨୬ ପାଚେ ମାପୁତି ରୱାନ୍ ଦୁଡ଼ ପିଲିପ୍ତିଂ ଇଚାଡ଼, “ନିଙ୍ଗା, ବୁଜ୍ଜି ବାଗାଙ୍ଗ୍ ଇମଣି ହାଡ଼ାକ୍ ଜିରୁସାଲମ୍ତାଂ ଇଦାଂ ଗଜ୍ଜା ନିପ ହାଲ୍ଜି ମାନା,” ହେ ନିପ ହାଡ଼ାକ୍ ହାଲ୍ଜା । ହେଦାଂ ଚିମ୍ଭା ବାହା ମାଚାଡ଼ । ନେଜେଞ୍ଜିଗା ଚିନ୍ତା କିୟାଆଉତା । ୨୭ ହେବେତାଂ ହେୱାନ୍ ନିଂଜି ହାଚାନ୍ । ଆରେ ହୁଡ଼ାଟ୍, ଇତିଓପିଆ ଦେସିୟାଡ଼ କଣ୍ଡାକି ତରନ୍ ରାଣିତି ତାରେନ୍ ରଞ୍ଜେଲ୍ ଗାଜା ପାଦ୍ ପାୟାତି ଇତିଓପିଆନି ବେଜୁ, ଇନେର୍ ତାଦେଲ୍ଡି ଝିଜୁ ଦନ୍କଟିନି ସାସନ୍ କାର୍ଯ୍ୟା ମାଚାନ୍, ହେୱାନ୍ ପାର୍ତନା କିନି କାଜିଂ ଜିରୁସାଲମ୍ତ ଝାଜି ମାଚାନ୍ । ୨୮ ହେୱାନ୍ ମାସ୍ଦି ହାଲ୍ଜୁ ହାଲ୍ଜୁ ଜାର୍ ହାଗାଡ଼ତ୍ କୁଟ୍ଟି ଜିସାୟ୍ ବେଶ୍‌ବାକ୍‌ଶାୟ୍‌କିନାକାର୍ ସାସ୍ପର୍ ଗାଜାକାଟ୍‌ତାଂ ପଡ଼ି କିଜି ମାଚାର୍ । ୨୯ ହେୱେଡ଼ାଂ ପୁଇପୁୟା ଜିବୁନ୍ ପିଲିପ୍ତିଂ ଇଚାଡ଼, “ଲାଗେ ହାଲ୍ଜି ଇ ହାଗାଡ଼ ହୁଦାଂ ମାନା ।” ୩୦ ହେବେ ପିଲିପ୍ ହଞ୍ଜିହାଲ୍ଜି ହେୱାନ୍ ଜିସାୟ୍ ବେଶ୍‌ବାକ୍‌ଶାୟ୍‌କିନାକାର୍ ସାସ୍ପର୍ ପଡ଼ି କିନାକା

ଝେନଞ୍ଜି ଝେନବାତାନ, “ଏନ୍ ଇନାକା ପଡ଼ି କିନାୟା, ହେଦାଂ ଇନାକା ବୁଜାନାୟା ?”

୩୧ ହେଝାନ ଇଚାନ, “ଇନେର୍ ନାଙ୍ଗ୍ ବୁଜାୟ୍ ହିଦ୍‌ଝିତିସ୍ ଆନ୍ ଇନେସ୍ ବୁଜାଦେଂ ଆଡ଼ନାଂ ?” ଆରେ, ହେଝାନ ପିଲିପ୍ ଦୁମ୍‌ଜି ଝାଜି ତା କଚଟ୍ କୁଚ୍‌ଚେଙ୍ଗ୍ ଗଝାରି କିତାନ । ୩୨ ସାସ୍‌ରନି ଇମ୍‌ଣି ବାଗ୍ ହେଝାନ ପଡ଼ି କିଜି ମାଚାନ,

ହେଦାଂ ଇଦାଂ, ହେଝାନ ମେଣ୍ଡା ଲାକେ “ହାନି କାଜିଂ ଅୟାତାନ,
ଆରେ ତଲ୍ ଉନ୍‌ନି ମୁମ୍‌ଦ ମେଣ୍ଡାହିମ୍‌ଣା ଇନେସ୍ ପୁକ୍ ମାନଙ୍ଗାନାଡ଼,
ହେ ଲାକେ ହେଝାନ ତା ମୁମ୍ ଜେୟା ଆଝାତାନ ।”

୩୩ ହେଝାନ୍ତି ଅପ୍‌ମାନ ଆନିହିଙ୍ଗ୍ ହେଝାନ୍ତି ତାଣ୍ଡ ମାସ୍‌ଦି ହାଚାଡ଼ ।

ହେଝାନ୍ତି ଲାତ୍ରା ଇନେର୍ ହାୟାୟ୍ କିଦେଙ୍ଗ୍ ଆଡ଼ନାର୍ ?

ଇନେକିଦେଂକି ହେଝାନ୍ତି ଜିରୁନ୍‌ନି ପୁତ୍ ତାଂ ମାସ୍‌ଦି ହାଚାଡ଼ ।

୩୪ ବେଜୁ ଉତ୍‌ର ହିଜି ପିଲିପ୍‌ତିଂ ଇଚାନ, ଆନ୍ ନିଂ ପାର୍ତ୍ତାନା କିଦନାଂ, “ବେଣ୍‌ବାକ୍‌ଣାୟ୍‌କିନାକାର୍ ଇନେର୍ ବିସ୍ତେ ଇ ବେରଣ୍ ଇଚାନା ? ଜାର୍ ବିସ୍ତେ କି ଆରେ ଇନେର୍ ବିସ୍ତେ ?” ୩୫ ହେବେ ପିଲିପ୍ ଝେଇ ଜେସି ସାସ୍‌ର ଇ ବଚନ୍‌ତାଂ ହାଂଜି ହେଝାନ ତାକେ ଜିସ୍ତୁତି ନେକ୍‌କାବୁର୍ ପର୍‌ଚାର୍ କିତାର୍ । ୩୬ ଆରେ, “ହେଝାର୍ ହାସ୍‌ଦ ହାଲୁ ହାଲୁ ର ଏଜୁଂ ମାନି ଲାଗେ ଏକାତାର୍; ହେବେ ବେଜୁ ଇଚାନ,” ଇବେ ତ ଏଜୁଙ୍ଗ୍ ମାନିକ୍, ନା ବାପ୍‌ସିମ୍ ଆନି କାଜିଂ ଇନାକା ବାଦା ମାନାଡ଼ କି ? ୩୭ ପିଲିପିପ ଇଚାନ, ଏନ୍ ଝିଜୁ ଝାୟ୍‌ ହୁଦାଂ ଜଦି ପାତ୍ କିନାୟ୍, ତା ଆତିସ୍ ହେବେ ହେଝାନ ଉତ୍‌ର ହିତାନ, ଜିସୁ କ୍ରିସ୍ଟ ଜେ ଇସ୍‌ରତି ମାଜି, ଇଦାଂ ଆନ୍ ପାତ୍ କିନାଙ୍ଗା । *

୩୮ ଆରେ, ହେଝାନ ହାଗାଡ଼ ନିଲି କିଦେଙ୍ଗ୍ ବଲ୍ ହିତାନ, ଆରେ ପିଲିପିପ ଆରି ବେଜୁ ରିୟାର୍ ଏଜୁଙ୍ଗ୍ ବିତ୍ତେ ଜୁଜି ହାଚାର୍, ଆରେ ପିଲିପ୍ ହେଝାନିଂ ବାପ୍‌ସିମ୍ ହିତାନ । ୩୯ ହେଝାର୍ ଏଜୁଙ୍ଗ୍ ବିତ୍ତେତାଂ ନିଂଜି ଝାଜି, ମାପୁତି ଜିରୁନ୍ ପିଲିପ୍‌ତିଂ ଅଜି ହାଚାଡ଼, ଆରେ ବେଜୁ ହେଝାନିଂ ଆରେ ହୁଡ଼ଝାତାନ; ଆତିସ୍‌ପା ହେଝାନ ଝାରି କିଉ କିଉ ଜାର୍ ହାସ୍‌ଦିଂ ହାଚାନ । ୪୦ ମାତର୍ ପିଲିପ୍ ଅସ୍‌ଦଦ୍ ତରନି

* ୮:୩୭ ୮:୩୭ ଏପେଙ୍ଗ୍ ଜଦି ମାତ୍ର ପାତ୍ କିନାଦେର୍ ତା ଆତିସ୍ ଏଜୁତାଂ ବାପ୍‌ସିମ୍ ଅଦେଂ ଆଡ଼ନାଦେର୍ ।

ଗାଡ଼ ଦ ଚଞ୍ଚ୍ୟା ଆତାନ୍, ଆରେ ହେଞ୍ଜାନ୍ ହାଲୁ ହାଲୁ ଗାଡ଼ ଦ ଗାଡ଼ ଦ
ନେକ୍ରିକାରୁର ସୁଣାୟ କିଜି କାଈସରିୟା ଦେସ୍ତ ହାଲୁଜି ଏକାତାର ।



ସାଉଲ୍‌ତି ମାନ୍‌ବାଦଲ୍‌ୟ କିନାକା
(ପଦ୍ୟାତାକା ୨୨:୬-୧୬; ୨୬:୧୨-୧୮)

୧ ମାତର ସାଉଲ୍ ଇ ପାତେକ୍ ପା ମାପୁତି ଚେଲାର୍ ବିରୁଦ୍‌ତ ପାଣ୍ଡୁ
ଆରି ପାରାଣାୟ କାତା ଇଞ୍ଜି ମୁଡ୍ ମାପୁହେବାକିନାକାନ୍ ଲାଗେ
ହାଚାନ୍, ୨ ଆରେ, ଇ ହାଜିନ୍ ଇମଣି ଆଣ୍ଡେନ୍ କି କଗ୍‌ଲେକ୍ ଚଞ୍ଚ୍ୟା
ଆତିସ୍, ହେଞ୍ଜାରିଂ ଇନେସ୍ ଗାଡ଼ି ଜିରୁସାଲମ୍‌ତ ତାତେକ୍ ଆଡ଼ନାନ୍,
ଇଦାଂ କାଜିଂ ଦମ୍ଲେସକ୍‌ନି ଝିଜୁ ପାର୍ଡାନ୍‌ା ଇଲ୍ ଲାଗେ ହେଞ୍ଜାନ୍‌ତାଂ
ଆକି ଏନ୍ତାର ।

୩ ପାଚେ ହେଞ୍ଜାନ୍ ହାଲୁ ହାଲୁ ଦମ୍ଲେସକ୍‌ନି ଲାଗାୟ ଆତିଲେ,
ହାଚାଗ୍ରେ ବାଦାଡ଼ତାଂ ଅଜଡ୍ ହେଞ୍ଜାନ୍ ଚାରିବେଣ୍ଡିଂ ତ୍ରିପ୍‌କି ନିଂତାଡ଼
। ୪ ହେବେ ହେଞ୍ଜାନ୍ ମେଦ୍‌ନିତ ଗୁରୁଜି ହେଞ୍ଜାନ୍ କାଜିଂ ଇ କାଟ୍
ଝେଚାନ୍, “ଏ ସାଉଲ୍, ଏ ସାଉଲ୍, ଇନାକିଦେଂ ନାଈ ନିନ୍ଦା କିଦ୍‌ନାୟା
?”

୫ ହେଞ୍ଜାନ୍ ଇଚାନ୍, “ଏ ମାପୁ, ଏନ୍ ଇମ୍‌ଣାକାୟ ?”

ଆରେ ହେଞ୍ଜାନ୍ ଇଚାନ୍, ଇନେରିଂ ଏନ୍ ନିନ୍ଦା କିଦ୍‌ନାୟା ହେଞ୍ଜାନ୍
ଆନ୍ ହେ ଜିସୁ ? ୬ “ମାତର ନିକ୍‌ମା, ଗାଡ଼ ଦ ହଣ୍‌ଗା, ଆରେ ନିଂ ଇନାକା
କିଦେକ୍ ଆନାଡ଼, ହେଦାଂ ଝେଚ୍‌ୟାନାଡ଼ ।”

୭ ଇମ୍‌ଣି ଲକୁ ହେଞ୍ଜାନ୍ ହୁକେ ହାଲୁଜି ମାଚାର୍, ହେଞ୍ଜାର୍ ହେ
ଗାର୍ଜାନ୍ ଆନାକା ଝେନ୍‌ଞ୍ଜି ଇନେରିଂ ହୁଡ଼୍‌ଝିତିଲେ କାବା ଆଜି ନିଲ୍‌ତି
ମାଚାର୍ । ୮ ଆରେ, ସାଉଲ୍ ମେଦ୍‌ନିତାଂ ନିକ୍‌ଜି ଏଚେକାଡ଼ ଦ ଜାର୍
କାଣ୍‌କୁ ମେସ୍‌ତାନ୍, ହେ ଏଚେକାଡ଼ ଦ ହେଞ୍ଜାନ୍ ମୁଡ଼େ ହୁଡ଼େଦେଂ
ଆଡ଼ଞ୍ଜାତାନ୍ । ଲାଗିଂ ହେଞ୍ଜାର୍ ସାଉଲ୍‌ତି କେଇ ଆଜି ହେଞ୍ଜାନ୍‌ିଂ
ଦମ୍ଲେସକ୍‌ତ ଅତାର । ୯ ଆରେ, ହେଞ୍ଜାନ୍ ତିନି ଦିନ୍ ପାତେକ୍ କାଣା
ଆଜି ମାଚାନ୍, ଆରେ ହେ ସମୁତ ହେଞ୍ଜାନ୍ ମୁଡ଼େ ତିନ୍‌ଞ୍ଜାତାନ୍ କି
ଉଣ୍‌ଞ୍ଜାତାନ୍ ।

୧୦ ଦମ୍ଲେସକ୍‌ତ ହନନିୟ୍ ତରୁନି କ୍ରିସ୍‌ତି ଚେଲା ମାଚାନ୍, ମାପୁ
ହେଞ୍ଜାନ୍‌ିଂ ଚଞ୍ଚ୍ୟା ଆଜି ଇଚାନ୍, “ହନନିୟ୍ ।”

“ହେୱାନ ଇଚାନ୍, ଏ ମାପୁ, ଇଚାନ୍ ।”

୧୧ ହେବେଣ୍ଡାଂ ମାପୁ ହେୱାନିଂ ଇଚାନ୍, “ନିଙ୍ଗା, ହାଣ୍ଡକୁ ତରନ୍ତି ହାଜିତ ହାଲ୍ଲି ଜିହୁଦା ଇଞ୍ଜ ତାର୍ସ ଗାଡ଼ନ୍ତି ସାଉଲ୍ ତରନ୍ତି ରୱାନ ମୁଣିକାତିଂ ଆନ୍ମାନ୍ କିୟା; ହେୱାନ ପାର୍ତ୍ତାନା କିନାନା; ୧୨ ଆରେ, ହେୱାନ ଇନେସ୍ ନଂଜର୍ ଗାଟାନାନ୍, ଇଦାଂ କାଜିଂ ହନନିୟ୍ ତରନ୍ତି ରୱାନ ମାନାୟ୍ ଖାଜି ହେୱାନ ଜପି କେଇ ହିଡ଼ତାନ୍ ଇଞ୍ଜି କେଡ଼କଣ୍ଡ ହୁଡ଼ତାନ୍ନା ।”

୧୩ ମାତର୍ ହନନିୟ୍ ଉତର୍ ହିତାନ୍, “ମାପୁ ଜିରୁସାଲମତ ମି ପୁଇପୁୟାର୍ କାଜିଂ ଇ ମାନାୟ୍ ଜେ ଏଚେକ୍ ବିଦବାଦ୍ କିତାନ୍ନା, ହେଦାଂ ଆନ୍ ଆଦେକତାଂ ଇ ମାନାୟ୍ ବିସ୍ତେ ଖେଚାଙ୍ଗନା । ୧୪ ଆରେ, ଇ ବାହାତ ଏଚେକ୍ ଲଗୁ ନି ତରଦ ପାର୍ତ୍ତାନା କିନାରା, ହେୱାରିଂ ଗାଡ଼ନ୍ତି କାଜିଂ ହେୱାନ ମୁଡ଼୍ ମାପୁହେବାକିନାକାନ୍ ତାରେନ୍ତାଂ ଆଦିକାର୍ ଗାଟାତାନ୍ନା ।”

୧୫ ମାତର୍ ମାପୁ ହେୱାନିଂ ଇଚାନ୍, “ହାଲା, ଇନାକିଦେଂକି ହେୱାନ ପାତ କିଞ୍ଜି ଜିହୁଦି, ରାଜା ଆରି ଖିଜାର୍ ଇସ୍ରାଏଲ୍ଲି ହିମ୍ପାଂ ମୁମ୍ପଦ ମା ତର୍ ପିଣ୍ଡିନି କାଜିଂ ମା ରୱାନ ବାଚିକିତି ଲଗୁ; ୧୬ ଲାଗିଂ ନା ତର୍ କାଜିଂ ହେୱାନିଂ ଜେ ବେସି ଦୁକ୍ ବର୍ କିଦେଙ୍ଗ୍ ଆନାଡ଼, ହେଦାଂ ଆନ୍ ନିଜେ ତାଙ୍ଗ୍ ଖେଚନାଙ୍ଗ୍ ।”

୧୭ ହେବେଣ୍ଡାଂ ହନନିୟ୍ ହାଲ୍ଲି ହେ ଇଞ୍ଜ ହଣ୍ଡଗାତାନ୍, ଆରେ ହେୱାନ୍ତି ଜପି କେଇ ହିଜି ଇଚାନ୍, “ସାଉଲ୍ ଟଣ୍ଡେନ୍,” ମାପୁ, ଇତିସ୍ ଇମ୍ପଣି ଜିସୁ ନି ଖାନି ହାସ୍ଦ ନିଂ ଚଞ୍ଜାତାନ୍, ଏନ୍ ଇନେସ୍ ହୁଡ଼ଦେଂ ଆଡ଼ନାୟ୍ ଆରି ପୁଇପୁୟା ଜିବୁନ୍ତ ପୁରା ଆ, ଇଦାଂ କାଜିଂ ହେୱାନ ନାଙ୍ଗ୍ ପଲ୍ଲାତାନ୍ନା । ୧୮ ହେ ଦାପ୍ରେ ସାଉଲ୍ଲି କାଣ୍ଡଗାତାଂ ମିନ୍ ପାଡ଼ିଂ ଲାକେ ଇନାକା ହଡ଼ତାଡ଼ ଆରି ହେୱାନ ହୁଡ଼ତାନ୍; ଆରେ, ହେୱାନ ନିଙ୍ଗି ବାପ୍ତିସ୍ମ ଅତାନ୍, ୧୯ ଆରେ ହେୱାନ ତିନ୍ଞି ବାଡ଼କାସ୍ ଆତାନ୍ । ଇଦାଂ ପାଚେ ହେୱାନ ଦମ୍ପ୍ଲେସକ୍ତ ମାନି ଚେଲାର୍ ହୁକେ କେଡେକ୍ ଦିନ୍ ମାଚାନ୍ ।

ଦାମେସକସ୍ତ ସାଉଲ୍ଲି ପର୍ଚାର୍

୨୦ ଆରେ, ଜିସୁ ଜେ ଇସ୍ପୁଡ଼ି ମାଜି, ଇଦାଂ ହେୱାନ ମାଲାଖାଦାଂ କୁଟୁମ୍ ଇଞ୍ଜ ଲାଗାଂ ସୁଣାୟ୍ କିଦେଙ୍ଗ୍ ଲାଗାତାନ୍ ।

୨୧ ଆରେ, ଇମ୍ଫଣାକାର ହେୱାନ୍ତି କାତା ୱେଚାର୍, ହେୱାର୍ ଓଜାକାର କାବା ଆଜି ଇଞ୍ଜେଙ୍ଗ୍ ଲାଗାତାର୍, ଇ ତର ଆଜି ପାର୍ତନା କିନି ମାନାୟାର୍ତ୍ତେ ଜେ “ଜିରୁସାଲମ୍ତ ଦାଣ୍ଡ ହିଜି ମାଚାନ, ଆରେ ଇନେସ୍ ହେୱାରିଂ ଗାଚ୍ଚି ମୁଡ୍ ମାପୁହେବାକିନାକାନ୍ ଲାଗେ ଅଦେଂ ଆଡ୍ନାନ, ହେ କାମାୟ୍ତେଂ ଇ ବାହାତ ୱାଜି ମାଚାନ, ଇଞ୍ଜାନ କି ହେୱାନ ଆକାୟ୍?”

୨୨ ମାତର୍ ସାଉଲ୍ ବେସି ହର୍ ସାକ୍ତିତାଂ ନିଙ୍ଗ୍ତାନ, ଆରେ ଇଞ୍ଜାନ ଜେ କ୍ରିସ୍ଟ୍, ଇଦାଂ ପାର୍ମାଣ୍ କିଜି ଦମ୍ଲେସକ୍ ନିକାରିଂ ଜିହୁଦିରିଂ ଉତର୍ ହିଦେଂ ଆଡ୍ଝାତାର୍ ।

୨୩ ☆ବେସି ଦିନ ହାଚି ପାଚେ ଜିହୁଦିର୍ ସାଉଲ୍ତେଂ ଅହ୍ନି କାଜିଂ ହୁତୁର୍ କିତାର୍; ୨୪ ଆତାର୍ ହେୱାର୍ତ୍ତି ଗାଣ୍ଡୁ ସାଉଲ୍ତେ କିତୁଲ୍ତ ୱାତାଡ୍ । ଆରେ, ହେୱାର୍ ଇନେସ୍ ତାଙ୍ଗ୍ ଅସ୍ତେଙ୍ଗ୍ ଆଡ୍ନାର୍, ଇଦାଂ କାଜିଂ ୱେଡାନାଣା ପା ଗାଡ୍ନି ଦୁଝେରତ ସବୁ କାସି ମାନ୍ବାତାର୍, ୨୫ ମାତର୍ ହେୱାନ୍ତି ଚେଲାର୍ ନାଣାଲିଂ ତାଙ୍ଗ୍ ଅଜି ର ଟପାତ କୁଞ୍ଜାଡ୍ ହିଜି ତାରେନ୍ ଦୁଡ୍ତାର୍ ।

ଜିରୁସାଲମ୍ତ ସାଉଲ୍

୨୬ ପାଚେ ହେୱାନ ଜିରୁସାଲମ୍ତ ହାଲ୍ଜି ଚେଲାର୍ ହୁକେ ମିହାଦେଂ ସେସ୍ଟା କିଜି ମାଚାନ; ମତର୍ ହେୱାନ ଜେ ରଞ୍ଜାନ ଚେଲା, ଇଦାଂ ପାଚ କିଞ୍ଜାଦାଂ ଓଜାକାର୍ ତାଙ୍ଗ୍ ପାଣ୍ଡାଜି ମାଚାର୍ । ୨୭ ମାତର୍ ବର୍ଣ୍ଣବା ତାଙ୍ଗ୍ ରଚେ ଅଜି ପକ୍ୟାତାକାର୍ତ୍ତି ଲାଗେ ତାହିଞ୍ଜାତାନ, ଆରେ ହାସ୍ଦ ହେୱାନ ଇନେସ୍ ମାପୁତି ଚଞ୍ଜାତାକା ଆରି ହେୱାନ ଜେ ହେୱାନ ହୁକେ କାତାବାର୍ତା କିଜି ମାଚାନ, ଆରେ ଇନେସ୍ବାନି ହେୱାନ ଦମ୍ଲେସକ୍ତ ଜିସୁତି ତର୍ଦ ସାସ୍ତାଂ ପର୍ଚାର୍ କିଜି ମାଚାନ, ଇ ସବୁ ହେୱାନ ହେୱାର୍ତ୍ତି ଲାଗେ ବାକ୍ଶାୟ୍ କିତାନ । ୨୮ ଆରେ, ସାଉଲ୍ ପକ୍ୟାତାକାର୍ ଲାହାଂ ମାଚାନ ଆରି ଓଜୁ ଜିରୁସାଲମ୍ତ ଚାର୍ବେଣ୍ଡତାଂ ହାଲ୍ଜି ସାସ୍ ଲାହାଂ ମାପୁତି ତର୍ ବିସ୍ତେ ପର୍ଚାର୍ କିତାର୍ ୨୯ ମାପୁତି ତର୍ ସାସ୍ ହୁକେ ପର୍ଚାର୍ କିଦେଙ୍ଗ୍ ଲାଗାତାନ, ଆରେ ହେୱାନ ଗ୍ରିକ୍ ବେଣିକାର୍ ଜିହୁଦିର୍ ହୁକେ କାତାବାର୍ତା ଆରି

☆ ୯:୨୩ ୯:୨୩ ୨କରନ୍ତୁୟ୍ ୧୧:୩୨,୩୩.

ବେଶ୍‌ବାଟ କିଜି ମାଗନ୍, ମତର ହେଞ୍ଜାର ତାଙ୍ଗ ଅସ୍ତେଙ୍ଗ କାଜିଂ
 ସେଷ୍ଟା କିଦେଙ୍ଗ ଲାଗାତାର । ୩୦ ହେଦାଂ ପୁଞ୍ଜେଙ୍ଗ ଆଡ଼ତିଲେ
 ପାତ କିନି ଚଣ୍ଡାର ତାଙ୍ଗ କାଇସରିୟାତ ଅଜି ହାଲଜି ତାର୍ଯତ
 ପକ୍ତିତୁହିତାର ।

୩୧ ଇ ବାନି ସାତେ ଜିହୁଦା ରାଜିତ, ଗାଲିଲି ଆରି ସମିରଣ୍ତ ମଣ୍ଡଲି
 ସାସନି ବାଲବଲାଇ ପାୟାଜି ଆରି ମାପୁତି ପାଣ୍ଡୁ ବେବାର କିଜି
 ସୁସ୍ତା ବଗି କିତାର, ଆରେ ପୁଇପୁୟା ଜିବୁନ୍ ଉପକାରତାଂ ବାତାଦେଂ
 ଲାଗାତାର ।

ଲୁଦ ଆରି ଜପ୍‌ପାତ ପିତର

୩୨ ନଙ୍ଗ ପିତର ସବୁ ନିପ ବୁଲିଆଜି ଲୁଦନିକାର ପୁଇପୁୟାର
 ଲାଗେ ପା ଖାତାର । ୩୩ ହେ ବାହାତ ହେଞ୍ଜାନ୍ ଏନିୟ ତରନି ରଞ୍ଜାନିଂ
 ହୁଡ଼ତାନ୍, ହେଞ୍ଜାନ୍ ଆଟ୍ ବାହୁଁ ପାତେକ୍ କାଟେଲ୍‌ତ ହୁଞ୍ଜି ମାଗନ୍;
 ତାଙ୍ଗ ହିରକଲ୍ ଆଜି ମାଗାଡ଼ । ୩୪ ପିତର ହେଞ୍ଜାନିଂ ଇଚାନ୍, “ଏନିୟ,
 ଜିସୁ କ୍ରିଷ୍ଟ ନିଂ ଉଜ୍ କିଡ଼ତାନ୍‌ନା; ନିଙ୍ଗା, ନି ଚାଟି ଜାଲ୍‌ଦି କିୟା
 । ହେବେ ହେଞ୍ଜାନ୍ ଦାପ୍ରେ ନିଙ୍ଗ୍‌ତାନ୍ ।” ୩୫ ଆରେ, ଲୁଦ ଆରି
 ସାରଣନିକାର ଝିଜାର ତାଙ୍ଗ ହୁଡ଼ଜି ମାପୁନିପ ଲେଉଟାତାର ।

୩୬ ଜାପତ ଚାବିତା ତରନି ରଞ୍ଜେଲ୍ ଆଡ଼ୟାଣି ମାଗାଡ଼, ତାଦାଂ ଗ୍ରିକ୍
 ତର ଅରଡ଼ ଦର୍କା । ଇରିସ୍ “ହରିଣି” ମାଗାଡ଼, ହେଦେଲ୍ ତା ସବୁ
 ସମୁ ହାରଦି କାମାୟତ ଆରି ହିଲ୍‌ଖାକାରିଂ ହେବା କିଜି ମାଗାଡ଼ ।
 ୩୭ ହେଞ୍ଜେଡାଲିଂ ହେଦେଲ୍ ବେମାର ଆଜି ପାରାଣ୍ ପିସ୍ତାଡ଼, ହେବେ
 ହେଞ୍ଜାର ତାଙ୍ଗ ଇଡ଼ପିସ୍ ଜପ୍‌ଣି ବାକ୍ରାତ ହୁଡ଼ପାତାର । ୩୮ ଆରେ,
 ଲୁଦ ଜାପନି ଲାଗେ ମାଟିଲେ ଚେଲାର ପିତର ଲୁଦତ ମାନାନ୍ ଇଞ୍ଜି
 ଝେନ୍‌ଞ୍ଜି, “ରିୟାର ମାନାୟତିଂ ହେଞ୍ଜାନ୍ ଲାଗେ ପକ୍ତି ଇଦାଂ ଗଞ୍ଜାରି
 କିତାର, ମା ଲାଗେ ବେଗି ଖା ।” ୩୯ ଲାଗିଂ ପିତର ନିଙ୍ଗ୍‌ଜି ହେଞ୍ଜାର
 ହୁକେ ହାଚାନ୍ । ହେଞ୍ଜାନ୍ ଖାତିଲେ, ହେଞ୍ଜାର ହେଦେଲିଂ ହେ ଜପ୍‌ଣି
 ବାକ୍ରାତ ଅଜି ହାଚାର, ଆରେ ରାଣ୍ଡିକ୍ ଝିଜେକିକ୍ ତାଙ୍ଗ ହେଦେଲିଂ
 ବେଡ଼ି କିଜି ଆଡ଼ବିସ୍ ଆଡ଼ବିସ୍ ଦର୍କା ହେଞ୍ଜାର ହୁକେ ମାନି ଝେଡାଲିଂ
 ଇମ୍‌ଣି ସବୁ ଆଙ୍ଗି ଆରି ହେୟାଙ୍ଗ ରବ୍‌ତି ମାଗାଡ଼, ହେ ସବୁ ଚବ୍‌ଚେଂ
 ଲାଗିତିକ୍ । ୪୦ ମାତର, ପିତର ଝିଜାରିଂ ହପ୍‌ତି ମେଣ୍ଡାଙ୍ଗ କୁଦିକିଜି ।

ପାର୍ଥନା କିତାନ୍, ଆରେ ହାତି ଗାଗାଡ଼ ନିପ ମାସଦି ଇଚାନ୍, “ଗାବିତା, ନିଜା ।” ହେବେ ହେଦେଲ୍ କାଣ୍ଟକୁ ମେଲା କିତାଡ଼, ଆରେ ପିତରୁତିଂ ହୁଡ଼ଜି ନିଂଜି କୁଚ୍ଚାଡ଼ । ୪୧ ଆରେ, ହେଝାନ୍ କେଇ ଲାମାୟ୍ କିଜି ହେଦେଲିଂ ନିକ୍ତାନ୍ ଆରି ସାଦୁରିଂ ଆରି ରାଣ୍ଟିକାଂ କୁକ୍ଚି ହେଦେଲିଂ ଜିଜି ମାନାକା ଚଚ୍ଚାନ୍ ୪୨ ଇ କାତା ଜାପତ ସବୁନିପ ଜାଣାତାଡ଼ ଆରି ଆଦେକ୍ ମାପୁ ତାକେ ପାତ୍ କିତାର୍ । ୪୩ ଆରେ, ପିତରୁ ବେସି ଦିନ୍ ଜାପତ ସିମନ୍ ତରୁନି ରଝାନ୍ ତଲ୍ ରଚ୍ଚନାକାନ୍ ଇଞ୍ଜ ବାହା କିତାନ୍ ।

୧୦

ପିତରୁ ଆରି କର୍ଣ୍ଣଲିୟ

୧ କାଇସରିୟା ଲକ୍ କର୍ଣ୍ଣଲିୟ ତରୁନି ରଝାନ୍ ମୁଣିକା ମାଚାନ୍, ହେଝାନ୍ “ଇତାଲିକ ତରୁନି ମେଲ୍ୟାତ୍ ରଝାନ୍ ପାଞ୍ଚକଡ଼ି ମୁଡ଼ମେଲ୍ୟାର୍ ମାଚାନ୍ ।” ୨ ହେଝାନ୍ ରଝାନ୍ ହୁଦାର୍, ଆରେ ଇଞ୍ଜିବାହାୟ୍ ଇସ୍ପୁରତିଂ ପାଣ୍ଟାଜି ମାଚାର୍ । ହେଝାନ୍ ଜିହୁଦି ଗରିବରିଂ ବେସି ଦାନ୍ ହିଜି ମାଚାନ୍, ଆରେ ତାଇନାଡ଼ ଇସ୍ପୁରତି ଲାଗେ ପାର୍ଥନା କିଜି ମାଚାର୍ । ୩ ଦିନେକ୍ ମିକାହାରେସ୍ ତିନ୍ ଗଣ୍ଟା ଖେଡ଼ାଲିଂ ହେଝାନ୍ ହାଡ଼ପା ରଚେ ର କେଚ୍ଚକଣ୍ ହୁଡ଼ତାନ୍, ଇନେସ୍ ଇସ୍ପୁରତି ରଞ୍ଜେଲ୍ ଦୁଡ଼ ହେଝାନ୍ ଲାଗେ ଖାଜି ଇନାତା, “ଏ କର୍ଣ୍ଣଲିୟ ।”

୪ ହେଝାନ୍ ବାଦାଡ଼ତ ଦୁଡ଼ ହୁଡ଼ଜି ପାଣ୍ଟାଜି ଇଚାନ୍, “ଏ ମାପୁ, ଇନାକା ?”

ହେଝାନ୍ ହେଝାନିଂ ଇଚାନ୍, ନି ପାର୍ଥନା ଆରି ଦାନ୍ ସବୁ ଏଡ଼ କିଜି ପୁଜା ଲାକେ ଜପି ଇସ୍ପୁରତି ଲାଗେ ନିଂତାଡ଼ନା । ୫ ନଇ୍ ଏନ୍ ଜାପତ ମାନାୟ୍ ପକ୍ଚି ସିମନ୍ ପିତରୁତିଂ କୁକ୍ଚି ତାହିଝା, ହେଝାନ୍ତି ବିନ୍ ତରୁ ପିତରୁ, ୬ ହେଝାନ୍ ସିମନ୍ ତରୁନି ରଝାନ୍ ତଲ୍ ରଚ୍ଚନାକାନ୍ ଗତେନ୍ ଲାକେ ବାହା କିନାନା, ହେଝାନ୍ତି ଇଲ୍ ହାମଦୁର୍ ଗୁଟିତ । ୭ ହେଝାନ୍ ହୁଦାଂ ବେଣ୍ ଇଞ୍ଜି ମାଚି ଦୁଡ଼ ହାଚି ପାଚେ ହେଝାନ୍ ଜାର୍ ଇଲ୍ଲିନି ଆଡ଼ୟାର୍ ବିଡ୍ରେ ରିୟାରିଂ, ଆରେ ହେଝାନ୍ତି ହେବା କିଜିମାନି ମେଲ୍ୟାର୍ ବିଡ୍ରେ ରଝାନ୍ ଦାମ୍ ମେଲ୍ୟାଙ୍ କୁକ୍ତାନ୍, ୮ ଆରେ ହେଝାରିଂ ଖିଜୁ କାତା ବୁଜାୟ୍ କିଜି ଜାପତ ପକ୍ତାନ୍ ।

୯ ଆର୍ଜାତ୍ ନାଜିଂ ହାଲୁ ହାଲୁ ଏତେକାତ୍ତ୍ୱ ଗାଡ଼ନି ଲାଗେ ଆତାର୍, ହେପାଦନା ପିତର ଖେଡ଼ା ବାର୍ ଗଣ୍ଡା ଖେଡ଼ାଲିଂ ପାର୍ତ୍ତନା କିନି କାଜିଂ ଜେଗନ୍ ଜପି ହାଚାନ୍, ୧୦ ଆରେ ହେଝାନ୍ ନାସ୍ କି ଆଜି ରିଞ୍ଜେଙ୍ଗ୍ ମାନ୍ କିତାନ୍, ମତର ହେଝାର୍ କାଦି ଜାଲ୍ ଦି କିନି ଖେଡ଼ାଲିଂ ହେଝାନ୍ କେଟ୍ କଣ୍ ହୁଡ଼ତାନ୍; ୧୧ ହେଝାନ୍ ହୁଡ଼ତାନ୍ ବାଦାତ୍ତ୍ୱ ଜେୟାତାତ୍ତ୍ୱା, ଆରେ ର ତାଡ଼ିୟା ତାରେନ୍ ଝାନାତା, ଇନେସ୍ ର ଗାଜା ହେୟା ଚାରି କନାତ ଆହ୍ ମା ଆଜି ପୁତ୍ ଜପି ଜୁଡ଼ୟାନ୍ନାତା; ୧୨ ହେବେ ପୁତ୍ ନି ସବୁବାନି ଚାର୍ ଗଡ଼ିଆ ଜାଡ଼କୁ, ରାଜ୍ ମାନିକିଂ ଆରି ବାଦାଡ଼ନି ପଟିଙ୍ଗ୍ ମାନିଙ୍ଗ୍ । ୧୩ ଆରେ, ହେଝାନ୍ କାଜିଂ ଇ କାତା ଆତାତ୍, “ଏ ପିତର, ନିଙ୍ଗା, ପାଗ୍ ଜି ତିନା ।”

୧୪ ମାତର ପିତର ଇଚାନ୍, “ଆକାୟ୍, ମାପୁ, ଆନ୍ ଇନାଝାଡ଼ା ପା ଇମ୍ ଶି ପୁଇପୁୟା ହିଲ୍ ଝାକା ଆରି ରାଡ଼ା ଆତାକା ଜିନିସ୍ ତିଂ ତିନ୍ ଝାତାନ୍ନା ।”

୧୫ ଆରେ ରିହା ହେଝାନ୍ କାଜିଂ ଇ କାତା ଆତାତ୍, “ଇସ୍ ସର୍ ଇନାକା ସକର୍ କିତାନ୍ନା, ହେଦାଂ ଏନ୍ ବିଟାତ୍ ଇଞ୍ଜି ଇନ୍ ମା ।” ୧୬ ଇ ବାନି ତିନ୍ ହଟ୍ ଆତାତ୍, ଆରେ ହେ ଦାପ୍ରେ ହେଦାଂ ଉଲ୍ ଚି ବାଦାତ୍ତ୍ୱ ନିକ୍ତି ଅୟାତାତ୍ ।

୧୭ ପିତର ଇମ୍ ଶି ଦର୍ସନ୍ ଗାଟାଜି ମାଚାନ୍, ହେବେନି ଅରଡ଼ ଇନାକା, ହେଦାଂ ବାବି କିଜି ବୁଦିବାମ୍ ତା ଆନି ଖେଡ଼ାଲିଂ, ହୁଡ଼ାଟ୍, କର୍ଣ୍ଣଲିୟତି ପଦ୍ୟାତି ଲକୁ ସିମନ୍ତି ଇଲ୍ ତେକ୍ତି ଦୁଝେର୍ ଲାଗେ ନିଲ୍ ଚି ମାଚାନ୍, ୧୮ ହେଦାଂ କୁକ୍ତି ହେଝାର୍ ଝେନ୍ ବାତାର୍ ପିତର କୁକ୍ତି ତର “ସିମନ୍ ହେବେ ଗତେନ୍ ଲାକେ ବାହା କିନାନା କି ଆକାୟ୍ ?”

୧୯ ପିତର ହେ କେଟ୍ କଣ୍ ବିସ୍ତେ ବାବି କିନି ଖେଡ଼ାଲିଂ ପୁଇପୁୟା ଜିବୁନ୍ ତାଙ୍ଗ୍ ଇଚାତ୍, “ହୁଡ଼ା, ତିନ୍ ଜାଣ୍ ଲକୁ ନିଂ ତେକ୍ତାନାରା । ୨୦ ନିଙ୍ଗା ଜାଲ୍ ଦି ଆଜି ତାରେନ୍ ହାଲା ଆରି ହେଝାର୍ ଲାହା ହାଜେଙ୍ଗ୍ ଚିନ୍ତା କିମା, ଇନାକିଦେଂ କି ଆନ୍ ହେଝାରିଂ ପଲ୍ଲୀତାନ୍ନା ।” ୨୧ ହେବେ ପିତର ହେ ମାନାୟାର୍ ଲାଗେ ହାଲ୍ ଜି ଇଚାନ୍, ହୁଡ଼ାଟ୍, ଏପେଙ୍ଗ୍ ଇନେରିଂ ତେକ୍ନାଦେରା, “ଆନ୍ ହେଝେନ୍ । ଏପେଙ୍ଗ୍ ଇନା ଲଡ଼ାତିଂ ଝାତାଦେର୍ଣ୍ଣା ?”

୨୨ ହେୱାର ଇଚାର, “କର୍ଣ୍ଣଲିୟ ତରନି ରୱାନ ପାଞ୍ଚକଡ଼ି
 ମେଲ୍ୟାର ମୁଡ଼ଦାକାନ୍, ହେୱାନ ଦାମ୍ ଲଗୁ ଆରି ଇସ୍ବରତିଂ
 ପାଣ୍ଡା ଆନାକାନ୍, ଆରେ ଖିନ୍ତୁ ଜିହୁଦି ଜାତିର ଲାଗେ ତାକ୍ପୁଟାଲଗୁ
 ହେୱାନ ଜାର ଇଞ୍ଜ ନିଂ କୁକିକିଦେଂ ପକ୍ତି ନି ତାଙ୍ଗ୍ ସାକି କାତା କାଜିଂ
 ପୁଇପୁୟା ଦୁଡ଼ ହୁଦାଂ ସିଦାବଲ ଗାଟାତାନ୍ନା ।” ୨୩ ହେବେ ହେୱାନ
 ହେୱାରିଂ ବିତ୍ତେ କୁକ୍ତି ଅଜି ହେୱାରିଂ ହେବା କିତାନ୍ ।

ତା ଆର୍କାଡ଼ ନାଜିଂ ହେୱାନ ନିଂଜି ହେୱାର ହୁକେ ହାଚାନ୍, ଆରେ
 ଜାପତ ନି ପାତ୍ କିନି ଗଣ୍ଡାର ବିତ୍ତେ କେତେକ୍ ଜାଣ୍ ହେୱାନ
 ହୁଦାଂ ହାଚାର । ୨୪ ଆର୍କାଡ଼ ନାଜିଂ ହେୱାର କାଇସରିୟାତ ହଚାର,
 ଆରେ, କର୍ଣ୍ଣଲିୟ ଜାର ୱାସ୍ ଆରି ଲାଗେନି ହାଙ୍ଗ୍ଦାକାରିଂ କୁକ୍ତି
 ରୁଣ୍ଡାୟ କିଜି ହେୱାରିଂ କାସି ମାଚାନ୍ । ୨୫ ପିତର ହଟିଲେ କର୍ଣ୍ଣଲିୟ
 ହେୱାନିଂ ଗିଟାଜି ସାରାଣ୍ ତାରେନ୍ ଆଜ୍ ହେୱାନିଂ ଜଞ୍ଜାର କିତାନ୍
 । ୨୬ ମାତର ପିତର ହେୱାନିଂ ନିକ୍ତି ଇଚାନ୍, “ନିଲା ଆନ୍ ପା ରଞ୍ଜାଙ୍ଗ୍
 ମାନାୟ ।” ୨୭ ହେବେ ହେୱାନ ହେୱାନ୍ତି ହୁଦାଂ କାତା କିଉ କିଉ ବିତ୍ତେ
 ହାଲ୍ଜି ହୁଡ଼ତାନ୍, ଜବର ଲକୁ ରୁଣ୍ଡା ଆତାଣ୍ଡା, ୨୮ ଆରେ ହେୱାନ
 ହେୱାରିଂ ଇଚାନ୍, ବିନ୍ ଜାତିନି ଇମ୍ଫି ଲକୁ ହାଙ୍ଗ୍ ମେହାନାକା ନଲେ
 ତା ଲାଗେ ବାନ୍ୟା ଜିହୁଦି ମାନାୟ ପାକ୍ୟାତ ଇନେସ୍ ବିଦି ହିଲୁଡ଼,
 ହେଦାଂ “ଏପେଙ୍ଗ୍ ପୁଟାଦେଣ୍ଡା; ଆତିସ୍ପା ଇମ୍ଫି ଲକୁରିଂ ରାଡ଼ା କି
 ସକର୍ ଆକାୟ ଇଞ୍ଜ ଇନ୍ଞି କାଜିଂ ଇସ୍ବର ନାଙ୍ଗ୍ ଚଟାତାନ୍ନା ।
 ୨୯ ହେଦାଂ କାଜିଂ ନାଙ୍ଗ୍ କୁକ୍ତାତାନ୍ନା ଆନ୍ ପା ଆପତି କିଞ୍ଜାଦାଂ ୱାତାଂ
 । ଲାଗିଂ ଆନ୍ ୱେନ୍‌ବାଆଦନାଂ, ଇନାକିଦେଂ ଏପେଙ୍ଗ୍ ନାଙ୍ଗେଙ୍ଗ୍
 କୁକିକିତାଦେଣ୍ଡା ?”

୩୦ କର୍ଣ୍ଣଲିୟ ଇଚାନ୍, “ତିନି ଦିନ୍ ଆଗେ ସମାନ୍ ଇ ୱେଡ଼ାଲିଂ ଆନ୍
 ଜାର ଇଞ୍ଜ ମିକାହାରେସ୍ ତିନ୍ ଗଣ୍ଡା ୱେଡ଼ାଲିଂ ପାର୍ଡାନା କିଜି ମାଚାଙ୍ଗ୍;
 ତ୍ରିପ୍କୁ, ତ୍ରିଞ୍ଜିନି ହେୟା ଉସ୍ତାତାକାନ୍ ରୱାନ ମୁଣିକା ନା ମୁମ୍ଦ ଇଞ୍ଜ
 ଇଚାନ୍, ୩୧ କର୍ଣ୍ଣଲିୟ, ନି ପାର୍ଡାନା ୱେନ୍‌୍ୟା ଆତାଡ଼ନ୍ନା; ଆରେ, ନି ଦାନ୍
 ସବୁ ଇସ୍ବରତି ମୁମ୍ଦ ଏତାୟ କିୟାତାଡ଼ନ୍ନା । ୩୨ ଲାଗିଂ, ଜାପତ ଲକୁ
 ପକ୍ତି ପିତର ତରନି କୁକ୍ତି ସିମନ୍ ଲାଗାଂ କୁକ୍ତି ତାହିଞ୍ଜା, ହେୱାନ
 ହାମ୍‌ଦୁର ଗୁଟିତ ସିମନ୍ ତଲ୍ ରଚନାକାନ୍ ଇଞ୍ଜ ଗତେନ୍ ଲାକେ ବାହା

କିତାନ୍ନା । ୩୩ ଇଦାଂ କାଜିଂ ଆନ୍ ମାଲ୍ୟୟ କିଞ୍ଚିଦାଂ ନି ତାକେ ଲକ୍ଷ୍ମ ପଲ୍ଲୀତାଂ, ଆରେ ଏନ୍ ଜେ ଖାତାୟନା, ହାର୍ କିତାୟନା । ଲାଗିଂ, ମାପୁ ନିଂ ଇନାକା ସବୁ ବଲ୍ ହିତ୍ତାନ୍ନା, ହେଦାଂ ଖେଞ୍ଜେଞ୍ଜ କାଜିଂ ଆପେଂ ଓଜାୟ ଇସ୍ବରତି ମୁମ୍ଦ ଏକାଞ୍ଚାତାୟା ।” ୩୪ “ହେବେ ପିତର ମୁମ୍ ରିକ୍ତି ଇଚାନ୍, ହାତ୍ପାନେ ଇସ୍ବର ଜେ ମୁକ୍ତେଟ୍ କିତନ୍ ।

ପିତରତି ପରଚାର

୩୫ ମତର ଓଜେ ଜାତିତ ଜେ ଇନେର ହେଞ୍ଚାନିଂ ପାଣ୍ଡୁଜି ଦାରୁମ୍ କାମାୟ କିତାର୍, ହେଞ୍ଚାନ୍ ଜେ ହେଞ୍ଚାନ୍ତି ଲାଗେ ଇତ୍ୟାନାର୍, ଇଦାଂ ଆନ୍ ସତ୍ କାମାୟ । ୩୬ ହେଞ୍ଚାନ୍ତ ଜିସୁ କ୍ରିସ୍ତତି ହୁକେ ସୁସ୍ତାନି ନେକ୍ତିକାରୁର ପରଚାରକିଇ କିଜି ଇସ୍ବାଏଲ୍ ମାଜିର ଲାଗାଂ ଇ ବଚନ୍ ପକ୍ତାନ୍; ହେ ଜିସୁ କ୍ରିସ୍ତ ଓଜାର୍ ମାପୁ । ୩୭ ଏପେଞ୍ ପୁନାଦେର୍ ଜେ ବାପ୍ତିସ୍ମିମ୍ ଜହନ୍ତି ସମୁତାଂ ହେ ନେକ୍ତିକାରୁର ଗାଲିଲିତାଂ ଆରମ୍ କିଜି ସବୁ ଜିହୁଦାତି ବଚନ୍ ପରଚାର୍ ଆତାତ୍ନା, ୩୮ ନାଜରିତୟ ଜିସୁତ କାତା, ଇନେସ୍ ଇସ୍ବର ହେଞ୍ଚାନିଂ ପୁଇପୁୟା ଜିରୁନ୍ ଆରି ସାକ୍ତିତ ସିଗ୍ କିତାର୍, ଆରେ ହେଞ୍ଚାନ୍ ହାର୍ କିତ୍ କିତ୍ ଆରି ସୟତାନ୍ କିତି ବେମାର୍ ଓଜୁ ଲୁଗାଂ ଉଜ୍ କିତ୍ କିତ୍ ଓଜେ ବୁଲ୍ଲୀତାନ୍, ଇନାକିଦେଂକି ଇସ୍ବର ହେଞ୍ଚାନିଂ ଆତାଜି ମାଚାନ୍ । ୩୯ ଆରେ, ହେଞ୍ଚାନ୍ ଜିହୁଦିରତି ଦେସ୍ ଆରି ଜିରୁସାଲମ୍ତ ଇନାକା ଇନାକା କିତାନ୍, ଆସେଞ୍ ହେ ସବୁନି ସାକି; ହେଞ୍ଚାନିଂ ହେଞ୍ଚାର୍ କୁସ୍ତ ଡସି ଅସ୍ତାର୍ । ୪୦ ହେଞ୍ଚାନିଂ ଇସ୍ବର ତିନି ଦିନ୍ତାଂ ଆରେ ନିକ୍ତାନ୍ନା; ଆରେ ହେଞ୍ଚାନ୍ ମାନାୟାର୍ ତାକେ ଚଞ୍ଜୟାତାନ୍; ୪୧ ଓଜାର୍ ଲକ୍ଷ୍ମ ସିଦା ଆଦେଂ ହିଞ୍ଚାତାନ୍, ମତର ଇସ୍ବରତି ହୁଦାଂ ଆଗେ କିତି ସାକି ଜେ ଆସେଞ୍, ମା ସିଦା ଆଦେଂ ହିତାନ୍ । ହେଞ୍ଚାନ୍ ହାକିତାକେଣ୍ଟାଂ ନିଂତି ପାରେ ଆପେଂ ହେଞ୍ଚାନ୍ତି ଲାହାଞ୍ ତିନାଉଣା କିତାପ୍, ୪୨ ଆରେ ମାନାୟାର୍ ଲାଗେ ସୁଣାୟ କିଦେଞ୍, ଆରେ ହାତି ଆରି ଜିଜି ମାନାୟାତ୍ ବିଚାରକାରୟା ଆଦେଂ କାଜିଂ ଇସ୍ବର ହେଞ୍ଚାନିଂ ବାତି କିତାନ୍ନା ଇଞ୍ଜି ସାକିହିଦେଂ ହେଞ୍ଚାନ୍ ମାଂ ବଲ୍ ହିତ୍ତାନ୍ । ୪୩ ଇନେରକି ହେଞ୍ଚାନ୍ ତାକେ ପାତ୍ କିତାର୍, ହେଞ୍ଚାନ୍ ଜେ ହେଞ୍ଚାନ୍ତି ତରନି ସାକ୍ତିତ ପାପ୍

କେମା ପାୟାନାନ୍, ଇଦାଂ ଓଁଦୁ ବେଶ୍‌ବାକ୍‌ଶାୟକିନାକାର୍ ହେଞ୍ଜାତି ବିସ୍ତେ ସାକି ହିନାର୍ ।”

ପାତର୍ କିଞ୍ଚି ଜିହୁଦିର୍ ପୁଇପୁୟା ଜିବୁନ୍ ଗାଟାତାର୍

୪୪ ପିତର୍ ଇ ସବୁ ହିକ୍ୟା ହିନି ଖେଡାଲିଂ ଏଚେକାଡ଼ଦ ଲଗୁ ବଚନ୍ ଖେନ୍‌ଞ୍ଜି ମାଚାର୍, ହେ ଓଁଜାର୍ ଜପି ପୁଇପୁୟା ଜିବୁନ୍ ଜୁଡ଼ତାଡ଼ ।
୪୫ ହେବେ ପିତର୍ ହୁଦାଂ ଖାତି ସୁନ୍ନଡ଼ ପାତର୍ କିନାକାର୍ ଓଁଜାର୍ ପାତର୍ କିଞ୍ଚି ଜିହୁଦିର୍ ଜପି ପା ପୁଇପୁୟା ଜିବୁନ୍ ହିନାକା ହୁଡ଼ଜି କାବା ଆତାର୍; ୪୬ ଇନାକିଦେଂକି ହେଞ୍ଜାର୍ ଜିହୁଦି ପାତର୍ କିନାକାର୍ ବାର୍‌ବିନ୍ ବେଶ୍‌ତ କାତା ଇନାକା ଆରି ଇସ୍‌ସ୍‌ରତି ଦନ୍‌ସ୍‌ବାଦ୍ କିଜି ମାନାକା ଖେନ୍‌ଞ୍ଜି ମାଚାର୍, ହେପାଦନା ପିତର୍ ଉତର୍ ହିତାନ୍ । ୪୭ “ଇ ଇମ୍‌ଣି ଲକୁ ମା ଲାକେ ପୁଇପୁୟା ଜିବୁନ୍ ପାୟା ଆତାଶ୍‌ଣା, ଇଞ୍ଜାର୍ ଇନେସ୍ ବାପ୍‌ସିମ୍ ଆଡର୍, ହେଦାଂ କାଜିଂ କି ଇନେର୍ ଏଜୁଙ୍ଗ୍ ମୁନା କିଦେଙ୍ଗ୍ ଆଡୁର୍ ?” ୪୮ ଆରେ, ହେଞ୍ଜାନ୍ ହେଞ୍ଜାରିଂ ଜିସୁ କ୍ରିସ୍‌ଟି ତରଦ ବାପ୍‌ସିମ୍ ହିନି କାଜିଂ ବଲ୍ଲ ହିତାନ୍ । ପାଚେ ହେଞ୍ଜାର୍ ଅଲପ୍ ଦିନ୍ ମାଞ୍ଜେଙ୍ଗ୍ କାଜିଂ ହେଞ୍ଜାନିଂ ଗଞ୍ଜାରି କିତାର୍ ।

୧୧

ଜିରୁସାଲମ୍ ମଣ୍ଡଲିତ ପିତର୍‌ତି କାରୁର୍ ଖେଚ୍‌ନାକା

୧ ପାତର୍ କିଞ୍ଚି ଜିହୁଦିର୍ ପା ଜେ ଇସ୍‌ସ୍‌ରତି ବଚନ୍ ଇଡ଼ତାର୍‌ନା, ଇଦାଂ ପକ୍ୟାତାକାର୍ ଆରି ଜିହୁଦା ରାଜିତ ମାନି ପାତର୍ କିନି ଟଣ୍ଡାର୍ ଖେଚାର୍ । ୨ ଆରେ, ଏଚେକାଡ଼ଦ ପିତର୍ ଜିରୁସାଲମତ ଖାତାନ୍, ହେ ଏଚେକାଡ଼ଦ ସୁନ୍ନଡ଼ ଆତି ଚେଲାର୍ ହେଞ୍ଜାନ୍ ହୁଦାଂ ବିଚାର୍ କିଜି ଇଚାର୍, ୩ “ଏନ୍ ପାତର୍ କିଞ୍ଚି ଜିହୁଦି ଲକାରିଂ ଇଞ୍ଜ ହର୍‌ପିସ୍ ହେଞ୍ଜାର୍ ହୁକେ ଚିଚାୟନା ।” ୪ ମାତର୍ ପିତର୍ ସବୁ କାତାତିଂ ବୁଜାୟ କିଦେଙ୍ଗ୍ ଆରମ୍ କିଜି ଇଚାନ୍,

୫ “ଆନ୍ ଜାପ ଗାଡ଼ଦ ପାର୍ତାନା କିଜି ମାଚାଙ୍ଗ୍ ଆରି ଦର୍ସନ୍ ଗାଟାତାଂ, ର ପାଡ଼କାତାଙ୍ଗ୍ ଖାନାତା, ଇନେସ୍ ର ଗାଜା ହେନ୍ଦା ଚାରି କନାତ ଆସ୍ତି ବାଦାଡ଼ତାଂ ହେଦାଂ ହୁଡ଼ତାଂ, ହେଦାଂ ନା” ଲାଗାଂ ଚେବାତାଡ଼, ୬ ଆରେ ବାଦାଡ଼ତାଂ ହେଦାଂ ନା ପାଚେକ୍ ଖାତାଡ଼; ଆନ୍ ହେଦାଂ

ହୁଡ଼ୁଜି ଚିନ୍ତା କିଦେଇଁ ଲାଗାତାଂ ଆରି ହେବେ ପୁତ୍ର ନି ଚାରିଗଡ଼ିୟା ଜାଡ଼, ରାନ୍ତି ପସୁ, ରାଡ଼କୁ ପାଣା ଆରି ପୁତିନି ପଚିଇଁ ସବୁ ହୁଡ଼ୁତାଂ, ^୭ ଆରେ, ନାଇଁ ଇଞ୍ଜିମାଞ୍ଚି ର କାତା ପା ଆନ୍ ଖେଚାଈ, ଏ ପିତର, “ନିଈା, ପାଗ୍‌ଜି ତିନା ।” ^୮ ମାତର ଆନ୍ ଇଚାଈ, ଆକାୟ, ମାପୁ, ରାଡ଼ା କି ସକଟ୍ ହିଲୁଞ୍ଚି ଜିନିସ୍ ନା ମୁମ୍‌ଦ ଇନାଞ୍ଚାଡ଼ାଂ ହଟ୍‌ପି କିଞ୍ଚାତାଂନା । ^୯ ମାତର ରିହା ବାଦାଡ଼ତାଂ ର କାଟ୍ ଉତର ହିଡ଼ତାଡ଼, “ଇସ୍‌ସର ଇନାକା ସକଟ୍ କିତାନ୍‌ନା, ଏନ୍ ହେଦାଂ ବିଚାଡ଼ ଇଞ୍ଚି ଇନ୍‌ମା ।” ^{୧୦} ଇ ବାନି ତିନି ହଟ୍ ଆତାଡ଼, ପାଚେ ଖିକୁ ଆରେରଗ ବାଦାଡ଼ତ ଅୟାତାଡ଼ । ^{୧୧} ଆରେ ହୁଡ଼ାଟ୍, ଦାପ୍ରେ ତିନ୍ ଜାଣ ମାନାୟ, ଆପେଂ ଇମ୍‌ଣି ଇଞ୍ଚି ମାଚାପ, ହେବେନି ମୁମ୍‌ଦ ଖାଜି ନିଲୁତାର, ହେଞ୍ଚାର କାଈସରିୟାତାଂ ନା ତାକେ ପକ୍ୟାଜି ମାଚାର । ^{୧୨} ଆରେ, ମୁଡ଼େ ଆନ୍‌ମାନ୍ କିଞ୍ଚାଦାଂ ହେଞ୍ଚାର ହୁଦାଂ ହାଞ୍ଜେଇଁ କାଜିଂ ପୁଇପୁୟା ଜିବୁନ୍ ନାଈ ଖେଚ୍‌ଚାତାଡ଼ । ଆରେ, ଇ ଚଅ ଜାଣ ପାତ୍ର କିନି ଟଣ୍ଡାର ପାନା ହୁଦାଂ ତାରେନ୍ ହାଚାର, ଆରେ ଆପେଂ ହେ କର୍ଣ୍ଣଲିୟା ଇଲ୍ ହଟାପ । ^{୧୩} ହେଞ୍ଚାନ୍ ଇନେସ୍ ରଞ୍ଚାନ୍ ଦୁଡ଼ ତାକେ ଦର୍ସନ୍ ପାୟାଜି ମାଚାନ୍, ହେଦାଂ ମାଈଈଈ ଖେଚ୍‌ଚାତାନ୍, ହେ ଦୁଡ଼ ଇନେସ୍ ହେଞ୍ଚାନ୍ତି ଇଞ୍ଚି ଇଚାନ୍, ଜାପତ ଲକୁ ପକ୍‌ଚି ପିତର କୁକ୍‌ନି ତର ସିମନ୍‌ତିଂ କୁକ୍‌ଚି ତାହିଞ୍ଚାଡ଼ୁ; ^{୧୪} ଇନେର ଖିଜାର ବଚନ୍ ହୁଦାଂ ଏପେଈ ଆରି ମି ଖିଜାର ଇଲ୍‌ନିକାର ରାକ୍ୟା ଆନାର, ହେଞ୍ଚାନ୍ ମିଈଈଈ ହେ ସବୁ ଖେଚ୍‌ଚାଚାନ୍ । ^{୧୫} ପାଚେ ଆନ୍ କାତା ଇଞ୍ଜେଈ ଆରମ୍ ଖେଡ଼ାଲିଂ ପୁଇପୁୟା ଜିବୁନ୍ ଆଗ୍‌ଦ ମା ଜପି ଜୁଡ଼ି ଲାକେ ହେଞ୍ଚାର ଜପି ପା ଜୁଡ଼ତାଡ଼ । ^{୧୬} ☆ ହେପାଦନା ମାପୁତି ଇ ବଚନ୍ ନା ଏଡୁ ଖାତାଡ଼, ଜହନ୍ ଖିଜାକାରିଂ ଉତର ହିତାନ୍, “ଜହନ୍ ହିନା ଏସ୍‌ଉଈତାଂ ବାପ୍‌ସିମ୍ ହିତାନ୍ ହାଡ଼ପା ମତର ଏପେଈ ପୁଇପୁୟା ଜିବୁନ୍‌ତାଂ ବାପ୍‌ସିମ୍ ଆନାଦେର୍ ।” ^{୧୭} ଲାଗିଂ, ଆସେଈ ମାପୁ ଜିସୁ କ୍ରିସ୍‌ଟି ତାକେ ପାତ୍ର କିନି ଖେଡ଼ାଲିଂ ଇସ୍‌ସର ଇନେସ୍ ଦାନ୍ ହିଜି ମାଞ୍ଚାନ୍, ହେ ଲାକେ ଏଚେକାଡ଼ଦ ହେଞ୍ଚାରିଂ ପା ହାରି ଦାନ୍ ହିତାନ୍, ଆନ୍ ଇନେର ଜେ ଇସ୍‌ସରତିଂ ବାଦା ହିଦେଂ ଆଡ଼ତାଂମା ?

^{୧୮} ଇ ସବୁ କାତା ଖେଚିଲେ ହେଞ୍ଚାର ଚିମ୍‌ରା ଆତାର ଆରି

☆ ୧୧:୧୭ ୧୧:୧୭ ପକ୍ୟାତାକା ୧:୫.

ଇସ୍ଵରତିଂ ଜାଜ୍ଞମାଲ୍ କିଜି ଇଚାର୍, “ଝାଟିଙ୍ଗ” ଇସ୍ଵର ପାତ୍ କିଞ୍ଜି
ଜିହ୍ଵଦିର୍ ପା ପୁଇପୁୟା ଜିବୁନ୍ ପାୟାନ୍ କାଜିଂ ମାନ୍ବାଦ୍ଲୟା ଦାନ୍
କିତାନ୍ନା ।

ଆନ୍ତ୍ରିୟକିଆ ମଣ୍ଡଲି

୧୯ ☆ଞ୍ଜିସ୍ତ୍ରି ବିତ୍ତେ ସ୍ତ୍ରିପାନ୍ କାଜିଂ ଗିଟାଜି ମାଟି ଦୁକ୍ କାଜିଂ
ଇମ୍ଘାକାର୍ ଜେଡେକେଡ୍ ଆଜି ମାଚାର୍, ହେଞ୍ଜାର୍ ପୈନିକିଆ,
କୁପ୍ତ୍ ଆରି ଆନ୍ତ୍ରିୟକିଆ ପାତେକ୍ ବୁଲା ଆଜି ଆପକା ଜିହ୍ଵଦିରିଂ
ପିସ୍ତ୍ରି ଆରେ ଇନେର୍ ତାକେ ବଚନ୍ ପରଚାର୍ କିଞ୍ଜାଦାଂ ମାଚାର୍ ।
୨୦ ମାତର୍ ହେଞ୍ଜାର୍ତି ବିତ୍ତେ କେତେକ୍ ସାଇପ୍ରସ୍ ଆରି କୁରିଣିୟ
ଲକୁ ଆନ୍ତ୍ରିୟକିଆତାଂ ଝାଜି ଗ୍ରିକ୍ ତାକେ ପା କାତା ଇଞ୍ଜି ମାପୁ ଜିସୁତି
ନେକ୍ତ୍ରିକାରୁର୍ ପରଚାର୍ କିଦେଙ୍ଗ୍ ଲାଗାତାର୍ । ୨୧ ଆରେ, ହେଞ୍ଜାର୍
ଲାହାଂ ମାପୁତି କେଇ ମାଚାଡ୍, ଆରେ ବେସି ମାନାୟ୍ ପାତ୍ କିଜି
ମାପୁନିପ ମାସ୍ଦି ଝାତାର୍ ।

୨୨ ହେଞ୍ଜାର୍ତି ବିସ୍ତେତି କାରୁର୍ ଜିରୁସାଲମ୍ ମଣ୍ଡଲିତ ଝେନ୍ୟାତାଡ୍,
ହେବେ ହେଞ୍ଜାର୍ ଆନ୍ତ୍ରିୟକିଆ ପାତେକ୍ ବର୍ଣ୍ଣବାଙ୍ଗ୍ ପନ୍ତାର୍ ।
୨୩ ହେଞ୍ଜାନ୍ ଏକିସ୍ ଇସ୍ଵରତି ଦୟା ହୁଡ୍ଜି ଝାର୍ଣ୍ଣୟା ଆତାନ୍, ଆରେ
ଇନେସ୍ ହେଞ୍ଜାର୍ ମାନ୍ନି ର ମାନ୍ତ୍ ମାପୁତି କାଜିଂ ଜେଲ୍ଣୟା ଆଜି
ମାନାର୍, ହେଦାଂ କାଜିଂ ଝିଜାରିଂ ଝାରିକିୟ୍ କିତାର୍; ୨୪ ଇନାକିଦେଂକି
ବର୍ଣ୍ଣବା ରଞ୍ଜାନ୍ ହାର୍ଦି ମୁଣିକା, ଆରେ ପୁଇପୁୟା ଜିବୁନ୍ ଆରି
ପାତ୍ ତ ବାତ୍ ମାଚାନ୍ । ଇ ବାନ୍ ବିସି ବେସି ମାନାୟ୍ ମାପୁ
ତାକେ ମେହା ଆତାର୍ ।

। ୨୫ ପାଚେ ହେଞ୍ଜାନ୍ ସାଉଲ୍ତିଂ ତେକ୍ନି କାଜିଂ ତାର୍ପତ ହସି
ହାଚାନ୍, ୨୬ ଆରେ, ହେଞ୍ଜାନ୍ ହେଞ୍ଜାନିଂ ଗାଟାଜି ଆନ୍ତ୍ରିୟକିଆତ
ତାହିଞ୍ଜାତାନ୍ । ହେଞ୍ଜାର୍ ବାତ୍ ର ବାହୁଁ ପାତେକ୍ ମଣ୍ଡଲି ହୁଦାଂ
ମାନ୍ଞି ବେସି ଲୁଗାଙ୍ଗ୍ ହିକ୍ୟା ହିତାନ୍, ଆରେ ଆନ୍ତ୍ରିୟକିଆତ ଚେଲାର୍
ପର୍ତ୍ତ୍ ମ୍ କ୍ରିସ୍ଟିୟାନ୍ ଇଞ୍ଜି ଇନ୍ୟା ଆତାର୍ ।

୨୭ ହେ ଝେଡାଲିଂ କେତେକ୍ ଜାଣ୍ ବେଣ୍ବାକ୍ଣାୟ୍ କିନାକାର୍
ଜିରୁସାଲମ୍ତାଂ ଆନ୍ତ୍ରିୟକିଆତ ଝାତାର୍ । ୨୮ ☆ହେଞ୍ଜାର୍ ବିତ୍ତେ ଆଗାବ

☆ ୧୧:୧୯ ୧୧:୧୯ ପଦ୍ୟାତାକା ୮:୧-୪. ☆ ୧୧:୨୮ ୧୧:୨୮ ପଦ୍ୟାତାକା ୨୧:୧୦.

ତରୁନି ରଞ୍ଜାନ ମୁଣିକା ନିଂଜି ସବୁ ପୁତ୍ର ବେସି କାତାର ଆଶ୍ୱାତ୍
 ଇଞ୍ଜି ଜିବୁନ୍ ହୁଦାଂ ଝେଟ୍ଟଚାନ; ହେଦାଂ କ୍ଳାଉଦିଅତି ସମୁ ମାନି
 ଝେଡ଼ାଲିଂ ଗିଗାତାତ୍ । ୨୯ ହେବେ ଚେଲାର୍ ସବୁ ଜାଣ୍ ଜାର୍ ସାଞ୍ଜି
 ହୁଦାଂ ଜିହୁଦା ରାଜି ନିକାର୍ ପାତ୍ର କିନି ଚଣ୍ଡାର୍ କାଜିଂ ହେବା
 ପଲେଙ୍ଗ୍ ତିର୍ କିତାର୍, ୩୦ ଆରେ ହେଞ୍ଜାର୍ ପା ହେଦାଂ କିଜି ବର୍ଣ୍ଣବା
 ଆରି ସାଉଲ୍ଲତି କେଇଦ ପ୍ରାତିନାର୍ତି ଲାଗେ ପଲ୍ଲାର୍ ।

୧୨

ଆଦିକ୍ କସ୍ତ ପାୟାନାକା

୧ ଆନମାନରେ ହେ ଝେଡ଼ାଲିଂ ହେରଦ୍ ରାଜା ମଣ୍ଡଲିନି କେତେକ୍
 ଜାଣ୍ତିଂ ହରବର କିନି କାଜିଂ କେୟ୍ କିତାନ୍ । ୨ ହେଞ୍ଜାନ୍ ଜହନ୍ତି
 ଚଣ୍ଡେନ୍ ଜାକୁବ୍ କାଣ୍ଡାତାଂ ଅସ୍ତାନ୍ । ୩ ଆରେ ଜିହୁଦିର୍ ହେବେ
 ସତକ୍ ଆନାକା ହୁଡ଼ଜି ହେଞ୍ଜାନ୍ ପିତରତିଂ ପା ଗେସ୍ତାର୍ । ହେ
 ଝେଡ଼ାଲିଂ ହଇଞ୍ଜି ରୁଚିନି ପାର୍ବୁ ମାଚାତ୍ । ୪ ପାଚେ ହେରଦ୍ ତାଙ୍ଗ୍
 ଆସ୍ତି ଜଇଲ୍ଲତ ଇଡ଼ତାନ୍, ଆରେ, ନିସ୍ତାର୍ ପାର୍ବୁ ପାଚେ ହେଞ୍ଜାନ୍ ତାଙ୍ଗ୍
 ମାନାୟାର୍ ଲାଗେ ହପ୍ତି ତାହିଞ୍ଜାଦେଂ କାଜିଂ ମାନ୍ କିଜି ଝିଜୁ କୁଦାନି
 ଚାରି ଜାଣ୍ ଲାକେ ମାଞ୍ଜି ଚାର୍ଗଟା ମେଲ୍ୟା କୁଦା ଲାଗେ ତାଙ୍ଗ୍
 କାତେଂ ଇଞ୍ଜି ହେଲ୍ଲୟ୍ କିତାନ୍ । ୫ ଲାଗିଂ, ପିତର ଜଇଲ୍ଲତ ଗେହ୍ୟା
 ଆଜି ମାଚାନ୍, ମତର ତା କାଜିଂ ମଣ୍ଡଲି ହୁଦାଂ ରମାନ୍ତ ଇସ୍ୱରତି ଲାଗେ
 ପାର୍ତାନା କିଜି ମାଚାର୍ ।

ଜଇଲ୍ଲ ଇଲ୍ଲତାଂ ପିତରତି ମୁକ୍ତାନାକା

୬ ପାଚେ ହେରଦ୍ ଇମ୍ଫଣି ଦିନ୍ ପିତରତିଂ ହପ୍ତି ତାତେଙ୍ଗ୍ ହାଲ୍ଲଜି
 ମାଚାନ୍, ହେ ଆକାତ୍ ନାଶାଲିଂ ରିଣ୍ଡି ହିକ୍ତିଂତାଂ ଗାଚ୍ୟା ଆଜି ରି
 ମେଲ୍ୟାତ୍ର ବିତ୍ରେ ହୁଞ୍ଜି ମାଚାନ୍, ଆରେ ଜାଗ୍ଞାଡ଼ାର୍ ଦୁଞ୍ଜେର୍ ମୁମ୍ଦ
 ଜଇଲ୍ଲ ରାକ୍ୟା କିଜି ମାଚାର୍ । ୭ ଆରେ ହୁଡ଼ାତ୍, ତ୍ରିପକୁ ମାପୁତି ରଞ୍ଜାନ୍
 ଦୁଡ଼ ଏକାତାତ୍, ଆରେ ବାକ୍ରା ଅଜଡ଼୍ ଆତାତ୍, ଆରେ ଦୁଡ଼ ପିତର
 ତିଙ୍ଗ୍ ନେଞ୍ଜେଡାକିତ ଇଡ଼ଜି ତାଙ୍ଗ୍ ନିକ୍ତି ଇଚାନ୍, “ବେଗି ନିଙ୍ଗା ।”
 ହେବେ ତା କେଇଦାଂ ହିକ୍ତିଂ କୁସ୍ୱଦି ହାଟିକ୍ । ୮ ଆରେ, ଦୁଡ଼ ତାଙ୍ଗ୍
 ଇଚାତ୍, “ମେଙ୍ଗାଙ୍ଗ୍ ଗାଚ୍ୟା ଆରି ପାଣ୍ଡାୟ୍ ତୁଜା ।” ପିତର ହେ ଲାକେ

କିତାନ୍ ! ଆରେ ଦୁତ୍ ତାଙ୍କ ଇଚାନ୍, “ଗାଗାଡ଼ତ ହେନ୍ଦ୍ରା ତୁହିଜି ନା ପାଚେ ପାଚେ ୱା ।”^{୯୧} ପିତର ହସି ହେଞ୍ଜାନ୍ତି ପାଚେ ପାଚେ ହାଚାନ୍, ମାତର ଦୁତ୍ତାଂ ଇନାକା କିୟାତାଡ଼, ହେଦାଂ ଜେ ହାଡ଼ପା, ହେଞ୍ଜାନ୍ ହେଦାଂ ବୁଜାଞ୍ଜାଦାଂ କେଚକଣ୍ ହୁଡ଼ନାନା ଇଞ୍ଜି ବାବି କିଜି ମାଚାନ୍ ।^{୯୦} ଏଚେକାଡ଼ଦ ହେଞ୍ଜାର ପର୍ତ୍ତମ୍ ଆରି ରିଣ୍ଡି ଜାଗ୍‌ଞ୍ଜାଡ଼ାର କୁଦା ନାସି, ଇମ୍‌ଣି ଲଞ୍ଜା ଦୁଞ୍ଜାର ହିଜି ଗାଡ଼ଦ ହାଞ୍ଜେଙ୍ଗ୍ ଆନାଡ଼, ହେଦାଂ ଲାଗେ ଖାତାର, ହେ କାଡ଼ଦ ହେ ଦୁଞ୍ଜେର୍ ଜାର ମାନ୍ତିଙ୍ଗ୍ ହେଞ୍ଜାର କାଜିଂ ମେଲା ଆଜି ହାଚାଡ଼, ଆରେ ହେଞ୍ଜାର ହସିହାଲ୍‌ଜି ର ହାକଡ଼ିତ ହାରିହାରା ପାଚେକ୍ ହାଚାର, ଆରେ ଦାପ୍ତେ ହେ ଦୁତ୍ ତା ତାକେଣ୍ଡାଂ ମାୟା ଆଜି ହାଚାଡ଼ ।

^{୯୧} ହେଞ୍ଜାଡ଼ାଂ ପିତର ଚେଡ଼ନା ଆଜି ଇଚାନ୍, ମାପୁ ଜେ ଜାର ଦୁତ୍ତିଂ ପକଟି ହେରଦ୍ କେଇଦାଂ ଆରି ଜିହୁଦିର ଲକୁତାଂ ଝିଜୁ ଆହାତାଂ ନାଂ ଉଦାର କିଡ଼ତାନ୍‌ନା, “ଇଦାଂ ଆନ୍ ନଙ୍ଗ୍ ହାଡ଼ପା ପୁଚାଙ୍ଗ୍ ।”

^{୯୨} ହେଞ୍ଜାନ୍ ଇ କାତା ଜାଗ୍ରଡ଼ ଆଜି ମାର୍କ କୁକ୍‌ନି ଜହନ୍‌ତି ତେହି ମରିୟମ୍ ଇଞ୍ଜି ଖାତାନ୍; ହେ ବାହାତ ବେସି ରୁଣ୍ଡା ଆଜି ପାର୍ତାନା କିଜି ମାଚାର ।^{୯୩} ପିତର ବାଡ଼ି ଦୁଞ୍ଜେର୍‌ତ ଇଡ଼ତିଲେ, ରଦା ତରନ୍‌ି ରଞ୍ଜେଲ୍ ଆଡ଼ିଏଣି ଇନେର୍ ଇଞ୍ଜି ଝେନ୍‌ବେଦେଂ ହାଚାଡ଼ ।^{୯୪} ହେଞ୍ଜାନ୍ ପିତରୁଡ଼ି କାର୍ ବେସି ଖାରି କାଜିଂ ଦୁଞ୍ଜେର୍ ଜେଞ୍ଜାଦାଂ ବିତ୍ତେ ହଞ୍ଜି ହାଲ୍‌ଜି, ଦୁଞ୍ଜେର୍ ଲାସେଙ୍ଗ୍ ପିତର ନିଲ୍‌ତାନ୍ନା ଇଞ୍ଜି ଇଚାଡ଼ ।^{୯୫} ହେଞ୍ଜେକ୍ ହେଦେଲିଂ ଇଚିକ୍, “ଏନ୍ ବାଇରି । ମାତର ହେଞ୍ଜେକ୍ ହେଦାଂ ସଡ଼ ଇଞ୍ଜି ଆଟ୍‌ଞ୍ଜା ଲାକେ ଇଞ୍ଜେଙ୍ଗ୍ ଲାଗିଡିକ୍ । ହେଞ୍ଜେକ୍ ଇଚିକ୍ ଇଞ୍ଜାନ୍ ହେଞ୍ଜାନ୍ତି ଦୁତ୍ ।”

^{୯୬} ମାତର ପିତର ଦୁଞ୍ଜାରତ ତାୟନାଡ଼ ଇଡ଼ଜି ମାଚାନ୍, ଆରେ ହେଞ୍ଜେକ୍ ଜେସି ହେଞ୍ଜାନ୍‌ି ହୁଡ଼ଜି କାବା ଆଡିକ୍ ।^{୯୭} ମାତର ହେଞ୍ଜାନ୍ ହେଞ୍ଜାରିଂ ଚିମ୍‌ରା ଆଜି ମାଞ୍ଜେଙ୍ଗ୍ କାଜିଂ କେଇ ଜିଞ୍ଜି, ମାପୁ ଇନେସ୍ ତାଙ୍ଗ୍ ଜଇଲ୍ ତାଂ ହପ୍‌ଚି ତାହିଞ୍ଜାତାନ୍ନା, ହେଦାଂ ହେଞ୍ଜେକ୍ ଲାଗେ ହାନ୍ଦାୟ୍ କିତାନ୍ । ଆରେ ହେଞ୍ଜାନ୍ ଇଚାନ୍, “ଇ ଝିଜୁ କାତା ଜାକୁବ୍ ଆରି ପାଚି କିନି ଟଣ୍ଡାରୁରିଂ ଝେଚାଡ଼ । ଆରେ, ହେଞ୍ଜାନ୍ ହାଲ୍‌ଜି ବିନ୍ ବାହାତ ତାଞ୍ଜି ହାଚାନ୍ ।”

୧୮ ନାଡ଼ିସ୍ ଆତି ପାଚେ ପିତର ଇମେ ହାଚାନ୍ ଇଞ୍ଜି ମେଲ୍ୟାର ବିତ୍ତେ ବେସି ଝିଣ୍ଡାତ୍ । ୧୯ ଆରେ ହେରଦ୍ ହେଝାନିଂ ତେକ୍ତି ଗାଟାଝିତିଲେ ଜାଗ୍‌ଝାଡ଼ାରିଂ ପରସନ୍ କିତି ପାଚେ ହେଝାରିଂ ଅସ୍ତେଙ୍ଗ୍ କାଜିଂ ବଲ୍ ହିତାନ୍ ।

ପାଚେ ହେଝାନ୍ ଜିହୁଦା ରାଜିତାଂ କାଇସରିୟାତ ହାଲ୍‌ଜି ହେବେ ମାନ୍‌ଗାତାନ୍ ।

ହେରଦ୍‌ତି ହାକି

୨୦ ହେ ଏଚେକାଡ୍‌ଦ୍ ହେରଦ୍ ରାଜା ସର ଆରି ସିଦନ୍ ଲକୁ ଜପି ବୟଙ୍କାର ରିସା ଆଜି ମାଚାନ୍, ଲାଗିଂ ହେଝାର ବିତ୍ତେତାଂ ର ଦଲ୍ ହେଝାନିଂ ଚଞ୍ଜୟା ଆଦେଂ ହାଚାର୍ । ପର୍ତ୍ତୁମ୍ ହେଝାର ହୁଞ୍ଜି ଇଲ୍‌ତ ଦାୟିତ୍‌ତ ମାନି ରୁସ୍ତାତି ବୁଜାୟ୍ କିଜି ତା ଉପକାର୍ ପାୟାତାର୍ । ତା ପାଚେ ହେଝାର ହେରଦ୍‌ତି ଲାଗାଂ ହାଲ୍‌ଜି ସୁସ୍ତା ବିକ୍ୟା କିତାର୍, ଇନେକିଦେଂକି ହେରଦ୍‌ତି ରାଜିତାଂ ହେଝାର୍‌ତି ଦେସ୍‌ତାଂ ଗାଦି ଗାଦି ଆଡ଼ମାଡ଼୍ ହାଲ୍‌ଜି ମାଚାଡ଼୍ ।

୨୧ ଲାଗିଂ ର ତିର କିତି ନାଜିଂ ହେରଦ୍ ରାଜା ହେୟା ଉସ୍ତସ୍ ଗାଦିତ କୁଚ୍‌ତି ହେଝାର୍‌ତି ଲାଗେ ସୁଣାୟ୍ କିତାନ୍, ୨୨ ହେବେ ମାନାୟାର୍ ଆଲା ଆଜି ଇଞ୍ଜେଙ୍ଗ୍ ଲାଗାତାର୍, “ଇଦାଂ ତ ଇସ୍‌ରତି କାଟ୍, ମାନାୟତି କାଟ୍ ଆକାୟ୍ ।” ୨୩ ହେ ଦାପ୍ରେ ମାପୁତି ରଞ୍ଜେଲ୍ ଦୁଡ୍ ହେରଦ୍‌ତିଂ ମାଡ଼୍‌ଜି କିତାଡ଼୍, ଇନାକିଦେଂକି ହେଝାନ୍ ଇସ୍‌ରତିଂ ଜାଜମାଲ୍ ହିଝାତାନ୍, ଆରେ ହେଝାନ୍ ପ୍ତି ହୁଦାଂ ତିନ୍ୟା ଆଜି ପାରାଣ ପିସ୍ତାନ୍ ।

୨୪ ମାତର ଇସ୍‌ରତି ବଚନ୍ ଆଦିକ୍ ମେଙ୍ଗ୍‌ଦେଂ ଲାଗାତାଡ଼୍ ।

୨୫ ପାଚେ ବର୍ଣ୍ଣବା ଆରି ସାଉଲ୍ ଜାର୍‌ତି ଲକାରିଂ ହେବାକାମାୟ୍ ଝିସ୍ତ୍ ଜହନ୍‌ତିଂ କୁକ୍‌ନି ତର ମାର୍କ୍ ହାଙ୍ଗ୍ ଅଜି ଜିରୁସାଲମ୍‌ତ ଲେଉଟା ଆଜି ହାଚାର୍ ।

୧୩

ବର୍ଣ୍ଣବା ଆରି ସାଉଲ୍ ପଦ୍ୟାତି ତେଲା ଲାକେ ବାଟିକିୟା ଆତାନ୍

୧ ହେପାଦନା ଆନ୍ତ୍ରିୟକିଆନି ମଣ୍ଡଲିତ ବର୍ଣ୍ଣବା, ସିମିୟନ୍, ଇନେରିଂ ନିଗର ଇଞ୍ଜି ଇନାର୍, କୁରିଶିୟ୍ ଲୁକିୟ୍, ସାମନ୍ତରାଜା

ହେଉଥିବି ରତେ ପହାକିତି ମନହେମ ଆରି ସାଉଲ୍, ହେଝାର୍ ବେଶ୍‌ବାକ୍‌ଶାୟ୍‌କିନାକାର୍ ଆରି ଗୁରୁର୍ ମାଗାର୍ ।^୨ ହେଝାର୍ ମାପୁତି ହେବା ଆରି ଉପାସ୍ କିନି ଖେଡାଲିଂ ପୁଇପୁୟା ଜିବୁନ୍ ଇଚାଡ୍, “ଇମ୍‌ଶି କାମାୟ୍ କାଜିଂ ଆପ୍ ବର୍ଣ୍ଣବା ଆରି ସାଉଲ୍‌ତିଂ ବାଟି କିତାପନ୍ନା, ହେଦାଂ କାଜିଂ ହେଝାରିଂ ବିନେ କିୟାଟ୍ ।”

^୩ ହେବେ ହେଝାର୍ ଉପାସ୍ ଆରି ପାର୍ତୀନା କିତି ପାଚେ ହେଝାର୍ ଜପି କେଇ ହିଜି ହେଝାରିଂ ହେଲ୍ ହିତାର୍ ।

ସାଇପ୍ରସ୍ତ ହେବାକାମାୟ୍

^୪ ଇ ବାନି ବର୍ଣ୍ଣବା ଆରି ସାଉଲ୍ ପୁଇପୁୟା ଜିବୁନ୍ ହୁଦାଂ ପକ୍ୟା ଆଜି ସେଲୁକିଆତ ହାଚାର୍; ହେବେତାଂ ହେଝାର୍ ହାମ୍‌ତୁର୍ ଜାଜତ ଦୁମ୍‌ଜି କୁପ୍ରତ ହାଚାର୍ ।^୫ କାମ୍‌ଲିୟାର୍ ସାଲାମି ବସ୍ତିତ ଏକିତି ପାଚେ ଜିହୁଦିର୍ତି ଓଜୁ ପାର୍ତୀନା ଇଲ୍‌ତ ଇସ୍‌ବିର୍ତି ବଚନ୍ ପୁଚାର୍ କିଦେଙ୍ଗ୍ ଲାଗାତାର୍; ଆରେ, ଜହନ୍ ମାର୍କ ପା ହେବାକାର୍‌ୟା ଲାକେ ହେଝାର୍ ହୁକେ ମାଚାନ୍ ।

^୬ ଆରେ, ହେଝାର୍ ଓଜୁ ଏସ୍‌କୁପ୍‌ଲି ବୁଲା ଆଜି ପାପତ ଖାଜି ରଖାନ୍ ରୁଟ୍‌କି ଚାକ୍ରାୟ୍ ବେଶ୍‌ବାକ୍‌ଶାୟ୍‌କିନାନ୍‌ନିଂ ହୁଡ୍‌ତାର୍; ହେଝାନ୍ ରଖାନ୍ ଜିହୁଦି, ଆରେ ତା ତର୍ ବଜ୍‌ସୁ ।^୭ ହେଝାନ୍ ସାସନ୍ କାର୍‌ୟା ସେଗ୍‌ୟ ପାଉଲ୍ ସାଙ୍ଗ୍ ମାଚାନ୍, ହେ ସାସନ୍‌କାର୍‌ୟା ରଖାନ୍ ବୁଦିକାର୍‌ୟା ମୁଣିକା । ହେଝାନ୍ ଇସ୍‌ବିର୍ତି ବଚନ୍ ଖେଞ୍ଜେଙ୍ଗ୍ ମାନ୍ କିଜି ବର୍ଣ୍ଣବା ଆରି ସାଉଲ୍‌ତିଂ ଲାଗାଂ କୁକ୍‌ତାନ୍ ।^୮ ମାତର୍ ହେ ରୁଟ୍‌କି ଅଲ୍‌ମା ଇଦାଂ ତା ଗ୍ରିକ୍ ତର୍ । ହେଝାରିଂ ବାଦା ହିତାଡ୍ ଇନାକିଦେଂକି ହେଝାନ୍ ସାସନ୍‌କାର୍‌ୟାଙ୍ଗ୍ କ୍ରିଷ୍ଟ ପାଟ୍ କିନାକାର୍ କାଜିଂ ଅଲ୍‌ଗା କିଜି ଇଡ୍‌ଦେଂ ଚେଷ୍ଟା କିଜି ମାଚାର୍ ।^୯ ମତର୍ ସାଉଲ୍, ଇନେରିଂ ପାଉଲ୍ ପା ଇନାର୍, ପୁଇପୁୟା ଜିବୁନ୍‌ତ ବାଟ୍ ଆଜି ତାଙ୍ଗ୍ ମିଟ୍‌କିଝାଦାଂ ହୁଡ୍‌ଜି ଇଚାନ୍,^{୧୦} ଏ “ସୟ୍‌ତାନ୍ ମାଜି, ଓଜୁ ବାନି ଚକ୍‌ଖା ଆରି କାପ୍‌ଟିତ ମାନତ ବାଟ୍, ଆରେ ଓଜୁ ବାନି ଦାମ୍‌ତିଂ ନି ସାତୁରିଂ, ଏପେଙ୍ଗ୍ ମାପୁତି ସିଦା ହାଜିତିଂ ବାଂଟା କିଦେଙ୍ଗ୍ କାମାୟ୍ କିନାୟା ?^{୧୧} ଆରେ ନଙ୍ଗ୍ ହୁଡ୍‌ଟାଟ୍, ମାପୁତି କେଇ ମି ଜପି ମାନାଟ୍, ଏପେଙ୍ଗ୍ କାଶା ଆଜି ଏଚେକ୍ ଗାଡ଼ି ପାଚେକ୍ ଖେଡା ହୁଡ୍‌ଚୁଦର୍ ।”

ହେ ଦାପ୍ତେ ଗୁକ୍ତା ଆରି ମାଜ୍‌ଗା ତାଙ୍ଗ୍ ଡାବାୟ୍ କିତାଡ଼, ଲାଗିଂ
ତାଙ୍ଗ୍ କେଇ ଆସ୍ତି ହାଜି ଚତେଂ କାଜିଂ ହେଝାନ୍ ଇନ୍‌ଚିଂ ହାନ୍‌ଚିଂ
ବାଇବିକଲ୍ ଆଜି ମାନାୟ୍‌ତିଂ ତେକ୍‌ତେଂ ଲାଗାତାନ୍ । ୧୨ ହେ
ସାସନ୍‌କାର୍‌ୟା ଇ ଗର୍‌ଶା ହୁଡ଼୍‌ଜି ପାତ୍ କିତାନ୍ ଇନାକିଦେଂକି
ମାପୁତି ସିକ୍ୟା ଝେନ୍‌ଞ୍ଜି କାବା ଆଜି ପାତ୍ କିତାନ୍ ।

ଆନ୍ତିୟକିଆତ ପିସିଦିଆନି ହେବାକାମାୟ୍

୧୩ ପାଚେ ପାଉଲ୍ ଆରି ତା ହାଙ୍ଗ୍‌ଦାକାର୍ ପାପ୍ ତରନ୍‌ ବାହା
ଏଜୁକାଂ ହାଲ୍‌ଜି ପଂପୁଲିଆନି ପଗ୍‌ତ ଝାତାନ୍; ଜହନ୍ ତରନ୍‌ ମାର୍କ
ହେଝାରିଂ ଇବେତାଂ ପିସ୍ତି ଜିରୁସାଲମ୍‌ତ ମାସ୍‌ଦି ହାଚାନ୍ । ୧୪ ହେଝାର୍
ପଗ୍‌ତାଂ ହସି ଝାଜି ପିସିଦିଆନି ଆନ୍ତିୟକିଆତ ଇକାତାର୍, ଆରେ
ଜମ୍‌ନିବାର୍‌ତ କୁରୁମ୍ ଇଞ୍ଜ ହାଲ୍‌ଜି କୁଚାର୍ । ୧୫ ଆରେ, ବିଦି ଆରି
ବେଶ୍‌ବାକ୍‌ଶାୟ୍‌କିନାକାର୍ ସାସ୍ତର ପଡ଼ିକିତି ପାଚେ ପାର୍ତ୍ତାନା ଇଲ୍‌ନି
ମୁଣିକାର୍ ହେଝାଚ୍‌ତି ତାକେ ସାସ୍ ହିଜି ଇଦାଂ ଝେଚ୍‌ତି ପକ୍‌ତାନ୍,
“ଟଣ୍ଡାର୍, ଦୁକ୍‌ସାରାୟ୍ କିନାକା ଲକାର୍ କାଜିଂ ଜଦି ଏପେଙ୍ଗ୍ ଇମ୍‌ଣି
ବୁଜାନି କାତା ମାନାଡ଼, ଲାଗିଂ ଝେଚ୍‌ଚାର୍ ।” ୧୬ ହେବେ ପାଉଲ୍ ନିଲ୍‌ଚି
କେଇଦାଂ ଝାଚ୍‌କା ଚର୍‌ଚି ଇଞ୍ଜେଙ୍ଗ୍ ଲାଗାତାନ୍,

“ଏ ଇସ୍ରାଏଲିୟ୍ ଲକୁ ଆରି ଇସ୍‌ରତିଂ ପାଣ୍ଡା ଆନାକାର୍,
ପାତ୍ କିଞ୍ଜି ଜିହୁଦି ନା କାତା ଝେନାଚ୍ । ୧୭ ଇ ଇସ୍ରାଏଲ୍ ଜାତିନି
ଇସ୍‌ର ମା ଆବାଲାତ୍‌ରାରିଂ ବାଚି କିତାନ୍, ଆରେ ହେଝାର୍ ମିସ୍‌ର୍
ଦେସ୍‌ତ ବାହା କିଜିମାନି ଝେଡ଼ାଲିଂ ହେଝାରିଂ ନିକ୍‌ତାନ୍, ଆରେ
ସାଲ୍‌ନି ବାପାଙ୍ଗ୍ ହୁଦାଂ ମିସ୍‌ରତାଂ ହେଝାରିଂ କାତାୟ୍ କିଜି
ତାହିଝାତାନ୍ । ୧୮ ପାଚେ ରିକଡ଼ି ବାହୁଁ ପାତେକ୍ ବାଟାତ ହେଝାନ୍
ହେଝାରିଂ ଚିନ୍ତା ହୁଞ୍ଚାନ୍, ୧୯ ଆରେ କିଶାନ୍ ଦେସ୍‌ତ ସାଡ଼ଗା ଜାତିତିଂ
ବୁଡ଼ାୟ୍ କିଜି ତା ବାଚିକିତି ମାନାୟ୍‌ରାରିଂ ହେ ଦେସ୍ ହିତାନ୍ ।”
୨୦ ଇଦାଂ ପାଚେ ବେଶ୍‌ବାକ୍‌ଶାୟ୍‌କିନାକାର୍ ସାମୁୟେଲ୍ ପାତେକ୍
ବିଚାର୍‌କାର୍‌ୟାରିଂ ବାଚି କିତାନ୍ ।

“ଇଦାଂ ପାଚେ ବେଶ୍‌ବାକ୍‌ଶାୟ୍‌କିନାକାନ୍ ସାମୁଏଲ୍‌ତି ପାତେକ୍
ବିଚାର୍‌କାର୍‌ୟାରିଂ ବାଚି କିତାନ୍ । ୨୧ ତା ପାଚେ ହେଝାର୍ ର ରାଜା
ଗାଟାଦେଂ କାଜିଂ ପାର୍ତ୍ତାନା କିତାର୍, ଆରେ ଇସ୍‌ର ରିକଡ଼ି ବାହୁଁ

ପାତେକ୍ ବିନ୍ୟାମିନ୍ କୁରୁମ୍ନି କିସ୍ତି ମେହି ସାଉଲ୍‌ତିଂ ହେଞ୍ଜାନ୍ ହିତାନ୍ । ୨୨ ପାଚେ ଇସ୍ବର ହେଞ୍ଜାନ୍ ଗାଦିତାଂ ଜୁଡ୍‌ତି ହେଞ୍ଜାର୍‌ତି ରାଜା ଆଦେଂ କାଜିଂ ଦାଉଦ୍‌ତିଂ ନିକ୍‌ତାନ୍; ହେଞ୍ଜାନ୍ ପା ତା ବିସ୍ତେ ସାକି ହିଜି ଇଚାନ୍, ଆନ୍ ଜିସିୟତି ମେହି ଦାଉଦଂ ଗାଟାତାପ୍‌ନା, ହେଞ୍ଜାନ୍ ମା ମାନ୍ତ କାତା ଇନାନ୍, ହେଞ୍ଜାନ୍ ଝିଜୁ ବିସ୍ତେ ହାଂଜି ନା ଇତା ମାନି କିନାନ୍ ।” ୨୩ ତା ଲାତ୍ରାତାଂ ଇସ୍ବର ପାର୍ମାଣ୍ ହୁଦାଂ ଇସ୍ରାଏଲ୍ କାଜିଂ ରଞ୍ଜାନ୍ ମୁକ୍ତିକିନାକାନ୍ ଇଚିସ୍ ଜିସୁତିଂ ଉବ୍‌ଜାଣ୍ କିତାନ୍‌ନା । ୨୪ ✠ଜିସୁ ତା କାମାୟ୍ ଆରମ୍ କିନି ଆଗେ ଜହନ୍ ସବୁ ଇସ୍ରାଏଲ୍ ଲକ୍ଷ୍ମତାକେ ଆକତୁ ମାନ୍‌ବାଦଲ୍‌ୟନ୍‌ନି ବାପ୍ତିସିମ୍ ସୁଣାୟ୍ କିଜି ମାଚାନ୍; ୨୫ ✠ଆରେ, ଜହନ୍ ଜାର କିତି କାମାୟ୍ କିଉ କିଉ ଇଚାନ୍, “ଆନ୍ ଇନେନ୍ ଇଞ୍ଜି ଏପେଙ୍ ବାବି କିନାଦେରା, ଆନ୍ ହେଞ୍ଜାଙ୍ ଆକାୟ୍ । ମତର୍ ହୁଡାଟ୍, ନା ପାନାନ୍ ପାଣ୍ଡାଈଙ୍ ଡରି ରିକ୍‌ତେଂ ଆନ୍ ସମାନ୍ ଆକାୟ୍ ।”

୨୬ “ଏ ଟଣ୍ଡାର୍, ଅଗ୍ରାହାମ୍‌ତି ଲାତ୍ରାନ୍ ହିମ୍‌ଶାଞ୍ଜାକ୍‌ଡା ଆରି ମି ବିତ୍ରେତାଂ ଇସ୍ବରତିଂ ପାଣ୍ଡା ଆନାକାର୍ ମା ଲାଗେ ଇ ମୁକ୍ତିନି ବଚନ୍ ପକ୍ୟା ଆତାଡ୍‌ନା । ୨୭ ଇନାକିଦେଂକି ହେଞ୍ଜାନ୍ ଜେ ମୁକ୍‌ଡାତି ମୁଣିକା ଇଲ୍ ପୁନ୍‌ଞ୍ଜାଦାଂ ମାଚାର୍ ଜିରୁସାଲ୍‌ମ୍‌ତ ବାହା କିନାକାର୍ ଆରେ ହେଞ୍ଜାର୍‌ତି ବିଚାର୍ କାରୟା ହେଞ୍ଜାନ୍, ଆରେ ନିତ୍ରେ ଜମ୍‌ନିବାର୍‌ତ ପାଟ୍ ପଡ୍‌କିନାକା ବେଣ୍‌ବାକ୍‌ଶାୟ୍‌କିନାକାର୍ ବଚନ୍ ସବୁ ପୁନ୍‌ଞ୍ଜିତିଲେ ହେଞ୍ଜାନ୍ ଦସି କିଜି ହେ ଝିଜୁ ପୁରା କିତାନ୍, ୨୮ ✠ଆରେ, ହେଞ୍ଜାନ୍ତି ପାରାଣ୍ ଡାଣ୍ଡିନ୍ ଇମ୍‌ଶାକା ପା ନିଂ ଗାଟାଞ୍ଜିତିଲେ ହେଞ୍ଜାନ୍ ଅସ୍ତେଙ୍ କାଜିଂ ପିଲାତଙ୍ ଗଞ୍ଜାରି କିତାର୍ । ୨୯ ✠ଆରେ, ହେଞ୍ଜାନ୍ତି ବିସ୍ତେ ଦର୍ମ ସାସ୍ବରତ ଇନାକା ସବୁ ଲେକା ଆତାଡ୍‌ନା, ହେ ଝିଜୁ ହେଞ୍ଜାର୍ ପୁରା କିତି ପାଚେ ହେଞ୍ଜାନ୍ କ୍ରସ୍ତାଂ ଜୁଡ୍‌ତି ତାହି ଦୁଗେରତ ମୁର୍ଚାର୍ । ୩୦ ମାତର୍ ଇସ୍ବର ହେଞ୍ଜାନ୍ ହାତାକାର୍‌ତାଂ ନିକ୍‌ତାନ୍ନା, ୩୧ ✠ଆରେ, ଇମ୍‌ଶାକାର୍ ହେଞ୍ଜାନ୍ତି ହୁଦାଂ ଗାଲିଲିତାଂ ଜିରୁସାଲ୍‌ମ୍‌ତ ଞ୍ଜାଜି ମାଚାର୍, ହେଞ୍ଜାର୍ ବେସି ଦିନ୍ ପାତେକ୍ ହେଞ୍ଜାନ୍ କେଟ୍‌କଣ୍ ପାୟାତାର୍;

✠ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩. ✠ ୧୩:୨୫ ୧୩:୨୫ ଜହନ୍ ୧:୨୦; ମାତିଉ ୩:୧୧; ମାର୍କ ୧:୭; ଲୁକ ୩:୧୬; ଜହନ୍ ୧:୨୭. ✠ ୧୩:୨୬ ୧୩:୨୬ ମାତିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହନ୍ ୧୯:୧୫. ✠ ୧୩:୨୯ ୧୩:୨୯ ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨. ✠ ୧୩:୩୧ ୧୩:୩୧ ପକ୍ୟାତାକା ୧:୩.

ହେୱାର ନଈଁ ଇସ୍ରାଏଲ୍ ମାନାୟାର ଲାଗାଁ ହେୱାନ୍ତି ସାକି ଆନାପ୍ ।
 ୩୨ ଆରେ, ଆବାଲାତ୍ରାତି ଲାଗେ କିତି ପାର୍ମାଣ୍ ବିସ୍ତେ ଆପେଂ ମିଙ୍ଗେଙ୍ଗ୍
 ଇ ନେକ୍ରିକାବୁର୍ ଝେର୍ଚାନାପା, ୩୩ ଇସ୍ବର ଜିସୁଙ୍ଗ୍ ନିକ୍ତି ହେୱାର୍ତି
 ହିମ୍ଣାଁ ଜେ ଆସେଙ୍ଗ୍, ମା କାଜିଁ ହେ ପାର୍ମାଣ୍ ପୁରା କିତାନ୍ନା,
 ଇନେସ୍ ଗିତ ସଂଗିତା ଦୁଇ ବାଗ୍ତ ନାନ୍ତ ପା ଲେକାମାନାଡ୍,
 ଏନ୍ ନା ମାଜି.

ନେଞ୍ଜେଙ୍ଗ୍ ଆନ୍ ନିଁ ଆବା ଆତାଁନା ।”

୩୪ ଆରେ ଦୁଗେର୍ତ୍ତ ବୁଡାଦେଂ ପିସ୍ସି ହିୱାଦାଁ ହେୱେନିଁ ହାକିତାଁ
 ନିକ୍ତିଦେଂ ଇସ୍ବର ଇ କାତା ଇଚାନ୍;

ଦାଉଦ୍ ହିଜି ମାନି ପାତ୍ ଇସାବ୍ରେ

ଆନ୍ ମିଙ୍ଗେଙ୍ଗ୍ ପୁଇପୁୟା ଆରି ହାଡ୍ପା ଦୟା ଦାନ୍ କିଦ୍ନାଙ୍ଗ୍

୩୫ ଆରେ, ହେୱାନ୍ ପା ଆରେ ରଞ୍ଜାଙ୍ଗ୍ ନାନ୍ତ ଇଚାନ୍ନା,

“ଏନ୍ ଜାର୍ ପୁଇପୁୟା ହେବାକାର୍ରିଁ ନସ୍ ଆଦେଂ ହିଉୟ୍ ।”

୩୬ ଦାଉଦ୍ ତ ଜାର୍ ହାରି ଝେଡାନି ମାନାୟାର ବିତ୍ରେ ଇସ୍ବରତି କିତି
 ଆଗେ ହୁଦାଁ ହେବାକିନାକା କାମାୟ୍ କିତିପାଚେ କାଣକୁଳୁଆନ୍ ଆରି
 ଜାର୍ ଆବା ଲାତ୍ରାର୍ ଲାଗେ କବର୍ ପାୟା ଆଜି ଜିରା ଆତାନ୍;

୩୭ ମାତର୍ ଇନେରିଁ ଇସ୍ବର ନିକ୍ତାନ୍ନା, ହେୱାନ୍ ନସ୍ ଆୱାତାନ୍ନା
 । ୩୮ ଲାଗିଁ, ଏ ଚଣ୍ଡାର୍ ଏପେଙ୍ଗ୍ ପୁନାଟ୍, ମସାତି ଲାହାଁ ମୁକ୍ତା

ଆଦେଂ ଆଡ୍ୱାତାର୍, ମାପୁ ଜିସୁ ହୁକେ କେବଲ୍ ପାପ୍ କେମାନି
 ଆପେଂ ପର୍ଚାର୍ କିୟା ଆନାତା । ୩୯ ମସାତି ବିଦି ହୁଦାଁ ପାପ୍

କେମା ପାୟାଞ୍ଜିତି ଝିଜାର୍ ହେ ଜିସୁ ହୁକେ ପାତ୍ କିନି କାଜିଁ ହେ
 ପାପ୍ କେମା ପାୟାନାର୍ ଇଦାଁ ଏପେଙ୍ଗ୍ ବୁଜାନି ଲଡା । ୪୦ ଲାଗିଁ

ଜାଗ୍ରତ୍, ଏଚେକାଡ୍ଦ ବେଶ୍ବାକ୍ଷାୟ୍କିନାକାର୍ ସାସ୍ବର୍ତ୍ତ ଇନାକା
 ଇନ୍ୟାତାଡ୍ନା, ହେଦାଁ ଇନେସ୍ ମି କାଜିଁ ଗିଟାମେଡ୍,

୪୧ “ଏ ମାନିକିଞ୍ଜି ଲଗୁ,

ଏପେଙ୍ଗ୍ ହୁଡ୍ଜି, ଆରେ କାବା ଆଜି ନସ୍ ଆଡୁ;

ଲାଗିଁ ଆନ୍ ମି ଝେଡାଲିଁ ର କାମାୟ୍ ପୁରା କିତାନ୍ନା,

ଜଦି ଇନେର୍ ହେ କାମାୟ୍ ମି ତାକେ ହାନ୍ଦାୟ୍ କିତିସ୍,

ୱାଟିଙ୍ଗ୍ ଏପେଙ୍ଗ୍ ମୁଡ୍କେ ହେଦେଲିଁ ପାତ୍ କିମାଟ୍ ।”

୪୨ ପାଉଲ୍ ଆରି ବର୍ଣ୍ଣବା ହସି ହାନି ଖେଡ଼ାଲିଂ, ଇନେସ୍ ଆକାଡ଼ ଜମ୍ନିବାରତ ହେ ସବୁ ବଚନ୍ ହେଝାରିଂ ଇନ୍ୟାନାଡ଼ ? ଇଦାଂ କାଜିଂ ହେଝାର୍ ଗଝାରି କିଦେଙ୍ଗ୍ ଲାଗାତାର୍ । ୪୩ ମିଟିଂ ଇଲ୍ ଝିଜୁଡ଼ି ପାଚେ ଜିହୁଦି ଆରି ଜିହୁଦି ମାଡ଼ଣିୟାର୍ ପାଚି କିଝି ଜିହୁଦିର୍ ବିତ୍ରେ ବେସି ପାଉଲ୍ ଆରି ବର୍ଣ୍ଣବାତି ପାଚେ ପାଚେ ହାଚାର୍, ହେଝାର୍ ପଦ୍ୟାତାକାରିଂ ହୁକେ କାତାବାତା କିଜି ଇସ୍ପୁରିତି ଦୟାତ ତିର୍ ଆଜି ମାଞ୍ଜେଙ୍ଗ୍ ହେଝାରିଂ ରାଜି କିକିତାର୍ ।

୪୪ ଆରେ, ଆକାଡ଼ ଜମ୍ନିବାରତ ଝିଜାକାର୍ ଗାଡ଼ନି ଲକୁ ମାପୁତି ବଚନ୍ ଖେଞ୍ଜେଙ୍ଗ୍ କାଜିଂ ରୁଣ୍ଡା ଆତାର୍ । ୪୫ ମାତର୍ ଜିହୁଦିର୍ ମାନାୟାରିଂ ହୁଡ଼ଜି ରିସାତ ବାଚି ଆତାର୍, ଆରେ ନିନ୍ଦା କିଜ କିଜ ପାଉଲ୍ତି କାତାତ ଆଡୁଙ୍ଗ୍ ଆଦେଂ ଲାଗାତାର୍ । ୪୬ ହେବେଣ୍ଡାଂ ପାଉଲ୍ ଆରି ବର୍ଣ୍ଣବା ସାସ୍ତାଂ ଇଚାର୍, ଆଗେ ମି ଲାଗେ ଇସ୍ପୁରିତି ବଚନ୍ ଇନାକା ମାଚାଡ଼; ଏପେଙ୍ଗ୍ ହେଦାଂ ମୁନାକିଜି ଜାର୍ ଜାର୍ତିଂ ଝିଜିଝି ଜିବୁନ୍ନି ଆଟକାଡ଼ ଇଞ୍ଜି ବିଚାର୍ କିଜି ମାଟିଲେ, ହୁଡ଼ାଟ୍, ଆଦେଂ ପାଚି କିଝି ଜିହୁଦି ତାକେ ହାନାପା, ୪୭ ଇନାକିଦେଂକି ମାପୁ ମାଂ ଇ ବାନି ବଲ୍ ହିଡ଼ତାଣ୍ଡା,

“ଆଦେଂ ପାଚି କିଝି ଜିହୁଦି ଅଜଡ଼୍ ଲାକେ ମିଙ୍ଗ୍ ରଚ୍ଚାତାପନ୍ନା,
 ଇନେସ୍ ଏପେଙ୍ଗ୍ ପୁଡ଼ି ହାନ୍ଦି ପାଚେକ୍ ମୁଜ୍ଜିନି ଲାକେ ଆନାଦେର୍ ।”

୪୮ ପାଚି କିଝି ଜିହୁଦିର୍ ଇଦାଂ ଝେନ୍ଝି ଝାର୍ଯ୍ୟା ଆତାର୍; ଆରେ, ମାପୁତି ବଚନ୍ନି ଜାଜମାଲ୍ କିଦେଙ୍ଗ୍ ଲାଗାତାର୍, ଆରେ ଏଚେକ୍ ମାନାୟା ଝିଜିଝି ଜିବୁନ୍ନି କାଜିଂ ବାଟିକିୟା ଆଜି ମାଚାଦେର୍, ହେଝାର୍ ପାଚି କିତାର୍,

୪୯ ଆରେ ଝିଜୁ ନିପ ମାପୁତି ବଚନ୍ ମେଙ୍ଗ୍ଜି ହାତାଡ଼ । ୫୦ ମାତର୍ ଜିହୁଦି ଦରମ୍ ପାଚି କିଝି ଜିହୁଦିର୍ ଗାଜା କଗ୍ଲେକାଂ ଆରି ଗାଡ଼ନି ମୁଡ଼ଦି ମୁଡ଼ଦି ମୁଣିକାରିଂ ଜିହୁଦିର୍ ଚେଗାୟ କିତାର୍, ଆରେ ପାଉଲ୍ ଆରି ବର୍ଣ୍ଣବାତି ଜପି ନିନ୍ଦା ଗିଗାୟ କିଜି ଜାର୍ ହାନ୍ଦିତାଂ ହେଝାରିଂ ହପ୍ଚି ତୁହିତାର୍ । ୫୧ ☆ହେବେଣ୍ଡାଂ ପଦ୍ୟାତାକାର୍ ଜାର୍ ଜାର୍ ପାନାନି

☆ ୧୩:୫୧ ୧୩:୫୧ ମାତିଉ ୧୦:୧୪; ମାର୍କ ୬:୧୧; ଲୁକ ୯:୫; ୧୦:୧୧.

ଦୁଡ଼ି ହେୱାର ବିରୁଦ୍ଧ ଡାଡ଼ି ଇକନିୟତ ହାଚାର, ୫୨ ଆରେ ଆକ୍ତିକିୟ ଚେଲାର୍ ଖାରିତ ଆରି ପୁଇପୁୟା ଜିବୁନ୍ତ ବାତ୍ ଆଦେଂ ଲାଗାତାର୍ ।

୧୪

ଇକନିୟତ ହେବାକାମାୟ

୧ ଇକନିୟତ ପା ହେ ଲାକେ ଗିଟାତାଡ଼; ପାଉଲ୍ ଆରି ବର୍ଣ୍ଣବା ଜିହୁଦିର୍ ପାର୍ତାନା ଇଞ୍ଜ ହଣ୍ଡି ଏଲେଙ୍ଗ୍ ପରଚାର୍ କିତାର୍ ଜେ, ଜିହୁଦି ଆରି ଗ୍ରିକ୍ତି ବିତ୍ରେ ବେସି ଲକୁ ପାତ୍ କିତାର୍ । ୨ ମାତର ଇମ୍ପଣି ଜିହୁଦିର୍ ପାତ୍ କିଞ୍ଜାତାର୍, ପକ୍ୟାତାକାର୍ ପାତ୍ କିଞ୍ଜି ଜିହୁଦି ଖାସ୍ତିତଂ ଚିଉଲାଇୟ କିଜି ଚଣ୍ଡାର୍ ବିରୁଦ୍ଧ ବାନଧା ବାବ୍ନା ହପ୍ତି ହିତାର୍ । ୩ ପାଉଲ୍ ଆରି ବର୍ଣ୍ଣବା ବେସି ଦିନ୍ ପାତେକ୍ ହେ ବାହାତ ମାନଞ୍ଜି ମାପୁତି ଜପି ବାସ୍ କିଜି ସାସ୍ତାଂ ପରଚାର୍ କିତାର୍; ଆରେ, ହେୱାର୍ତି କେଇ ହୁଦାଂ ବାର୍ବିନ୍ ଚିନ୍କୁ ଆରି କାବାନି କାମାୟ କିଜି ଜାର୍ ଦୟାନି ବଚନ୍ ପାକ୍ୟାତ ସାକି ହିତାର୍ । ୪ ମତର ଗାଡ଼ୁନି ଲକୁ ରିବାଗ୍ ଆତାର୍, ହେୱାର୍ ବିତ୍ରେତାଂ କେଡ଼ଜାଣ୍ ଜିହୁଦିରିଂ ଆରି କେତେକ୍ ପକ୍ୟାତାକାର୍ରିଂ ବାଚି କିତାର୍ ।

୫ ଏଚେକାଡ଼୍ ପାତ୍ କିଞ୍ଜି ଜିହୁଦିର୍ ଆରି ଜିହୁଦିର୍ ହେୱାର୍ତି ମୁଣିକା ହୁଦାଂ ହେୱାତ୍ ଉଡ଼ପାଡ଼ କିଦେଙ୍ଗ୍ ଆରି କାଲକୁ ଇଡ଼ଦେଂ ତିର୍ କିତାର୍, ୬ ହେ ଏଚେକାଡ଼୍ ପକ୍ୟାତାକାର୍ ହେଦାଂ ପୁଞ୍ଜି ଲୁକାୟନିଆନି ଲୁସ୍ତା ଆରି ଦର୍ ଗାଡ଼, ଆରେ ଚାରିବେଣ୍ଡି ନିପ ହନ୍ତି ହାଚାର୍, ୭ ଆରେ ହେୱାର୍ ନେକ୍ତିକାବୁର୍ ସୁଣାୟ କିଦେଙ୍ଗ୍ ଲାଗାତାର୍ ।

ଲୁସ୍ତା ଆରି ଦର୍ ପାଉଲ୍ ଆରି ବର୍ଣ୍ଣବା

୮ ଲୁସ୍ତାତ ରଞ୍ଜାନ୍ ମାନାୟ ମାଚାନ୍, ହେୱାକ୍ତି ପାନା ବେମାର୍, ହେୱାନ୍ ଆୟା ପଚତାଂ ଚଟା, ଆରେ ହେୱାନ୍ ଇନାଞ୍ଜାଡ଼ାଂ ତାଂଞ୍ଜାଦାଂ ମାଚାନ୍ । ୯ ହେ ମାନାୟ ପାଉଲ୍ତି ପରଚାର୍ ଖେନ୍ଞି ମାଚାନ୍ । ପାଉଲ୍ ତାଙ୍ଗ୍ ମିଟ୍‌କିଞ୍ଜାଦାଂ ହୁଡ଼୍ଜି ଉଜ୍ ଆନି କାଜିଂ ତା ପାତ୍ ମାଚିଲେ ହୁଡ଼୍ଜି ଗାଜା କାଟ୍ତାଂ ଇଚାନ୍ । ୧୦ ପାଉଲ୍ ଗାଜାକାଟ୍ତାଂ

ଇଚାନ “ପାନାତ ବଜ୍ ହିଜି ହାଣ୍ଡକୁ ଆଜି ନିଲା ।” ହେବେ ହେଝାନ ଚାରବେଣ୍ଡାତା ତାଦେଂ ଲାଗାତାନ ।^{୧୧} ପାଉଲ୍ ଇନାକା କିତାନନ୍ନା, ଲକୁର୍ ହେଦାଂ ହୁଡ଼ଜି ଲୁକାୟନିଆ ବାସାତ ଗାଜାକାଟ୍ତ ଇଞ୍ଜେଙ୍ଗ୍ ଲାଗାତାନ, “ପେନ୍‌କୁ ମାନାୟ୍ ଲାକେ ମା ବିତ୍ରେତାଂ ଜୁଜି ଖାତାନ୍ନା ।”^{୧୨} ହେଝାର ବର୍ଣ୍ଣବାତିଂ ଜିଅସ୍ ନଲେ ପେନ୍‌କୁ ଆରି ପାଉଲ୍ ମୁଡ଼ଦାକାନ ମାତିଲେ ହେଝାନିଂ ହେରମିସ୍ ନଲେ ବାଗ୍ ପେନ୍ ଇଞ୍ଜି ଇଚାର୍ ।^{୧୩} ଗାଡ଼୍ ମୁମଦ ମାନି ଜିଅସ୍ ମନ୍ଦିରତ ମାପୁହେବାକିନାକାନ କେତେକ୍ ସଣ୍ଡ ଆରି ପୁଇମାଡ଼୍ ନି ଦୁଝେର୍ ଲାଗେ ତାହି ଖାଜି ପଦ୍ୟାତାକାର୍ ହୁଦାଂ ପୁଜା ହିଦେଂ ମାନ୍ କିଜି ମାଚାର୍ ।

^{୧୪} ମାତର୍ ପଦ୍ୟାତାକାର୍, ଇତିସ୍ ବର୍ଣ୍ଣବା ଆରି ପାଉଲ୍ ଇଦାଂ ଝେନ୍‌ଞ୍ଜି ଜାର୍ ଜାର୍ତିଂ ହେୟା କେଟ୍ତି ଲକୁ ବିତ୍ରେ ବେଗି ହଞ୍ଜିହାଲ୍‌ଜି ଗାଜାକାଟ୍ତାଂ ଇଞ୍ଜେଙ୍ଗ୍ ଲାଗାତାର୍; ^{୧୫} “ଏ ଗାଜାକାଦେର୍, ଇନାକିଦେଂ ଇ ଝିଜୁ କିନାଦେରା ? ଆପେଂ ପା ମି ଲାକେ ମାନାୟ୍‌କାପ୍, ମି ଲାଗାଂ ଇ ନେକ୍ରିକାରୁର୍ ପରଚାର୍ କିତାପ୍ପା, ଇନେସ୍ ଏପେଙ୍ଗ୍ ଇ ସବୁ ଆହାର୍ ଆଡ଼ମାଡ଼ତାଂ ମାସଦି ଜିଜି ମାନାକା ଇସ୍‌ରତି କାଜିଂ ମାସଦାନାର୍ । ହେଝାନ ବାଦାଡ଼ତ୍ ସବୁ, ପୁଡ଼୍, ହାମ୍‌ଦୁର୍ ଆରି ହେ ସବୁତ ମାନି ଝିଜୁ ଉବ୍‌ଜାଣ୍ କିତାନନ୍ନା; ^{୧୬} ହେଝାନ ଆଗେତାଂ ଆଣ୍ଟାଂ ଦାରାମେରା ଝିଜୁ ଜାତିନି ଲଗାଂ ଜାର୍ ଜାର୍ ହାସଦ ତାଦେଂ ପିସ୍ତି ହିଜି ମାଚାନ । ^{୧୭} ଆତିସ୍‌ପା ହେଝାନ ଜାର୍ତିଂ ସାକି ହିଲ୍‌ଝି କାଜିଂ ଇଟ୍‌ଝାତାନ୍ନା, ଇନାକିଦେଂ ହେଝାନ ହାର୍ କିଡ଼ତାନନା, ଆରେ ଆକାସ୍‌ତାଂ ବାହା ଆରି ପାଡ଼ହିନି କାଡ଼୍ ହିଜି ଇଟ୍‌କାଡ଼୍ ଆରି ଖାରିତାଂ ମିଙ୍ଗେଙ୍ଗ୍ ମାନ୍ତ ସାରି କିଡ଼ତାନନା ।”^{୧୮} ଇ ସବୁ କାତା ଇଞ୍ଜି ହେଝାର୍ ବେସି କସ୍‌ତ ହେଝାର୍ କାଜିଂ ପୁଜା କିତିଲେ ଲକୁରିଂ ଚିମ୍‌ରା କିତାନ ।

^{୧୯} ମାତର୍ ଆନ୍ତିୟକିଆ ଆରି ଇକନିୟତାଂ ହେବେ ଜିହୁଦିର୍ ଖାଜି ଲକୁରିଂ ରୁଜାୟ୍ କିତାର୍, ଆରେ ପାଉଲ୍‌ତିଂ କାଲ୍‌କୁ ଇଡ଼ଜି ହେଝାନ ହାତାନ୍ନା ଇଞ୍ଜି ବାବି କିଜି ବାଟ୍ ଜେଲ୍‌ଜି ଅଚାର୍ ।^{୨୦} ମତର୍ ତେଲାର୍ ହେଝାନିଂ ଚାରବେଣ୍ଡାତାଂ ନିଲ୍‌ତିଲେ ହେଝାନ ନିଂଜି ଗାଡ଼୍‌ଦ ହଟାନ । ଆକାଡ଼୍ ନାଜିଂ ବର୍ଣ୍ଣବାତି ହୁଦାଂ ଦର୍ବିତ ହସି ହାଚାର୍ ।

ସିରିଆନି ଆନ୍ତ୍ରିୟକିଆତ ମାସ୍ଦି ଖାନାକା

^{୧୧} ପାଉଲ୍ ଆରି ବର୍ଣ୍ଣବା ହେ ଦର୍ବିତ ନେକ୍ରିକାରୁର୍ ସୁଣାୟ୍ କିଜି ଆରି ହେନିରିଂ ଚେଲା ଆତାକା ପାଚେ ଲୁସ୍ତା, ଇକନିୟ୍ ଆରି ଆନ୍ତ୍ରିୟକିଆତ ମାସ୍ଦି ଖାତାର୍, ^{୨୨} ଆରେ, ହେ ବାହାକାଂ ଚେଲାର୍ତି ଖାସ୍ତିଂ ସୁସ୍ତା କିତାର୍ ଆରି ପାଚିତ ତାର୍ ମାନି କାଜିଂ ହେଝାରିଂ ଖାରିକିୟ୍ କିଜି ଇଚାର୍, ବେସି ଦୁକ୍ କସ୍ ପା ହିଜି ମାଂ “ଇସ୍ପୁର୍ତି ରାଜିତ ହଣ୍ଡେଙ୍ଗ୍ ଆନାଡ୍ ।” ^{୨୩} ଆରେ, ହେଝାର୍ ହେଝାର୍ କାଜିଂ ଜାଣ୍ଡକେ ମଣ୍ଡଲିତ ପ୍ରାଟିନାରିଂ ବାଟି କିଜି ଉପାସ୍ ହୁଦାଂ ପାର୍ତାନା କିତାର୍, ଆରେ ଇମ୍ଫଣି ମାପୁ ତାକେ ହେଝାର୍ ପାଚି କିଜି ମାଚାର୍, ହେଝାନ୍ତି କେଇଦ ହେଝାରିଂ ହେଲାୟ୍ କିତାର୍ ।

^{୨୪} ପାଚେ ହେଝାର୍ ପିସିଦିଆ ନିପ ହିଜି ପଂପୁଲିଆତ ଖାତାର୍, ^{୨୫} ଆରେ ପଚାଚି ବଚନ୍ ପରଚାର୍ କିଜି ଆତାଲିଆତ ହାଚାର୍ । ^{୨୬} ହେବେତାଂ ଜାଜ୍ଡ ଦୁମ୍ଫଜି ହେଝାର୍ ଆନ୍ତ୍ରିୟକିଆତ ମାସ୍ଦି ଖାତାର୍, ହେଝାର୍ ଇମ୍ଫଣି କାମାୟ୍ କିଜି ମାଚାର୍, ହେଦାଂ କିନି କାଜିଂ ଇସ୍ପୁର୍ତି ଦୟାତ ହେଲାୟ୍ କିୟା ଆଜି ହେ ବାହାତାଂ ହସି ମାଚାର୍ ।

^{୨୭} ହେଝାର୍ ଆନ୍ତ୍ରିୟକିଆତ ଏକିସ୍ ମଣ୍ଡଲିନି ମାନାୟାରିଂ ରବେ କିତାର୍, ଇସ୍ପୁର୍ ହେଝାର୍ କାଜିଂ ଇନାକା ସବୁ କିଜି ମାଚାଡ୍ ଆରି ପାଚି କିଝି ଜିହୁଦିର୍ କାଜିଂ ପାଚିନି ଦୁଝେର୍ ଇନେସ୍ ଜେସି ମାଚାର୍ ହେ ସବୁ ହେଝେକାଂ ଝେର୍ଚାର୍ । ^{୨୮} ଆରେ, ହେଝାର୍ ଚେଲାର୍ ହୁଦାଂ ବେସି ଦିନ୍ ପାଚେକ୍ ମାଚାର୍ ।

୧୫

ଜିରୁସାଲମ୍ ମଣ୍ଡଲିତ ସେବା

^୧ ଇଦାଂ ବିତ୍ରେ ଏଚେକ୍ ଲକୁ ଜିହୁଦା ରାଜିତାଂ ଖାଜି ପାଚି କିନି ଟଣ୍ଡାର୍ରିଂ ଇ ହିକ୍ୟା ହିଦେଂ ଲାଗାତାର୍, “ମସାତି ବିଦି ଇସାପ୍ରେ ଏପେଙ୍ଗ୍ ସୁନ୍ନତ୍ ଆଝିତିସ୍ ରାକ୍ୟା ପାୟାଦେଂ ଆଡୁଦେର୍ ।”

^୨ ଇବେ ପାଉଲ୍ ଆରି ବର୍ଣ୍ଣବାତି ହେଝାର୍ ହୁକେ ବେସି ଜିକାଟାଣା ଆରି କାତାତ ଜିକାଜିକି ଆତିଲେ ଟଣ୍ଡାର୍ ପାଉଲ୍ ବର୍ଣ୍ଣବା ଆରି ଜାର୍ ବିତ୍ରେ ଆରେ ଏଚେଜାଣ୍ ଇ ପରସନ୍ ଅଜି ଜିରୁସାଲମ୍ତ ପଦ୍ୟାତାକାର୍ ଆରି ପ୍ରାଟିନାର୍ ଲାଗେ ହାଲେର୍ ଇଞ୍ଜି ତିର୍ କିତାର୍ ।

୩ ଲାଗି, ମଣ୍ଡଳି ହେୱାରିଂ ହାଜି ଚର୍ଚ୍ଚି ହେଲ ହିତି ପାଚେ ହେୱାର୍ ପୈନକିଆ ଆରି ସମିରଣ୍ ହିଜି ହାଲୁ ହାଲୁ ପାଚି କିଞ୍ଚି ଜିହୁଦିର୍ ମାନବାଦଲାଇୟ ବିସ୍ତେ ହାନ୍ଦାୟ କିଜି ଝିଜାର୍ ଚଣ୍ଡାର୍ଚି ବେସି ଝାରିହପ୍ତାର୍ । ୪ ପାଚେ ହେୱାର୍ ଜିରୁସାଲମତ ଇକିସ୍ ମଣ୍ଡଳି, ଆରେ ପକ୍ୟାତାକାର୍ ଆରି ପ୍ରାଚିନାର୍ ହୁଦାଂ ବାନ୍ଦାୟ ପାୟାତାର୍, ଆରେ ଇସ୍ବର ହେୱାର୍ ଲାହାଙ୍ଗ୍ ମାନଞ୍ଜି ଇନେସ୍ ଝିଜୁ କାମାୟ କିଜି ମାଚାନ, ହେ ସବୁ ହାନ୍ଦାୟ କିତାର୍ । ୫ ମାତର୍ ପାରୁସି କୁଦାନି କେତେକ୍ ଜାଣ୍ ପାଚି ନିକାର୍ ନିଂଜି ଇଚାର୍, “ପାଚି କିଞ୍ଚି ଜିହୁଦିର୍ ଚେଲାର୍ ସୁନ୍ଦର୍ କିନାସ୍ ଆରି ମସାତି ବିଦି ମାନି କିଦେଙ୍ଗ୍ କାଜିଂ ହେୱାରିଂ ବଲ୍ ହିନାକା ଲଡ଼ା ।”

୬ ପାଚେ ଇ ବିସ୍ତେ କାତାବାର୍ତ୍ତା କିନି କାଜିଂ ପକ୍ୟାତାକାର୍ ଆରି ପ୍ରାଚିନାର୍ ରୁଣ୍ଡା ଆତାର୍ । ୭ ✱ବେସି କାତାବାର୍ତ୍ତା ଆତି ପାଚେ ପିତର୍ ନିଂଜି ହେୱାରିଂ ଇଚାନ, “ଏ ଚଣ୍ଡାର୍, ତଣ୍ଡେକ୍ ଏପେଙ୍ଗ୍ ପୁଚାଦେଣ୍ଡା ଜେ, ନା ଝେଇ ହୁଦାଂ ପାଚି କିଞ୍ଚି ଜିହୁଦିର୍ ଇନେସ୍ ନେକ୍ରିକାରୁର୍ ଝେନ୍ଞି ପାଚି କିତାର୍, ଇଦାଂ କାଜିଂ ବେସି ଦିନ୍ ଆଗେ ଇସ୍ବର ବିତ୍ରେତାଂ ନାଙ୍ଗ୍ ବାଚି କିଡ଼ତାନନା । ୮ ✱ଝାନ୍ସି ପୁନି ଇସ୍ବର ମାଂ ଇନେସ୍ ପୁଇପୁୟା ଜିରୁନ୍ ହିଡ଼ତାନନା, ପାଚି କିଞ୍ଚି ଜିହୁଦିର୍ ପା ହେ ଲାକେ ହିଜି ହେୱାର୍ ପାକ୍ୟାତ ସାକି ହିନାନା । ୯ ଆରେ, ହେୱାନ ମାଂ ଆରି ହେୱାର୍ ବିତ୍ରେ ଇନାକାପା ବିନ୍ ତାରେନ୍ ଇଚ୍ଝାଦାଂ ପାଚି ହୁକେ ହେୱାର୍ ମାନ୍ତ ସକର୍ କିତାନନା । ୧୦ ଲାଗି ଇମ୍ଝି ଜୁଝାଣ୍ଡୁତ ମାଂ ଆବା ଲାଡ଼ା ଆରି ଆସେଙ୍ଗ୍ ପିଣ୍ଡେଂ ସାକ୍ତି ହିଲୁଡ଼, ହେ ଜୁଝାଣ୍ଡୁ ଚେଲାର୍ ନିପିତ ହିଜି ଇନାକିଦେଂ ଏପେଙ୍ଗ୍ ଇସ୍ବରତିଂ ପରିକ୍ୟା କିନାଦେରା ? ୧୧ ଆକାୟ ଇଦାଂ ସମାନ ଆକାୟ ହେୱାର୍ ଇନେସ୍ ପାଚି କିଜି ରାକ୍ୟା ଆତାଣ୍ଡା, ଆପେଂ ପା ସମାନ ହେ ଲାକେ ପାଚି କିଜି ମାପୁ ଜିସୁତି ଉପକାର୍ ଦୟା ପାୟାତାପନା ।”

୧୨ ଇବେ ସବାନିକାର୍ ଚିମ୍ପା ଆତାର୍, ଆରେ ବର୍ଣ୍ଣବା ଆରି ପାଉଲ୍ ହୁଦାଂ ପାଚି କିଞ୍ଚି ଜିହୁଦିର୍ ବିତ୍ରେ ଇସ୍ବର ଇନେସ୍ ଝିଜୁ ଚିନକୁ ଆରି

କାବାନି କାମାୟ କିଜି ମାଚାନ, ହେଞ୍ଜାର ତାଙ୍ଗ ହେବେନି ବିସ୍ତେ
 ଝେଞ୍ଜେଙ୍ଗ ଲାଗାତାର । ୧୩ ହେଞ୍ଜାର କାତା ଝିସ୍ତି ପାଚେ ଜାକୁବ୍
 ଉତର୍ ହିଜି ଇଚାନ, “ଏ ଟଣ୍ଡାର, ଆରି ତଣ୍ଡେକ ନା କାତା ଝେନାଟ୍
 । ୧୪ ଇସ୍ବର ଜାର ତର୍ କାଜିଂ ପାତର୍ କିଝି ଜିହୁଦିର୍ ବିତ୍ରେତାଂ
 କୁଦା ମାନାୟ ଇଟ୍ବେଂ ଇଞ୍ଜି ଇନେସ୍ ପର୍ତ୍ତୁମ୍ ହେଞ୍ଜାର କାଜିଂ ଦୟା
 ହୁଡ୍ଜି ମାଚାନ, ହେଦାଂ ସିମନ୍ ରୁଜାୟ କିତାନନ୍ନା । ୧୫ ଆରେ,
 ବେଣ୍ବାକଣାୟ କିନାକାର ବଚନ୍ ଇଦାଂ ସବୁ ପୁରା ବାବ୍ରେ ମେହା
 ଆନାତା, ଇନେସ୍ ସାସ୍ବରତ ଲେକାମାନାଟ୍,
 ୧୬ ‘ମାପୁ ଇନାନ’

ଇଦାଂ ପାଚେ ଆନ୍ ମାସ୍ଦି ଝାନାଙ୍ଗ ଆରି ଦାଉଦ୍ତି ମୁନ୍ତି ଇଲ୍
 ଆରେ ରଚ୍ନାଙ୍ଗ,

ଆନ୍ ତାଦାଂ ଦୁଡ୍ତି ମାସ୍ତାକା ସବୁ

ଆରେ ରଚ୍ତି ହେଦାଂ ଆରେ ରଗ ସାଞ୍ଜି କିନାଙ୍ଗ ।

୧୭ ସବୁ ମାନାୟ ଜାତି ନା ଲାଗାୟ ପାର୍ତାନା କିଦେଙ୍ଗ୍ ଝାନାର, ଇମ୍ଣି
 ପାତର୍ କିଝି ଜିହୁଦି ମା ତର୍ଦ ତାକ୍ପୁଟା ହେଞ୍ଜାର ମାପୁଙ୍ଗ୍
 ତେକନାର,
 ସବୁ ସାଦନ୍ କାରୟା ମାପୁ ଇଦାଂ ଇନାନ ।

୧୮ ପ୍ଲୁନି ସମୁତାଂ ଇସ୍ବର ଜାର ଝିଜୁ କାମାୟ ଝେଚ୍ଚାତାନାନ୍ନା ।”

୧୯ ଲାଗିଂ, “ନା ବିଚାର ଇଦାଂ,” ପାତର୍ କିଝି ଜିହୁଦିର୍ ବିତ୍ରେ
 ଇମ୍ଣାକାର ଇସ୍ବର ନିପ ମାସ୍ଦାନାର, ହେଞ୍ଜାର ଆପ୍ କସ୍ ହିଉପ୍,

୨୦ ମତର୍ ପୁଡ୍ଡାକାଂ ପୁଜାକିନାକା ବିସ୍ତେ ବିଚାଡ୍, ଲକାର ଦାରି,
 ଆତାକା ହୁଦାଂ ହାତି ପାରାଣିଙ୍ଗ୍ ଆରି ନେତେଚ୍ଚାଂ ବିନେ ମାନି
 କାଜିଂ ଆପ୍ ହେଞ୍ଜାର ଲେକି କିନାପ୍ । ୨୧ ଇନାକିଦେଂକି ପ୍ଲୁନି
 କାଡ୍ଦାଂ ସବୁ ଗାଡ୍ଦ ମସାତି ବିଦି ସୁଣାୟ କିଦେଙ୍ଗ୍ ମାନାର, ଲାଗିଂ
 ପାତି ଜମ୍ନିବାରତ ପାର୍ତାନା ଇଲ୍ ଝିଜୁ ହେଞ୍ଜାନ୍ତି ବିଦି ପାଟ୍ ସୁଣାୟ
 କିୟାନାତା ।

ପାତର୍ କିନାତର୍ ଜିହୁଦିର୍ ଲାଗେ ଆକି

୨୨ ହେପାଦନା ପଦ୍ୟାତାକାର ଆରି ପ୍ରାଚିନାର ଝିଜାର ମଣ୍ଡଲି ହୁଦାଂ
 ଜାର୍ତିଂ ବିତ୍ରେ ମାନାୟାର, ଇଚିସ୍ ଟଣ୍ଡାର ବିତ୍ରେ ଆଦିକ୍ ବର୍ସବା
 ତର୍ଦ ତାକ୍ପୁଟା ଜିହୁଦା ଆରି ସିଲାତିଂ ବାଟି କିଜି ପାଉଲ୍ ଆରି

ବର୍ଣ୍ଣିବା ଲାହାଙ୍ଗ ଆନ୍ତ୍ରିୟକିଆତ ପକ୍ତେଂ ବାଚି କିତାର୍, ୨୩ ଆରେ, ପାତର୍ କିନାକାରିଂ ହେଞ୍ଜାର୍ତ କେଇଦ ଇଦାଂ ଲେକି କିଜି ପଚ୍ଛାର୍ ।

“ଆନ୍ତ୍ରିୟକିଆ, ପାତର୍ କିନାର୍ ସିରିୟା ଆରି କିଲିକିୟାନି ପାତର୍ କିଞ୍ଜି ଜିହୁଦି ଟଣ୍ଡାର୍ତରଂ ପଦ୍ୟାତାକାର୍ ଆରି ପ୍ରାଚିନ୍ ଟଣ୍ଡାର୍ତରଂ ଜଞ୍ଜାର୍ । ୨୪ ଆପେଂ ଖେଟାପନ୍ନା ଜେ, ଆପେଂ ଇମ୍ଫଣି ମାନାୟାରିଂ ଇମ୍ଫଣାକା ପା ବଲ୍ ହିଉପେ, ମା ବିତ୍ତେ ଇବାନି ଏଚେକ୍ ଲଗୁ କାତା ହୁଦାଂ ମି ଖାସ୍ତିତଂ ତିର୍ କିଞ୍ଜାଦାଂ ମିଙ୍ଗ୍ କସ୍ କିଡ଼ତାଣ୍ଡା; ୨୫ ଲାଗିଂ ଆସେଙ୍ଗ୍ ଖିଜାସ୍ ରବେ ଆଜି କେଡ଼ ଜାଣ୍ କାରୁର୍ ଅନାକାରିଂ ବାଚି କିଜି ମି ତାକେ ପକ୍ତନି କାଜିଂ ତିର୍ କିନାପା । ହେଞ୍ଜାର୍ ମା ଖାରିନି ହାଙ୍ଗ୍ଝାରି ବର୍ଣ୍ଣିବା ଆରି ପାଉଲ୍ତି ଲାହାଂ ହାନାର୍ । ୨୬ ଇ ଟଣ୍ଡାର୍ ମାପୁ ଜିସୁ କ୍ରିଷ୍ଟତି ହେବାତ ଜାର୍ ଜିବୁନ୍ତିଂ ବିପଦ୍ କିତାଣ୍ଡା । ୨୭ ଲାଗିଂ ଆପେଂ ଜିହୁଦା ଆରି ସିଲାତିଂ ମି ତାକେ ପଚ୍ଛାନାପା । ଆପେଂ ଇନାକା ଲେକିକିତାପନା ହେଦାଂ, ହେଞ୍ଜାର୍ ହାର୍ ବାବ୍ରେ ହେଦାଂ ମିଙ୍ଗେଙ୍ଗ୍ ଖେଟାନାର୍ । ୨୮ ଇନାକିଦେଂକି ପୁଡ଼ଡ଼ା ଲାଗେ ପୁଜାକିତି ଆକାଡ଼, ନେତେର୍, ନେଞ୍ଜି ହୁଦାଂ ହାତି ପାରାଣିତି ଜେ ଆରି ଲକାର୍ ଦାରିତାଂ ବିନେ ମାନାକା, ଇ ଏଚେକ୍ ଲଡାନି ବିସ୍ତେ ପିସ୍ତି ମି ଜପି ଆରେ ଆଦିକ୍ ବଜ୍ ହିଦ୍ଝାଦାଂ ପୁଇପୁୟା ଜିବୁନ୍ ଆରି ମା ନଂଜର୍ତ ବେସି ଇତା ଆତାଡ଼, ୨୯ ହେ ଏଚେଗଟା ନିୟମ୍ ଆତାଡ଼ ପୁଡ଼ଡ଼ାକାଂ ଉଦେସ୍ ତାଂ ପୁଜାକିତି ଇମ୍ଫଣାକା କାଦି ତିନୁଦେର୍, ନେତେର୍ ଉଣୁଦେର୍, ଗାତେଲ୍ ତ୍ରିପ୍ତି ଇମ୍ଫଣି ଜିବୁନିକାଂ ଜେଇ ତିନୁଦେର୍ ଆରି ଦାରିତାଂ ଦେହା ମାନାର୍ । ଇ ସବୁ କାମାୟ୍ କିଞ୍ଜାଦାଙ୍ଗ୍ ଜାଗ୍ରଡ଼ ମାଚିସ୍, ମିଦାଙ୍ଗ୍ ହାରା ଆନାଡ଼ । ମା ବାୟାୟ୍ ଇଟାର୍ ।”

୩୦ ହେବେ କାରୁର୍ ହିନାକାର୍ ହେଲଖେୟ୍ ଅଜି ଆନ୍ତ୍ରିୟକିଆତ ଖାତାର୍, ଆରେ ଚେଲାରିଂ ରୁଣ୍ଡାୟ୍ କିଜି ଚିତି ହିତାର୍ । ୩୧ ହେଞ୍ଜାର୍ ହେଦାଂ ପଡ଼ି କିଜି ଦୁକ୍ସାରାୟ୍ ଗାଟାଜି ଖାରୟା ଆତାର୍ । ୩୨ ଆରେ, ଜିହୁଦା ଆରି ସିଲା ନିଜ୍ ନିଜ୍ ପା ବେଣ୍ଟବାକ୍ଣାୟ୍ କିନାକାର୍ ମାଚିଲେ ଆଦେକ୍ କାତା ହୁଦାଂ ଟଣ୍ଡାର୍ତରଂ ଖାରିକିୟ୍ କିଜି ହେଞ୍ଜାରିଂ ସୁସ୍ତା କିତାର୍ । ୩୩ ଆରେ, ହେଞ୍ଜାର୍ ହେବେ ଏଚେକ୍ ଦିନ୍ ମାଚି ପାଚେ ହେଞ୍ଜାର୍ ପକ୍ତି ମାଚି ଲକୁ ଲାଗାୟ୍ ମାସ୍ଦି ହାଞ୍ଜେଙ୍ଗ୍ ପାତର୍ କିନି ଟଣ୍ଡାର୍ତାଂ ସୁସ୍ତାତ ହେଲ ଅତାର୍, ୩୪ ମାତର୍ ସିଲା ହେବେ ମାଞ୍ଜେଙ୍ଗ୍

ହାର ବାବି କିତାନ୍ ।

୩୫ ପାଉଲ୍ ଆରି ବର୍ଣ୍ଣବା ଆନ୍ତିୟକିଆତ ମାନ୍ଞ୍ଜି ଆରେ ବିନ୍ ବିନ୍ ଆଦେକ୍ ଲକୁ ଲାହାଙ୍ ପା ମାପୁତି କାତା ହିକ୍ୟା ହିଜି ନେକ୍ରିକାରୁର୍ ସୁଣାୟ୍ କିଦେଙ୍ ଲାଗାତାର୍ ।

ପାଉଲ୍ ଆରି ବର୍ଣ୍ଣବାତି ବିତ୍ରେ ବିନେ

୩୬ କେତେକ୍ ଦିନ୍ ପାଚେ ପାଉଲ୍ ବର୍ଣ୍ଣବାଙ୍ ଇଚାନ୍, ଆସେଙ୍ ଇମ୍ଣି ସବୁ ଗାଡ୍ଫ ମାପୁତି କାତା ପରଚାର୍ କିଜି ମାଚାସ୍, ହେ ଝିଜୁ ଗାଡ୍ଫ “ନଙ୍ ମାସ୍ଦି ହାଲ୍ଜି ଟଣ୍ଡାରିଂ ବେଟାଜି, ହେଝାର୍ ଇନେସ୍ ମାନାର୍ ହୁଡ୍ନାସ୍ ।” ୩୭ ହେବେ ଜହନ୍ ମାର୍କ୍ ତରନ୍ତି ତାକ୍ପୁଟା ଜହନ୍ତିଂ ପା ହାଙ୍ ଅଦେଂ କାଜିଂ ବର୍ଣ୍ଣବାତି ମାନ୍ ମାଚାଡ୍; ୩୮ ଫାତର୍ ହେଝାନ୍ ହେଝାରିଂ ପିସ୍ତି ପଂପୁଲିଆତ ଝାଜି ମାଚାନ୍ ଆରି ହେଝାର୍ ଲାହାଙ୍ କାମାୟ୍ତ ହାଲ୍ଝାଦାଂ ମାଚାନ୍, ହେଝାନ୍ ହାଙ୍ଦ୍ ଅଦେଂ ପାଉଲ୍ ହାର୍ ବାବି କିଝାତାନ୍ । ୩୯ ହେବେ ବେସି ଗଣ୍ଡଗଲ୍ ଆତିଲେ ହେଝାର୍ ହାରି ବିନେ ଆଚାର୍, ବର୍ଣ୍ଣବା ମାର୍କ୍ ହାଙ୍ ଅଜି ଜାଜ୍ତ କୁଟ୍ଟି କୁପ୍ତ ହାଚାର୍, ୪୦ ମାତର୍ ପାଉଲ୍ ସିଲାଙ୍ ବାତି କିଜି ଟଣ୍ଡାର୍ ହୁଦାଂ ମାପୁତି ଦୟାତ ହେଲାୟ୍ ଆଜି ହାଚାର୍, ୪୧ ଆରେ ହେଝାନ୍ ସିରିୟା ଆରି କିଲିକିୟା ହିଜି ହାଲ୍ ହାଲ୍ ମଣ୍ଡଲିକାଂ ବାଡ୍ଫାସ୍ କିତାର୍ ।



ପାଉଲ୍ ଆରି ସିଲାତି ହୁଦାଂ ତିମତି ହାନାକା

୧ ପାଚେ ପାଉଲ୍ ଦର୍ ଆରି ଲୁସ୍ତାତ ପା ଝାଚାର୍, ଆରେ ହୁଡ୍ଡାଟ୍, ହେ ବାହାତ ତିମତି ତରନ୍ ରଝାନ୍ ତେଲା ମାଚାନ୍, ହେଝାନ୍ ରଝାନ୍ ପାତି ଜିହୁଦି କଗ୍ଲେନି ମାଜି ମାତର୍ ହେଝାନ୍ତି ଆବା ରଝାନ୍ ଗ୍ରିକ୍ ଲଗୁ । ୨ ଲୁସ୍ତା ଆରି ଇକନିୟତ ମାନି ପାତି କିନି ଟଣ୍ଡାର୍ ହେଝାନ୍ତି ସାକି ତାକ୍ପୁଟାୟ୍ କିଜି ମାଚାର୍ । ୩ ତାଙ୍ଗେଙ୍ ହାଙ୍ଦ୍ ଅଦେଂ ପାଉଲ୍ ଇଚା କିତାନ୍, ଆରେ ହେ ସବୁ ନିପ ମାନି ଜିହୁଦିର୍ କାଜିଂ ତାଙ୍ ଅଜି ସୁନ୍ନଡ୍ କିତାନ୍; ଇନାକିଦେଂକି ତିମତି ଲାତ୍ରାହି

☆ ୧୫:୩୮ ୧୫:୩୮ ପଦ୍ୟାତାକା ୧୩:୧୩.

ରଞ୍ଜନ ଗ୍ରିକ୍ ଲଗ୍ନ ଇଞ୍ଜି ଓଜାକାର ପୁଞ୍ଜି ମାଚାର । ୪ ଆରେ, ହେଞ୍ଜାର
 ବିନ୍ ବିନ୍ ବସ୍ତି ହିଜି ହାଲୁ ହାଲୁ ଜିରୁସାଲମ୍ନି ପଦ୍ୟାତାକାର ଆରି
 ପ୍ରାଚିନାର ହୁଦାଂ ରଚ୍ଚି ବଲ୍ ବିଚାର ସବୁ ମାନି କିଦେଙ୍ଗ ପାତ
 କିନାକାର ଲାଗେ ହେଲାୟ୍ କିବିସ୍ ମାଚାର । ୫ ଇ ବାନି ମଣ୍ଡଲି ନିକାର
 ପାତ ତ ଡାବ୍ ଆଜି ଦିନ୍ତି ଦିନ୍ ଇସାବ୍ରେ ବାତାଦେଂ ଲାଗାତାତ
 ।

ତ୍ରୟାତ ପାଉଲ୍ତି କେଚ୍‌କଣ

୬ ପୁଲ୍‌ପୁୟା ଜିବୁନ୍ ହେଞ୍ଜାର ଆସିଆ ଦେସତ ପର୍ଚାର କିଦେଙ୍ଗ
 ମୁନା କିତ୍‌ଲେ ହେଞ୍ଜାର ପୁଗିଆ ଆରି ଗାଲାତିୟ ନିପ ହାଚାର,
 ୭ ଆରେ, ହେଞ୍ଜାର ମୁସିଆ ଲାଗାୟ୍‌ତ ଏକିସ୍ ବିତୁନିଆତ ହାଞ୍ଜେଙ୍ଗ
 କାଜିଂ ସେସ୍ଟା କିତାର, ମତର ଜିସୁତି ଜିବୁନ୍ ହେଞ୍ଜାରିଂ ହାଞ୍ଜେଙ୍ଗ
 ହିଞ୍ଜାତାତ । ୮ ଲାଗିଂ ହେଞ୍ଜାର ମୁସିଆ ଲାଗେ ହିଜି ତ୍ରୟାତ ଖାତାର
 । ୯ ଆରେ, ନାଣାଲିଂ ପାଉଲ୍ ର କେଚ୍‌କଣ୍ ଗାଟାତାନ୍, ମାକିଦନିଆନି
 ରଞ୍ଜନ ମାନାୟ୍ ଇଞ୍ଜି ତାଙ୍ଗ୍ ଗଞ୍ଜାରି କିଜି ଇନାନ୍ନା, ମାକିଦନିଆ ନାସି
 “ଞ୍ଜାଜି ମାଂ ଉପକାର କିଦା ।” ୧୦ ପାଉଲ୍ ଇ କେଚ୍‌କଣ୍ ଗାଟାତି
 ପାଚେ ଆପେଂ ଦାପ୍ରେ ମାକିଦନିଆତ ହାଞ୍ଜେଙ୍ଗ ଜାଲ୍‌ଦି କିତାପ୍,
 ଇନାକିଦେଂକି ହେଞ୍ଜାର ଲାଗାୟ୍ ନେକ୍ରିକାରୁର୍ ପର୍ଚାର କିଦେଙ୍ଗ
 ଇସ୍‌ବର୍ ମାଂ କୁକ୍‌ତାନ୍ନା ଇଞ୍ଜି ଆପେଂ ବୁଜାତାପ୍ ।

ପିଲିପ୍‌ପିତ ଲୁଦିଆତି ମାନ୍‌ବାଦ୍‌ଲାୟ୍

୧୧ ଲାଗିଂ ତ୍ରୟାତାଂ ଜାଜ୍‌ତ ଆପେଂ ହାଣ୍‌କୁ ହାସ୍‌ଦ ସାମତ୍ରାକିତ
 ହାଚାପ୍ ଆରି ଆର୍କାତ୍ ନାଜିଂ ନିୟାପଲିତ ଏକାତାପ୍ । ୧୨ ହେବେତାଂ
 ପିଲିପିତ ହାଚାପ୍, ଇଦାଂ ମାକିଦନିଆନି ହେ ରାଜି ର ମୁଡ୍ ଗାଡ୍,
 ଆରେ ର ରମିୟ୍ କଲ୍‌ନି, ହେ ଗାଡ୍‌ଦ ଆପେଂ କେତେକ୍ ଦିନ୍ ମାଚାପ୍
 । ୧୩ ଜମ୍‌ନିବାର୍‌ତ ଆପେଂ ଗାଡ୍ ଦୁଞ୍ଜାର୍‌ତା ହସି ନାଗୁଡ୍ ଗୁଟିତ
 ହାଚାପ୍, ହେବେ ପାର୍ତାନାନ୍ ବାହା ମାନାତ୍ ଇଞ୍ଜି ଆପେଂ ବାବି କିଜି
 ମାଚାପ୍, ଆରେ ଆପେଂ କୁଚ୍‌ଚି ରୁଣ୍ଡାଜି ମାନି ଆୟାତାଡିକାଂ କାତା
 ଇଞ୍ଜେଙ୍ଗ ଲାଗାତାପ୍ । ୧୪ ଆରେ, ତ୍ରୟାତିରା ଗାଡ୍‌ଦ ଖାଙ୍ଗାବାତ୍
 ହେନ୍ଦା ପ୍ରନି ଲୁଦିଆ ତରନି ରଞ୍ଜେଲ୍ ତାଡି ମାଚାତ୍, ହେଦେଲ୍ ଜେ
 ଇସ୍‌ବର୍ତିଂ ପାର୍ତାନା କିନାକାଦେଲ୍ ମାଚାତ୍, ହେଦେଲ୍ ମା କାତା

ଝେନ୍ଝି ମାତାତ୍ । ହେଦେଲ୍ ଇନେସ୍ ପାଉଲ୍ତି ଇତି ବିସ୍ତେ କାଜିଂ
 ମାତ୍ର ଦିଆନ୍ କିତାତ୍, ଇଦାଂ କାଜିଂ ମାପୁ ହେଦେଲିଂ ମାନ୍ ଜେସି
 ହିତାନ୍ । ୧୫ ଆରେ, ହେଦେଲ୍ ଆରି ତାଦେଲ୍ତି ପାର୍ତାନା ବାପ୍ରିସିମ୍
 ଆତି ପାରେ ହେଦେଲ୍ ମାଂ ଗଞ୍ଜାରି କିଜି ଇନ୍ଝାତ୍, ଏପେଙ୍ଗ୍ ଜଦି
 ନାଙ୍ଗ୍ “ମାପୁତି ଲାଗେ ପାତ୍ ଇଞ୍ଜି ବିଚାର୍ କିଜି ମାଞ୍ଜିସ୍, ଝାଟିଙ୍ଗ୍ ନା
 ଇଞ୍ଜି ଝାଜି ବାହା କିୟାତ୍” ଆରେ, ହେଦେଲ୍ ମାଂ ଅସି ହାଞ୍ଜାତ୍ ।

ପଲିପ୍ପିନି ଜଇଲ୍ତ ପାଉଲ୍ ଆରି ସିଲା

୧୬ ଦିନେକ୍ ଆପେଂ ପାର୍ତାନା ବାହାତ ହାଲ୍ଜି ମାନି ଝାଡ଼ାଙ୍ଗ୍ ର
 ବାନ୍ୟା ଜିବୁନ୍ କଡ଼ତି ଆଡ଼ିଏଣି ଗାଡ଼ରେଂ ବେଟା ଆତାପ୍ । ତା ବିତ୍ରେ
 ମାନି ପୁଦାନି ସାଲ୍ତି ହୁକେ ହେଦେଲ୍ ଆଗେନି କାତା ଇଞ୍ଜି ମାତାତ୍ ।
 ହେଦେଲ୍ ମାନାୟାଡ଼ି କାରୁମ୍ ଗାଣାକିଜି, ହାଉକାରିଂ କାଜିଂ ବେସି
 ଟାକାଂ ଆଦାୟ୍ କିଜି ମାତାତ୍ । ୧୭ ହେଦେଲ୍ ପାଉଲ୍ ଆରି ମା ପାରେ
 ପାରେ ଝାଜି କିକିରାତିଂ କିଜି ଇଞ୍ଜେଙ୍ଗ୍ ଲାଗାତାତ୍, “ଇ ମୁଣିକାର୍ ର
 ଇସ୍ପୁଡ଼ି ଆଡ଼ିୟାତ୍, ହେଝାର୍ ମିଙ୍ଗ୍ ମୁଲ୍ଜିନି ହାଜି ଜାଣାୟ୍ କିଦ୍ନାରା
 ।” ୧୮ ହେଦେଲ୍ ବେସି ଦିନ୍ ପାତେକ୍ ଇଦାଂ କିତାତ୍ । ମତର୍ ପାଉଲ୍
 ରିସା ଆଜି ମାସ୍ଦି ହେ ଜିବୁନ୍ତିଙ୍ଗ୍ ଇଚାନ୍, ତା ତାଙ୍ଗ୍ ହସି ହାଞ୍ଜେଙ୍ଗ୍
 ଆନ୍ ନିଂ “ଜିସୁ କ୍ରିଷ୍ଟି ତରଦ୍ ବଲ୍ ହିଦ୍ନାଙ୍ଗା ।” ଇବେଣ୍ଡାଂ ହେଦେଲ୍
 ହେ ଦାପ୍ରେ ହସି ହାଚାତ୍ । ୧୯ ମତର୍ ତା ମାପୁ ମୁଣିକାତ୍ ଜାର୍ତିଂ
 ଲାବ୍ ଆହା ହାଚାକା ହୁଡ଼ଜି ପାଉଲ୍ ଆରି ସିଲାତିଂ ଆଜି ହେଝାରିଂ
 ଚକ୍‌ବାହାତ ସାସନ୍‌କାର୍‌ୟାତ୍ ଲାଗେ ଜାଲ୍ଜି ଅତାର୍ । ୨୦ ଆରେ,
 ହେଝାର୍ ହେଝାରିଂ ବିଚାର୍‌କାର୍‌ୟାତ୍ ଲାଗେ ତାହି ଇଚାର୍, “ଇ
 ମାନାୟାଡ଼ ଜିହୁଦି, ଇଝାର୍ ମା ଗାଡ଼ଦ୍ ଗଣ୍ଡଗଲ୍ କିନାରା । ୨୧ ମା,
 ରମିୟ ଲକାର୍‌ତି ଇମ୍‌ଣି ସବୁ ରିତିନିତି ଇନାକା କି ମାନି କିନାକା ବିଦି
 ଆକାୟ୍, ହେଦାଂ ଇଝାର୍ ପର୍‌ଚାର୍ କିନାରା ।” ୨୨ ହେବେ ଲକୁ ପା
 ହେଝାଡ଼ି ବିରୁଦ୍‌ତ ନିଂତାର୍,

ଆରେ ବିଚାର୍‌କାର୍‌ୟାଡ଼ ପାଉଲ୍ ଆରି ସିଲାତି ହେନ୍ଦା ଉନ୍‌ହି
 ହେଝାରିଂ ବାଡ଼ଗେମାଡ଼ କିଦେଙ୍ଗ୍ କାଜିଂ ବଲ୍ ହିତାର୍ । ୨୩ ହେଝାର୍
 ହେଝାରିଂ ବେସି ଗ୍ରାକି କିୟ୍‌କିତି ପାରେ ଜଇଲ୍ ଇଞ୍ଜି ଇଡ଼ଜି ହେଝାରିଂ
 ଜାଗ୍ରତାଂ ରାକ୍ୟା କିନି କାଜିଂ ଜଇଲ୍ ଇଚ୍‌ନାକାନିଂ ଆର୍‌ଝା ବଲ୍

ହିତାର । ୨୪ ହେୱାନ ଇ ବାନି ଆବ୍‌ୱା ବଲ୍ ଗାଟା ଆଜି ହେୱାରିଂ
ବିତ୍ତେ ଜଇଲ୍ ଇଞ୍ଜି ଇଡ଼୍‌ଜି ହେୱାର୍‌ତି ପାନାତ ଗାଜା କୁର୍‌ଲା
ଗାଟାଟାର ।

୨୫ ମାତର୍ ମାଦିମାଦାନାଣା ପାଉଲ୍ ଆରି ସିଲା ଇସ୍‌ବର୍‌ତି ଲାଗାୟ୍
ପାର୍ତାନା ଆରି ଗୁଣ୍‌ମାଣି କିଜି ମାଟାର, ଆରେ ବନ୍ଦିର୍ ଝେନ୍‌ଞ୍ଜି
ମାଟାର । ୨୬ ହେ ଏଚେକାଡ଼୍‌ଦ ହାଚାଟ୍ରେ ଏଲେଙ୍ଗ୍ ଗାଜା ମେଦନି
ଦାଲ୍‌କା ଆତାଡ଼୍ ଜେ, ଜଇଲ୍ ଇଲ୍‌ନି କୁନାଦି ତ୍ରିଙ୍ଗ୍‌ଦେଂ ଲାଗାତାଡ଼୍,
ଆରେ ଦାପ୍ରେ ଝିନ୍ତୁ ଜଇଲ୍ ଦୁଝେର୍ ଜେୟା ଆତାଡ଼୍, ଆରେ ସବୁ
ଜାଣତି ହିକ୍‌ଡ଼ି ଗାଟି ରିଂଜି ହାଟିକ୍ । ୨୭ “ଇବେ ଜଇଲ୍ ଇଲ୍
ଇଟ୍‌ନାକାନ୍ ହୁର୍‌କାଣ୍‌କୁତାଂ ନିଂଜି ଜଇଲ୍ ଇଲ୍‌ନି ଦୁଝେର୍ ମେଲା
ଆତାକା ହୁଡ଼୍‌ଜି ବନ୍ଦିର୍ ହନ୍‌ତି ହାଚାଣ୍ଡା ଇଞ୍ଜି ବାବି କିଜି, କାଣ୍ଡା ହପ୍‌ତି
ଜାର୍‌ତିଂ ଅହ୍ୟାଦେଂ ହାଲ୍‌ଜି ମାଟାନ୍ ।” ୨୮ ମାତର୍ ପାଉଲ୍ ବେସି
ଗାଜାକାଟ୍‌ତାଂ କୁକ୍‌ତି ଇଚାନ୍, “ଜାର୍‌ତିଂ ଇମ୍‌ଣାକା ପା ନସ୍ କିମା,
ଇନାକିଦେଂକି ଆପେଂ ଝିଜାକାପ୍ ଇବେ ମାନାପ୍ ।”

୨୯ ହେବେ ହେୱାନ ବଇଟା ତାତେଙ୍ଗ୍ ଇଞ୍ଜି ଗୁମ୍‌ଜି ପାଣ୍ଡୁତୁଁ ତ୍ରିଗ୍‌ଜି
ତ୍ରିଗ୍‌ଜି ପାଉଲ୍ ଆରି ସିଲାତି ମୁମ୍‌ଦ ଗୁର୍‌ତାନ୍, ୩୦ ଆରେ ହେୱାରିଂ
ବାର୍ତ୍ତ ତାହି ଇଚାନ୍, “ମାପୁର୍, ରାକ୍ୟା ପାୟାଦେଂ କାଜିଂ ନାଙ୍ଗ୍ ଇନାକା
କିଦେଙ୍ଗ୍ ଆନାଡ଼୍ ?”

୩୧ ହେୱାର୍ ଇଚାର୍, “ମାପୁ ଜିସୁ ତାକେ ପାତର୍ କିୟାଟ୍, ତା ଆତିସ୍
ଏପେଙ୍ଗ୍ ଝିନ୍ତୁ କୁର୍‌ମ୍ ରାକ୍ୟା ପାୟାନାଦେର୍ ।” ୩୨ ପାତେ ହେୱାର୍
ତାଙ୍ଗ୍ ଆରି ତା ଇଞ୍ଜି ମାନି ଝିଜାରିଂ ମାପୁତି ବଚନ୍ ଇଚାନ୍ । ୩୩ ଆରେ,
ହେୱାନ ହେୱାରିଂ ନାଣା ହେ ସମୁତ ଅଜି ହେୱାର୍‌ତି ଟ୍ରାକ୍ୟାତି ଗାଝ୍
ସବୁ ନୁସ୍ତାନ୍, ଆରେ, ହେୱାନ ଆରି ହେୱାନ୍ତି ପାର୍ତାନା ହେ ଦାପ୍ରେ
ବାପ୍ରିସିମ୍ ଆତାର । ୩୪ ହେବେ ହେୱାନ ହେୱାରିଂ ଜାର୍ ଇଞ୍ଜି ଅସି
ହାଲ୍‌ଜି କାଦି ଚିଟ୍‌ପାତାନ୍, ଆରେ ଝିନ୍ତୁ ପାର୍ତାନା ହୁକେ ଇସ୍‌ବର୍ ତାକେ
ପାତର୍ କିଜି ଜବର୍ ଝାର୍‌ୟା ଆତାର ।

୩୫ ନାଡ଼ିସ୍ ଆତିଲେ ବିଚାର୍‌କାର୍‌ୟାର୍ ଜାମାନିରିଂ ଇଦାଂ ଇଞ୍ଜି
ପଲ୍‌ବାର୍, “ହେ ଲକୁରିଂ ପିହାଟ୍ ।”

୩୬ ଇବେଣ୍ଡ୍ୟା ଜଇଲ୍ ଇଲ୍ ପାଉଲ୍ଡିଂ ଇ କାତା ଇଞ୍ଜି ୱେର୍ଚ୍ଚାନ୍, ମିଙ୍ଗେଙ୍ଗ୍ ପିସ୍ତ୍ର ହିଦେଂ କାଜିଂ “ବିଚାରକିନାକାର୍ ଲକୁ ପକ୍ଷାତାର୍ଣ୍ଣା । ଲାଗିଂ ନଙ୍ଗ୍ ହସି ୱାଜି ସୁସ୍ତାତ ତାଂଜି ହାଲାର୍ ।”

୩୭ ମାତର୍ ପାଉଲ୍ ହେଞ୍ଜାରିଂ ଇଚାନ୍, “ରମିୟ ଲକୁ ଜେ ଆପେଂ, ମା ବିଚାର୍ କିଞ୍ଜାଦାଂ ହେଞ୍ଜାର୍ ରିସାରେ ମାଂ ଗ୍ରାକ୍ତି ପାଚେ ଜଇଲ୍ତ ତୁହିଦାତାର୍ଣ୍ଣା, ଆରେ ନଙ୍ଗ୍ କି ଲୁକାମ୍ରେ ମାଂ ପିସ୍ତ୍ର ହିଦ୍ଦାରା ? ହେଦାଂ ଆଉଡ୍, ମତର୍ ହେଞ୍ଜାର୍ ନିଜେ ୱାଜି ମାଂ ବାର୍ତ୍ ଅଦେର୍ ।”

୩୮ ଇବେଣ୍ଡ୍ୟା ଜାମାନିର୍ ବିଚାରକାର୍ଯ୍ୟାରିଂ ଇ ୱିଜୁ ବଚନ୍ ଜାଣାୟ୍ କିତାର୍, ଆରେ ହେଞ୍ଜାର୍ ଜେ ରମିୟ ଲକୁ, ଇଦାଂ ୱେନ୍ଞି ହେଞ୍ଜାର୍ ପାଣ୍ଡା ଆତାର୍, ୩୯ ଆରେ, ହେଞ୍ଜାର୍ ୱାଜି ହେଞ୍ଜାରିଂ ଗଞ୍ଜାରି କିତାର୍, ଆରେ ହେଞ୍ଜାରିଂ ଜଇଲ୍ ଇଞ୍ଜାଙ୍ଗ୍ ହପ୍ତି ତାସି ଗାଡ୍ଦାଂ ହସିହାଞ୍ଜେଙ୍ଗ୍ କାଜିଂ ହେଞ୍ଜାରିଂ ଗଞ୍ଜାରି କିତାର୍ । ୪୦ ହେବେଣ୍ଡ୍ୟା ପାଉଲ୍ ଆରି ସିଲା ଜଇଲ୍ ତାଂ ହସିହାଲ୍ଜି ଲୁଦିଆତି ଇଲ୍ଦ ହଟାର୍, ଆରେ ଟଣ୍ଡାର୍ ଲାହାଙ୍ଗ୍ ବେଟା ଆଜି ହେଞ୍ଜାରିଂ ୱାରିକିୟକିନି ପାଚେ ହାଚାର୍ ।

୧୭

ତେସ୍ଲନିକିତ ହେବାକାମାୟ୍

୧ ପାଚେ ହେଞ୍ଜାର୍ ଆଂପିପଲି ଆରି ଆପଲନିଆ ହିଜି ହାଲ୍ଜି ତେସ୍ଲନିକିତ ୱାତାର୍; ହେବେ ଜିହୁଦିର୍ତି ର ପାର୍ତାନା ଇଲ୍ ମାଚାଡ୍ । ୨ ପାଉଲ୍ ତା ରିତି ଇସାବ୍ରେ ହେଞ୍ଜାର୍ ଲାଗାଂ ହାଚାନ୍, ଆରେ ତିନି ଗଟା ଜମ୍ନିବାର୍ ପାଚେକ୍ ସାସ୍ତ୍ର ବଚନ୍ ଅଜି ହେଞ୍ଜାରିଂ ବୁଜାୟ୍ କିତାନ୍, ୩ ଆରେ, କ୍ରିସ୍ତୁ ଜେ ଦୁକ୍ବଗ୍ ଆରି ହାତାକାର୍ ବିତ୍ରେ ନିନାକା ଲଡା ମାଚାଡ୍, ଆରେ ହେଞ୍ଜାନ୍ ଇମ୍ଫା ଜିସ୍ତୁଙ୍ଗ୍ ହେଞ୍ଜାର୍ ଲାଗାଂ ସୁଣାୟ୍ କିନାନା, ହେଞ୍ଜାନ୍ କ୍ରିସ୍ତୁ, ଇବେନି ନିମ୍ଲ୍ ପାର୍ମାଣ୍ ହିତାନ୍ । ୪ ହେବେଣ୍ଡ୍ୟା ହେଞ୍ଜାର୍ ବିତ୍ରେ କେତେକ୍ ଜାଣ୍ ପାଚି କିଜି ପାଉଲ୍ ଆରି ସିଲାତି ଲାହାଙ୍ଗ୍ ମେହା ଆତାନ୍; ଆରେ, ଜିହୁଦି ପାର୍ତାନା କିନାକାର୍ ଗ୍ରିକ୍ତି ବିତ୍ରେ ହେନି ଲକୁ ଆରି ଆଦେକ୍ କର୍ଲେକ୍ ହେଞ୍ଜାର୍ ଲାହାଙ୍ଗ୍ ମେହାତିକ୍ ।

୫ ମାତର୍ ଜିହୁଦିର୍ ଆକାର୍ତ ରିସା ଆଜି ବାଜାଣ୍ କେତେକ୍ ବାନ୍ୟା ମାନାୟାର୍ ଲାହାଙ୍ଗ୍ ଅଜି ଲକୁ ଗହ୍ଲି କିଜି ଗାଡ୍ଦ ଗଣ୍ଡଗଲ୍

କିୟକିତାର, ଆରେ ଜାସୋନତିଂ ଇଞ୍ଜ ମାଡିବହା ଆଜି ହେଝାରିଂ ମାନାୟାର ଲାଗାୟ ହପ୍ତି ତାତେଙ୍ଗ୍ କାଜିଂ ସେସ୍ତୁ କିତାର ।^୬ ମତର୍ ହେଝାରିଂ ଗାଟାଞ୍ଜିଲେ ହେଝାର୍ ଜାସୋନ ଆରି କେତେକ୍ ଟଣ୍ଡାର୍ ଗାଡ଼ନି ସାସନକାରୟାର ଲାଗାୟ ଜେଲ୍ଲଜି ତାହି ଗାଜାକାର୍ତାଂ କୁକ୍ତି ଇତାର, “ଇଝାର୍ ଇମ୍ଣି ମାନାୟାର ପୁତ୍ତିଂ ତିଂ ଉଲ୍ଲଟାପଲ୍ଲଟା କିଜି ତୁହିତାରେ, ହେଝାର୍ ଇବେ ପା ଖାତାଣ୍ଡା; ହେଝାରିଂ ଜେସନ୍ ଇଡ଼ତାନ୍ନା ।^୭ ଜାସୋନ ହେଝାର୍ ଇଲ୍ଲ ଇଟ୍ତାନ୍ନା । ଜିସୁ ତର୍ଦ ଆରେ ରଝାନ ରାଜା ମାନାନ୍ ଇଞ୍ଜ ଇଞ୍ଜ ଇଝାର୍ ଝିଜାର୍ କାଇସରତି ବଲ୍ଲ ମାନିକିନାରା ।”^୮ ହେଝାର୍ତି ଇ କାତା ଝେନ୍ଞି ଲକୁ ସବୁ ଆରି ସାସନକାରୟାର ରିସା ଆଜି ଗଣ୍ଡଗଲ୍ଲ କିତାର ।^୯ ପାଟେ ହେଝାର୍ ଜାସୋନ ଆରି ହେଝାନ୍ତି ହାଂଝାଝାର୍ତାଂ ଜାମ୍ଲି ଅଜି ହେଝାରିଂ ପିସ୍ତି ହିତାର ।

ବେରିଆତ ହେବାକାମାୟ

^{୧୦} ଆରେ, ଟଣ୍ଡାର୍ ଆରି ତଣ୍ଡେକ୍ ମାଲାଝାଦାଂ ପାଉଲ୍ ଆରି ସିଲାଙ୍ଗ୍ ନାଣାକାଡ଼୍ଦ ବେରିୟାତ ପକ୍ତିହିତାର; ହେଝାର୍ ହେ ବାହାତ ଏକିସ୍ ଜିହୁଦିର୍ତି ପାର୍ତାନା ଇଞ୍ଜ ହାଚାର୍ ।^{୧୧} ତେସ୍ଲନିକିତ ମାନି ଜିହୁଦିର୍ତାଂ ଇଝାର୍ ହାଦାକାର୍ ମାଚାର୍ । ଇଝାର୍ ପୁରା ଝାରିତାଂ ବଚନ୍ ଇଟ୍ତାର୍, ଆରେ ଇ ଝିଜୁ ହାଡ଼ପା କି ଆକାୟ, ହେଦାଂ ପୁଞ୍ଜେଙ୍ଗ୍ କାଜିଂ ଦିନକେ ସାସ୍ତରନି ପରସନ୍ ତେକ୍ତି ମାଚାର୍ ।^{୧୨} ଲାଗିଂ ହେଝାର୍ତି ବିତ୍ତେ ଆଦେକ୍ ଆରି ଗ୍ରିକ୍ତି ବିତ୍ତେ ଆଦେକ୍ ମୁସ୍ତିଦାର୍ ତାଡ଼ିକ୍ ଆରି ଆଣ୍ଡା ହିମ୍ଣାଂ ପା ପାଟ୍ କିତାର ।^{୧୩} ମାତର୍ ଏଚେକାଡ଼୍ଦ ତେସ୍ଲନିକିୟ ଜିହୁଦିର୍ ପୁଚାର୍ ଜେ, ଇସ୍ପରତି ବଚନ୍ ପାଉଲ୍ତି ହୁଦାଂ ବେରିୟାତ ପା ପର୍ଚାର୍ ଆନାତା, ହେ ଏଚେକାଡ଼୍ଦ ହେଝାର୍ ହେ ବାହାତାଂ ପା ଝାଜି ଲକୁରିଂ ଟିଉଲ୍ଲାୟ ଆରି ରିସା କିତାର ।^{୧୪} ହେବେଣ୍ଡାଂ ଟଣ୍ଡାର୍ ମାଲାଝାଦାଂ ପାଉଲ୍ତିଂ ହାମଦୁର୍ ନିପ ହାନି କାଜିଂ ପଲ୍ଲାର୍, ଆରେ ସିଲା ଆରି ତିମତି ହେ ବେରିଆତ ମାଚାର୍ ।^{୧୫} ମାତର୍ ଇମ୍ଣାକାର୍ ପାଉଲ୍ତିଂ ଏତେନ୍ସ୍ ଅଜି ହାଚାର୍, ହେଝାର୍ ତାଙ୍ଗ୍ ଏତେନ୍ସ୍ ପାତେକ୍ ତାଇଝାତାର୍, ଆରେ ସିଲା ଆରି ତିମତି ଇନେସ୍ ବେଗି ତା ଲାଗାୟ ଝାନାର୍, ଇ ବଲ୍ଲ ଗାଟାଜି ହେଝାର୍ ହାଚାର୍ ।

ଆତିନିସ୍ତ ପାଉଲ୍ ହେବାକାମାୟ

୧୭ ଏତେନସ୍ତ ପାଉଲ୍ ହେୱାର୍ କାଜିଂ ମାନି ଖେଡାଲିଂ ହେ ଗାଡ଼ଦ ପୁଡ଼ଡାତ ବାତ ହୁଡ଼ଜି ତା ଜିବୁନ୍ତ ରିସା ଆଜି ନିଂତାନ୍ । ୧୭ ଲାଗିଂ ହେୱାନ୍ ପାର୍ତାନା ଇଞ୍ଜ ଜିହୁଦିର୍ ଲାହାଂ ଇସ୍ପରତି ପାର୍ତାନା କିନାକାନ୍ ପାତ କିଞ୍ଜି ଜିହୁଦି ଲାହାଂ ଇ ବିସ୍ତେ ସବୁ ନାଞ୍ଜିଙ୍ଗ୍ କାତା ବାର୍ତା କିଦେଙ୍ଗ୍ ଲାଗାତାର୍ । ବସ୍ତି ବାଜାର୍ ଚକ୍ତି ବାହାକାଂ ବୁଲାଚାଲା ଆଜି ମାନି ପାତିଦିନ୍ ଇମ୍ଫାଣାକାର୍ ହୁଦାଂ ହୁଡ଼କା ଆଜି ମାଚାର୍, ହେୱାରିଂ ଉପଦେସ୍ ହିଜି ମାଚାନ୍ । ୧୮ ହେବେଣ୍ଟାଂ “ଏପିକୁରିୟ୍ ଆରି ସ୍ତୁୟିକ” କେତେକ୍ ହୁଡ଼ନାକାର୍ ପା ତା ହୁଦାଂ କାତାବାର୍ତା କିଦେଙ୍ଗ୍ ଲାଗାତାର୍, ଆରେ ଇନେର୍ ଇନେର୍ ଇଚାର୍, “ଇ କାଡ଼ଦେ ଇନାକା ଇଞ୍ଜେଙ୍ଗ୍ ଇଚା କିନାମା ?”

ଆରେ ଇନେର୍ ଇନେର୍ ଇଚାର୍, ହେୱାନ୍ ପୁଦାଙ୍ଗ୍ତି ବିସ୍ତେ ପରଚାର୍ କିନାକାନ୍ ଲାକେ ପୁନ୍ୟାନାତା । ଇନାକିଦେଂକି ହେୱାନ୍ ଜିସୁ ଆରି ଆରେ ନିଂନାକା ବିସ୍ତେନି ନେକ୍ରିକାରୁର୍ ପରଚାର୍ କିଜି ମାଚାନ୍ ହେୱାର୍ ଇଦାଂ ଇଚାର୍ ୧୯ ପାଚେ ହେୱାର୍ ପାଉଲ୍ତିଂ ଆରିୟପାଗତ ଗାଜା ସବାତ ଅସି ହାଲ୍ଜି ଇଚାର୍, ଇଦାଂ ଜେ ପୁନି ହିକ୍ୟା “ଏନ୍ ହିନାୟା, ହେଦାଂ ଇନାକା ଇଞ୍ଜି ଆପେଂ ପୁଞ୍ଜେଙ୍ଗ୍ ଆଡ଼ନାପ୍ କି ? ୨୦ ଇନାକିଦେଂକି ଏନ୍ କେତେକ୍ କାବା ବିସ୍ତେ ମାଂ କିତୁଲ୍ତ ପୁନି କିଡ଼ତାୟନା, ଲାଗିଂ, ଇ ଝିଜୁ କାତାନି ଅରଡ଼ ଇନାକା, ଆପେଂ ହେଦାଂ ପୁଞ୍ଜେଙ୍ଗ୍ ଇଚା କିନାପା !” ୨୧ ଆତିନିୟ୍ ଲକୁ ଝିଜାର୍ ଆରି ହେବେ ବାହାକିନି ବିଦେସ୍ତ କେବଲ୍ ଇମ୍ଫାଣାକା ପୁନି କାତା ଇନାକା ଆରି ଝେନାକା ପିସ୍ତି ଆରେ ଇନାକାତ ବେସି ସମୁ ବିତାୟ୍ କିଞ୍ଜାଦାଂ ମାଚାର୍ ।

୨୨ ଇବେଣ୍ଟାଂ ପାଉଲ୍ ଆରିୟପାଗନି ମାଦ୍ଫାସି ବାହାତ ନିଲ୍ତି ଇଚାନ୍, “ଆତିନିୟ୍ ଲଗୁ, ଏପେଙ୍ଗ୍ ଜେ ଝିଜୁ ବିସ୍ତେ ଗାଜା ଦେବି ଲବାୟ୍ କିନାଦେରା, ଇଦାଂ ଆନ୍ ହୁଡ଼ନାଙ୍ଗା ।” ୨୩ ଇନାକିଦେଂକି ଆନ୍ ବୁଲାଜି ସମୁତ ମି ପୁଜାକିତି ଝିଜୁ ଦିନିସ୍ ହୁଡ଼ ହୁଡ଼ ରୁ ଗାରୁଣି ପା ହୁଡ଼ତାଂ, ଇମ୍ଫାସି ଜପି ଇ କାତା ଲେକା ଆତାଡ଼ନା, “ପୁନ୍ଝିତି ଇସ୍ପରତି ଉଦେସ୍ତ ପେନ୍କୁତି କାଜିଂ ! ଲାଗିଂ, ଏପେଙ୍ଗ୍ ପୁନ୍ଝାଦାଂ ଇନେରିଙ୍ଗ୍ ପୁଜା କିନାଦେରା, ଆନ୍ ତାଙ୍ଗ୍ ମି ଲାଗାୟ୍ ପରଚାର୍

କିନାଙ୍ଗା ।” ୨୪ ☆ଇମ୍ବିଶି ଇସ୍ବର ପୁତ୍ର ଆରି ତାରେନ୍ନିକା ଝିନ୍ତୁ ଆଡ଼ମାଡ଼ ଉଦ୍‌ଜାଣ୍ କିତାନ୍‌ନ୍ନା, ହେଝାନ୍ ବାଦାଡ଼ତ ଆରି ପୁତ୍ର ନି ମାପୁ ଆତିଲେ କେଇରଡ଼ି ମନ୍ଦିରତ ବାହା କିଉନ୍, ୨୫ କି ହେଝାରତି ଇମ୍ବିଶାକା ଅବାବ୍ ମାଟିଲେ ମାନାୟ୍ କେଇ ହୁଦାଂ ଉଜ୍ କିଜି ହେଝାନ୍ ହେବା କିୟା ଆଉନ୍, ଲାଗିଂ ହେଝାନ୍ ନିଜେ ଝିଜାରିଂ ଜିରୁନ୍‌ନି, ନେନ୍‌ଞ୍ଜେଙ୍ଗ୍ ଆରି ଝିନ୍ତୁ ଆଡ଼ମାଡ଼ ଦାନ୍ କିଦନାନ୍ । ୨୬ ରଝାନ୍ ମାନାୟ୍‌ତାଂ ହେଝାନ୍ ନାର୍ ଜାତିତିଂ ଉଦ୍‌ଜାୟ୍ କିତାନ୍‌ନା ଆରି ତା କାତାଂ ହେଝାର ପୁତ୍ର ନି ବିନ୍ ବିନ୍ ବାହାତ ବାହା କିନାରା ଆଗେ ଇସ୍ବର ବାଟି କିତାନ୍‌ନ୍ନା । ୨୭ ହେଝାରତି ଉଦେସ୍ ମାତାଡ଼, ଝିଜାର୍ ଇନେସ୍ ହେଝାରତି ଦାସ୍‌ଜି ପାୟ୍‌ନାର୍ । ମାତର୍ ହାଡ଼ପା ଇସ୍ବର ଇନେରତାଂ ଦେହା ଆକାୟ୍ । ୨୮ ଇନାକିଦେଂକି

“ହେଝାନ୍ତି ତାକେ ମା ପ୍ଲେନ୍, ହାନାକା ଆରି ଜିଜି ମାନାକା ।”

ଇନେସ୍ ମା ଜାର୍ କେର୍ଣ୍ଣାକାତ୍ର ବିତ୍ରେ ପା କେତେକ୍ ଜାଣ୍ ଇଚାଣ୍ଣା,
 “ଇନାକିଦେଂକି ଆପେଂ ପା ହେଝାନ୍ତି ଲାଡ଼ା ।”

୨୯ ଝାଟିଙ୍ଗ୍, ଆପେଂ ଇସ୍ବରତି ଲାଡ଼ା ଆତିଲେ ଇସ୍ବରତି ଚିନ୍ ଲାକେ ମାନାୟ୍ ରଚ୍‌ନାକାନ୍ ଆରି ହାନ୍‌ୟାୟ୍ କିନାକାନ୍ ଇସାପ୍ରେ ବଲକ୍ବାର୍ କିଜି ହିନା କି ରୁପା କି କାଲ୍ ଲାକେ ବାବିକିନାକା ମା ଲଡ଼ା ଆକାୟ୍ ।

୩୦ ମାନାୟାର୍ ଇସ୍ବରତିଂ ପୁନ୍‌ଝି ଝେଡ଼ାଲିଂ ହେଝାନ୍ ଦସ୍ ଆହ୍‌ଝାଦାଂ ମାତାନ୍, ମାତର୍ ନଙ୍ଗ୍ ହେଝାନ୍ ସବୁତିଂ ଝିଜାକାରିଂ ହେଝାରିଂ ପାପ୍ ହାଜିଡ଼ାଂ ମାନ୍‌ବାଦ୍‌ଲାୟ୍ କିଦେଙ୍ଗ୍ ବଲ୍ ହିନାଙ୍ଗା । ୩୧ ଇନାକିଦେଂକି ଇମ୍ବିଶି ନାଜିଂ ହେଝାନ୍ ଜାର୍ କିତି ମୁଣିକାର୍ ହୁଦାଂ ଦାମ୍‌ନି ପୁତ୍ର ନି ବିଚାର୍ କାମାୟ୍ କିନାନ୍, ଏପେଙ୍ଗ୍ ର ନାଜିଂ ତିର୍ କିତାନ୍‌ନ୍ନା, ଆରେ ହେଦେଲିଂ ହାକିତାକେଣ୍ଣାଙ୍ଗ୍ ବିତ୍ରେ ନିକ୍‌ତାନ୍ନା ଇ ବିସ୍ତେ ଝିଜାଡ଼ ଲାଗେ ଜାଣାୟ୍ କିତାନ୍ନା ।

୩୨ ହାତାକାର୍ ଆରେ ନିଂନାକା କାତା ଝେନ୍‌ଞ୍ଜି ଇନେର୍ ଇନେର୍ ଗ୍ଲୁଇଦେଂ ଲାଗାତାର୍ ଆରେ ଇନେର୍ ଇନେର୍ ଇଚାର୍, ଆପେଂ ଆରେ ରଗ “ମିତାଙ୍ଗ୍ ଇ ବିସ୍ତେ ଝେନାସ୍ ।” ୩୩ ଇ ବାନି ପାଉଲ୍ ହେଝାର୍ ବିତ୍ରେତାଂ ହସି ହାତାନ୍ । ୩୪ ମାତର୍ ଇନେର୍ ଇନେର୍ ଲକ୍ବୁ ତା ପାକ୍ୟା ଆଜି ପାତ୍ର କିତାର୍; ହେଝାରତି ବିତ୍ରେ ଏରିୟପାଗିୟ ଦିୟ୍‌ନୁସିୟ୍,

☆ ୧୭:୨୪ ୧୭:୨୪ ପକ୍ୟାତାକା ୭:୪୮.

ସବାନି ରଞ୍ଜନ ଦାମାରି ତରନି ରଞ୍ଜେଲ୍ ତାଡ଼ି ଆରି ହେଞ୍ଜାର ହୁଦାଂ
ଆରେ କେତେକ୍ ଲକୁ ମାଚାର୍ ।

୧୮

କରିତ୍ରିୟ ବସ୍ତୁତ ପାଉଲ୍‌ତି ହେବାକାମାୟ୍

୧ ଇ ଝିକୁ ଗଟଣା ପାଚେ ହେଞ୍ଜାନ୍ ଏତେନ୍‌ସତାଂ ହାଲ୍‌ଜି କରନ୍ତିତ
ଞ୍ଜାତାନ୍ । ୨ ଆରେ, ହେଞ୍ଜାନ୍ ଆକ୍‌ଲିଆ ତରନି ରଞ୍ଜାନ୍ ଜିହୁଦିଙ୍ଗ୍
ବେଟା ଆତାନ୍, ପନ୍ତ ହେଞ୍ଜାନ୍ତି ଜଲମ୍ ବାହା; ହେଞ୍ଜାନ୍ ଅଲପ୍ ଦିନ୍
ଆତାତ୍ ଜାର୍ କରଲେ ପ୍ରିସ୍‌ଲି ଲାହାଙ୍ଗ୍ ଇତାଲିଆତାଂ ଞ୍ଜାଜି ମାଚାର୍,
ଇନାକିଦେଂକି କ୍ଲାଉଦିଅ ଞ୍ଜିଜାର୍ ଜିହୁଦିରିଂ ରମ୍‌ତାଂ ହସି ହାଞ୍ଜେଙ୍ଗ୍
ବଲ୍ ହିଜି ମାଚାନ୍ । ହେଞ୍ଜାନ୍ ହେଞ୍ଜାର୍ ଲାହାଙ୍ଗ୍ ବେଟାୟ୍ କିଦେଙ୍ଗ୍
ହାଚାନ୍, ୩ ଆରେ, ହାରିବେପାରିର୍ ମାଟିଲେ ହେଞ୍ଜାର୍ ହୁକେ ବାହା
କିତାର୍, ଆରେ ହେଞ୍ଜାର୍ କାମାୟ୍ କିଦେଙ୍ଗ୍ ଲାଗାତାର୍, ଇନାକିଦେଂକି
ବେପାଟ୍ ହେଞ୍ଜାର୍ ତୁମ୍ ରଚ୍‌ନାକାର୍ ମାଚାର୍ । ୪ ଆରେ, ପାତି
ଜମ୍‌ନିବାର୍ତ ହେଞ୍ଜାନ୍ ପାର୍ତାନା ଇଲ୍ ଆଲ୍‌ଚାନା ହିଜି ଜିହୁଦି ଆରି
ଗ୍ରିକ୍‌ରିଂ ପାଚ୍ ବାତାୟ୍ କିଦେଙ୍ଗ୍ ସେଷ୍ଟା କିତାନ୍ ।

୫ ଏଚେକାଡ୍‌ଦ ସିଲ୍‌ଆ ଆରି ତିମତି ମାକିଦନିଆତାଂ ଞ୍ଜାତାର୍, ହେ
ଏଚେକାଡ୍‌ଦ ପାଉଲ୍ ବଚନ୍ ପରଚାର୍ତ ବେସି ମାନ୍‌ଦିଆନ୍ ମାନ୍‌ଞ୍ଜି,
ଜିସୁ ଜେ କ୍ରିସ୍ଟୁ ଆନାନ୍, ଇଦାଂ ଜିହୁଦିର୍ତ ଲାଗାୟ୍ ସାକି ହିବିସ୍
ମାଚାନ୍ । ୬ ମତର୍ ହେଞ୍ଜାର୍ ଆପତି ଆରି ନିନ୍ଦା କିତିଲେ ହେଞ୍ଜାନ୍
ଜାର୍ ହେନ୍ଦା ଡାଡ୍‌ତି ହେଞ୍ଜାରିଂ ଇଚାନ୍, “ମି ନେତେର୍ ମି କାପ୍‌ଡା ଜପି
ଆରେଡ୍, ଆନ୍ ପାପି ଆକାୟ୍ ନଙ୍ଗ୍ ପାଚ୍ କିଞ୍ଜି ଜିହୁଦିର୍ ଲାହାଙ୍ଗ୍
ହାନାଂ ।” ୭ ହେବେଣ୍ଟାଂ ହେଞ୍ଜାନ୍ ହେ ବାହାତାଂ ହାଲ୍‌ଜି ତିତସ୍ ଜୁସ୍
ତରନି ରଞ୍ଜାନ୍ ଇସ୍‌ପୁର୍ତି ପୁଜା କିନାକାନ୍ ଇଞ୍ଜ ହାଚାନ୍, ହେଦାଂ
ପାର୍ତାନା ଇଲ୍‌ତିଙ୍ଗ୍ ଲାଗାଜି ମାଚାତ୍ । ୮ ମତର୍ ପାର୍ତାନା ଇଲ୍‌ନି
ମୁଣିକା କ୍ରିସ୍ଟୁ ଆରି ଇଲ୍‌ନିକାର୍ ମାପୁ ତାକେ ପାଚ୍ କିତାର୍, କରନ୍ତିୟ
ବିତ୍ରେ ଆଦେକ୍ ଞ୍ଜେନ୍‌ଞ୍ଜି ପାଚ୍ କିଦେଙ୍ଗ୍ ଲାଗାତାର୍ ଆରି ବାପ୍‌ସିମ୍
ଆତାର୍ ।

୯ ଆରେ, ମାପୁ ନାଣା ହୁଡ୍‌ନାକା ହୁଦାଂ ପାଉଲ୍‌ତିଂ ଇଚାନ୍, “ପାଣ୍ଟା
ଆମା, ଚିମ୍‌ରା ଆଞ୍ଜାଦାଂ ପରଚାର୍ କିୟା, ୧୦ ଇନାକିଦେଂକି ଆପ୍

ମି ଲାହାଙ୍ଗ ମାନାପ, ଇମଣି ଲଗୁ ପା ମି କେତି କିଦେଙ୍ଗ ନିଂ
ମାଡିବହା ଆଦୁନ୍, ଲାଗିଂ ମାଞ୍ଜାର୍ ଆଦେକ୍ ଲକୁ ଇ ଗାଡ଼ଦ ମାନାର୍
।” ୧୧ ଆରେ, ହେଞ୍ଜାନ୍ ହେଞ୍ଜାର୍ ଲାଗାୟ୍ ଇସ୍ବରତି ବଚନ୍ ହିକ୍ୟା ହିଜି
ବାହେକ୍ ଆଦା ହେବେ ବାହା କିତାନ୍ ।

୧୨ ମତର୍ ଗାଲ୍ଲିୟନ୍ ଆକାୟାନ୍ ରମିୟ ସାସନ୍କାରୟା ମାନି
ଞ୍ଜେଡାଲିଂ ଜିହୁଦିର୍ ପାଉଲ୍ତି ବିରୁଦ୍ଦତ ର ମାନ୍ ଆଜି ନିଂଜି ତାଙ୍ଗ୍
ଗାଦି ଲାଗାୟ୍ ତାହି ଇଚାର୍, ୧୩ “ଇ ମାନାୟ୍” ବିଦିନି ଉଲ୍ଟା ବାବ୍ରେ
ଇସ୍ବରତି ପାର୍ତାନା କିଦେଙ୍ଗ ଲକାରିଂ ଚିଉଲ୍ଲାୟ୍ କିନାକା ।

୧୪ ମତର୍ ପାଉଲ୍ ମୁମ୍ ରିକ୍ତି କାତା ଇଞ୍ଜେଙ୍ଗ୍ ଜାଲ୍ଲଦି ଆଡିହିଂ,
ଗାଲ୍ଲିୟନ୍ ଜିହୁଦିରିଂ ଇଚାନ୍, ଇନେସ୍କିତିସ୍ପା ଅନ୍ୟାୟ୍ କି ବାନ୍ୟା
କାମାୟ୍ ଜଦି ଆଜି ମାଟିସ୍ ଖାଟିଙ୍ଗ୍, ହେ ଜିହୁଦିର୍, କାଲେତାଂ ମି
କାତା ଞ୍ଜେନାକା ହାରାଞ୍ଜାତାଦମା; ୧୫ ମତର୍ ଜଦି ଇ ସବୁ ଆପକା
ବଚନ୍, ତର୍ ଆରି ମି ବିଦି ବିସ୍ତେ କିର ଆନାଡ଼, ଖାଟିଙ୍ଗ୍ ଏପେଙ୍ଗ୍ ନିଜେ
ହେଦାଂ ବୁଜାନାଦେର୍; ଆନ୍ ଇ ସବୁ ବିସ୍ତେ ବିଚାର୍କାରୟା ଆଦେଂ
ଇଚା କିଉଙ୍ଗା । ୧୬ ଆରେ, ଇଦାଂ ଇଞ୍ଜି ହେଞ୍ଜାନ୍ ଗାଦି ବାହାତାଂ
ପେସ୍ପାର୍ । ୧୭ ହେବେଣ୍ଡାଂ ଖିଜାର୍ ପାର୍ତାନା ଇଲ୍ଲିନି ମୁଣିକା ସସ୍ତନାତିଂ
ଆସ୍ତି ଗାଦି ବାହାତ ଗ୍ରାକ୍ତେଂ ଲାଗାତାର୍; ମତର୍ ଗାଲ୍ଲିୟନ୍ ହେ ଖିଜୁ
ବିସ୍ତେ ହୁଡ଼ଞ୍ଜାତାନ୍ ।

ସିରିନି ଆନ୍ତିୟକିଆତ ପାଉଲ୍ ମାସ୍ଦି ଖାତାନ୍

୧୮ ପାଉଲ୍ ବେସି ଦିନ୍ ପାତ୍ କିନି ଟଣ୍ଡାର୍ ଆରି ତଣ୍ଡେକ୍
ଲାହାଂ ଇଦାଂ ପାଚେ ପାଉଲ୍ ବେସି ଦିନ୍ ବାହା କିତାନ୍ । ତା ପାଚେ
ହେଞ୍ଜାନ୍ ପିସ୍ତି ପ୍ରିସ୍ତିଲ୍ଲା ଆରି ଆକ୍ଲିଲା ଲାହାଂ ସିରିୟାନ୍ ଏସ୍ ଜାଜ୍ଡତ
ହାଚାର୍ । କେଲ୍ଲେୟାତାଂ ଏସ୍ ଜାଜ୍ ଆରମ୍ କିନି ଆଗେ ତାଙ୍ଗେଙ୍ଗ୍
ର ମାନ୍ତ ଇସାବ୍ରେ ହେଞ୍ଜାନ୍ତି କାପ୍ଡା କୁରାୟ୍ କିୟ୍କିତାର୍ । ୧୯ ପାଚେ
ହେଞ୍ଜାର୍ ଏପିସତ ଖାତାର୍, ଆରେ ହେଞ୍ଜାନ୍ ହେ ବାହାତ ହେଞ୍ଜାରିଂ
ପିସ୍ତି ନିଜେ ପାର୍ତାନା ଇଞ୍ଜି ହଣ୍ଡି ଜିହୁଦିରିଂ ଲାହାଙ୍ଗ୍ ଆଲ୍ଟାନା
କିତାର୍ । ୨୦ ଆରେ, ହେଞ୍ଜାର୍ ତାଙ୍ଗ୍ ଆଦିକ୍ ସମ୍ ମାଞ୍ଜେଙ୍ଗ୍ ଗଞ୍ଜାରି
କିତିଲେ, ହେଞ୍ଜାନ୍ ରାଜି ଆଞ୍ଜାତାନ୍ । ୨୧ ମତର୍ ହେଞ୍ଜାନ୍ ହେଲ୍

ଅଜି ଇଚାନ୍, “ଇସ୍ବରତି ଇଚା ଆତିସ୍ ଆରେ ରଗ ମି ତାକେ ମାସ୍ବଦି
ଝାନାଈ” ହେଝାନ୍ ଜାଜ୍ତ ହାଲ୍ଲଜି ଏପିସତ ମାସ୍ବଦି ହାଚାନ୍ ।

୨୨ କାଈସରିୟାତ ଏକିସ୍ ହେଝାନ୍ ଜାଜ୍ ତାଂ ଜୁତାନ୍, ଆରେ
ହାଲ୍ଲଜି ମଣ୍ଡଲିତିଂ ମେହାଜି ଆନ୍ତିୟକିଆତ ତାଂଜି ହାଚାନ୍ । ୨୩ ହେ
ବାହାତ କେତେକ୍ ସମ୍ବୁ ମାଟି ପାଚେ ହେଝାନ୍ ହାଚାନ୍, ଆରେ ଦାଡ଼ିତାଂ
ଗାଲାତିୟ ନିପ ଆରି ପୁଗିଆ ହିଜି ହାଲୁ ହାଲୁ ତେଲାର୍ ଝିଜାରିଂ ସୁସ୍ତା
କିଜି ମାଚାନ୍ ।

ଏପିସସ୍ ଆରି କରନ୍ତିତ ଆପଲ୍ଲ

୨୪ ଝିସ୍ତ୍ରି ବିତ୍ରେ ଆପଲ୍ଲ ତରନି ରଝାନ୍ ଜିହୁଦି ଏପିସତ ଝାତାନ୍,
ହେଝାନ୍ତି ଜଲମ୍ ବାହା ଆଲେକ୍ଜାଣ୍ଡ୍ରିୟ; ହେଝାନ୍ ହାର୍ ବେରଣ୍
କିନାକାନ୍ ଆରି ଦରମ୍ ସାସ୍ବରତ ଆଡ଼ନାକାନ୍ ମାଚାନ୍ । ୨୫ ଇ ମୁଣିକା
ମାପୁତି ହାଜି ବିସ୍ତେ ସିକ୍ୟା ପାୟା ଆଜି ମାଚାନ୍, ଆରେ ଜିବୁନ୍ତ
ରିସାଜି ଜିସ୍ତ୍ରି ବିସ୍ତେ ହାର୍ଦି ହିକ୍ୟା ହିଜି ମାଚାନ୍, ମାତର୍ ହେଝାନ୍
ଆପ୍କା ଜହନ୍ତି ବାପ୍ରିସିମ୍ ବିସ୍ତେ ପୁଞ୍ଜି ମାଚାନ୍; ୨୬ ହେଝାନ୍ ପାର୍ତାନା
ଇଲ୍ ସାସ୍ ଲାହାଈ କାତା ଇଞ୍ଜେଈ ଲାଗାତାନ୍ । ମତର୍ ପ୍ରିସ୍ଲିଲ୍ଲା
ଆରି ଆକିଲା ତା କାତା ଝେନ୍ଞି ତାଈ ଜାର୍ତି ଲାହାଈ ଇଡ଼ଜି
ଆଦିକ୍ ଚିକିନିକି ବାବ୍ରେ ଇସ୍ବରତି ହାଜି ବିସ୍ତେ ତାଈ ହିକ୍ୟା ହିତାର୍
। ୨୭ ହେଝାନ୍ ଆକାୟା ଦେସ୍ତ ହାନି କାଜିଂ ଇଚା କିତିଲେ ଟଣ୍ଡାର୍
ତାଈ ବାସ୍ ହିଜି ତାଈ ଇଚ୍ଚନି କାଜିଂ ତେଲାର୍ ଲେକିକିତାନ୍ ।
ହେଝାନ୍ ହେବେ ଏକିସ୍, ଇମ୍ଣାକାର୍ ପାଚ୍ କିଜି ମାଚାର୍, ଇସ୍ବରତି
ଦୟା ହୁଦାଂ ହେଝାର୍ତି ବେସି ଉପ୍କାର୍ କିତାନ୍, ୨୮ ଇନାକିଦେଂକି
ଜିସ୍ତ୍ ଜେ କ୍ରିସ୍ଟ୍ ଇଦାଂ ଦରମ୍ ସାସ୍ବରତ ହୁଦାଂ ପାର୍ମାଣ୍ କିଜି ହେଝାନ୍
ହପ୍ନି ସାକ୍ତି ଲାହାଈ ଜିହୁଦିର୍ତି ଜିକାଟାଣା ସବୁ ଆରାୟ୍ କିଦେଈ
ଲାଗାତାନ୍ ।

୧୯

ଏପିସତ ପାଉଲ୍

୧ ଆପଲ୍ଲ କରନ୍ତିତ ମାନି ଝେଡାଲିଂ ପାଉଲ୍ ଝେଡାହନି ବିତ୍ରେ
ହିଜି ହାଲ୍ଲଜି ଏପିସ ଗାଡ଼ଦ ଏକାତାନ୍ ହେବେ ହେଝାନ୍ କେତେକ୍
ତେଲାର୍ ଚଞ୍ଜାତାନ୍ । ୨ ହେଝାନ୍ ହେଝାରିଂ ଝେନ୍ବାତାନ୍, “ପାଚ୍

କିନ୍ତି ଝେଡ଼ାଲିଂ ଇନାକା ପୁଇପୁୟା ଜିରୁନ୍ତିଂ ଗାଟାଜି ମାଚାଦେର୍ କି ?”

ହେଝାର୍ ତାଙ୍ଗ୍ ଉତର୍ ହିତାର୍, ଆକାୟ୍ “ପୁଇପୁୟା ଜିରୁନ୍ ଜେ ମାନାଡ଼, ଇଞ୍ଜି ଆପେଂ ଝେନ୍‌ଝାତାପ୍ଲା ।”

୩ ଲାଗିଂ ହେଝାନ୍ ଝେନ୍‌ବାତାନ୍, “ଝାଟିଙ୍ଗ୍ ଏପେଙ୍ଗ୍ ଇନାକାତ ବାପ୍ରିସିମ୍ ଆଜି ମାଚାଦେର୍ ?”

“ହେଝାର୍ ଇଚାର୍, ଜହନ୍‌ତି ବାପ୍ରିସିମ୍‌ତ ।”

୪ ✱ହେବେଣ୍ଡାଂ ପାଉଲ୍ ଇଚାନ୍, “ଜହନ୍ ମାନ୍‌ବାଦ୍‌ଲାଇୟ୍ କିନ୍ତି ବାପ୍ରିସିମ୍‌ତ ବାପ୍ରିସିମ୍ ହିଜି, ଜିସୁ ପାଚେ ଇନେର୍ ଝାନାନ୍, ହେଝାନ୍ ତାକେ, ଇଚିସ୍ ଜିସୁତି ତାକେ ପାଚି କିଦେଙ୍ଗ୍ ଆନାଡ଼ ଇଞ୍ଜି ଜହନ୍ ଇସ୍ତାଏଲ୍ ଲକୁରିଂ ଇଞ୍ଜି ମାଚାନ୍ ।”

୫ ହେଝାର୍ ଇଦାଂ ଝେନ୍‌ଞ୍ଜି ମାପୁ ଜିସୁତି ତର୍ଦ ବାପ୍ରିସିମ୍ ଆଚାର୍, ୬ ଆରେ ପାଉଲ୍ ହେଝାର୍ ଜପି କେଇ ଇଚ୍ଚିଲେ, ପୁଇପୁୟା ଜିରୁନ୍ ହେଝାର୍ ଜପି ଜୁଡ଼ତାନ୍, ଆରେ ହେଝାର୍ ବାର୍‌ବିନ୍ ବାସାତ କାତା ଇଞ୍ଜେଙ୍ଗ୍ ଆରି ବେଶ୍‌ବାକ୍‌ଶାୟ୍‌କିନାକାନ୍ ପା ଇଞ୍ଜେଙ୍ଗ୍ ଲାଗାତାନ୍ । ୭ ହେଝାର୍ ଝିଜାର୍ ଆନ୍ ମାନ୍ତ ବାର୍ ଜାଶ୍ ଆଣ୍ଡାହିମଣାଂ ମାଚାର୍ ।

୮ ପାଚେ ହେଝାନ୍ ପାର୍ତାନା ଇଞ୍ଜି ହଶ୍‌ଜି ତିନ୍ ମାସ୍ ପାଚେକ୍ ସାସ୍ ଲାହାଙ୍ଗ୍ ଇସ୍ପର୍ତି ରାଜି ବିସ୍ତେ ଉପ୍‌ଦେସ୍ ହିଜି ପାଚି ବାତାୟ୍ କିଦେଂ ସେସ୍ କିଦେଙ୍ଗ୍ ଲାଗାତାନ୍ । ୯ ମତର୍ ହେ ଏଚେକାଡ଼୍‌ଦ ଏଚେକ୍ ଲକୁ ଆର୍‌ଝା ଆରି ଅମାନ୍ୟା ଆଜି ଲକୁର୍ ମୁମଦ ହେ ହାଜି ବିସ୍ତେ ନିନ୍ଦା କିଦେଙ୍ଗ୍ ଲାଗାତାର୍, ହେ ଏଚେକାଡ଼୍‌ଦ ହେଝାନ୍ ହେଝାରିଂ ପିସ୍ତି ଚେଲାର୍ ବିନେ କିତାନ୍, ଆରେ ନିତ୍ରେ ତୁରାନ୍‌ନି ଇଲ୍ ଆଲ୍‌ଚାନା କିଦେଙ୍ଗ୍ ଲାଗାତାର୍ । ୧୦ ଇ ବାନି ରି ବାର୍‌ହୁ ପାଚେକ୍ ଆତାଡ଼; ହେବେ ଆସିଆ ନିକାର୍ ଜିହୁଦି ଆରି ଗ୍ରିକ୍ ଝିଜାର୍ ମାପୁତି ବଚନ୍ ଝେଚାର୍ ।

ସ୍ତେବାନି ହିମ୍‌ଣାଂ

୧୧ ଆରେ, ଇସ୍ପର୍ ପାଉଲ୍‌ତିଂ କେଇ ହୁଦାଂ ଆବିଞ୍ଜିତି ସାକ୍ତିନି କାମାୟ୍ କିଜି ମାଚାନ୍, ୧୨ ଏଲେଂକି ପାଉଲ୍ ତା ଗାଗାଡ଼୍‌ତାଂ ରୁମାଲ୍

✱ ୧୯:୪ ୧୯:୪ ମାତିଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହନ୍ ୧:୨୭,୨୭.

କି ତୁମ୍ଭାଲ ରଗ୍ୟାର ଲାଗେ ତାହିଝାଡ଼ିସ, ହେଝାର ତାଙ୍ଗ ରଗ୍ ପିସ୍ତି ହାଲ୍ଲଜି ମାତାତ୍ ଆରି ବାନ୍ୟାପୁଦା ହସି ହାଲ୍ଲଜି ମାଟିକ୍ । ୧୩ ମତର୍ ବୁଲାନି ଜିହୁଦିର୍ ତୁଟକିଆର୍ ବିତ୍ରେ କେତେକ୍ ଜାଣିତ୍ ବାନ୍ୟାପୁଦା ଲାଗାଜି ମାଟି ଲକୁର୍ ଜପି ମାପୁ ଜିସୁତି ତର୍ ଇତିଲେ କସ୍ ଆଜି ଇତିକ୍, ଇମ୍ଣି ଜିସୁଙ୍ଗ୍ “ପାଉଲ୍ ସୁଣାୟ୍ କିଦେଙ୍ଗ୍ ଲାଗାନାନା, ଆନ୍ ମିଙ୍ଗ୍ ହେଝାନ୍ତି ବଲ୍ ହିଦନାଙ୍ଗା ।” ୧୪ ଆରେ, ସ୍ଲୋବା ତର୍ନି ରଝାନ୍ ଜିହୁଦି ମୁଡ୍ ମାପୁହେବା କିନାକାନ୍ତି ସାଡ଼ଜାଣ୍ ମାଜିର୍ ଇ ଲାକେ କିଜି ମାତାତ୍ ।

୧୫ ହେବେ ବାନ୍ୟାପୁଦା ହେଝାରିଂ ଉତର୍ ହିତାନ୍, “ଆପ୍ ଜିସୁଙ୍ଗ୍ ପୁନାପ୍ ଆରି ପାଉଲ୍ତିଂ ଚିନିକିତାପନ୍ନା; ମତର୍ ଏପେଙ୍ଗ୍ ଇମ୍ଣାକାଦେର୍ ?”

୧୬ ହେ ଏତେକାଡ଼ଦ ବାନ୍ୟାପୁଦା ଆହ୍ୟାତି ଲଗୁ ହେଝାରିଂ ଜପି ରୁମ୍ଜି ସାଲ୍ଲିତାଂ ହେଝାନ୍ ରିୟାରିଂ ଆରାୟ୍ କିଜି ହେଝାରିଂ ଦାକା କିତାତ୍ ଜେ, ହେଝାର ନାଗଡ଼ା ଆରି ଗାଅଦାଆ ଆଜି ହେ ଇଲ୍ତାଙ୍ଗ୍ ହସି ହାଚାର୍ । ୧୭ ଇ କାତା ଏପିସ ନିକାର୍ ଜିହୁଦି ଆରି ଗ୍ରିକ୍ ଝିଜାର୍ ପୁଚାର୍ । ହେବେ ଝିଜାର୍ ପାଣ୍ଡା ଆତାର୍, ଆରେ ମାପୁ ଜିସୁତି ତର୍ ଜାଜ୍ମାଲ୍ ଆଦେଂ ଲାଗାତାତ୍ । ୧୮ ଆରେ, ପାତ୍ ନିକାର୍ ବିତ୍ରେ ଆଦେକ୍ ଝାଜି ଜାର୍ ଜାର୍ କାମାୟ୍ ମାନିକିତାର୍ ଆରି ଝେର୍ତେଂ ଲାଗାତାର୍, ୧୯ ଆରେ ମନ୍ତର୍ କାମାୟ୍ କିନାକାର୍ ଆଦେକ୍ ଜାର୍ ଜାର୍ ପତି ତାହିଝାଜି ରୁଣ୍ଡାୟ୍ କିଜି ଝିଜାକାର୍ ମୁମ୍ଦ ହୁଡ଼ଜି ତୁହିତାର୍; ହେଝାର୍ ହେ ସବୁନି ମଲ୍ ହିସାବ୍ କିତିଲେ ହେଦାଂ ରିକଡ଼ି ଦସ୍ ହାଜାର୍ ରୁପା ଟାକାଂ ଇଞ୍ଜି ହୁଡ଼ତାର୍ । ୨୦ ଇ ଲାକେ ମାପୁତି ବଚନ୍ ସାଲ୍ଲିତାଂ ବାତାଦେଂ ଆରି ଆଦିକ୍ ସାଲ୍ଲି ଆଦେଂ ଲାଗାତାତ୍ ।

ଏପିସତ ଲାଗାଜଡ଼ା

୨୧ ଇ ଝିଜୁ ବିସ୍ତେ ଝିସ୍ତି ପାଚେ ପାଉଲ୍ ମାକିଦନିଆ ଆରି ଆକାୟା ହିଜି ଜିରୁସାଲମତ ହାଞ୍ଜେଙ୍ଗ୍ ମାନ୍ତ ତିର୍ କିଜି ଇଚାନ୍, “ହେବେ ହାଟି ପାଚେ, ନାଙ୍ଗ୍ ରମତ ପା ହାଞ୍ଜେଙ୍ଗ୍ ଆନାତ୍ ।” ୨୨ ଆରେ, ଇମ୍ଣାକାର୍ ହେଝାନ୍ତି ହେବା କିଜି ମାତାତ୍, ହେଝାର୍ ବିତ୍ରେ ତିମତି ଆରି ଏରାସ୍, ଇ ରିୟାରିଂ ମାକିଦନିଆତ ପକ୍ତି ହେଝାନ୍ ନିଜେ ଅଲପ୍ କାଡ଼୍ ପାତେକ୍ ଆସିଆ ଦେସ୍ତ ମାଚାନ୍ ।

୨୩ ହେ ଝେଡାଲିଂ ଇ ହାଜି ବିସ୍ତେ ବେସି ଅଜି ଏପିସିତ ବେସି ଗଣ୍ଡଗଲ୍ ଆତାଡ଼ । ୨୪ ଇନାକିଦେଂକି ଦିମିତ୍ରିୟ ତରନି ରଞ୍ଜାନ୍ ହନାରି ଆର୍ଡେମିନି ରୁପା ମନ୍ଦିର ରଚ୍ଚି ମାତାନ୍, ଆରେ ବାନାରଚ୍ଚନାକନ୍ ବେସି ଲାବ୍ କିଜି ମାତାର୍ । ୨୫ ହେଞ୍ଜାନ୍ ହେଞ୍ଜାରିଂ ଆରି “ହେ ବେପ୍ରିୟାର୍ ବାନାରଚ୍ଚନାକାରିଂ କୁକ୍ଚି ଇଚାନ୍, ମାପୁର୍, ଇ ବେପାର୍ ହୁଦାଂ ଆପେଂ ଦନ୍ ପାୟାନାପ୍ ଇଞ୍ଜି ଏପେଙ୍ଗ୍ ପୁନାଦେରା; ୨୬ ଆରେ, କେଇରଚ୍ଚି ପୁଡ଼ଡ଼ାଂ ଇସ୍ପର୍ ଆକାୟ୍ ଇଞ୍ଜି ଇଞ୍ଜି ଇ ପାଉଲ୍ କେବଲ୍ ଏପିସିତ ଆକାୟ୍, ମତର୍ ଝିକୁ ଆସିଆତ ଦେସ୍ତ ଜବର୍ ମାନାୟ୍ତିଂ ବୁଜାୟ୍ କିୟ୍ କିଜି ଇନାନା, ଇଦାଂ ଏପେଙ୍ଗ୍ ହୁଡ଼ନାଦେରା ଆରି ଝେନାଦେରା । ୨୭ ଇବେ ଜେ କେବଲ୍ ମା ଇ ବେପାର୍ନି ବାନ୍ୟା ତର୍ ଆନାକା ପାଣ୍ଡୁ ମାନାଡ଼, ହେଦାଂ ଆକାୟ୍, ମତର୍ ଇମଣି ଗାଜା ପେନ୍ ଆର୍ଡେମିତି ଝିକୁ ଆସିଆ ଆରି ପୁଡ଼ ଜାକ୍ ପାର୍ତନା କିତାର୍, ହେଞ୍ଜାନ୍ତି ମନ୍ଦିର୍ ପା ଉଣା ଆନାକା ଆରି ତାଦାଂ ସନ୍ମାନ ନସ୍ତୁ ଆଦେଂ ପା ଗିଗାନି ପାଣ୍ଡୁ ମାନାଡ଼ ।”

୨୮ ଇ କାତା ଝେନ୍‌ଞ୍ଜି ହେଞ୍ଜାର୍ ରିସାତ ବାଡ଼ ଆଜି ରାଟୁ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟରତି “ଆର୍ଡେମି ଗାଜା ପୁଡ଼ଡ଼ା ଜୟ୍ ଆଏଡ଼ ।” ୨୯ ଇବେଣ୍ଡାଂ ଗାଡ଼୍ କିରତ ବାଡ଼ ଆତାଡ଼, ଆରେ ହେଞ୍ଜାର୍ ର ମାନ୍ତାଂ ପାଉଲ୍ତି ରଚେ ହାତାକାନ୍ ମାକିଦନିଆନି ଗାୟ୍ ଆରି ଆରିସ୍ତାର୍କିତିଂ ଆସ୍ତି ମେଲ୍ୟାର୍ ବୁମିତ ହନ୍‌ଞ୍ଜି ହାତାର୍ । ୩୦ ଇବେ ପାଉଲ୍ ଲକୁ ବିତ୍ରେ ହାଞ୍ଜେଙ୍ଗ୍ ଇଚା କିତାନ୍, ମତର୍ ଚେଲାର୍ ତାଙ୍ଗ୍ ହାଞ୍ଜେଙ୍ଗ୍ ହିଞ୍ଜାତାର୍ । ୩୧ ଆରେ, ଆସିଆନି ମୁଡ଼ କାମାୟ୍ କିନାକାର୍ ବିତ୍ରେଡ଼ାଂ ପା ଏଚେକ୍ ଜାଣ୍ ହେଞ୍ଜାନ୍ତି ହାଙ୍ଗ୍‌ଦାକାର୍ ମାଟିଲେ ଲକୁ ପକ୍ଚି ମେଲ୍ୟାର୍ ବୁମି ବିତ୍ରେ ସାସ୍ ହିଲ୍‌ଞ୍ଜାଦାଂ ହାଲ୍‌ଞ୍ଜି କାଜିଂ ତାଙ୍ଗ୍ ଗଞ୍ଜାରି କିତାନ୍ । ୩୨ ହେ ଏଚେକାଡ଼ଦ ଇନେର୍ ଇନେର୍ ଇ କାତା, ଇନେର୍ ଇନେର୍କି ହେ କାତା ଇଞ୍ଜି କିକିରାତିଂ କିଜି ମାତାର୍, ଇନାକିଦେଂକି ସବା ରାଟୁତ ବାଡ଼ ଆଜି ମାତାଡ଼, ଆରେ ହେଞ୍ଜାର୍ ଜେ ଇନାକିଦେଂ ରବେରୁଣ୍ଡା ଆତାଣ୍ଡା, ହେଦାଂ ଆଦେକ୍ ପୁନ୍‌ଞ୍ଜାଦାଂ ମାତାର୍ । ୩୩ ଆରେ, ଜିହୁଦିର୍ ଆଲେକ୍‌ଜାଣ୍ଡରତିଂ ଆଗେ ହପ୍‌ଚି ତାହିଞ୍ଜାତିଲେ ଲକୁ ବିତ୍ରେଡ଼ାଂ ଇନେର୍ ଇନେର୍ ତାଙ୍ଗ୍ ଚିଉଲ୍‌ୟ୍

କିତାର; ହେବେ ଆଲେକ୍‌ଜାଣ୍ଡର କେଇଦାଂ ଚର୍ଚ୍ଚି ଲକ୍ଷ୍ମର ଲାଗାୟ ହେଖାର୍‌ତି ପାକ୍ୟାଜି ଇଞ୍ଜେଙ୍ଗ୍ ଇଚା କିତାନ୍ । ୩୪ ମତର୍ ହେଖାନ୍ ରଖାନ୍ ଜିହୁଦି ଇଞ୍ଜି ହେଖାର୍ ପୁଚାର୍, ହେ ଏଚେକାଡ଼ଦ ଝିଜାର୍ କାଟ୍‌ତ ରି ଗଣ୍ଟା ପାତେକ୍ କିକିରାତିଂ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍‌ତି “ଆର୍ଡେମି ଗାଜା ପୁଡ଼ଡା ଜୟ୍ ଆଏଡ଼ ।”

୩୫ ପାଚେ ଗାଡ଼ନି ମୁସ୍‌ସିଦାର୍ ଲକ୍ଷ୍ମ ଝିଜୁଡ଼ିଂ ସୁସ୍ତା କିଜି ଇଚାର୍, “ଏ ଏପିସିୟନି ଲକ୍ଷ୍ମର, ଏପିସ ଗାଡ଼ ଜେ ଗାଜା ପୁଡ଼ଡା ଆର୍ଡେମି ମନ୍ଦିର୍ ଆରି ବାଦାଡ଼ତାଂ ଜୁଜି ଝାଜିମାନି ପୁଡ଼ଡା ମନ୍ଦିର୍‌ନି କାରନିୟା, ଇଦାଂ ଇନେର୍ ପୁନ୍‌ଝାତାଣ୍ଟା ? ୩୬ ଇନେର୍ ମାନିକିଉର୍ ଇ ସବୁ କାତା ତ୍ରିଙ୍ଗ୍‌ଝିତିଲେ ମିଦାଙ୍ଗ୍ ସୁସ୍ତା ଆନାକା ଆରି ବାବିକିଝି କାମାୟ୍ କିଝି କାତା । ୩୭ ଇନାକିଦେଂକି ଇ ଇମ୍‌ଣି ଲକ୍ଷ୍ମରିଂ ଏପେଙ୍ଗ୍ ତାହିଝାତାଦେଣ୍ଟା, ଇଝାର୍‌ତ ମନ୍ଦିର୍ ଚରି କିନାକାର୍ ଆକାୟ୍ କି ମା ଦେବିତିଂ ନିନ୍ଦା କିନାକାର୍ ଆକାୟ୍ । ୩୮ ଲାଗିଂ ଜଦି ଇନେର୍‌ତ୍ ବିରୁଦ୍‌ତ ଦିମିତ୍ରିୟ ଆରି ତା ହାଂଙ୍‌ଦାକାନ୍ ବାନାର୍‌ଚ୍‌ନାକାତ୍ ଇନାକାପା କାତା ମାଟିସ୍, ତା ଆଡିସ୍ ବିଚାଣ୍ଟା ଇଲ୍ ଜେତାକା ମାନାଡ଼ ଆରି ସାସନ୍‌କାର୍‌ୟାର୍ ମାନାର୍; ହେଖାର୍ ହାରି ବିରୁଦ୍‌ତ ଦାବା କିଏର୍ । ୩୯ ମତର୍, ଜଦି ମିଦାଙ୍ଗ୍ ବିନ୍ ଇମ୍‌ଣି ଦାବା ମାଟିସ୍, ଝାଟିଙ୍ଗ୍ ନିୟମ୍ କିତି ର ସବାତ ତା ରୁଜୁକ୍ ଆନାଡ଼ । ୪୦ ଇନାକିଦେଂକି ହାଡ଼ପାନେ ନେଞ୍ଜେଙ୍ଗ୍‌ନି କିର ଅଜି ମା ବିରୁଦ୍‌ତ ଦାବା ଆନି ପାଣ୍ଡୁ ମୁନାଡ଼; ଆପେଂ ଇ କିର ଇମ୍‌ଣି କାରଣି ଚର୍‌ଚେଙ୍ଗ୍ ଆଡୁପ୍ ।” ୪୧ ଇଦାଂ ଇଞ୍ଜି ହେଖାନ୍ ସବାନି ଝିଜାରିଂ ହେଲ୍‌ଝେୟ୍ ହିତାନ୍ ।

୨୦

ମାକିଦନିଆ ଆରି ଆକାୟ୍‌ତ ଜାତ୍ରା

୧ ହେ ଗଣ୍ଡଗଲ୍ ଚିମରା ଆତି ପାଚେ ପାଉଲ୍ ଚେଲାରିଂ କୁକ୍‌ତି ହେଝାରିଂ ଝାରିକିୟ୍‌କିନି ପାଚେ, ଆରେ ହେଝାର୍ ତାଙ୍ଗ୍ ହେଲ୍‌ଝେୟ୍ ଅଜି ମାକିଦନିଆତ ହାଚାର୍ । ୨ ହେଝାନ୍ ଇମ୍‌ଣି ନିପ ହିଜି ହାଲ୍‌ଜି ହେଝାନ୍ ମାନାୟାରିଂ ବେସି ଝାରିକିୟ୍‌କିନି ପାଚେ ଗ୍ରିସ୍‌ତ ଝାତାନ୍ । ୩ ହେଝାନ୍ ହେ ବାହାତ ତିନ୍ ମାସ୍ ମାଞ୍ଜି ଏଚେକାଡ଼ଦ ଜାଜ୍‌ତ ଦୁମ୍‌ଜି ସିରିୟାତ ହାଞ୍ଜେଙ୍ଗ୍ ସେସ୍ତା କିତାନ୍, ଏଚେଝାଡ଼ାଂ ଜିହୁଦିର୍ ପାଉଲ୍‌ତିଂ

ବିରୁଦ୍ଧ ହାତୁର କିତିଲେ ହେଞ୍ଜାନ୍ ମାକିଦନିଆ ହିଜି ମାସଦିହାଞ୍ଜେଙ୍ଗ ବାବି କିତାନ୍ । ୪ ଆରେ ବେରିୟାନିକାର ପୁରତି ମାଜି ସପାତ୍ର, ତେସଲନିକିୟ ନିକାର ବିତ୍ରେ ଆରିସ୍ତାର୍କ ଆରି ସେକୁୟ, ଦବନି ଗାୟ, ତିମତି, ଆରେ ଆସିଆନି ଲକୁ ବିତ୍ରେ ତୁକିକ ଆରି ତ୍ରପିମ ତା ହାଙ୍ଗଦାଁ ହାଚାର । ୫ ଇଞ୍ଜାର ଝିଜାର ଆଗେ ହାଲ୍ଲଜି ତ୍ରୟାତ ମାଙ୍ଗେଙ୍ଗ କାସି ମାନୁଆନ୍ । ୬ ଆରେ, ହଇଝି ରୁଟିନି ପାର୍ବୁ ପାଚେ ଆପେଁ ଜାଜତ ଦୁମ୍ବଜି ପିଲିପିତାଁ ହାଜି ଆସ୍ତାପ୍, ଆରେ ପାଞ୍ଚ ଦିନ୍ତ ତ୍ରୟାତ ହେଞ୍ଜାର ଲାଗାୟ ଖାତାପ୍; ହେ ବାହାତ ଆପେଁ ସାତ୍ ଦିନ୍ ମାଚାପ୍ ।

ତ୍ରୟାତ ପାଉଲ୍‌ତି ହାରିହାରା ହାନାକା

୭ ଆପେଁ ସାତ୍‌ନି ପର୍ତୁମ୍ ରଇବାର ନାଜିଁ ଏଚେକାତ୍‌ଦ ତିଞ୍ଜେଙ୍ଗ ରବେରୁଣ୍ଡା ଆଜି ମାଚାପ୍, ପାଉଲ୍ ହେ ଏଚେଞ୍ଜାତାଁ ଆକାତ୍ ନାଜିଁ ହାନାନ୍ ଇଞ୍ଜି ଜାଲ୍‌ଦି ଆଜି ମାଚିଲେ ହେଞ୍ଜାରିଁ ଉପ୍‌ଦେସ୍ ହିଦେଁ ଲାଗାତାନ୍ ଆରି ଆଦାନାଣା ପାତେକ୍ ଲାମା କାତା ହିତାନ୍ । ୮ ଇମ୍‌ଣି ଜପ୍‌ଣି ବାକ୍ରାତ ଆପେଁ ରବେ ରୁଣ୍ଡାଜି ମାଚାସ୍, ହେ ବାକ୍ରାତ ବେସି ବଇଟାଁ କାତା ଆଜି ମାଚିକ୍ । ୯ ଆରେ, ଚିଟ୍‌କି ଜପି ଇଉତୁକ ତରନ୍‌ନି ରଞ୍ଜାନ୍ ଦାଁଣେନ୍ ଲଗ୍‌ଣୁ କୁଟ୍‌ଚି ମାଚାନ୍, ହେଞ୍ଜାନିଁ ବେସି ହୁଟ୍‌କାଣ୍‌କୁ ହସି ମାଚିକ୍; ଆରେ ପାଉଲ୍ ଆରେ ତେଙ୍ଗା ଉପ୍‌ଦେସ୍ କିତିଲେ ହେଞ୍ଜାନ୍ ହୁଟ୍‌କାଣ୍‌କୁ ମାୟାତାଁ ତିନି ପାଉଟ୍‌ତାଁ ତାରେନ୍ ଆର୍ତ୍ତାନ୍, ଆରେ ତାଙ୍ଗ୍ ନିକ୍ତି ଖେଡାଲିଁ ହେଞ୍ଜାନ୍ ହାତାନ୍ନା ଇଞ୍ଜି ପୁନ୍ୟାତାତ୍ । ୧୦ ହେବେ ପାଉଲ୍ ତାରେନ୍ ଜୁଜି ଖାଜି ତାଙ୍ଗ୍ ପମ୍‌ଜି ଇଚାନ୍, “ତିନ୍ତା କିମା, ଇନାକିଦେଁକି ଇଞ୍ଜାନ୍ ତାକେ ଜିବୁନ୍ ମାନାତ୍ ।” ୧୧ ପାଚେ ହେଞ୍ଜାନ୍ ଜପି ହାଲ୍ଲଜି ରୁଟି ତ୍ରିକ୍‌ଚି ଚିଚାନ୍, ଆରେ ହେଞ୍ଜାର ଲାହାଙ୍ଗ୍ ନାଡ଼ିହିଙ୍ଗ୍ ଆନି ପାତେକ୍ ବେସି କାତାବାର୍ତ୍ତା କିଜି ହାଜି ଆସ୍ତାନ୍ । ୧୨ ଆରେ, ହେଞ୍ଜାର ହେ କାତ୍‌ଦେଙ୍ଗ୍ ଜିଜି ମାନାକା ଗାଟାଜି ଆଦିକ୍ ଖାରିକିୟକିନି କାଜିଁ ହେଞ୍ଜାର ଆଦିକ୍ ହେଞ୍ଜାରିଁ ଆରି ଇଞ୍ଜି ଅସି ହାଚାର ।

ତ୍ରୟାତାଁ ମିଲିଟସ୍‌ତ ହାନାକା

୧୩ ମତର, ଆପେ ଆକ୍ତୁ ଜାଜତ ଦୁମ୍ଭି ଆସସତ ହାତାପ, ହେବେତାଂ ପାଉଲ୍ଲତିଂ ଅସି ହାନି କାଜିଂ ବାବି କିଜି ମାତାପ, ଇନାକିଦେଂକି ହେଝାନ ନିଜେ ହାଜିତ ହାଞ୍ଜେଙ୍ଗ୍ କାଜିଂ ଇଚା କିଜି ହେ ବାନି ତିର କିଜି ମାତାନ୍ । ୧୪ ଏଚେକାଡ଼ଦ ହେଝାନ ମାଂ ଆସସତ ବେଟା ଆଡ଼ତାନ୍, ଆପେ ତାଙ୍ଗ୍ ଜାଜତ ଅଜି ମିତୁଲିନିତ ଏକାତାପ, ୧୫ ଆରେ ହେ ବାହାତାଂ ଜାଜ ରିକ୍ତି ଆପେ ଆକାଡ଼ ନାଜିଂ କିୟସ୍ ମୁମ୍ଦ ଏକାଝାତାପ, ରି ଦିନ୍ତାଙ୍ଗ୍ ଜାଜ ସାମତ ତୁକାୟକିତାପ ଆରି ଆକାଡ଼ ଦିନା ମିଲିତତ ଏକାତାପ । ୧୬ ଇନାକିଦେଂକି ପାଉଲ୍ଲତି ଆସିଆତ ଇନେସ୍ ସମୁ ମାଞ୍ଜେଙ୍ଗ୍ ଆମେଡ଼, ଇଦାଂ କାଜିଂ ହେଝାନ ଏପିସ ପିସ୍ତ୍ର ହାଞ୍ଜେଙ୍ଗ୍ ବିଚାର କିଜି ମାତାନ୍, ଲାଗି ଆତିସ୍ କାତେ ପେଣ୍ଟିକସ୍ ନାଜିଂ ଜିରୁସାଲମ୍ତ ଏକିନି କାଜିଂ ହେଝାନ ତିରକାଡ଼ ଆବିସ୍ ମାତାନ୍ ।

ଏପିସିୟ ମଣ୍ଡଲିନି ପାଉଲ୍ଲତି ହାନି ପର୍ଚାର

୧୭ ମିଲିତତାଂ ପାଉଲ୍ ଏପିସତ ଲକୁ ପକ୍ତି ମଣ୍ଡଲିନି ପ୍ରାତିନାରିଂ ଜାର ଲାଗେ କୁକ୍ତି ତାହିଝାତାନ୍ । ୧୮ ହେଝାର୍ ତା ଲାଗାୟ୍ ଏକିତିଲେ ହେଝାନ ହେଝାରିଂ ଇଚାନ୍, ରମିୟ ରାଜିନି “ଆସିଆତ ମାନି ପର୍ତ୍ତମ୍ ଦିନ୍ତାଂ ଆନ୍ ଝିଜୁ ସମୁ ମି ବିତ୍ରେ ଇନେସ୍ ତିନ୍ତା କିତାଂ, ୧୯ ପୁରାବାତ ହୁଦାର୍ ମାତ୍ର ମେଣ୍ଟାଙ୍ଗ୍କୁୟ ହୁଦାଂ ଜିହୁଦିରତି ବାରବିନ୍ କୁଟ୍ କାଜିଂ ନାଙ୍ଗ୍ ଇମ୍ଫି ଇମ୍ଫି ପରିକ୍ୟା ଗିଟାଜି ମାତାଡ଼, ହେ ସରୁ ପା ଇନେସ୍ ମାପୁତି ହେବା କିଜି ମାତାଙ୍ଗ୍, ୨୦ ଏପେଙ୍ଗ୍ ପୁନାଟ୍ ଜେ, ଆନ୍ ମାନାୟାର୍ ଲାଗାଂ ପର୍ଚାର କିନି ସମୁତ ଆରି ମି ଇଲ୍ ଉପ୍ଦେସ୍ ହିନି ସମୁତ ମି ଉପ୍କାର୍ ଆନି ଲାକେ ଇମ୍ଫାକା ପା ବିସ୍ତେ ଝେଚ୍ଚେ, ବନ୍ଦ କିଝାଦାଂ ମାତାଙ୍ଗ୍ ୨୧ ହିକ୍ୟା ହିଦେଂ ମଦାଝାଦାଂ ଇସ୍ପର ତାକେ ମାନ୍ବାଦ୍ଲାୟ୍ ଆରେ, ମା ମାପୁ ଜିସୁତି କାଜିଂ ପାତ୍ ନି ବିସ୍ତେ ଜିହୁଦି ଆରି ଗିକ୍ତି ଲାଗାୟ୍ ସାକି ହିଜି ମାତାଙ୍ଗ୍ ହେଦାଂ ଏପେଙ୍ଗ୍ ପୁନାଟ୍ । ୨୨ ନଙ୍ଗ୍ ହୁଡାଟ୍, ଆନ୍ ପୁଇପୁୟା ଜିହୁଦତ ଉଦେସ୍ ପାୟାଜି ଜିରୁସାଲମ୍ତ ହାନାଙ୍ଗା, ହେ ବାହାତ ନା କାଜିଂ ଇନାକା ସରୁ ଗିଟାନାଡ଼, ହେଦାଂ ଆନ୍ ପୁନୁଙ୍ଗ୍, ୨୩ ନା କାଜିଂ ଜେ ହିକ୍ତି ଗାଟନାକା ଆରି ଦୁକ୍ ମାନାଡ଼, କେବଲ୍ ଏଚେକ୍

ପୁନାଙ୍ଗ, ଇଦାଂ ପୁରୁପୁୟା ଜିବୁନ୍ ଗାଡ଼ଦ ବସ୍ତିତ ସାକି ହିଡ଼ତାନ୍ନା ।
 ୨୪ *ମାତର ଆନ୍ ଇନେସ୍ ନା ସମାନ୍ ହାଜିନ୍ ହାରିହାରା ପାତେକ୍
 ହନ୍ତେକ୍ ଆଡ଼ନାଙ୍ଗ, ଆରେ ଇସ୍ପରତି ଦୟାନି ନେକ୍ତିକାରୁର୍ ପାକ୍ୟାତ
 ସାକି ହିନି କାଜିଂ ମାପୁ ଜିସୁତାଂ ଇମ୍ଫଣି ହେବାନି କାମାୟ ପାୟାତାନ୍ନା,
 ହେଦାଂ ଇନେସ୍ ପୁରାକିଦେଂ ଆଡ଼ନାୟ, ଇଦାଂ କାଜିଂ ଆନ୍ ଜାର୍
 ଜିବୁନ୍ତି ହାଦାକା କିଞ୍ଜାଦାଂ ହେଦାଂ ହାରୁ କିନାଙ୍ଗା ।”

୨୫ ଆରେ ନଙ୍ଗ ହୁଡ଼ାଟ୍, ଇମ୍ଫଣାକାର ବିତ୍ରେ ଆନ୍ “ଇସ୍ପରତି
 ରାଜି ସୁଣାୟ କିଦେକ୍ ଇଞ୍ଜି ବୁଲ୍ୟାଆତାଂ, ଏଲେକ୍ ଜେ ଏପେକ୍
 ଝିଜାକାଦେର୍, ଆରେ ହୁଡ଼ାଟ୍ ନା ମୁମ୍ ହୁଡ଼ଚୁଦର୍ ଇଞ୍ଜି ଆନ୍ ପୁନାଙ୍ଗ
 । ୨୬ ଲାଗିଂ ଆନ୍ ଜେ ଝିଜାକାତ୍ ନେତେରନି ପାପି ଆକାୟ, ଇଦାଂ
 ଆନ୍ ନେଞ୍ଜେକ୍ ମିଙ୍ଗ୍ ସାକି ହିଦ୍ନାଙ୍ଗା । ୨୭ ଆନ୍ ଇସ୍ପରତି ଇତା ଝିଜୁ
 କିତାକା ମିଙ୍ଗେକ୍ ଜାଣାୟକିଦେଂ ମଦାଞ୍ଜାଦାଂ ମାତାଙ୍ଗ । ୨୮ ଏପେକ୍
 ଜାର୍ ଜାର୍ ବିସ୍ତେ, ଆରେ ଇମ୍ଫଣି ମଣ୍ଡଲିତିଂ ଇସ୍ପର ଜାର୍ ଜାର୍
 ନେତେରତ କଡ଼ତାରନ୍ନା, ତା ହେ ମଣ୍ଡଲିତିଂ ପାଲି କିଦେକ୍ କାଜିଂ,
 ପୁରୁପୁୟା ଜିବୁନ୍ ଜେ ମିଙ୍ଗେକ୍ ଝିଜୁ ମାୟା ବିତ୍ରେ ମୁଣିକା ଲାକେ
 ବାତି କିତାଣ୍ଡା, ହେଞ୍ଜାରତି ବିସ୍ତେ ଜାଗ୍ରତ୍ ମାନାଟ୍ । ୨୯ ଆନ୍ ପୁନାଙ୍ଗ,
 ଆନ୍ ହାନି ପାତେ ମି ବିତ୍ରେ ବଇକାର ହୁଣ୍ଡାର୍ ବୁକାଙ୍ଗ୍ ଝାନିକ୍ ଆରି
 ମାୟାତିଂ ଚିର୍ବିର୍ କିଞ୍ଜାଦାଂ ପିହୁକ୍ । ୩୦ ଆରେ, ଲକ୍ ମି ବିତ୍ରେତାଂ ପା
 ନିଂଜି ତେଲାରିଂ ଜାର୍ତିଂ ପାତେ ଜାଲ୍ଜି ଅଦେଂ କାଜିଂ ଉଲଟା କାତାଂ
 ଇନାର୍, ଇଦାଂ ଆନ୍ ପୁନାଙ୍ଗ । ୩୧ ଲାଗିଂ, ଏପେକ୍ କାସି ମାନାଟ୍,
 ଆରେ ଆନ୍ ତିନି ବାହୁଁ ପାତେକ୍ ଝେଡ଼ାନାଣା ମେଣ୍ଡାଙ୍ଗ୍ କୁଦିକିଜି
 ଜାଣକେ ରଞ୍ଜାନିଂ ଚେଡ଼ନା ହିଦେଂ ଜେ ଜମ୍ଝାଦାଂ ମାତାଙ୍ଗ୍, ଇଦାଂ
 ଏତୁ କିୟାଟ୍ ।”

୩୨ “ନଙ୍ଗ୍ ଆନ୍ ମିଙ୍ଗ୍ ମାପୁ ତାକେ ଆରି ହେଞ୍ଜାନ୍ତି ଦୟାନି ବଚନ୍
 ଲାଗେ ହେଲାୟ କିଦ୍ନାଙ୍ଗା, ହେଞ୍ଜାନ୍ ମିଙ୍ଗ୍ ହାର୍ କିଦ୍ନି କାଜିଂ ଆରି
 ପୁରୁପୁୟା କିଦ୍ଦେଂ ଝିଜାର୍ ବିତ୍ରେ ଆଟ୍ଝା କିଦ୍ନି ଆରି ଇସ୍ପରତି
 ମାନାୟାରିଂ ସବୁ ଦୟା ମିଙ୍ଗେକ୍ ହିଦ୍ଦେଂ ରାଜି । ୩୩ ଆନ୍ ଇନେରିଂ
 ରୁପା କି ହନା କି ହେୟା ଲବ୍ କିଞ୍ଜାଦାଂ ମାତାଙ୍ଗ୍ । ୩୪ ନା ଇ

କେଇ ରିଣ୍ଡା ଜେ ନାଞ୍ଜାଙ୍ଗ୍ ଆରି ନା ହାଙ୍ଗଦାକାରତି ଅବାବ୍ ବାତ୍ କାଜିଂ ହେବାକିନାକା କିଜି ଖାନାଙ୍ଗା, ଇଦାଂ ଏପେଙ୍ଗ୍ ନିଜେ ପୁନାଟ୍ ।
 ୩୫ ଗାଗାନି ତାଂ ଦାନ୍ ହିନାକା ଆଦିକ୍ ଖାରି ମାନ୍‌ଗାନାଟ୍, ନିଜେ ମାପୁ ଜିସୁତି ଇ ବଚନ୍ତିଂ ଏତୁ କିଜି ଇ ବାନି କସ୍ କାମାୟ୍ ହୁଦାଂ ଆସେଙ୍ଗ୍ ନାଦାର୍ ଲକ୍‌କ୍‌ରିଂ ଉପକାର୍ କିନି ଲଡ଼ା, ଇ ବିସ୍ତେ ସବୁ ଖେଡ଼ାଂ ମିଂ ହାଦାକା ଚଚାତାଂନା ।”

୩୬ ଇ ସବୁ କାତା ଇତି ପାଚେ, ହେଞ୍ଜାନ୍ ମେଣ୍ଡାଙ୍ଗ୍ କୁଦିକିଜି ଝିଜାର୍ ଲାହାଙ୍ଗ୍ ହେଞ୍ଜାର୍ ପାର୍ତାନା କିତାନ୍, ୩୭ ଆରେ, ହେଞ୍ଜାର୍ ବେସି ଆଡ଼ବିସ୍ ପାଉଲ୍‌ତିଂ ପମ୍‌ଜି ହେଞ୍ଜାନିଂ ଡନ୍‌ଖେଙ୍ଗ୍ ଲାଗାତାର୍, ୩୮ ହେଞ୍ଜାର୍ ହେଞ୍ଜାନ୍ତି ମୁମ୍ ଆରେ, ଆରେ ରଗ ହୁଡ଼ରୁ ଇଞ୍ଜି ପାଉଲ୍ ଇମ୍‌ଣି କାତା ଇଞ୍ଜି ମାଚାନ୍, ହେଦାଂ କାଜିଂ ବେସି ଦୁକ୍ କିତାର୍ । ପାଚେ ହେଞ୍ଜାର୍ ତାଙ୍ଗ୍ ଜାଜ୍ ପାଚେକ୍ ଅସି ହାଚାର୍ ।

୨୧

ପାଉଲ୍ ଜିରୁସାଲମ୍‌ତ ହାନାକା

୯ ହେଞ୍ଜାରତାଂ ହେଲ ଅସି ଆପେଂ ଜାଜ୍‌ତ ଦୁମ୍‌ଜି ହାଣକୁ ହାଜିଡ଼ କସ୍‌ତ ଖାତାପ୍, ଆକାଟ୍ ନାଜିଂ ରଦାତ, ଆରେ ହେ କାଟାକାଟା ହାଲ୍‌ଜି ପାତାର୍‌ତ ଖାତାପ୍ । ୧୦ ହେବେତାଂ ଆପେଂ ପୈନିକିଆତ ନାସି ହାଲ୍‌ଜି ମାନି ର ଜାଜ୍ ଗାଗାଜି ଆପେଂ ହେବେ ଦୁମ୍‌ଜି ଚାଲାତାପ୍ । ୧୧ ପାଚେ କୁପ୍ ହୁଡ଼ଝିତିଲେ ଆପେଂ ଡେବ୍‌ଟି ବାଗାଙ୍ଗ୍ ପିସ୍ତି ସିରିୟାତ ଚାଲାଜି ଚାୟର୍ ଇକାତାପ୍, ଇନାକିଦେଂକି ହେବେ ଜାଜ୍‌ତାଂ ଜିନିସ୍ ଜୁଡ଼ନାକା ମାଚାଟ୍ । ୧୨ ହେବେତାଂ ଚେଲ୍‌ରିଂ ଡେକ୍‌ଟି ହେଞ୍ଜାରିଂ ବେଟା ଆଜି ସାଡ଼ ଦିନ୍ ହେବେ ମାଚାପ୍, ଆରେ, ପାଉଲ୍ ଇନେସ୍‌କି ଜିରୁସାଲମ୍‌ତ ହାଲ୍‌ଜି, ଇଦାଂ କାଜିଂ ହେଞ୍ଜାର୍ ଜିରୁନ୍‌ତାଂ ହେଞ୍ଜାନିଂ ଇଚାର୍ । ୧୩ ହେ ସାଡ଼ ଦିନ୍ ମାଚି ପାଚେ ହେ ବାହାତାଂ ହାଚାପ୍, ଆରେ ହେଞ୍ଜାର୍ ଝିଜାର୍ କଗଲେ ଆରି ହିମଣାଞ୍ଜାକଡ଼ା ହୁକେ ମାଙ୍ଗେଙ୍ଗ୍ ଗାଡ଼ନି ବାଡ଼ ପାଚେକ୍ ମାଙ୍ଗେଙ୍ଗ୍ ପିସ୍ତେଙ୍ଗ୍ ଖାତାର୍, ଆରେ, ଆପେଂ ହାମ୍‌ଦୁର୍ ଗୁଚିତ ମେଣ୍ଡାଙ୍ଗ୍‌କୁଦି କିଜି ପାର୍ତାନା କିତାପ୍, ୧୪ ପାଚେ ଆପେଂ ଜାଜ୍‌ତ ଦୁମ୍‌ତାପ୍, ଆରେ ହେଞ୍ଜାର୍ ଇଞ୍ଜି ମାସ୍‌ଦି ହାଚାର୍ ।

୭ ଆପେଂ ଚାୟରତାଂ ଏସ୍‌ଜାଜ୍‌ତାଂ ହାନାକା ଝିସ୍ତି ପାତଲ୍‌ମାଈତ ଏକାତାପ୍ ଆରି ଟଣ୍ଡାରିଂ ଜଝାର୍ କିଜି ର ଦିନ୍ ହେଝାର୍ ହୁକେ ମାତାପ୍ । ୮ ☆ଆର୍କାଡ୍ ନାଜିଂ ଆପେଂ କାଈସରିୟାତ ହାଚାପ୍, ଆରେ ସାଡ୍ ଜାଣ୍ଡି ବିତ୍ରେ ମାନି ନେକ୍ତିକାରୁର୍ ପରତାର୍ କିନାକାନ୍ ପିଲିପ୍ତି ଇଞ୍ଜ ହଣ୍ଡି ହେଝାନ୍ ହୁକେ ମାତାପ୍ । ୯ ହେଝେକ୍ ଚାରି ଜାଣ୍ଡି ଜିପଲିକ୍ ଗାଡ୍‌ରେକ୍, ବେଶ୍‌ବାକ୍‌ଶାୟ୍‌କିନିକିକ୍ ମାଟିକ୍ । ୧୦ ☆ହେ ବାହାତ ଆପେଂ ବେସି ଦିନ୍ ମାଟି ପାଚେ ଆଗାବ ତରନ୍ ରଝାନ୍ ବେଶ୍‌ବାକ୍‌ଶାୟ୍‌କିନାକାର୍ ଜିହୁଦା ରାଜିତାଂ ଝାତାନ୍ । ୧୧ ହେଝାନ୍ ମା ଲାଗାୟ୍ ଝାଜି ପାତଲ୍‌ଡି ମ୍ଳେଙ୍ଗାଙ୍ଗ୍ ଗାଡ୍‌ୟାନାକା ତରି ଅଜି ଜାର୍ କେଇଦ ଗାଡ୍‌ଟି ଇଚାନ୍, “ପୁଇପୁୟା ଜିବୁନ୍ ଇଦାଂ ଇନାନ୍, ଇ ମ୍ଳେଙ୍ଗାଙ୍ଗ୍ ଗାଡ୍‌ୟାତି ବେଲ୍‌ଟ୍ ମୁଣିକାତିଂ ଜିରୁସାଲମ୍ ନିକାର୍ ଜିହୁଦିର୍ ଏପେଙ୍ଗ୍ ଗାଡ୍‌ଟି ପାତ କିଝି ଜିହୁଦିର୍ କେଇଦ ହେଲ୍‌ୟା କିତାର୍ ।”

୧୨ ଇ ଝିନ୍ଦୁ କାତା ଝେନ୍‌ଞ୍ଜି ଜିରୁସାଲମ୍‌ତ ହାଲ୍‌ଝି କାଜିଂ ଆପେଂ ଆରି ହେ ବାହାନି ଲକୁ ତାଙ୍ଗ୍ ଗଝାରି କିତାପ୍ । ୧୩ ହେବେ ପାତଲ୍ ଉତର୍ ହିତାନ୍, “ଏପେଙ୍ଗ୍ ଆଡ୍‌ବିସ୍ ଆରି ମାନ୍ତ କସ୍ ହିଜି ଇନାକା କିନାଦେରା ? ଇନାକିଦେଂକି ଆନ୍ ମାପୁ ଜିସୁତି ତର୍ କାଜିଂ ଜିରୁସାଲମ୍‌ତ କେବଲ୍ ଗାତ୍ୟା ଆଦେଂ ଜାଲ୍‌ଦି, ହେଦାଂ ଆକାୟ୍, ମତର୍ ହାଦେଂ ପା ଜାଲ୍‌ଦି ମାନାଂ ।”

୧୪ ଆପେଂ ହେଝାରିଂ ବୁଜାୟ୍ କିକିୟ୍ କିଦେଙ୍ଗ୍ ଆଡ୍‌ଝାଦାଂ ହେବେ ରିସା ଆଜି ଇଚାପ୍, “ମାପୁତି ଇଚା ପୁରା ଆୟେଡ୍ ।”

୧୫ ଆପେଂ ଇ କେତେକ୍ ଦିନ୍ ପାଚେ ଆଡ୍‌ମାଡ୍‌ଅଜି ଜିରୁସାଲମ୍‌ତ ଚାଲାତାପ୍ । ୧୬ ଆରେ, ମା ହାଙ୍ଗ୍‌ଦାଂ କାଈସରିୟାତ ପା କେତେକ୍ ଜାଣ୍ଡି ଚେଲାର୍ ହାଚାର୍, ହେଝାର୍ ସାଈପ୍ରସ୍ ମନାସୋନ ତରନ୍ ରଝାନ୍ ପୁନି ଚେଲାଂ ହାଙ୍ଗ୍‌ଦାଂ ତାହିଝାତାର୍, ହେଝାନ୍ତି ଇଞ୍ଜ ମାଦାଂ ମାନାକା ମାତାଡ୍ ।

ଜାକୁବ୍ ଲାହାଙ୍ଗ୍ ମେହାଣ୍ଡି

☆ ୨୧:୮ ୨୧:୮ ପଦ୍ୟାତାକା ୭:୫; ୮:୫.

☆ ୨୧:୧୦ ୨୧:୧୦ ପଦ୍ୟାତାକା ୧୧:୨୮.

୧୭ ଆପେଂ ଜିରୁସାଲମ୍ ତ ଏକିତିଲେ, ପାତର୍ କିନି ଟଣ୍ଡାର ମାଂ
 ଖାରିତାଂ ଇଡ଼ଦାତାର୍ । ୧୮ ଆର୍କାଡ଼ ନାଜିଂ ପାଉଲ୍ ମାହୁଦାଂ ଜାକୁବ୍
 ଇଞ୍ଜ ହାଚାନ, ଆରେ ହେ ବାହାତ ଝିଜାର୍ ପ୍ରାତିନାର୍ ରୁଣ୍ଡାତାର୍
 । ୧୯ ହେଝାନ ହେଝାରିଂ ଜଝାର୍ କିତି ପାଚେ, ଇସ୍ବର୍ ପାତର୍ କିଝି
 ଜିହୁଦିର୍ ବିତ୍ରେ ଇମ୍ଣି ସବୁ କାମାୟ ହେଝାଡ଼ି ହେବା କାଜିଂ ସାଦନ୍
 କିଜି ମାଚାନ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେ ସବୁ ହେଝାର୍ ଲାଗାଂ ଝେଚ୍ଚି
 ମାଚାନ । ୨୦ ହେଝାର୍ ହେଦାଂ ଝେନ୍ଝି ଇସ୍ବର୍ଚିଂ ଜାଜମାଲ୍ କିଦେଙ୍ଗ୍
 ଲାଗାତାର୍, ଆରେ ତାଙ୍ଗ୍ ଇଚାର୍, “ଏ ଟଣ୍ଡେନ୍, ଜିହୁଦିର୍ଚି ବିତ୍ରେ
 ଜେ ଏଚେକ୍ ହାଜାର୍ ପାତର୍ କିନାର୍, ଇଦାଂ ଏପେଙ୍ଗ୍ ହୁଡ଼ନାଦେରା,
 ହେ ଝିଜୁ ମସାତି ବିଦି ପାକ୍ୟାତ ଆଗେ । ୨୧ ଆରେ, ପାତର୍ କିଝି
 ଜିହୁଦିର୍ ବିତ୍ରେ ବାହା କିନାକାର୍ ଝିଜାର୍ ଜିହୁଦିର୍ ଜାର୍ ଜାର୍
 ହିମ୍ଣାକାଂ ସୁନ୍ନତ୍ କିଝି ଆରି ବିଦିବିଦାଣି ଲାହାଙ୍ଗ୍ ଚାଲାଝାଦାଂ ଇଞ୍ଜି,
 ମସାତି ବିଦି ପିସ୍ବେଙ୍ଗ୍ କାଜିଂ ଏପେଙ୍ଗ୍ ଜେ ହେଝାରିଂ ହିକ୍ୟା ହିଜି
 ମାନାଟ୍, ମି ବିସ୍ବେ ଇ କାରୁର୍ ହେଝାର୍ ହିଡ଼ତାଣ୍ଡା । ୨୨ ଲାଗିଂ ଇନାକା
 କିୟାନାଡ଼ ? ଏପେଙ୍ଗ୍ ଝାତାଦେଣ୍ଡା ଇଞ୍ଜି ହେଝାର୍ ହାତେ ଝେନାର୍
 । ୨୩ ଲାଗିଂ ଆପେଂ ମିଙ୍ଗ୍ ଇନାକା ଝେଚ୍ଚିଚାନାପା, ହେଦାଂ କିୟାଟ୍
 । ମା ଲାଗେ ଚାରି ଜାଣ୍ ଲକ୍ ମାନାର୍, ହେଝାର୍ ରଞ୍ଜାଙ୍ଗ୍ ଅଡ଼ଗା
 ଆତାଣ୍ଡା; ୨୪ ହେଝାରିଂ ଅଜି ହେଝାର୍ ହୁକେ ଜାର୍ଚିଂ ସକଟ୍ କିୟାଟ୍,
 ଆରେ ହେଝାର୍ଚି କାପ୍ଡା ହେନ୍ନାକା ଲସ୍ କାଉଡ଼ି ପିଣ୍ଡାଟ୍, ତା
 ଆତିସ୍ ହେଝାର୍ ମି ବିସ୍ବେ ଇମ୍ଣି ସବୁ କାରୁର୍ ଗାଟାତାଣ୍ଡା, ହେବେତାଂ
 ଜେ ମୁଡ଼େ ହାଡ଼ପା ଆକାୟ୍, ଆଝିତିସ୍ ଏପେଙ୍ଗ୍ ଜେ ନିଜେ ପା
 ମସାତି ବିଦି ମାନି କିଜି ଚିନ୍ତା କିନାଦେରା, ଇଦାଂ ଝିଜାକାର୍ ପୁନାର୍
 । ୨୫ ମତର୍ ଇମ୍ଣି ପାତର୍ କିଝି ଜିହୁଦିର୍ ପାତର୍ କିତାଣ୍ଡା, ହେଝାର୍
 ଲାଗାଂ ଆପେଂ ର ଆକି ଲେକିକିଜି ବଲ୍ ହିତାପ୍ନା ଜେ, ମା ରାଜି
 ଇସାବ୍ରେ ହେଝାର୍ ପୁଡ଼ଡ଼ା ଲାଗାଂ ପୁଜାକିତି ଆତାଡ଼ ଡିନୁର୍, ନେତେର୍
 ଉଣ୍ଡୁର୍, ହାକ୍ମଡ଼ିକିତି ଜାଡ଼ ଜାଇ ଡିନୁର୍ ଆରି ଦାରିତାଂ ଦେହା
 ମାନଗାନାର୍, ଆପେଂ ଇଦାଂ ବିଚାର୍ କିଜି ଲେକି କିତାପ୍ନା ।”

୨୬ ପାଉଲ୍ ହେବେଣ୍ଡାଂ ହେ ଲାଗାଂ ଅଜି ଆର୍କାଡ଼ ନାଜିଂ ହେଝାର୍
 ହୁକେ ଜାର୍ଚିଂ ସକଟ୍ କିଜି ମାୟିର୍ ବିତ୍ରେ ହାଚାନ, ଆରେ ହେଝାର୍ଚି

କେତୁଜାଣ୍ଡିଂ କାଜିଂ ଆକାଡ଼ ପୁଜା ଆନି ପାତେକ୍ ସକର୍ କାମାୟତ
କେତେକ୍ ଦିନ୍ ଲାଗାନାଡ଼, ହେଦାଂ ଖେଚ୍ଚତାନ୍ ।

ପାଉଲ୍ ମନ୍ଦିର ବିତ୍ରେ ଆହ୍ମୟା ଆତାନ୍

୨୭ ହେ ସାଡ଼ ଦିନ୍ ପୁରା ଆଜି ଖାତାନ୍, “ଆସିଆନି ଜିହୁଦିର୍
ମନ୍ଦିରତ ପାଉଲ୍ତିଂ ହୁଡ଼୍ଜି ଲକୁରିଂ ଚିତ୍ତଲ୍ୟାୟ କିତାର୍, ଆରେ
ହେଖାନିଂ ଆସ୍ତି କିକିରାତିଂ ଆଜି ଇଞ୍ଜେଙ୍ଗ୍ ଲାଗାତାର୍, ୨୮ ଏ
ଇସ୍ରାଏଲିୟନି ଲକୁ, ସାଇଜ କିଦାଟ୍; ସବୁ ବାହାତ ଇମ୍ବଣି ମାନାୟ
ମା ଜାତି, ମସାତି ବିଦି ଆରି ଇ ବାହା ବିରୁଦ୍ତ ଖିଜାରିଂ ହିକ୍ୟା
ହିନାନ୍, ହେଖାନ୍ ଇଖାନ୍; ଆରେ ପା ଗ୍ରିକ୍‌କାରିଂ ପା ମନ୍ଦିର ବିତ୍ରେ ତାସି
ପୁଲ୍‌ପୁୟା ବାହାତ ବିଚାଡ଼୍ କିତାନ୍‌ନା ।” ୨୯ ✧ ଇନାକିଦେଂକି ହେଖାର୍
ଆଗେ ଗାଡ଼୍ ବିତ୍ରେ ପାଉଲ୍ ଲାହାଙ୍ଗ୍ ଏପିସିୟନି ତ୍ରିପିମତିଂ ହୁଡ଼୍ଜି
ମାଚାର୍, ଆରେ ପାଉଲ୍ ହେଖାନିଂ ମନ୍ଦିର ବିତ୍ରେ ତାହିଖାନାର୍ ଇଞ୍ଜି
ଇଟ୍‌କାଡ଼୍ କିଜି ମାଚାର୍ ।

୩୦ ଇବେଣ୍ଡାଂ ଗାଡ଼୍ ସବୁ ଖିଣ୍ଡାଡ଼୍, ଲକୁ ରବେ ହନ୍ତାର୍, ଆରେ
ହେଖାର୍ ପାଉଲ୍ତିଂ ଆସ୍ତି ମନ୍ଦିର ବାର୍ତ୍ତ ଜେଲ୍‌ଜି ତାହିଖାତାର୍;
ଆରେ ହେ ଦାପ୍ରେ ଦୁଖେର୍ ସବୁ ଗେସ୍‌ତାର୍ । ୩୧ ଆରେ, ହେଖାନିଂ
ହେଖାର୍ ଗ୍ରାକ୍‌ତେଂ କାଜିଂ ସେସ୍ତୁ କିତିଲେ, ଖିଜାର୍ ଜିରୁସାଲମ୍
ଗଣ୍ଡଗଲ୍‌ତ ବାତ୍ ଆତାଡ଼୍‌ନା ଇଞ୍ଜି ରମିୟ ମେଲ୍ୟାର୍ ହାଜାର୍
ମୁସ୍ତିଦାର୍ ଲାଗେ କାବୁର୍ ଖାତାଡ଼୍ । ୩୨ ହେବେଣ୍ଡାଂ ହେ ଦାପ୍ରେ
ମେଲ୍ୟା ଆରି ପାଞ୍ଚକଡ଼ି ମେଲ୍ୟାର୍ ଅସି ହେଖାର୍ ଲାଗେ ହନ୍ତାର୍
। ହେଖାର୍ ହାଜାର୍ ମୁସ୍ତିଦାର୍ ଆରି ମେଲ୍ୟାରିଂ ହୁଡ଼୍ଜି ପାଉଲ୍ତିଂ
ଗ୍ରାକ୍‌ତେଂ ବନ୍ଦ୍ କିତାର୍ । ୩୩ ହେ ଏଚେକାଡ଼୍‌ଦ ହାଜାର୍ ମୁସ୍ତିଦାର୍
ଲାଗେ ଖାଜି ହେଖାନିଂ ଆସ୍ତି ରିଣ୍ଡି ହିକ୍‌ଡ଼ିଂତାଂ ହେଖାନିଂ ଗାଟ୍‌ତେଂ
ବଲ୍ ହିତାନ୍, “ଆରେ ହେଖାନ୍ ଇନେନ୍ ଆରି ଇନାକା କିତାନ୍‌ନା
ଇଞ୍ଜି ଖେନ୍‌ବାତାନ୍ ।” ୩୪ ହେବେ ଲକୁ ବିତ୍ରେ ଇନେର୍ ଇ କାତା,
ଇନେର୍ ଇନେର୍ ହେ କାତା ଇଞ୍ଜି କିକିରାତିଂ କିଦେଙ୍ଗ୍ ଲାଗାତାର୍
। ଆରେ, ହେ ଗଣ୍ଡଗଲ୍‌ନି ଇନାକିଦେଂକି ହାତେନେ ମୁଡ଼େ ପୁଞ୍ଜେଙ୍ଗ୍
ଆଡ଼୍‌ତିଲେ ହେଖାନିଂ ମେଲ୍ୟାର୍ ମାନି ବାହାତ ଅଦେଂ କାଜିଂ ବଲ୍
ହିତାନ୍ । ୩୫ ଆରେ, ଏଚେକାଡ଼୍‌ଦ ହେଖାନ୍ ପାଉଲ୍ ଜପି ଖାତାନ୍, ହେ

✧ ୨୧:୨୯ ୨୧:୨୯ ପଦ୍ୟାତାକା ୨୦:୪.

ଏଚେକାଡ଼୍‌ଦ ଲକ୍ଷ୍ମ ରିସା କାଜିଂ ମେଲ୍ୟାର୍ ପାଉଲ୍‌ତିଂ ପିଣ୍ଡୁଜି ଅଦେଂ ଲାଗାତାର୍, ୩୬ ଇନାକିଦେଂକି ତାଙ୍ଗ୍ ଅହାଟ୍ ଇଞ୍ଜି ବେସି ଲକ୍ଷ୍ମ ପାଚେ ହାଲୁ ହାଲୁ କିକିରାତିଂ କିଜି ଅହାଟ୍, “ଅହାଟ୍ ଇଞ୍ଜି ମାଚାର୍ ।”

ପାଉଲ୍ ଜାର୍ ଜିବୁନ୍ ପାକ୍ୟା ଇଚାନ

୩୭ ହେଝାର୍ ପାଉଲ୍‌ତିଂ ବାହା ବିତ୍ରେ ଅଦେଂ କାଜିଂ ଜାଲ୍‌ଦି କିନି ଖେଡାଲିଂ ହେଝାନ ହାଜାର୍ ମେଲ୍ୟାରିଂ ଇଚାନ, “ଆନ୍ ମିଙ୍ଗ୍ ଇନାକା ଇଞ୍ଜେଙ୍ଗ୍ ଆଡନାଂ କି ?”

ହେବେଣ୍ଡାଂ ହେଝାନ ଇଚାନ, “ଏନ୍ କି ଗ୍ରିକ୍ ପୁନାୟ୍ ?” ୩୮ ଲାଗିଂ, “ଇ ଆଗେ ଇମ୍‌ଣି ମିସରିୟର୍ ଲକ୍ଷ୍ମ ରାଟୁ କିଜି ଚାରି ହାଜାର୍ କାଙ୍ଗାରୁଙ୍ଗ୍ ବାଟାତ ଅଜି ମାଚାର୍, ଏନ୍ କି ହେଝାନ ଆକାୟ୍ ?”

୩୯ ହେବେଣ୍ଡାଂ ପାଉଲ୍ ଇଚାନ, “ଆନ୍‌ତ ରଝାନ ଜିହୁଦି, ତାର୍ସ ଗାଡନି ଲକ୍ଷ୍ମ, କିଲିକିୟାନି ର ଗାଜା ଗାଡନି ମାନାୟ୍; ଇ ଲକ୍ଷ୍ମୁରିଂ କାତା ଇଞ୍ଜେଙ୍ଗ୍ କାଜିଂ ନାଙ୍ଗ୍ ଦାଇଡ୍ ହିଦେଂ କାଜିଂ ଆନ୍ ନିଂ ଗଝାରି କିଦନାଙ୍ଗା ।”

୪୦ ହେଝାନ ଦାଇଡ୍ ହିତିଲେ ପାଉଲ୍ ପାଉଲ୍ ଇଞ୍ଜି ଲକ୍ଷ୍ମୁରିଂ କେଇ ହୁଦାଂ ଚର୍ଚାନ; ଆରେ, ଝିଜାର୍ ଚିମ୍ବା ଆତି ପାଚେ ହେଝାନ ଏବ୍ରି ବେରଣ୍ଡତ ହେଝାରିଂ ଇଞ୍ଜେଙ୍ଗ୍ ଲାଗାତାନ ।

୨୨

୧ ଟଣ୍ଡାର୍ ଆରି ଆବାକାଦେର୍, “ଆନ୍ ନଙ୍ଗ୍ ମି ଲାଗେ ଇମ୍‌ଣି ନା ପାକ୍ୟାତାଂ ସାକି କାତା ଇଞ୍ଜନାଙ୍ଗା, ହେଦାଂ ଝେନାଟ୍ ।” ୨ ହେଝାନ ହେଝାର୍ ଲାଗେ ଏବ୍ରି ବେରଣ୍ଡତ କାତା ଇନାକା ଝେନଞ୍ଜି ହେଝାର୍ ଆଦିକ୍ ଚିମ୍‌ରା ଆଜି ମାଚାର୍ । ହେବେଣ୍ଡାଂ ହେଝାନ ଇଚାନ,

୩ “ଆନ୍ ରକାଂ ଜିହୁଦି, କିଲିକିୟାନି ତାର୍ସତ ନାଦାଂ ଜଲମ୍, ମତର୍ ଆନ୍ ଇ ଗାଡଦ ପହାପାଲି ଆତାଙ୍ଗନା, ମା ଆବାଲାତ୍ରାତି ହାରୁ ବିଦି ଲାହାଙ୍ଗ୍ ଗମଲିୟେଲ୍‌ତି ମୁମ୍‌ଦ ତାରେନ୍ କୁଚ୍‌ଚି ହିକ୍ୟା ପାୟାତାଂନା, ଏପେଙ୍ଗ୍ ଝିଜାକାଦେର୍ ନେଞ୍ଜେଙ୍ଗ୍ ଇନେସ୍ ଝାରି କାଦେର୍, ଇସ୍‌ବୁର୍ତ ପାକ୍ୟାତ ଆନ୍ ପା ହେ ଲାକେ ଆଗେ ମାଚାଙ୍ଗ୍; ୪ ✠ଆନ୍ ଇ ମାପୁତି ହାଜିଡ୍ । ଆଣ୍ଡେନ୍ ଆରି କଗ୍‌ଲେ ଝିଜାରିଂ ଗାଟ୍‌ଚି ଜଇଲ୍‌ତ ତୁହିଜି

✠ ୨୨:୪ ୨୨:୪ ପକ୍ୟାତାକା ୮:୩; ୨୭:୯-୧୧.

ହାନି ପାତେକ୍ କସ୍ତୁ ହିଜି ମାଚାଙ୍ଗ । ୫ ନା ଇ କାତା ଜେ ହାଡ଼ପା, ମୁଡ଼୍ ମାପୁହେବାକିନାକାନ୍ ଆରି ଗାଜା ସବାନି ବୁଡ଼ାଲୁର୍ ଇଦାଂ ନି ସାକି । ଇ ମାନାୟାରିଂ ବନ୍ଦି କିଜି ଆରି ହିକଡ଼ିଂତାଂ ଗାଚ୍ଚି ଦାଣ୍ଡୁ କିନି କାଜିଂ ଜିରୁସାଲମତ ତାସି ଖାନି କାଜିଂ ଆନ୍ ମୁଡ଼୍ ମାପୁହେବାକିନାକାନ୍ତାଂ ଜିନାଜାଣା ଆକି ଅଜି ଦମ୍ବେସକ୍ତ ମାନି ଜିହୁଦି ଚଣ୍ଡୁର୍ ଲାଗାଂ ହାଚାଙ୍ଗ ।”

ପାଉଲ ତା ମାନ୍ ବାଦଲାୟ ବିସ୍ତେ ହାୟାୟ କିତାନ୍
(ପଦ୍ୟାତାକା ୯:୧-୧୯; ୨୭:୧୨-୧୮)

୬ ମତର୍ “ଆନ୍ ହାଲୁ ହାଲୁ ଦମ୍ବେସକ୍ତି ଲାଗେ ଆତିଲେ, ଆତିସ୍ ମୁଣ୍ଡାମେଦାନ୍ତ ହାଚାଚ୍ଚେ ନା ଚାରିବେଣ୍ଡାଂ ବାଦାଡ଼ତାଂ ଗାଜା ଅଜଡ଼୍ ଆତାଡ଼ । ୭ ହେବେ ଆନ୍ ମେନ୍ନିତ ଗୁର୍ତାଙ୍ଗ, ଆରେ ନା କାଜିଂ ଇ ବଚନ୍ ଝେଚାଙ୍ଗ, ସାଉଲ, ସାଉଲ, ଇନାକିଦେଂ ନାଙ୍ଗ ଇଣ୍ କିଦ୍ନାୟା ?” । ଆନ୍ ଉତର୍ ହିତାଂ, “ମାପୁ, ଏନ୍ ଇମଣାକାୟ ?” ଲାଗିଂ ହେଖାନ୍ ଇନ୍‌ଖାନ୍, “ଏନ୍ ଇମଣି ନାଜରିତିୟ ଜିସୁତିଂ ନିନ୍ଦା କିନାୟା, ଆନ୍ ହେଖାଙ୍ଗ ।” ୮ ଇମଣାକାର ନା ଲାହାଙ୍ଗ ମାଚାର, ହେଖାର ହେ ଅଜଡ଼୍ ହୁଡ଼ତାଂ ହାଡ଼ପା, ମତର୍ ଇନେର୍ ନାଙ୍ଗେଙ୍ଗ କାତା ଇଖାର୍, ହେଖାନ୍ତି କାଚ୍ ଝେନ୍‌ଖାତାର । ୯ ହେବେ ଆନ୍ ଇଚାଙ୍ଗ, “ମାପୁ ଇନାକା କିନାଙ୍ଗ ?” ଲାଗିଂ ମାପୁ ନାଙ୍ଗ ଇଖାନ୍, “ନିଙ୍ଗା, ଦମ୍ବେସକ୍ତ ହାଲା, ଇସ୍ବର୍ ଇମଣି ଝିଜୁ କାମାୟ କିନି କାଜିଂ ନିଂ କିଆତାଡ଼ନ୍ନା, ହେ ସବୁ ନିଂ ହେବେ ଇନ୍‌ୟାନାଡ଼ ।” ୧୦ ହେ ଅଜଡ଼୍ନି ଜାଜ୍‌ମାଲ୍ କାଜିଂ ଆନ୍ ହୁଡ଼ଦେଂ ଆଡ଼ଝିତିଲେ, ନା ଲାହାଙ୍ଗ ମାନି ଲକୁ ହୁଦାଂ ତାଂଜି ଦମ୍ବେସକ୍ତ ତାଈଖାତାର ।

୧୧ “ହେ ଗାଡ଼ଦ ହନନିୟ ତର୍ ନି ସାକି ମାନାୟ ମାଚାନ୍ । ହେଖାନ୍ ମା ବିଦି ପାଲି କିଜି ମାଚାନ୍ ଆରି ହେବେ ବାହା କିଜିମାନି ଜିହୁଦିର୍ ଝିଜାକାର ତାଙ୍ଗେଙ୍ଗ ମାନି କିଜି ମାଚାର । ୧୨ ନା ଲାଗେ ଖାଜି ଲାଗେ ନିଲ୍ଚି ନାଙ୍ଗ ଇଖାନ୍, ସାଉଲ୍ ଚଣ୍ଡେନ୍, ହୁଡ଼ନି ସାଲ୍ଚି ଗାଚା ଆ ।” ହେ ପାଦନା ଆନ୍ ହେଖାନିଂ ହୁଡ଼ତାଂ ।” ୧୩ ଆରେ, ହେଖାନ୍ ଇଖାନ୍, “ମା ଆବାଲାତ୍ରାତି ଇସ୍ବର୍ ହେଖାନ୍ତି ଇଚା ପୁଞ୍ଜେଙ୍ଗ କାଜିଂ ଆରି ହେ ଦାମ୍ ଲାଗାଂ ହୁଡ଼ଦେଂ କାଜିଂ, ଆରେ ହେଖାନ୍ତି ଝେଇଦାଂ କାତା ଝେଞ୍ଜେଙ୍ଗ କାଜିଂ ନିଂ ବାଚି କିଡ଼ତାନ୍ନା, ୧୪ ଇନାକିଦେଂକି ଏନ୍ ଇନା ଇନାକା

ହୁଡ଼ତାୟନା ଆରି ଖେଚାୟନା, ହେ ସବୁ ବିସ୍ତେ ଓଁକୁ ଲକୁ ଲାଗେ ହେଖାନ୍ତି ସାକି ଆତାୟ । ୧୭ ଆରେ, ନଙ୍ଘ ଏନ୍ ଇନାକିଦେଂ ମାଲା ଆନାୟା ? ନିଙ୍ଘା, ବାପ୍ତିସିମ୍ ଆ, ଆରେ ହେଖାନ୍ତି ତରଦ ପାର୍ତାନା କିଜି ଜାର ପାପ୍ ସବୁ ନୁଜିତୁହିୟା ।”

ଇସ୍ପର ପରଚାର କାଜିଂ ପାଉଲ୍ତିଂ କୁକ୍ନାକା

୧୭ “ଇଦାଂ ପାଚେ ଆନ୍ ଜିରୁସାଲମ୍ତ ମାସଦି ଖାଜି ମନ୍ଦିରତ ପାର୍ତାନା କିନି ଖେଡାଲିଂ କେଚକଣତ ହୁଡ଼ତାଂ । ୧୮ ମାପୁଙ୍ଘ କେଚକଣତ ହୁଡ଼ତାଂ, ହେଖାନ୍ ନାଙ୍ଘେଙ୍ଘ ଇଞ୍ଚାନ୍, ମାଲା ଆଖାଦାଂ ବେଗି ଜିରୁସାଲମ୍ତା ହସିହାଲା, ଇନାକିଦେଂକି ହେଖାର ନା ବିସ୍ତେନି ସାକି ଇଡ଼ତୁର୍ ।” ୧୯ ହେବେଣ୍ଡାଂ ଆନ୍ ଇଚାଙ୍ଘ, “ମାପୁ ଆନ୍ ଜେ ନି ତାକେ ପାତ୍ କିନାକାରିଂ ପାର୍ତାନା ଇଲ୍ ଆସ୍ତି ବନ୍ଦିତ ତୁହିଜି ମାଚାଙ୍ଘ ଆରି ଗ୍ରାକ୍ତି ମାଚାଙ୍ଘ, ଇଦାଂ ହେଖାର ନିଜେ ପୁନାର୍, ୨୦ ଆରେ, ଏଚେକାଡ଼ଦ ନି ସାକି ସ୍ତିପାନ୍ତିଂ ନେତେର୍ ହପୟା ଆଜି ମାଚାଡ଼, ହେ ପାଦ୍ନା ଆନ୍ ପା ଲାଗେ ନିଲ୍ତି ହେଦାଂ ରାଜି ମାଚାଙ୍ଘ, ଆରେ ଅସ୍ତାକାର୍ ହେୟା ଇଡ଼ଜି କାସି ମାଚାଙ୍ଘ ।” ୨୧ ହେବେଣ୍ଡାଂ ମାପୁ ନାଙ୍ଘେଙ୍ଘ ଇଞ୍ଚାନ୍, “ହାଲା ଇନାକିଦେଂକି ଆପ୍ ନିଂ ଦେହା ପାତ୍ କିଞ୍ଚି ଜିହୁଦିର୍ ଲାଗେ ପକ୍ତାନାପ୍ ।”

୨୨ ମାନାୟାର୍ ଇ ପାଚେକ୍ ହେଖାନ୍ତି କାତା ଖେନଞ୍ଜି ଗାଜା ଖେଇଦାଂ ଇଚାର୍, “ଏପେଙ୍ଘ ତାଙ୍ଘେଙ୍ଘ ପୁତ୍ ତାଂ ଦେହା କିୟାଟ୍, ଇନାକିଦେଂକି ତାଦାଂ ଜିଜି ମାନି ଲଡ଼ା ଆକାୟ ।” ୨୩ ଆରେ, ଏଚେକାଡ଼ଦ ହେଖାର କିକିରାତିଂ କିଜି ଜାର୍ ଜାର୍ ହେୟା ତୁହିଜି ବାଦାଡ଼୍ ନିପ ଦୁଡ଼ି ତୁହିଦେଂ ଲାଗାତାର୍, ୨୪ ହେ ଏଚେଖେଡାଲିଂ ହାଜାର୍ ମେଲ୍ୟାର୍ ହେଖାନିଂ ଗାଡ଼୍ ବିଡ୍ରେ ଅଦେଂ ବଲ୍ ହିତାନ୍, ଆରେ, ଲକୁ ଇନାକିଦେଂ ତା ବିରୁଦ୍ତ ଏପେଙ୍ଘ କିକିରାତିଂ କିନାରା, ଇଦାଂ ପୁଞ୍ଜେଙ୍ଘ କାଜିଂ କରଡା ଇଡ଼ନି ହୁଦାଂ ତା ପରିକ୍ୟା କିନି କାଜିଂ ବଲ୍ ହିତାନ୍ । ୨୫ ମାଚର୍ ହେଖାର୍ ହେଖାନିଂ ତରି ଗାର୍ନି ସମୁତ ପାଉଲ୍ ହେବେ ମାନି ରଖାନ୍ ମୁସ୍ତିଦାର୍ତିଂ ଇଚାନ୍, “ଇମ୍ଘି ପାପ୍ତ

☆ ୨୨:୨୦ ୨୨:୨୦ ପଦ୍ୟାତାକା ୭:୫୮.

ଇ ପାତେକ୍ ବିଚାର୍ କିୟାଞ୍ଜାଦାଂ ମାନି ରଞ୍ଜାନ୍ ରମିୟ ଦାଙ୍ଗ୍‌ଶେନ୍ତିଂ କରତା ଇଡ଼ନାକା ଇନାକା ବିଦି ?”

୨୭ ହେ ପାଞ୍ଚକଡ଼ି ମୁସ୍ତିଦାର୍ ଇଦାଂ ଖେନ୍‌ଞ୍ଜି ହାଜାର୍ ମୁସ୍ତିଦାର୍‌ତ ଲାଗେ ହାଲ୍‌ଜି ତାଙ୍ଗ୍ ହେ କାତା ଖେର୍‌ଚି ଇଚାନ୍, “ଏନ୍ ଇନାକା କିଦେଙ୍ଗ୍ ହାନାୟା ? ଇଞ୍ଜାନ୍ତୁ ରଞ୍ଜାନ୍ ରମିୟ ।”

୨୮ ହେବେଶ୍ଟାଂ ହାଜାର୍ ମୁସ୍ତିଦାର୍ ଖାଜି ତାଙ୍ଗ୍ ଇଚାନ୍, ନାଙ୍ଗ୍ ଖେର୍‌ଚା, “ଏନ୍ କି ରକାୟ୍ ରମିୟ ?

ପାଉଲ୍ ଇଚାନ୍ ଆଁ ।”

୨୯ ହେବେଶ୍ଟାଂ ହାଜାର୍ ମୁସ୍ତିଦାର୍ ଉତର୍ ହିତାନ୍, “ବେସି ତାବୁଙ୍ଗ୍ ହିଜି ଇ ପାଦ୍ ପାୟାତାଂନା ।

ପାଉଲ୍ ଇଚାନ୍, ମତର୍ ଆନ୍ ଜଲମ୍‌ତାଂ ରମିୟ ଦାଂଶାର୍ ।”

୩୦ ଖାଟିଙ୍ଗ୍ ଇମ୍‌ଶାକାର୍ ତାଙ୍ଗ୍ ପରିକ୍ୟା କିଦେଙ୍ଗ୍ ସେଷ୍ଟା କିଜି ମାଚାର୍, ହେଞ୍ଜାର୍ ହେ ଦାପ୍ରେ ହେବେତାଂ ଚିମ୍ବା ଆତାର୍, ଆରେ ହାଜାର୍ ମୁସ୍ତିଦାର୍ ପା ହେଞ୍ଜାନ୍ ଜେ ରଞ୍ଜାନ୍ ରମିୟ, ଇଦାଂ ବୁଜାତିଲେ ଆରି ତାଙ୍ଗ୍ ଗାଚ୍‌ଚେଂ ପାଶ୍ଟା ଆତାର୍ ।

ଗାଜା ସବା ମୁମ୍‌ଦ ପାଉଲ୍

୩୦ ମତର୍ ଇନାକିଦେଂ ହେଞ୍ଜାନ୍ ଜିହୁଦିର୍‌ତି ହୁଦାଂ ଦାବା ଆତାନ୍ନା, ହେଦାଂ ହାଡ଼ପା ରଚେ ପୁଞ୍ଜେଙ୍ଗ୍ ଇଚାତ ହେଞ୍ଜାନ୍ ତା ଆକାଡ଼ ନାଜିଂ ହେଞ୍ଜାନ୍ତି ଗାଟି ରିକ୍‌ଚି ମୁଡ଼୍ ମାପୁହେବାକିନାକାନ୍ ଆରି ସବୁ ଗାଜା ସବାତିଂ ରବେ ଖାନି କାଜିଂ ବଲ୍ ହିତାନ୍, ଆରେ ପାଉଲ୍‌ତିଂ ଅସି ହେଞ୍ଜାର୍ ମୁମ୍‌ଦ ନିଲି କିତାର୍ ।

୨୩

୧ ଆରେ, ପାଉଲ୍ ଗାଜା ସବା କାଜିଂ ସମାନ୍ ହୁଡ଼ଜି ଇଚାନ୍, “ଟଣ୍ଡାର୍, ଆନ୍ ଇ ଦିନ୍ ପାତେକ୍ ପୁରା ହାର୍‌ଦି ଚିନ୍ତା ଇସ୍‌ବରତି ସାକ୍ୟତ ଆଚାର୍ ବେବାର୍ କିଜି ଖାତାଂନା ।” ୨ ହେବେଶ୍ଟାଂ ମୁଡ଼୍ ମାପୁହେବାକିନାକାନ୍ ହାନାନ ପାଉଲ୍ ଲାଗେ ନିଲ୍‌ଚି ମାନି ଲୁଗାଂ ତା ମୁମ୍‌ଦ ଇଡ଼ଦେଂ କାଜିଂ ବଲ୍ ହିତାନ୍ । ୩ ☆ହେ ଏଚେକାଡ଼୍‌ଦ ପାଉଲ୍ ତାଙ୍ଗ୍ ଇଚାନ୍, “ଏ ତିଞ୍ଜିନି ବାଡ଼୍, ଇସ୍‌ବର ନିଂ ଇଡ଼୍‌ଦାନାନ୍,

☆ ୨୩:୩ ୨୩:୩ ମାଡିଉ ୨୩:୨୭,୨୮.

ଏନ୍ ରଞ୍ଜେମାଡ଼ ମସାତି ବିଦି ଇସାପ୍ରେ ନା ବିଚାର କିଦେଙ୍ଗ କୁଚ୍ଚି ମସାତି ବିଦି ବିରୁଦ୍ଧ ନାଙ୍ଗ ଇଡ଼ିକିଦ୍ଦି କାଜିଂ କି ବଲ୍ଲ ହିନାୟା ?”

୪ ହେବେ ଲାଗେ ନିଲ୍ଲତି ମାନି ଲକୁ ଇଚାର୍, “ଏନ୍ କି ଇସ୍ପର୍ଚ୍ଚି ମୁଡ଼୍ ମାପୁହେବାକିନାକାନ୍ନିଂ ନିନ୍ଦା କିନାୟା ?”

୫ ଆରେ ପାଉଲ୍ ଇଚାନ୍, “ଏ ଇସ୍ରାଏଲ୍ନି ଟଣ୍ଡାର୍, ହେଞ୍ଜାନ୍ ମୁଡ଼୍ ମାପୁହେବାକିନାକାନ୍ ଇଞ୍ଜି ଆନ୍ ପୁନ୍ଝାଦାଂ ମାଚାଙ୍ଗ୍; ଇନାକିଦେଂକି ଦରମ୍ ସାସ୍ପର୍ଚ୍ଚ ଲେକା ମାନାଡ଼, ଏପେଙ୍ଗ୍ ଜାର୍ ଲକ୍ତି ମୁଣିକାତିଂ ସାଇପ୍ ହିଉଦେର୍ ।”

୬ ମତର୍ ପାଉଲ୍ ର ବାଗ୍ ସାଦୁକି ଆରେ ଆଣ୍ଟି ବାଗ୍ ପାରୁସି ଇଞ୍ଜି ପୁଞ୍ଜି ଗାଜା ସବାତ ଗାଜାକାଟ୍ଟାଂ ଇଚାନ୍, “ଏ ଇସ୍ରାଏଲ୍ନି ଟଣ୍ଡାର୍, ଆନ୍ ରଞ୍ଜାଙ୍ଗ୍ ପାରୁସି ଆରି ପାରୁସିତି ମେହି; ଆରେ ଇ ବାସ୍, ଇତିସ୍ ହାତାକାଟ୍ ଆରେ ନିଂନାକା ବିସ୍ତେ ଆନ୍ ବିଚାର କିଆନାଙ୍ଗା ।”

୭ ହେଞ୍ଜାନ୍ ଇ କାତା ଇତିଲେ ପାରୁସି ଆରି ସାଦୁକିର୍ ବିତ୍ରେ ଗଣ୍ଡଗଲ୍, ଆରି ସବାତ କୁଦାଗଡ଼୍ ଗିଟାତାଡ଼୍ । ି ଇନାକିଦେଂକି ସାଦୁକିର୍ ଆରେ ନିଂନାକା, ବାଦାଡ଼ତ ଦୁଡ଼ କି ପୁଲ୍ପୁୟା ଜିବୁନ୍ ହିଲୁଡ଼ ଇଞ୍ଜି ଇନାର୍, ମତର୍ ପାରୁସିର୍ ହାରି ମାନି କିଚାର୍ । ା ଇବେ ବେସି ଗଣ୍ଡଗଲ୍ ଗିଟାତାଡ଼୍, ଆରେ ପାରୁସିର୍ଚ୍ଚି କୁଦାନି କେତେକ୍ ସାସ୍ପର୍ ଗୁରୁର୍ ନିଂଜି ଜିକାଟାଣା କିଜି ଇଚାର୍, “ଆପେଂ ଇ ମାନାୟତାକେ ଇମ୍ଣାକା ପା ଦସ୍ ହୁଡ଼ପ୍ପା, ପୁନ୍ଝାକା ଇମ୍ଣାକା ଜିବୁନ୍ କି ବାଦାଡ଼ତ ଦୁଡ଼ ହେଞ୍ଜାନ୍ ହୁଦାଂ କାତା ଇଚାନ୍ନା ।”

୧୦ ଇ ବାନି ବେସି ଗଣ୍ଡଗଲ୍ ଆତିଲେ, ଏତେକାଡ଼ଦ୍ ପାଉଲ୍ ହେଞ୍ଜାର୍ ହୁଦାଂ ଗାଣ୍ଡା ଗାଣ୍ଡା ଆନାନ୍, ଇ ପାଣ୍ଡାଜି ହାଜାର୍ ହାଜାର୍ ମେଲ୍ୟାର୍ ହେଞ୍ଜାର୍ ବିତ୍ରେ ତାଙ୍ଗ୍ ବଲ୍ଲଡ଼କାର୍ କିଜି ଗାଡ଼୍ ବିତ୍ରେ ଅଜି ତାତେଙ୍ଗ୍ କାଜିଂ ମେଲ୍ୟାରିଂ ହାଞ୍ଜେଙ୍ଗ୍ ବଲ୍ଲ ହିଚାନ୍ ।

୧୧ ହେ ନାଣା ମାପୁ ତା ଲାଗେ ଇଞ୍ଜି ଇଚାନ୍, “ସାସ୍ ଆହା, ଇନାକିଦେଂକି ଏନ୍ ଇନେସ୍ ଜିରୁସାଲମ୍ତ ମା ବିସ୍ତେ ସାକି ହିତାୟନା, ହେ ଲାକେ ନିଂ ରମ୍ତ ପା ସାକିହିଦେଂ ଆନାଡ଼ ।”

ପାଉଲ୍ତିଂ ଅହ୍ନି କାଜିଂ ଉପାୟ

୧୨ ଦିନ୍ ଆତିଲେ, ଜିହୁଦିର୍ କୁଦା କୁଦା ଆଜି ପାଉଲ୍ତିଂ ଅହ୍ନି ପାତେକ୍ କାଦିପିଦି ତୁଚ୍ଚିସ୍ ସାଇପ୍ ଆନାପ୍ ଇଞ୍ଜି ରାଣ୍ଡ୍ ଜାର୍ ଜାର୍ତିଂ

ଇଡ଼ତାର । ୧୩ ଇ ହାତୁର କିଜିମାନି ଲକୁ ରିକଡ଼ି ଜାଣତାଂ ଆଦିକ୍ ମାଚାର । ୧୪ ହେଝାର ମୁଡ଼୍ ମାପୁହେବାକିନାକାନ୍ ଆରି ପ୍ରାଚିନାର ଲାଗେ ଖାଜି ଇଚାର, “ଆପେଂ ପାଉଲୁତିଂ ଅହୁଝି ପାତେକ୍ ମୁଡ଼େ ତିଝେଇଁ କପ୍ ଇଞ୍ଜି ଜାର ଜାରୁତିଂ ଆର୍ଝା ରାଣ୍ ଅତାପନ୍ନା । ୧୫ ଇଚିସ୍, ଏପେଇଁ ଆଦିକ୍ ହାର କିଜି ହେଝାନ୍ତି ବିଚାର କିଦେଇଁ ମାନ୍ କିନାନା ଇଞ୍ଜି ହାତୁର କିଜି ତାଙ୍ଗ୍ ମି ଲାଗେ ତାତେଇଁ କାଜିଂ ନଙ୍ଗ୍ ଗାଜା ସବା ଲାହାଙ୍ଗ୍ ହାଜାର ମୁସ୍ତିଦାରୁତିଂ ଖାରି କିୟାର୍ । ହେଝାନ୍ ମି ଲାଗେ ତାନି ଆଗେ ଆପେଂ ହେଝାନିଂ ଅସ୍ତେଇଁ ଜାଲୁଦି ମାନାପ୍ ।”

୧୬ ମତର ପାଉଲୁ ବାଣଜା ମେଲ୍ୟାର ତୁଗୁଜି ମାନାକା କାତା ଝେନ୍ଝି ଖାଜି ବସ୍ତି ବିତ୍ତେ ହଣ୍ଡି ପାଉଲୁତିଂ ଝେଚ୍ଚରାନ୍ । ୧୭ ହେବେଶ୍ଟାଂ ପାଉଲୁ ରଝାନ୍ ହାଜାର ମୁସ୍ତିଦାରୁତିଂ କୁକ୍ଚି ଇଚାନ୍, “ଇ ଦାଂଶେନ୍ତିଇଁ ହାଜାର ମୁସ୍ତିଦାର୍ ଲାଗେ ଅହାଟ୍, ଇନାକିଦେଂକି ତାଙ୍ଗ୍ ଝେଚ୍ଚରେଇଁ କାଜିଂ ଇଝାନ୍ତି ଅଲପ୍ କାତା ମାନାଡ଼ ।” ୧୮ ଲାଗିଂ ହେଝାନ୍ ହେଝାନିଂ ହାଜାର ମୁସ୍ତିଦାର୍ ଲାଗାୟ୍ ଅସି ହାଲୁଜି ଇଚାନ୍, “ବନ୍ଦି ପାଉଲୁ ଜାର ଲାଗେ ନାଙ୍ଗ୍ କୁକ୍ଚି ନି ଲାଗେ ଇ ଦାଂଶେନ୍ତିଇଁ ତାହିଝାଦେଂ କାଜିଂ ଗଝାରି କିଡ଼ତାନ୍, ନିଂ ଇଝେଇଁ କାଜିଂ ଇଝାନ୍ତି ଅଲପ୍ କାତା ମାନାଡ଼ ।”

୧୯ ହାଜାର ମୁସ୍ତିଦାର୍ ହେଝାନିଂ କେଇ ଆସ୍ତି ତାଙ୍ଗ୍ ମାନାୟାର୍ ଲାଗାୟ୍ ଅଜି ଝେନ୍ବତାନ୍, “ନାଙ୍ଗ୍ ଝେଚ୍ଚିନି କାଜିଂ ନିନ୍ଦାଂ ଇନାକା ମାନାଡ଼ ?”

୨୦ ହେଝାନ୍ ଇଚାନ୍, ପାଉଲୁ ବିସ୍ତେ ଆଦିକ୍ ହାର କିଜି ଡେକ୍ନି କାଜିଂ କପଟାଂ “ଜିହୁଦିର ତାଙ୍ଗ୍ ନିହିଂ ଗାଜା ସବା ଲାଗାୟ୍ ତାହିଝାଦେଂ କାଜିଂ ନିଂ ଗଝାରି କିଦ୍ନି କାଜିଂ ରମାନ୍ ଆତାଣ୍ଟା । ୨୧ ମାତର ହେଝାରୁତି କାତା ରାଜି ଆମାଟ୍; ଇନାକିଦେଂକି ରିକଡ଼ି ଜାଣତାଂ ଆଦିକ୍ ଲକୁ ହେଝାନିଂ ଅହୁଝି ପାତେକ୍ ତିନା ଉଣା କିଉପ୍ ଇଞ୍ଜି ପାର୍ମାଣ୍ କିଜି ତୁଗୁଜି ମାଚାର । ନଙ୍ଗ୍ ହେଝାର୍ ନି ବୁଜାୟ୍ କିନାକା କାସି ଜାଲୁଦି ଆଜି ମାଚାର ।”

୨୨ ହେବେଶ୍ଟାଂ ହାଜାର ମୁସ୍ତିଦାର୍ ହେ ଦାଂଶେନ୍ତିଇଁ ହେଲଝେୟ୍ ହିଜି ତାଙ୍ଗ୍ ବଲ୍ ହିଚାନ୍, “ଏନ୍ ଜେ ଇ ଝିଜୁ କାତା ନାଙ୍ଗ୍ ଝେଚ୍ଚତାୟ୍ନା, ହେଦାଂ ଇନେରିଂ ଝେଚୁୟ୍ ।”

ପାଉଲ୍‌ତିଂ କାଇସରିୟାତ ପତ୍ତାଭ୍

୨୩ ପାତେ ହେୱାନ ରିକାର୍ ପାସ୍ତକଡ଼ି ମୁସ୍ତାଦାର୍‌ତିଂ କୁକ୍‌ତି ଇଚାନ, କାଇସରିୟା ପାତେକ୍ “ହାନି କାଜିଂ ନାଣା ନଅ ଗଣ୍ଟା ସମୁତ ଦସ୍ କଡ଼ି ମେଲ୍ୟାର୍, ତିନକଡ଼ି ଦସ୍ ଜାଣ୍ ଗଡ଼ା ଦୁମ୍‌ନାକାର୍ ଆରି ଦସକଡ଼ି ବାଲ୍ୟାକାରିଂ ଜାଲ୍‌ଦି କିୟାର୍ । ୨୪ ଆରେ, ହେୱାର୍ ଇନେସ୍ ପାଉଲ୍ ପସ୍ତୁ ଜପି କୁଚି କିଜି ସାସନ୍‌କାର୍‌ୟା ପେଲିକସ୍‌ତି ଲାଗାୟ୍ ରାକ୍ୟା ହିଲ୍‌ଖାଦାଂ ଅସି ହାନାର୍, ଇଦାଂ କାଜିଂ ହେଦାଂ ଜାଲ୍‌ଦି କିନି କାଜିଂ ହେୱାନ ବଲ୍ ହିତାନ୍ ।” ୨୫ ଆରେ, ହେୱାନ ଇ ଲାକେ ର ଆକି ଲେକିକିତାନ୍ ।

୨୬ “ଗାଜା ସାଏବ୍ ସାସନ୍ କାର୍‌ହା ପେଲିକସ୍‌ତିଂ କ୍ଲାଉଦିଆ ଲୁସିୟାତି ଜଖାର୍ । ୨୭ ଜିହୁଦିର୍ ଇ ଲକ୍‌ତିଂ ଆସ୍ତି ଅସ୍ତେକ୍ ହାନି ସମୁତ ଆନ୍ ମେଲ୍ୟାତ୍ ହୁଦାଂ ହାଲ୍‌ଜି ହେୱାନ ରଖାନ୍ ରମିୟ୍ ଇଞ୍ଜି ପୁଞ୍ଜି ଇଖାନିଂ ଉଦାର୍ କିତାଂ । ୨୮ ଇମ୍‌ଣି କାରଣତାଂ ହେୱାର୍ ଇଖାନ୍ ବିରୁଦ୍‌ତ ଦସି କିନାରା, ହେଦାଂ ପୁଞ୍ଜେକ୍ ମାନ୍ କିଜି ଆନ୍ ଇଖାନିଂ ହେୱାର୍‌ତି ଗାଜା ସବା ଲାଗାୟ୍ ଅସି ହାତାକ୍ । ୨୯ ପାରାଣ୍ ତାଣ୍ କି ହିକ୍‌ଡ଼ି ଗାତ୍ୟାନି ଜଗ୍ ଇମ୍‌ଣାକା ପା ବିସ୍ତେ ଇଖାନିଂ ବିରୁଦ୍‌ତ ଦାବା କିଖାଦାଂ ହେୱାର୍‌ତି ବିଦି ବାବ୍ରେ ଗଣ୍ଟଗଲ୍ ବିସ୍ତେ ଦାବା କିୟାତାତ୍‌ମ୍ନା ଇଞ୍ଜି ଆନ୍ ବୁଜାତାଂ । ୩୦ ଇ ଲକ୍ ବିରୁଦ୍‌ତ ମାନ୍ ପାଟିକିତାର୍ ଇଞ୍ଜି ନାକ୍ କାରୁର୍ ହିଡ଼ିଲେ ଆନ୍ ଇଖାନିଂ ମାଲା ଆଖାଦାଂ ନି ଲାଗାୟ୍ ପତ୍ତାତାଂ, ଇଖାନ୍ତି ଦାବାକିନାକାରିଂ ପା ନି ମୁମ୍‌ଦ ଇଖାନ୍ ବିରୁଦ୍‌ତ ସାକି ହିଦେଂ ବଲ୍ ହିତାଂ ।”

୩୧ ହେବେଣ୍ଟାଂ ମେଲ୍ୟାର୍ ପାୟାତି ବଲ୍‌ତାଂ ପାଉଲ୍‌ତିଂ ଅଜି ମାଜଗାତ ତାକ୍ ଆନ୍ତିପାତ୍ରିତ ତାହିଖାତାର୍ । ୩୨ ଆକାଡ଼ ନାଜିଂ ମେଲ୍ୟାର୍ ଗଡ଼ା ଦୁମ୍‌ନାକାରିଂ ତା ହୁଦାଂ ହାନି କାଜିଂ ଗାଡ଼୍‌ଦ ମାସ୍‌ଡି ହାତାର୍ । ୩୩ ପାତେ ଗଡ଼ା ଦୁମ୍‌ନାକାର୍ କାଇସରିୟାତ ଖାଜି ସାସନ୍‌କାର୍‌ୟାକ୍ ଆକି ହିତାର୍, ଆରେ ପାଉଲ୍‌ତିଂ ପା ହେୱାନ କେଇଦ ହେଲ୍‌ୟା କିତାର୍ । ୩୪ ହେ ଆକି ପଡ଼ି କିତି ପାତେ, ହେୱାନ ଇମ୍‌ଣି ରାଜିନି ଲଗ୍ ଇଞ୍ଜି ଖେନ୍‌ବାତାନ୍, ଆରେ, ହେୱାନ ଜେ କିଲିକିୟାନି ଲଗ୍, ଇଦାଂ ପୁଞ୍ଜି ୩୫ ଆରେ ହେୱାନ ଇଚାନ୍, ନି ଦାବାକାରିୟାର୍ ପା ଇକାଖାତାର୍, “ଆନ୍ ନି କାତା ଖେନାକ୍ ।” ଆରେ

ହେୱାନ ହେରଦ୍‌ତି ବାଙ୍ଗଲୀତ ତାଙ୍ଗ ଇଡ୍‌ଦେଂ କାଜିଂ ବଲ୍ଲ ହିତାନ୍ ।

୨୪

ପାଉଲ୍ଲ ଜିହୁଦିରତି ହୁଦାଂ ଦାବାକିୟାତାନ୍

^୧ ପାଞ୍ଚ ଦିନ୍ ପାଚେ ହାନାନ ମୁଡ୍ ମାପୁହେବାକିନାକାନ୍ କେତେକ ପ୍ରାଚିନାରିଂ ଆରି ତର୍ତ୍ତୁଲ୍ଲ ତର ନି ରୱାନ ଅକିଲ୍ଲ ହୁଦାଂ କାଇସରିୟାତ ଖାତାନ୍, ଆରେ ହେୱାର୍ ପାଉଲ୍ଲତି ବିରୁଦ୍‌ତ ସାସନ୍‌କାରୟା ଲାଗେ ଦାବା କିତାର । ^୨ ହେୱାନିଂ କୁକିକିତିଲେ ତର୍ତ୍ତୁଲ୍ଲ ହେୱାନିଂ ଦାବା କିଜି ଇଞ୍ଜେଙ୍ଗ୍ ଲାଗାତାନ୍,

“ଏ ଗାଜା ସାଏବ୍ ପେଲିକସ୍, ନି ହୁଦାଂ ଆପେଂ ଜେ ମି ରାଜି ବେସି ସୁସ୍ତା ପାୟାତାପ୍‌ନା, ଆରେ ନି ପ୍ରାତିପାଡ୍‌ଦ ଇ ଜାତି କାଜିଂ ବାରବିନ୍ କାମାୟ୍ ଆତାଡ୍‌ନା, ^୩ ଇଦାଂ ଆପେଂ ସବୁ ବାବ୍ରେ ଆରି ସବୁ ବାହାତ ବାତ ପେଲିକସ୍‌ତିଂ ଖାରି ଲାହାଙ୍ଗ୍ ମାନି କିତାପ୍‌ନା । ^୪ ମତର୍ ଆନ୍ ଇନେସ୍ ଆଦିକ୍ ଖାହି କିଦୁଙ୍ଗ୍, ଇଦାଂ କାଜିଂ ଏନ୍ ଜାର୍ ଦୟା ଗୁଣ୍ଡତ ମାଦାଂ ଏଚେଗଟା କାତା ଖେଞ୍ଜେଙ୍ଗ୍ କାଜିଂ ଆନ୍ ନିଂ ଗୱାରି କିଦ୍‌ନାଙ୍ଗା । ^୫ ଇନାକିଦେଂକି ଆସେଙ୍ଗ୍ ଇ ଲକ୍‌ତିଂ ମାର୍‌ତି ଲାକେ ପୁତ୍ ନି ଝିଜୁ ଝିଜାର୍ ଜିହୁଦିରତି ବିତ୍ରେ କୁଲ୍ କିବାନାକାନ୍ ଆରି ନାଜରିତିୟ୍ କୁଦାନି ରୱାନ ମୁଡ୍ ନେତା ଇଞ୍ଜି ପୁଚାପ୍‌ନା; ^୬ ଆରେ ପା ଇଖାନ୍ ମନ୍ଦିର୍ ବିଗାଡ୍ କିଦେଙ୍ଗ୍ ସେସ୍ଟା କିଜି ମାଚାନ୍, ମତର୍ ଆପେଂ ଇଖାନିଂ ଆସ୍ତାପ୍ ଆରେ ମି ବିଦି ଇସାପ୍ରେ ଇଖାନ୍ତି ବିଚାର୍ କିଦେଙ୍ଗ୍ ଇଚା କିଜି ମାଚାପ୍ । ^୭ ମତର୍ ହାଜାର୍ ମୁସ୍ତିଦାର୍ ଲୁସିୟା ଖାଜି ଜବର୍ ବଲ୍‌ଡ୍‌କାର୍‌ତାଂ ଇଖାନିଂ ମା କେୟ୍‌ଦାଂ କିସ୍ଟୁ ଅତାନ୍, ^୮ ଆରେ, ଇଖାନ୍ତି ଦାବାକାରୟାରିଂ ନି ମୁମ୍‌ଦ ଇକାଖାନି କାଜିଂ ବଲ୍ଲ ହିତାନ୍ । ଇ ଇମ୍‌ଣି ଝିଜୁ ବିସ୍ତେ ଆପେଂ ତେକ୍‌ତି ଇଦାଂ ବିରୁଦ୍‌ତ ଦାବା କିନାପା, ଏନ୍ ନିଜେ ଇଖାନିଂ ପରସନ୍ କିତିସ୍ ହେ ସବୁ ପୁଞ୍ଜେଙ୍ଗ୍ ଆଡ୍‌ନାୟ୍ ।” ^୯ ଜିହୁଦିର୍ ପା ଦାବାତ ମିହାଜି ଇ ଝିଜୁ କାତା ହାଡ୍‌ପା ଇଞ୍ଜି ଇଞ୍ଚାର୍ ।

ପେଲିକସ୍‌ତି ମୁମ୍‌ଦ ପାଉଲ୍ଲତି ଖାସ୍ତିହିତାନ୍

^{୧୦} ହେବେଣ୍ଟାଂ ସାସନ୍‌କାରୟା କାତା ଇନି କାଜିଂ ପାଉଲ୍ଲତିଂ ଚର୍ଚ୍ଚିଲେ, ହେୱାନ ଉତର୍ ହିତାନ୍,

“ଏନ୍ ଆଦିକ୍ ବାହୁଁ ଆତାତ୍ ଇ ଜାତିନି ବିଚାରକାରୟା ମାନାନ୍ ଇଞ୍ଜି ପୁନିକାଜିଂ ଆନ୍ ସାସ୍ତ ନା ପାକ୍ୟା ବାଟି କିନାଙ୍ଗା । ୧୧ ବାର ଦିନ୍ତାଂ ଆଦିକ୍ ଆଉଡ୍ ଆନ୍ ପାର୍ତାନା କିନି କାଜିଂ ଜିରୁସାଲମ୍ତ ହାଲ୍ଜି ମାଟାଙ୍ଗ୍, ଇଦାଂ ଏନ୍ ପୁଞ୍ଜେଙ୍ଗ୍ ଆଡ୍ନାୟ୍ । ୧୨ ଆରେ, ଇଞ୍ଜାର ମନ୍ଦିରତ କି ପାର୍ତାନା ଇଞ୍ଜି କି ଗାଡ୍ଦ ନାଙ୍ଗେଙ୍ଗ୍ ଇନେର୍ ହୁଦାଂ ଗଣ୍ଡଗଲ୍ କିନାକା କି ଲକାଂ ଟିଉଲ୍ଲାଇୟ୍ କିନାକା ହୁଡ୍ଦାଞ୍ଜାତାଣ୍ଟା, ୧୩ ଆରେ, ନଙ୍ଗ୍ ଇଞ୍ଜାର ନା ବିରୁଦ୍ତ ଇମ୍ଫାଣି ଝିଜୁ ବିସ୍ତେ ଅଜି ଦାବା କିନାରା, ହେ ସବୁ ନି ଲାଗେ ପାର୍ମାଣ୍ କିଦେଙ୍ଗ୍ ଆଡ୍ଡର୍ । ୧୪ ମତର୍ ଇଞ୍ଜାର ଇନେରିଂ ର ବିନ୍ଦମାଂ କୁଦା ଇଞ୍ଜି ଇନାର୍, ଆନ୍ ହେ ହାଜି ଇସାପ୍ରେ ମା ଆବା ଲେଡ୍ଡାତି ଇସ୍ପୁରତି ପାର୍ତାନା କିଜି ମାନାଂ; ଇନା ଇନାକା ମସାତି ବିଦି ଇସାପ୍ରେ ଆରି ଇନା ଇନାକା ବେଣ୍ଟବାକ୍‌ଶାୟ୍ କିନାକାର୍ ସାସ୍ପୁରତ ଲେକା ମାନାତ୍, ହେ ସବୁ ଆନ୍ ପାତାଂ କିନାଙ୍ଗା; ୧୫ ଆରେ, ଦାମାଂ ଆରି ଅଦାମାଂ ରିୟାର୍ ଆରେ ନିନାକା ଆନାତ୍ ଇଞ୍ଜି ଇନାକା ଇଞ୍ଜାର ନିଜେ କାସି ମାନାର୍, ଆନ୍ ପା ଇସ୍ପୁରତାଂ ହେ ଲାକେ ବାସାଂ ଇଡ୍ଡାଂନା ଇଞ୍ଜି ନି ଲାଗେ ମାନି କିନାଙ୍ଗା । ୧୬ ଇ ଏଡ୍ ତାଂ ଆନ୍ ପା ନିଜେ ନିଡ୍ଡେ ଇସ୍ପୁରତି ଆରି ମାନାୟ୍ତି କାଜିଂ ଦସି ହିଲ୍ଝି ଟିନ୍ତା ରାକ୍ୟା କିଦେଙ୍ଗ୍ ଜାଡ୍ଡୁନ୍ କିଜି ମାନାଙ୍ଗା ।”

୧୭ ☆ “ବେସି ବାହୁଁ ପାରେ ଆନ୍ ନା ଜାତି ଲାଗେ ଦାନ୍ ତାତେଙ୍ଗ୍ କାଜିଂ ଆରି ପୁଜା ହିନି କାଜିଂ ଜିରୁସାଲମ୍ତ ହାଲ୍ଜି ମାଟାଙ୍ଗ୍ । ୧୮ ହେ ଷ୍ଟେଡାଲିଂ ଇଞ୍ଜାର ନାଙ୍ଗେଙ୍ଗ୍ ମନ୍ଦିରତ ସକଟ୍ ଆଜି ମାନାକା ହୁଡ୍ଡଜି ମାଞ୍ଜାର୍; ଆନ୍ ଇମ୍ଫାଣାକା ପା ଲକୁରିଂ ନଲେ ଗଣ୍ଡଗଲ୍ତ ମେହା ଆଞ୍ଜାଦାଂ ମାଟାଙ୍ଗ୍ । ୧୯ ମାତର୍ ଆସିଆନି କେତେକ୍ ଜିହୁଦିର୍ ମାଟାର୍; ଜଦି ହେଞ୍ଜାରତି ନା ବିରୁଦ୍ତ ଇମ୍ଫାଣାକା ପା କାତା ମାତିସ୍, ତାଆତିସ୍ ନି ମୁମ୍ଦ ଏକିସ୍ ଦାବା କିନାକା ହେଞ୍ଜାରତି ହାର୍ ଆତାମ୍ । ୨୦ ଆରେରଗ ଆନ୍ ଗାଜା ସବା ମୁମ୍ଦ ଇଞ୍ଜି ମାଟାଙ୍ଗ୍ ଆନ୍ ଇମ୍ଫାଣି ପାପତ ବାନ୍ୟା ଆଜି ମାଟାଙ୍ଗ୍, ହେଦାଂ ଇବେ ମାନି ଇ ମାନାୟାର୍ ଇଞ୍ଜେର୍ । ୨୧ ଆତିସ୍ପା ଆନେଙ୍ଗ୍ ର କାତା ଇଞ୍ଜି ମାଟାଙ୍ଗ୍, ହେଞ୍ଜାର୍ ବାହାତ ଇଞ୍ଜି ମାନି ସମୁତ ଆନ୍ ଆର୍ଞ୍ଜା କିଜି ଇଞ୍ଜି ମାଟାଙ୍ଗ୍, ହାକିର୍

ଆରେ ନିନାକା ଇଞ୍ଜି ଆନ୍ ପାତର୍ କିଜି ମାଟିଲେ ନେଞ୍ଜେଙ୍ଗ୍ ନି ହୁଦାଂ ବିଚାର୍ କିୟାନାଙ୍ଗା ।”

୨୭ ମତର୍ “ପେଲିକସ୍ ହେ ହାଜି ବିସ୍ତେ ଏଚେକ୍ ଆଦିକ୍ ହାତୁର୍ ପୁଞ୍ଜି ମାଟିଲେ ବିଚାର୍ ଟେବାୟ୍ କିଜି ଇଚାନ୍, ହାଜାର୍ ମୁସ୍ତିଦାର୍ ଲୁସିୟା ଖାତିସ୍ ଆପ୍ ମିଦାଙ୍ଗ୍ ବିସ୍ତେ ତିର୍ କିନାପ୍ ।” ୨୩ ଆରେ, ହେଞ୍ଜାନ୍ ପାଞ୍ଚକଡ଼ି ମୁସ୍ତିଦାର୍ତିଂ ହେଞ୍ଜାନ୍ତି ଇମ୍ମଣାକା ପା ଖାସ୍ତିନି ଜାର୍ ଲଗାଂ ହେଞ୍ଜାନ୍ତି ହେବାକିନାକା କାଜିଂ ମୁନା କିଞ୍ଜାଦାଂ, ଆରେ ତା ବନ୍ଦି ଲାକେ ରାକ୍ୟା କିଜି ତା କାଜିଂ କଞ୍ଜାଣ୍ ଚିନ୍ତା କିଦେଙ୍ଗ୍ ବଲ୍ ହିତାନ୍ ।

ପେଲିକସ୍ ଆରି ଦୁସିଲାତି ମୁମ୍ଦ ପାଉଲ୍

୨୪ କେତେକ୍ ଦିନ୍ ପାଚେ ପେଲିକସ୍ ଦୁସିଲା ତରନ୍ ଜାର୍ ଜିହୁଦିୟା ତକ୍ତୁହି ଲାହାଙ୍ଗ୍ ଖାଜି ପାଉଲ୍ତିଂ କୁକ୍ଚି କ୍ରିସ୍ଟ ଜିସୁତିତାକେ ପାତର୍ ବିସ୍ତେ ହେଞ୍ଜାନ୍ ତାକେ ଖେଚାନ୍ । ୨୫ ମତର୍ ହେଞ୍ଜାନ୍ ଦାମ୍, ଖାସ୍ତିତିଂ ଆରି ଖାନିଦିନ୍ତ ବିଚାର୍ କାମାୟ୍ ବିସ୍ତେ କାତା ଇନି ସମୁତ ପେଲିକସ୍ ପାଣ୍ଡା ଆଜି ଉତର୍ ହିତାନ୍, “ନଙ୍ଗ୍ ଏପେଙ୍ଗ୍ ହାଲାଟ୍, ସୁବିଦା ସମ୍ପୁ ପାୟାତିସ୍ ଆପ୍ ମିଙ୍ଗ୍ କୁକିକିଦ୍ଦାପ୍ ।” ୨୬ ଆରେ ପା ପାଉଲ୍ ତାଙ୍ଗ୍ ଟାକାଂ ହିଦ୍ନାଂ ଇଞ୍ଜି ହେଞ୍ଜାନ୍ ଆହା କିଜି ମାଚାନ୍; ହେଦାଂ କାଜିଂ ରଗତିଂ ରଗ ତାଙ୍ଗ୍ କୁକ୍ଚି ତା ଲାହାଙ୍ଗ୍ କାତାବାର୍ତା କିବିସ୍ ମାଚାନ୍ ।

୨୭ ମାତର୍ ଦୁଇ ବାହୁଁ ବାତର୍ ଆତି ପାଚେ ପକ୍ ମ୍ ପେସ୍ ପେଲିକସ୍ତି ପାଦ୍ତ ବାଟି କିୟାତାନ୍, ଆରେ ପେଲିକସ୍ ଜିହୁଦିର୍ତି ବଲ୍ବଲ୍ଲାୟ୍ ଆଦେଂ ଇଚା କିଜି ପାଉଲ୍ତିଂ ବନ୍ଦି ଅବସ୍ତାତ ଇଡ଼ଜି ହାଚାନ୍ ।

୨୫

କାଇସରିୟାତି ଲାଗେ ପାଉଲ୍ତି ଗଞ୍ଜାରି

୧ ହେବେଣ୍ଡାଂ ପେସ୍ ଆଦିକାର୍ ପାଦ୍ ଇଚି କିଜି ତିନି ଦିନ୍ ପାଚେ କାଇସରିୟାତାଂ ଜିରୁସାଲମ୍ତ ହାଚାନ୍, ୨ ଆରେ, ମୁଡ୍ ମାପୁହେବାକିନାକାନ୍ ଆରି ଜିହୁଦିର୍ତି ମୁଡ୍ ମୁଣିକାର୍ ପାଉଲ୍ତି ବିରୁଦ୍ତ ତା ଲାଗେ ଗଞ୍ଜାରି କିତାର୍, ୩ ଆରେ ହେଞ୍ଜାନ୍ ଇନେସ୍ ତାଙ୍ଗ୍ ଜିରୁସାଲମ୍ତ କୁକ୍ଚି ପନ୍ଥାନାନ୍, ଇଦାଂ କାଜିଂ ଗଞ୍ଜାରି ଆଗେ ତା

ବିରୁଦ୍ଧତ ଇ ଦୟା ପାର୍ତ୍ତନା କିତାର, ଆରେ, ହେଞ୍ଜାର ତାଙ୍ଗ ହାସ୍ତଦ
ଅହି କିନି କାଜିଂ ତ୍ତଗୁଜି କୁଚ୍ଚରା । ୪ ହେବେ ପେସ୍ତ ଉତର୍ ହିତାନ,
“ପାଉଲ୍ କାଇସରିୟାତ ଗେହ୍ୟାଜି ମାନାନା, ଆରେ ଆନ୍ ପା ବେଗି
ହେବେ ହାନାଙ୍ଗ । ୫ ଲାଗିଂ, ମି ବିତ୍ତେ ଇମ୍ଫାକାର ସାକ୍ତିକାଟାକାନ,
ହେଞ୍ଜାର ମା ଲାହାଙ୍ଗ ହାଲ୍ଲଜି ହେ ଲକ୍‌ନି ଜଦି ଇମ୍ଫାକା ପା ଦସ୍
ମାତିସ୍, ତେବେ ତା ବିରୁଦ୍ଧତ ଦାବା କିୟାଟ୍ ।”

୬ ପାଚେ ହେଞ୍ଜାନ ହେଞ୍ଜାର ବିତ୍ତେ ଆଟ୍ କି ଦସ୍ ଦିନ୍ତାଂ ଆଦିକ୍
ମାନଞ୍ଜାଦାଂ କାଇସରିୟାତ ମାସ୍‌ଦି ହାଚାର, ଆରେ ଆକାଟ୍ ନାଜିଂ
ଗାଦିତ କୁଚ୍ଚି ପାଉଲ୍‌ତିଂ ତାନି କାଜିଂ ବଲ୍ ହିତାନ । ୭ ପାଉଲ୍
ଞ୍ଜାତିଲେ ଜିରୁସାଲମ୍‌ତାଂ ଞ୍ଜାତାକାର ଜିହୁଦିର୍ ହେଞ୍ଜାକ୍ତି ଚାରିବେଣ୍ଡାଂ
ବେଡ୍ଡି କିଜି ନିଲ୍‌ତାର ଆରି ତା ବିରୁଦ୍ଧତ ବେସି ଗାଜା ଦାବା କିତାର ।
ମତର୍ ହେଞ୍ଜାର ଇ ସବୁ ପାର୍ମାଣ କିଦେଙ୍ଗ ରାଜି ଆଞ୍ଜାତାର । ୮ ହେବେ
ପାଉଲ୍ ଜାର ପାକ୍ୟା ପାଡ୍‌କା କିଜି ଞ୍ଜେଚ୍‌ଚାନ, “ଜିହୁଦିର୍‌ନି ମସାତି
ବିଦି ବିରୁଦ୍ଧତ କି ମନ୍ଦିର୍ ବିରୁଦ୍ଧତ କି କାଇସର୍‌ତି ବିରୁଦ୍ଧତ ଆନ୍
ଇନାକାପା ପାପ୍ କିଞ୍ଜାତାଂନା ।”

୯ ମତର୍ ପେସ୍ତ ଜିହୁଦିର୍‌ତି ଦୟା ଆଦେଂ ଇଚା କିଜି ପାଉଲ୍‌ତିଂ
ଉତର୍ ହିତାନ, “ଏନ୍ କି ଜିରୁସାଲମ୍‌ତ ହାଲ୍ଲଜି ହେ ବାହାତ ମା ମୁମ୍‌ଦ
ଇ ସବୁ ବିସ୍ତେ ଅଜି ବିଚାର୍ ଆଦେଂ ଇଚା କିନାୟା ?”

୧୦ ମତର୍ ପାଉଲ୍ ଇଚାନ, “ଆନ୍ କାଇସର୍‌ତି ଗାଦି ତାରେନ୍
ନିଲ୍‌ତାଂନା, ହେ ବାହାତ ବିଚାର୍ ଆନାକା ମାନାଟ୍ । ଆନ୍ ଜିହୁଦିର୍‌ତି
କାଜିଂ ଇନାକାପା ଅନ୍‌ୟାୟ୍ କିଞ୍ଜାତାଂନା, ଏନ୍ ପା ହେଦାଂ ଏଚେକ୍
ହାର୍ ଇଞ୍ଜି ପୁନାୟ୍ । ୧୧ ଞ୍ଜାତିଙ୍ଗ୍, ଜଦି ଆନ୍ ଅନ୍‌ୟାୟ୍ କିତାକାଂ ଆଜି
ମାତିସ୍ ଆରି ହାକି ଜଗ୍ ଇନାକାପା କାମାୟ୍ କିଜି ମାତିସ୍, ତା ଆତିସ୍
ଆନ୍ ହାକି ବଗ୍ କିଦେଙ୍ଗ୍ ମୁନା କିଦୁଙ୍ଗା; ମତର୍ ଇଞ୍ଜାର ନା ବିରୁଦ୍ଧତ
ଇନାକା ସବୁ ଦାବା କିନାରା, ହେ ସବୁ ବିତ୍ତେ ଜଦି ପାଦେକ୍ ପା ସଡ୍
ଆକାୟ୍, ତା ଆତିସ୍ ଇମ୍ଫା ମାନାୟ୍ ପା ହେଞ୍ଜାର କେଇଦ ନାଙ୍ଗ୍
ହେଲ୍‌ୟାୟ୍ କିଦେଙ୍ଗ୍ ଆଡୁର୍ । ଆନ୍ କାଇସର୍‌ତି ସାରାଣ୍ଡତ ବିଚାଣ୍ଡା
ଆଦେଂ କାଜିଂ ପାର୍ତ୍ତନା କିନାଙ୍ଗା ।”

୧୨ ହେବେ ପେସ୍ତ ମତ୍ରିମଣ୍ଡଲ୍ ଲାହାଙ୍ଗ୍ ରୁଜାସୁଜା କିଜି ଉତର୍
ହିତାନ, ଏନ୍ “କାଇସରିୟାତି ସାରାଣ୍ଡତ ବିଚାଣ୍ଡା ଆଦେଂ କାଜିଂ

ପାର୍ଥନା କିତାୟନା, ଏନ୍ କାଇସର୍ ଲାଗେ ହାନାୟ ।”

ଆଗ୍ରିପ୍ପା ଆରି ବଣ୍ଟି କିତି ମୁନ୍ଦ ପାଉଲ୍

୧୩ କେତେକ୍ ଦିନ୍ ହାତି ପାଚେ ରାଜା ଆଗ୍ରିପ୍ପା ଆରି ବଣ୍ଟି କି କାଇସରିୟାତ ଖାଜି ପେସ୍ତୁତିଂ ବେଟା ଆତାର୍ । ୧୪ ହେଝାର୍ ବେସି ଦିନ୍ ହେ ବାହାତ ମାତିଲେ, ରାଜା ଆଗେ ପେସ୍ତୁ ପାଉଲ୍ତି କାତା ଝେର୍ତି ଇଚାନ୍, “ପେଲିକସ୍ ରଝାନ୍ ଲଗାଂ ବନ୍ଦି କିଜି ଇଡ଼ଜି ହାଚାନ୍ନା । ୧୫ ଆନ୍ ଜିରୁସାଲମ୍ତ ମାନି ସମୁତ ଜିହୁଦିର୍ତ୍ତି ମୁଡ଼୍ ମାପୁହେବାକିନାକାନ୍ ଆରି ପ୍ରାଚିନାର୍ ତା ବିସ୍ତେ ନା ଲାଗେ ଗଝାରି କିଜି ତା ବିରୁଦ୍ତ ଦଣ୍ଡବଲ୍ ପାର୍ଥନା କିତାର୍ । ୧୬ ଆନ୍ ହେଝାରିଂ ଉତର୍ ହିତାଂ, ଇନାକାନ୍ ଆରି କାତା ନାହାୟ୍ ମୁକାମୁକି ଆଝି ପାଚେକ୍, ଆରେ କାତା ନାହାତି ବିରୁଦ୍ତ ବିଚାର୍ କିଜିମାନି ଦାବା ସମୁତ ଖାସ୍ତିପାକ୍ୟା ପାଡ଼କା କିନି ସୁବିଦା ପାୟାଝି ପାଚେକ୍ ହେଝାନିଂ ହେଲାୟ୍ କିନାକା ରମିୟର୍ତ୍ତି ବିଦି ଆକାୟ୍ । ୧୭ ଲାଗିଂ ହେଝାର୍ ନା ହାଙ୍ଗଦାଂ ଇ ବାହାତ ଝାତିଲେ, ଆନ୍ ମାଲାଝାଦାଂ ଆକାଡ଼ ନାଜିଂ ଗାଦିତ କୁର୍ତି ହେ ମାନାୟ୍ତିଂ ତାଚେଙ୍ଗ୍ କାଜିଂ ବଲ୍ ହିତାଂ । ୧୮ ଦାବାକାରିର୍ ଇଞ୍ଜି, ଆନ୍ ଇନେସ୍ବାନି ଦସ୍ନି କାତା କାସି ମାଚାଙ୍ଗ୍, ହେ ଲାକେ ଇନାକାପା ଦାବା ହେଦାଂ ବିସ୍ତେ ତାଝାତାର୍ । ୧୯ ମତର୍ ହେଝାର୍ତି ଜାର୍ ଦାରୁମ୍ ଆରେ ଜିସୁ ତର୍ ନି ରଝାନ୍ ହାତି ମୁଣିକା, ଇନେରିଂ ପାଉଲ୍ ଜିଜି ମାଚାନ୍ ଇଞ୍ଜି ଇଞ୍ଜି ମାଚାନ୍, ହେ ସବୁ ବିସ୍ତେ ତା ବିରୁଦ୍ତ ହେଝାର୍ତି ଏଚେକ୍ କୁଲ୍ ମାଚାଡ଼ । ୨୦ ଇ ଝିଜୁ ବିସ୍ତେ ଇନେସ୍ବାନି ଡେକ୍ନାଙ୍ଗ୍ ଇଞ୍ଜି ଆନ୍ ରୁଦିବାଣା ଆଜି, ହେଝାନ୍ ଜିରୁସାଲମ୍ତ ହାଲ୍ଜି ହେବେ ଇ ଝିଜୁ ବିସ୍ତେ ବିଚାର୍ ଆଦେଂ କାଜିଂ ଇଚା କିନାନ୍ କି ଆକାୟ୍, ଇଦାଂ ଝେନ୍ବାତାଂ । ୨୧ ମତର୍ ପାଉଲ୍ ରାଜାର୍ତାଂ ରାଜା ବିଚାର୍ କାଜିଂ ଇଟ୍ୟାନି କାଜିଂ ପାର୍ଥନା କିତିଲେ, ଆନ୍ ତାଙ୍ଗେଙ୍ଗ୍ କାଇସର୍ତ୍ତି ଲାଗେ ପକ୍ଝି ପାଚେକ୍ ବନ୍ଦି କିଜି ଇଡ଼ଦେଂ ବଲ୍ ହିତାଂ ।”

୨୨ ହେବେଣ୍ଡା ଆଗ୍ରିପ୍ପା ପେସ୍ତୁତିଂ ଇଚାନ୍, “ଆପେଂ ପା ନିଜେ ହେ ଲକ୍ନି କାତା ଝେଞ୍ଜେଙ୍ଗ୍ ଇଚା କିନାପା ।”

ହେଝାନ୍ ଇଚାନ୍, “ଝିଗା ଏପେଙ୍ଗ୍ ତାଦି କାତା ଝେନାଦେର୍ ।”

୨୩ ଲାଗିଂ, ଆର୍କାଡ଼ ନାଜିଂ ଆଗ୍ରିପ୍ପା ଆରି ବଣ୍ଟି କି ଗାଜା ବିଡ଼ତ୍ ଖାଜି ମୁଡ଼, ମୁଡ଼, ମେଲ୍ୟାର୍ ଆରି ଗାଡ଼ନି ମୁଡ଼, ମୁଡ଼, ମୁଣିକାର୍ ହୁଦାଂ ବିଚାର୍ଣ୍ଣା ବାହାତ ହରିଲେ ପେସ୍ତୁତି ବଲ୍ଲ ଇସାବରେ ପାଉଲ୍ଡିଂ ତାହିଝାୟାତାନ୍ । ୨୪ ହେବେ ପେସ୍ତୁ ଇଚାନ୍, “ଏ ରାଜା ଆଗ୍ରିପ୍ପା ଆରି ମାହୁଦାଂ ଇ ବାହାତ ମାତି ଗାଜାଲଗୁ କାଦେର୍, ଏପେଙ୍ଗ୍ ଇ ଲକ୍ତିଂ ହୁଡ଼ନାଦେରା, ଇଝେନ୍ ବିରୁଦ୍ତ ଜିରୁସାଲମ୍ତ ଆରି ଇ ବାହାତ ପା ଜିହୁଦି ଲକ୍ତୁ ମା ଲାଗେ ଗଝାରି କିଜି ତାଦାଂ ଆରେ ଜିଜି ମାନାକା ହାର୍ ଆକାୟ୍ ଇଞ୍ଜି ଚେରା ଆତାର୍ । ୨୫ ମାତର୍ ହେଝାନ୍ ହାକି ଜଗ୍ ଇନାକାପା କାମାୟ୍ କିଝାତାନ୍ନା ଇଞ୍ଜି ଆନ୍ ବୁଜାତାଂ, ଆରେ ହେଝାନ୍ ନିଜେ ଜାରାର୍ତାଂ ରାଜା ଲାଗେ ବିଚାର୍ ଆନି କାଜିଂ ପାର୍ଥନା କିତିଲେ ଆନ୍ ତାଙ୍ଗ୍ ପକ୍ନି କାଜିଂ ତିର୍ କିତାଙ୍ଗ୍ । ୨୬ ନା ମାପୁତି ଲାଗେ ତା ବିସ୍ତେ ଲେକିକିନି କାଜିଂ ନାଦାଂ ଇନାକାପା ସତ୍ ବିସ୍ତେ ଆକାୟ୍ । ଲାଗିଂ ବିଚାର୍ କିଜି ଇନେସ୍ ଆନ୍ ଲେକିକିନି କାଜିଂ ଇଚୁଟିଂ ପାୟାଦେଂ ଆଡ଼ନାଙ୍ଗ୍, ହେଦାଂ କାଜିଂ ତାଙ୍ଗ୍ ମିବେ, ବେସିନି, ଏ ରାଜା ଆଗ୍ରିପ୍ପା, ମି ମୁମ୍ଦ ତାତାଂନ୍ନା; ୨୭ ଇନାକିଦେଂକି ବସିତଂ ପକ୍ତିନି ସମୁତ ତା ବିରୁଦ୍ତ ଦାବାକାଂ ଇନ୍ଝି କାଜିଂ ନାଙ୍ଗେଙ୍ଗ୍ ମେହାଆଝି ଲାକେ ବୁଜା ଆଦନାତା ।”

୨୬

ଆଗ୍ରିପ୍ପାତି ମୁମ୍ଦ ପାଉଲ୍ଡି ଜାର୍ଡିଂ ହେଲାୟ୍ କିନାକା

୧ ହେବେଣ୍ଡାଂ ଆଗ୍ରିପ୍ପା ପାଉଲ୍ଡିଂ ଇଚାନ୍, “ନିଙ୍ଗେଙ୍ଗ୍ ଜାର୍ ପାକ୍ୟାତ କାତା ଇନି କାଜିଂ ହେଲ ହିଆତାଡ଼ । ହେ ଏଚେକାଡ଼ଦ୍ ପାଉଲ୍ କେଇ ମେଲାୟ୍ କିଜି ଜାର୍ ପାକ୍ୟାତ ଇଞ୍ଜେଙ୍ଗ୍ ଲାଗାତାନ୍,”

୨ “ଏ ରାଜା ଆଗ୍ରିପ୍ପା, ଜିହୁଦିର୍ ନା ବିରୁଦ୍ତ ଇମ୍ଫା ଝିଜୁ ଦାବା କିନାରା, ହେ ବିସ୍ତେ ଆନ୍ ଜେ ନେଞ୍ଜେଙ୍ଗ୍ ନି ଲାଗେ ଜାତ୍ ଇଞ୍ଜି ଝେଚେଙ୍ଗ୍ ପାବ୍ ପାୟାତାଂନା, ଇଦାଂ କାଜିଂ ଆନ୍ ଜାର୍ଡିଂ ଝାରି ବାବି କିନାଙ୍ଗା, ୩ ବେସିଆତିସ୍ ଇ ଇନାକିଦେଂକି ଜେ, ଏନ୍ ଜିହୁଦିର୍ ବିତ୍ତେ ଚାଲାତି ସବୁ ରିଡିନିତି ଆରି ମାନ୍ ବିସ୍ତେ ବେସି ପୁନାୟ୍; ଇଦାଂ କାଜିଂ ସାସ୍ ଆଜି ନା କାତା ଝେଞ୍ଜେଙ୍ଗ୍ କାଜିଂ ଆନ୍ ନିଂ ଗଝାରି କିଦନାଙ୍ଗା ।

୪ ବେଣ୍ଟୁଆ କାଡ଼ତା° ଆଗେତା° ଜାର ଜାତି ବିତ୍ରେ ଆରି ଜିରୁସାଲମ୍ତ ନା ଆଚାର୍ ଚିନ୍ତା ଜିହୁଦିର୍ ଝିଜାକାର୍ ପୁନାର୍; ୫ ହେଝାର ନାଜେଙ୍ଫ ପର୍ତୁମ୍ତା° ପୁନଞ୍ଜି ମାଟିସ୍ ଜଦି ଇଚା କିନାନ, ଝାଟିଙ୍ଫ ସାକି ହିଜି ଆଡ଼ନାର୍ ଜେ, ଆନ୍ ମା ଦରମ୍ନି ସବୁତା° ଆର୍ଝା ମାନ୍ ଇସାପ୍ରେ ପାରୁସି ଆଜି ଜିଜି ମାରା° ।” ୬ ଆରେ, ମା ଆବା ଲାତ୍ରା ଲାଗାଙ୍ଫ ଇସ୍ଵର ଇମ୍ଫଣି ପାର୍ମାଣ୍ କିଜି ମାଚାନ୍, ହେ ପାର୍ମାଣ୍ଠି ବାସ୍ କାଜି° ଆନ୍ ବିଚାର୍ ଆନି କାଜି° ନଙ୍ଫ ନିଲ୍ତା°ନ୍ନା । ୭ ମା ବାର୍ ପାର୍ତାନା ହେ ପାର୍ମାଣ୍ଠି ପାଡ଼୍ ଗାଟାନି ଆହାତ ଝେଡ଼ାନାଣା ର ମାନ୍ତ ଇସ୍ଵରତି ପାର୍ତାନା କିନାରା । ଏ ରାଜା, ବାସ୍ କାଜି° ଆନ୍ ଜିହୁଦିର୍ତି ହୁଦା° ଦାବା ଆନାଙ୍ଫା । ୮ ଇସ୍ଵର ଜେ ହାତାକାରିଙ୍ଫ ନିକ୍ତାନ୍ନା, ହେଦା° ଇନାକିଦେ° ଏପେଙ୍ଫ ବିଚାର୍ତ ପାଡ଼୍ କିଝାକାଦେର୍ ଇଞ୍ଜି ବୁଜା ଆନାତା ?

୯ ☆“ନାଜରିତିୟ ଜିସୁତି ତର୍ ବିରୁଦ୍ତ ନାଦା° ଆଦିକ୍ କାମାୟ୍ ଜେ ମାନାଡ଼୍, ଇଦା° ଆନ୍ ନିଜେ ବାବି କିଜି ମାଚାଙ୍ଫ । ୧୦ ଆରେ, ଜିରୁସାଲମ୍ତ ଆନ୍ ଇଦା° ପା କିଜି ମାଚାଙ୍ଫ, ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ପାୟା ଆଜି ପୁଇପୁୟାର୍ ବିତ୍ରେ ଆଦେକ୍ତି° ଜଇଲ୍ତ ଗେସ୍ସି କିଜି ମାଚାଙ୍ଫ, ଆରେ, ହେଝାର୍ତି ପାରାଣ୍ ଦାଣ୍ ସମୁତ ଆନ୍ ପା ହେଝାର୍ତି ବିରୁଦ୍ତ ନା ମାନ୍ ପାକ୍ୟାତା° ହିଜି ମାଚାଙ୍ଫ, ୧୧ ଆରେ ଝିଜୁ କୁରୁମ୍ ଇଞ୍ଜି ରଗତି° ରଗ ହେଝାରି° ଡାଣ୍ ହିଜି ଜିସୁତି° ନିନ୍ଦା କିନି କାଜି° ହେଝାରି° ବଲକ୍ଵାର୍ କିଜି ମାଚାଙ୍ଫ, ଆରେ ହେଝାର୍ତି ବିରୁଦ୍ତ ବେସି ବାତା ଆଜି ବିଦେସ୍ନି ଗାଡ଼କୁ ପାଡେକ୍ ପା ହେଝାରି° ନିନ୍ଦା କିଜି ମାଚାଙ୍ଫ ।”

**ନିଜ୍ଠି ବାଦ୍ଲାଇୟ୍ ଆନି ବିସ୍ଵେ ପାଉଲ୍ତି ଇନାକା
(ପଦ୍ୟାତାକା ୯:୧-୧୯; ୨୨:୬-୧୬)**

୧୨ “ଇ ଇସାପ୍ରେ ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ଆରି ବଲ୍ ଆକି ଅଜି ଦମ୍ଫେସକ୍ତ ହାନି ସମୁତ, ୧୩ ଏ ଏଗ୍ରିପା ରାଜା, ମୁଣ୍ଡାମେଦାନ୍ କାଡ଼୍ଦ ହାଜି ବିତ୍ରେ ଆକାସ୍ତା° ଆଦିକ୍ ଡିଞ୍ଜିନାକା

☆ ୨୨:୫ ୨୨:୫ ପଦ୍ୟାତାକା ୨୩:୬; ପିଲିପିୟ ୩:୫. ☆ ୨୨:୯ ୨୨:୯ ପଦ୍ୟାତାକା ୮:୩; ୨୨:୪,୫.

ଅଜଡ଼୍ ଆରି ନା ଉପକାର ନିକାରିରିଂ ଚାରିବେଣ୍ଡାଂ ଚଞ୍ଚ୍ୟାନାକା ହୁଡ଼ତାଂ । ୧୪ ଆପେଂ ଝିଜାପ୍ ମେଦନିତ ଗୁତଲେ, ଆନ୍ ଏବ୍ରି ବାସାତ ନା କାଜିଂ ଇ ବେଣ୍ଡ ଝେଚାଙ୍ଗ୍, ସାଉଲ୍, ସାଉଲ୍, ଇନାକିଦେଂ ମାଂ ଇଣ୍ କିଦନାୟା ? ତିଡ଼ି ବେଡ଼ଗାତ ଲାଡ଼ ଇଡ଼ନାକା ନି ପାକ୍ୟାତ କସ୍ ।” ୧୫ ହେବେଣ୍ଡାଂ ଆନ୍ ଇଚାଙ୍ଗ୍, “ମାପୁ, ଏନ୍ ଇମ୍ଣାକାୟା ?” ଲାଗିଂ ମାପୁ ଇଞ୍ଚାନ୍, “ଇମ୍ଣା ଜିହୁଙ୍ଗ୍ ଏନ୍ ଇଣ୍ କିନାୟା, ଆପ୍ ହେଝାଙ୍ଗ୍ । ୧୬ ମତର୍ ନିଙ୍ଗା, ପାନାତ ସାଲ୍ଲି ହିଜି ନିଲ୍ଲା, ଇନାକିଦେଂକି ଆପ୍ ନିଙ୍ଗେଙ୍ଗ୍ ମା ହେବା କିନାକାର୍, ଆରେ ଏନ୍ ମା ଇମ୍ଣା ଇମ୍ଣାକା ହୁଡ଼ତାୟାନା ପାୟା ଆତାଇନା ଆରି ଗାଟାନାୟା, ହେ ଝିଜୁ ବିସ୍ତେ ସାକି ଲାକେ ବାଟି କିଦନି ଇସାପ୍ରେ ନିଂ ଚଞ୍ଚ୍ୟା ଆଡ଼ତାପ୍ । ୧୭ ଇମ୍ଣା ଜିହୁଦି ଆରି ପାଡ଼ି କିଝି ଜିହୁଦିର୍ ମାନାୟାର୍ ତାକେ ଆନ୍ ମିଙ୍ଗେଙ୍ଗ୍ ପକତାନାଂ, ହେଝାର୍ତାକେଣ୍ଡାଂ ଆନ୍ ମିଙ୍ଗେଙ୍ଗ୍ ଉଦାର୍ କିଦନାଙ୍ । ୧୮ ଇନେସ୍ ମାଜ୍ଗାତାଂ ଅଜଡ଼୍ କାଜିଂ ଆରି ସୟତାନନି ସାଲ୍ଲିତାଂ ଇସ୍ପୁଡ଼ି ନିପ ମାସ୍ଦାନାର୍, ଆରେ ପାପ୍ କେମା ଆରି ମା ତାକେ ପାଡ଼ି ହୁଦାଂ ପୁଇପୁୟା କିତି ଲକୁ ବିଡ୍ରେ ଆଦିକାର୍ ପାୟା ଆନାର୍,” ହେଦାଂ କାଜିଂ ହେଝାର୍ତି କାଣ୍ଡୁ ହୁଡ଼ିକିନି କାଜିଂ ଆପ୍ ନିଂ ହେଝାର୍ତି ତାରେନ୍ ପକ୍ତାନାପା, ଆରେ ଆପ୍ ନିଂ ହେଝାର୍ ତାଙ୍ଗ୍ ରାକ୍ୟା କିଦନାପ୍ ।

ଜାର୍ତିଂ କାମାୟ ବିସ୍ତେ ପାଉଲ୍ଡି ବାକ୍ଣାୟା

୧୯ “ଲାଗିଂ, ଏ ରାଜା ଆଗ୍ରିପ୍ପା, ଆନ୍ ହେ ସାଗେନି ଚଞ୍ଚ୍ୟାନାକା ଉଡ଼ାଦେଂ ଆଡ଼ଝାଦାଂ, ୨୦ *ମତର୍ ପର୍ତୁମ୍ତ ଦମ୍ବେସକନି ଆରି ଜିରୁସାଲମ୍ନି ମାନାୟାର୍ ଲାଗାଂ, ପାଚେ ଜିହୁଦା ରାଜିନି ଝିଜୁ ନିପ, ଆରେ ପାଡ଼ି କିଝି ଜିହୁଦିର୍ ଲାଗାଂ ପା ସୁଣାୟା କିଦେଙ୍ଗ୍ ଲାଗାତାଂ, ଇନେସ୍ ହେଝାର୍ ମାନ୍ବାଦ୍ଲାୟା କିଜି ଇସ୍ପୁଡ଼ି କାଜିଂ ମାସ୍ଦି ଝାନାର୍ ଆରି ମାନ୍ବାଦ୍ଲାୟାନି ହାଦିଂ କାମାୟ କିନାନ୍ । ୨୧ ଇ କାରଣ୍ଡାଂ ଜିହୁଦିର୍ ମନ୍ଦିର୍ ବିଡ୍ରେ ନାଙ୍ଗ୍ ଆସ୍ତି ଅସ୍ତେଦେଂ ସେସ୍ଟା କିଜି ମାଟାର୍ । ୨୨ ଲାଗିଂ, ଇସ୍ପୁଡ଼ି ତାକେ ସାୟଜ ପାୟାଜି ଆନ୍ ନେଞ୍ଜେଙ୍ଗ୍ ପାଚେକ୍ ହାରୁ ଆରି ଗାଜା ଝିଜାର୍ ଲାଗାୟା ସାକି ହିଜି ଝାନାଙ୍ଗା, ଆରେ ବେଣ୍ଡବାକ୍ଣାୟାକିନାକାର୍ ଆରି ମସାଂ ଇନାକା

☆ ୨୭:୨୦ ୨୭:୨୦ ପକ୍ୟାତାକା ୯:୨୦,୨୮,୨୯.

ଇନାକା ଗିରାନାଡ଼ ଇଞ୍ଜି ଇଚାଣ୍ଣା, ହେ ସବୁ ପିସ୍ତ୍ର ଆରେ ଇନାକାପା ଇନୁଙ୍ଗା, ^{୨୩} ଇଚିସ୍ କ୍ରିସ୍ ନିଜେ ଦୁକ୍‌ବଗ୍ କିଜି ଆରେ, ପର୍ତ୍ତୁମ୍ ହାତାକାର୍ ବିତ୍ରେତା° ଆରେ ନିନାକା ଜିହୁଦି ଆରି ପାତର୍ କିଞ୍ଜି ଜିହୁଦିର୍ ଲାଗାୟ୍ ମୁକ୍‌ଡାନି ଅଜଡ଼୍ ହପ୍‌ତାନ୍ ।”

^{୨୪} ଇ ଲାକେ ହେଞ୍ଜାନ୍ ଖାସ୍ତିପାକ୍ୟାନି କିଜିମାନି ସମୁତ ପେସ୍ଟ ଗାଜା କାଟ୍‌ତା° ଇଚାନ୍, “ପାଉଲ୍ ଏନ୍ ବାୟାଡି; ବେସି ବିଦ୍ୟା ନିଙ୍ଗେଙ୍ଗ୍ ବାୟା କିଦ୍‌ନାତା ।”

^{୨୫} ମତର୍ ପାଉଲ୍ ଇଚାନ୍, ଏ ଗାଜାଲଗୁ ପେସ୍ଟ, “ଆନ୍ ବାୟା ଆକାୟ୍, ମତର୍ ହାଡ଼ପାନେ ଆରି ତିର୍ ବୁଦିନି ବଚନ୍ ବାକ୍‌ଶାୟ୍ କିନାଙ୍ଗା । ^{୨୬} ରାଜା ତ ଇ ଓଜୁ ବିସ୍ତେ ପୁନାନ୍, ଆରେ ଆନ୍ ତା ଲାଗେ ପା ସାସ୍ତ କାତା ଇନାଙ୍ଗା, ଇନାକିଦେ°କି ଇ ଓଜୁ ବିସ୍ତେ ଇମ୍‌ଶାକା ପା କାତା ହେଞ୍ଜାଡ଼ି ପୁନଞ୍ଜାତାକା ଆକାୟ୍ ଇଞ୍ଜି ନା ପାତର୍; ଇଦା° ତ ଡ଼ଗୁଜି କିୟା ଆଞ୍ଜାତାଡ଼ନା । ^{୨୭} ଏ ରାଜା ଆଗ୍ରିପ୍‌ପା, ଏନ୍ ଇନାକା ବେଶ୍‌ବାକ୍‌ଶାୟ୍‌କିନାକାର୍ ପାତର୍ କିନାୟା ? ଏନ୍ ପାତର୍ କିନାୟା ଇଞ୍ଜି ଆନ୍ ପୁନାଙ୍ଗ୍ ।”

^{୨୮} ହେବେଣ୍ଡା° ଆଗ୍ରିପ୍‌ପା ପାଉଲ୍‌ତି° ଇଚାନ୍, “ଅଲପ୍ ସମୁତ ଏନ୍ ମାଙ୍ଗେଙ୍ଗ୍ କ୍ରିସ୍ଟିୟାନ୍ କିଦେଙ୍ଗ୍ ଆଡ଼ନାୟ୍ ଇଞ୍ଜି ବାବି କିନାୟା ।”

^{୨୯} ପାଉଲ୍ ଇଚାନ୍, “ଅଲପ୍ ଆୟେଡ଼ କି ବେସି ଆୟେଡ଼, କେବଲ୍ ଏନ୍ ଆକାୟ୍, ମତର୍ ଏଚେକ୍ ଲଗୁ ନେଞ୍ଜେଙ୍ଗ୍ ନା କାତା ଖେନାରା, ଇନେସ୍ ହେଞ୍ଜାର୍ ଓଜାର୍ ପା ଇ ଗାଟି ପିସ୍ତ୍ର ନା ଲାକେ ଆନାର୍, ଆତିସ୍ ପା ହିକ୍‌ଡି°ତା° ଗାଟ୍‌ୟା ଆଏର୍ ଇଦା° ଆନ୍ ଇସ୍‌ବର୍ତ୍ତି ଲାଗାୟ୍ ପାର୍ତାନା କିନାଙ୍ଗା ।”

^{୩୦} ହେବେଣ୍ଡା° ରାଜା, ସାସନ୍‌କାରୟା, ବଣ୍ଟି°କି ଆରି ହେଞ୍ଜାର୍ ହୁଦା° କୁର୍ଚି ମାନି ମୁଣିକାର୍ ନିଙ୍ଗି ହାଲ୍‌ଜି ମାଚାର୍ ^{୩୧} ବିନେ ଆଜି ହାରି କାତାବାଡ଼ା କିଉ କିଉ ଇଚାର୍, “ଇ ମାନାୟ୍ ହାକି କି ହିକ୍‌ଡ଼ି ଗାଟ୍ୟାନି ଜଗ୍ ଇମ୍‌ଶାକା ପା କାମାୟ୍ କିଞ୍ଜାତାନ୍ନା ।” ^{୩୨} ଆରେ, ଆଗ୍ରିପ୍‌ପା ପେସ୍ଟୁଙ୍ଗ୍ ଇଚାନ୍, “ଇ ଲକ୍ ଜଦି କାଈସର୍ତ୍ତି ମୁମ୍‌ଦ ବିଚାଣ୍ଣା ଆନି କାଜି° ପାର୍ତାନା କିଞ୍ଜାଦା° ମାଟିସ୍, ତେବେ ମୁକ୍‌ଡାୟ୍ କିଦେଙ୍ଗ୍ ଆତ୍ୟାତାଡ଼ମା ।”

୨୭

ପାଉଲ୍‌ତିଂ ଏସ୍ ଜାଜ୍‌ତାଂ ରମ୍‌ତ ହାନାକା

୧ ଏଚେକାଡ୍‌ଦ ଆପେଂ ଜାଜ୍‌ତ ଦୁମ୍‌ଜି ଇତାଲିଆତ ହାନି କାଜିଂ ବିଚାର୍ ମାଚାଡ୍, ହେ ଏଚେକାଡ୍‌ଦ ପାଉଲ୍ ଆରି ବିନେ ଏଚେକ୍ ଗାଚ୍‌ୟାତି “ରାଜାଣ୍ଟିଂ ମେଲ୍ୟାର୍ କୁଦାନି ଜୁଲିଅ ତରନି ରଞ୍ଜାନ୍ ପାଞ୍ଚକଡ୍‌ଡି ମୁସ୍ତିଦାର୍‌ତି କେଇଦ ହେଲ୍ୟାୟ୍ ଆତାନ୍ ।” ୨ ହେବେଶ୍ଟାଂ ଆସିଆ ହାରୁ ଗୁଚିତ ବାରବିନି ବାହାତ ହାନି କାଜିଂ ହଡ୍‌ତି ର ଆଦ୍ରାମୁତିୟ୍ ଜାଜ୍‌ତ ଆପେଂ ଦୁମ୍‌ଜି ଜାଜ୍ ରିକ୍‌ଚି ତୁହିତାପ୍; ଆରେ, ମାକିଦନିଆନି ଆରିସ୍ତାର୍‌କ୍ ତରନି ରଞ୍ଜାନ୍ ତେସ୍‌ଲନିକିୟ୍ ଲଗୁ ମା ଲାହାଙ୍ଗ୍ ମାଚାନ୍ । ୩ ଆର୍କାଡ୍ ନାଞ୍ଜିଙ୍ଗ୍ ଆପେଂ ସିଦନ୍‌ତ ଏକାତାପ୍, ଆରେ ଜୁଲିଅ ପାଉଲ୍‌ତି କାଜିଂ ଦୟା ଚିନ୍ତା କିଜି ଜାର୍ ହାଙ୍ଗ୍‌ଦାକାର୍ ଇସ୍‌ବର ଲାଗେ ହାଲ୍‌ଜି ହେବା ପାୟାଦେଂ କାଜିଂ ହେଲ ହିତାନ୍ । ୪ ହେ ବାହାତାଂ ଜାଜ୍ ରିକ୍‌ଚି ଉଲ୍‌ଚି ଦୁକା ଆତିଲେ ଆପେଂ କୁପ୍‌ନି ଗୁଚି ଗୁଚି ଚାଲାଇ ୫ କିଲିକିୟା ଆରି ପଂପୁଲିଆ ହାଣ୍‌କୁତ ହାମ୍‌ଦୁର୍ ନାସି ଲୁକିଆନି ମୁରାତ ଗାଡ୍‌ଦ ଖାତାପ୍ । ୬ ହେବେ ପାଞ୍ଚକଡ୍‌ଡି ମୁସ୍ତିଦାର୍ ଇତାଲିଆତ ହାଲ୍‌ଜି ମାନି ର ଆଲେକ୍‌ଜାଣ୍ଡ୍ରିୟ୍ ବାହାନି ତର ଜାଜ୍ ଗାଚାଜି ହେବେତାଂ ମାଙ୍ଗେଙ୍ଗ୍ ଦୁପ୍‌ତାତାର୍ ।

୭ ପାଚେ ଆଦେକ୍ ଦିନ୍ ପାତେକ୍ କାଲେ କାଲେ ହାଲ୍‌ଜି କସ୍‌ତ ଏସ୍‌କୁପ୍‌ଲି କ୍ରିଦର୍ ହାଣ୍‌କୁତ ଏକିସ୍ ଦୁକା ମାଙ୍ଗେଙ୍ଗ୍ ଆଗେ ହାଞ୍ଜେଙ୍ଗ୍ ପିସ୍ତି ହିଦ୍‌ଝିତିଲେ ସାଲ୍‌ନିନି ହାଣ୍‌କୁ ହିଜି କ୍ରିତିନି ଗୁଚି ଗୁଚି ହାଚାପ୍, ୮ ଆରେ କସ୍‌ତ ଗୁଚି ଗୁଚି ହାଲ୍‌ଜି “ହଲ୍‌ନି ବାନ୍‌ନି ତରନି ର ବାହାତ ଖାତାପ୍, ଲାସାୟା ବସ୍ତି ହେବେଶ୍ଟାଂ ଲାଗେ ମାଚାଡ୍ ।”

୯ ଇ ଲାକେ ଆଦେକ୍ ସମ୍‌ ଝିସ୍ତାଡ୍, ଆରେ ଏସ୍‌ଚାଲା ଆଦେଂ ନଙ୍ଗ୍ ଦୁକ୍‌ନି ଦିନ୍ ପଡାତାଡ୍, ଇନାକିଦେଂକି ହେ ଏଚେକାଡ୍‌ଦ ଉପାସ୍ ପାର୍ବୁ ଝିସ୍‌ସି ମାଚାଡ୍ । ଲାଗିଂ ପାଉଲ୍ ହେଞ୍ଜାରିଂ ଜାଗ୍ରଡ୍ କିଜି ଇଚାନ୍, ୧୦ “ଗାଜା ଲକ୍‌ବୁର୍, ଇ ଏସ୍‌କାଂ ହାନିହିଂ ଜେ କେବଲ୍ ମାଲ୍ ଆରି ଜାଜ୍‌ନି ନସ୍ତି ଆନାଡ୍, ହେଦାଂ ଆକାୟ୍, ମତର୍ ମା ଜିରୁନ୍‌ତ ପା ଜେ ନସ୍ତି ଆରି ପର୍ବୁ ଆନାଡ୍, ଇଦାଂ ଆନ୍ ପୁନାଙ୍ଗା ।” ୧୧ ମାତର୍ ମେଲ୍ୟା ପାଉଲ୍‌ତି କାତାତ ପାତ୍ କିଞ୍ଜାଦାଂ ଜାଜ୍‌ନି ଗୁମ୍‌ସ୍ତା ଆରି ଜାଜ୍‌ନି

ହାଉକାର କାତାତ ରାଜି ଆତାର । ୧୭ ଆରେ, ହେ ଜାଜ୍ ଟେବାନି ବାୟ୍ ପିନି କାଡ଼୍ ହାଟିକିଦେଂ କାଜିଂ ସୁବିଦା ହିଲ୍‌ଝିତିଲେ ଇନେସ୍‌ପା ବାନିତ ପୈନିକ୍‌ସ୍‌ତ ଏକିସ୍ ହେବେ ପିନି କାଡ଼୍ ହାଟ୍‌ରେଙ୍ଗ୍ କାଜିଂ ହେବେତାଂ ଜାଜ୍ ପିସ୍‌ସେଙ୍ଗ୍ ଆଦେକ୍ ଲଗୁ ବୁଜାମୁଣା କିତାର୍; ହେ ପୈନିକ୍‌ସ୍ କ୍ରିତିନି ର ଜାଜ୍ ଟେବାନି ବାୟ୍, ହେଦାଂ ଦିଗ୍-ଝେଡ଼ାହନି ଆରି ଝେଡ଼ାହାନି ଝେଡ଼ାହନି ନିପ ।

ହାମ୍‌ଦୁରତ ଦୁକା

୧୩ ପାଚେ ଦିଗିନି ଦୁକା କାଲେ କାଲେ ଆତିଲେ ହେଝାର୍ ଜାର୍ ଜାର୍‌ତି ମାନ୍ତାକା ପୁରା ଆତାତ୍ ଇଞ୍ଜି ମାନେ କିଜି ଗୁଲ୍‌ପେଟି ଗାଚ୍ୟାସି ମାନି ଗାଜା ତରିତାଂ ତଙ୍ଗାତିଂ ଜେଲ୍‌ନାକା ଗେଙ୍ଗ୍‌ଜି କ୍ରିତିନି ଗୁଟିତ ବେସି ଲାଗେ ହିଜି ହାଞ୍ଜେଙ୍ଗ୍ ଲଗାତାର୍ । ୧୪ ମତର୍ ଅଲପ୍ ସମ୍ ପାଚେ, ଇନେରିଂ ଇଉରକ୍‌ଲ ଇଞ୍ଜି ଇନାର୍, ହେ ଜବର୍ ଦୁକା ଗୁଟିତ ହାଲ୍‌ଜି ବାଦା କିଦେଙ୍ଗ୍ ଲାଗାତାତ୍ । ୧୫ ଜାଜ୍ ତ୍ତୁତ ଆଜ୍ ଦୁକାନି ମୁକାମୁକି ଆଦେଂ ଆଡ଼୍‌ଝିତିଲେ ଆପେଂ ତାଙ୍ଗେଙ୍ଗ୍ ବଡ଼ାଜି ହାଞ୍ଜେଙ୍ଗ୍ ପିସ୍‌ସିତାପ୍ । ୧୬ ଆରେ, କ୍ଲାଉଦ ତରନି ର ହାରୁ ଏସ୍‌କୁପଲିନି ଜମ୍‌ନି ବାହାତ ହାଲ୍‌ଜି କସ୍‌ତାଂ ଜାଜ୍‌ନି ତଙ୍ଗାମୁଣ୍ଡିତିଂ ଆସ୍ତି ରାକ୍ୟା କିଦେଙ୍ଗ୍ ଆଡ଼‌ତାପ୍, ୧୭ ଆରେ ହେଝାର୍ ହେଦେଲିଂ ନିକ୍‌ତି ଅତି ପାଚେ ବେସି ଉପାୟ୍‌ତ ଜାଜ୍‌ତିଂ ତାରେନ୍ ଅଜି ହାଲ୍‌ଜି ଗାଟ୍‌ଗାର୍, ଆରେ ଏଚେକାଡ଼୍‌ଦ ହେଝାର୍ ସୁତ ତରନି ବାଲିତ ଲାଗାନାତ୍ ଇଞ୍ଜି ପାଣ୍ଡାଜି ପାଟାଂ ତୁହିଜି ବଡ଼ାଦେଂ ଲାଗାତାର୍ । ୧୮ ତ୍ତୁତ ମାଦାଂ ବେସି କସ୍ ଆତିଲେ ତା ଆକାଡ଼ ନାଜିଂ ଗାଟ୍‌ଝାଡ଼ାର୍ ଜିନିସ୍ ତୁହିଦେଂ ଲାଗାତାର୍, ୧୯ ଆରେ ଆକାଡ଼ ନାଜିଂ ଜାର୍ କେଇଦ ଜାଜ୍‌ନି ଜିନିସ୍‌ସିଂ ସବୁ ତୁହିତାର୍ । ୨୦ ବେସି ଦିନ୍ ପାଚେକ୍ ଝେଡ଼ା କି ହୁକାଂ ଚଞ୍ଜିଝିତିଲେ, ଆରେ ଜବର୍ ହୁଜାଝାଣି ଲାଗାଜି ମାଟିଲେ ହାରିହାରା ମା ରାକ୍ୟା ପାୟ୍‌ନାକା ଝିଜୁ ବାସ୍ ଗୁରାଆତାତ୍ ।

୨୧ ଆରେ, ଝିଜାକାର୍ ବେସି ଦିନ୍ ପାଚେକ୍ ନାସ୍‌କି ମାନି ପାଚେ ପାଉଲ୍ ହେଝାର୍ ବିତ୍ତେ ଇଞ୍ଜି ଇଚାନ୍, “ଗାଜାଲକୁ, ନା କାତା ଆସ୍ତି କ୍ରିତିତାଂ ଜାଜ୍ ରିକ୍‌ଝାଦାଂ, ଆରେ ଇ ନାହାଁତାକା ଆରି କର୍ତ୍ ପୁରାୟ୍ କିନାକା ମାଦାଂ ମାତାତ୍ । ୨୨ ଇନାକା ଆୟ୍‌ଡ୍, ନଙ୍ଗ୍ ଆନ୍ ମିଙ୍ଗ୍

ଇଞ୍ଜନାଙ୍ଗା, ସାସ୍ ଆହାଟ୍, ଇନାକିଦେଂକି ମି ବିତ୍ରେ ଇନେରତ୍ ଜିବୁନ୍ ନାସ୍ ଆଉଡ୍, କେବଲ୍ ଜାଜ୍ ନସ୍ ଆନାଡ୍ । ୨୩ ଲାଗିଂ ଆନ୍ ଇମ୍‌ଣି ଇସ୍‌ରତି ଲଗୁ, ଆରେ ଇନେରତ୍ ବିତ୍ରେ ଆନ୍ ପାର୍ତ୍ତାନା କିନାଙ୍ଗ୍, ହେଝାନ୍ତି ରଞ୍ଜେଲ୍ ଦୁଡ୍ ଇ ନାଣାତ ନା ଲାଗାୟ୍ ଇଞ୍ଜ ଇଞ୍ଜାନ୍, ୨୪ ପାଉଲ୍ ପାଣ୍ଡା ଆମା; କାଇସ୍‌ରତି ମୁମ୍‌ଦ ନିଂ ନିଲ୍‌ତେଂ ଆନାଡ୍, ଆରେ ହୁଡା, ନି ହାଂହାନାକାର୍ ଝିଜାରିଂ ଇସ୍‌ର ମିଙ୍ଗ୍ କେମା କିଡ୍‌ତାନ୍‌ନା । ୨୫ ଲାଗିଂ, ଟଣ୍ଡାର୍, ସାସ୍ ଆହାଟ୍, ଇନାକିଦେଂକି ଇସ୍‌ର ତାକେ ନା ପାତ୍ ମାନାଡ୍ ଜେ, ନାଙ୍ଗେଙ୍ଗ୍ ଇନେସ୍ ଇନ୍‌ୟା ଆତାଡ୍‌ନା, ସମାନ୍ ହେ ଲାକେ ଗିଟାନାଡ୍ । ୨୬ ମତର୍ ମାଂ ଇମ୍‌ଣାକା ପାର ଏସ୍‌କୁପ୍‌ଲିତ ହାଲ୍‌ଜି ଲାଗାୟ୍ କିତାର୍ ।”

୨୭ ଇ ଲାକେ ଆପେଂ ଆଦ୍ରିଆ ହାମ୍‌ଦୁରତ ଇଣ୍ଡିଙ୍ଗ୍ ହାଣ୍ଡିଙ୍ଗ୍ ଚାଲା ଆଉ ଆଉ ଏଚେକାଡ୍‌ଦ ଚଉଦ ଦିନ୍ ନାଣା ଏକାଝାତାଡ୍, ହେ ଏଚେକାଡ୍‌ଦ ମାଦିମାଦା ନାଣା ସମୁତ ଗାଟ୍‌ଝାଡାର୍ ଇମ୍‌ଣି ବାଟାତ ଲାଗେ ଆନାରା ଇଞ୍ଜି ଆନ୍‌ମାନ୍ କିତାର୍ । ୨୮ ଲାଗିଂ ହେଝାର୍ ଲାଜ୍‌ଜି ସହେ କୁଡେ ପୁଟ୍ ଏଜୁଙ୍ଗ୍ ଗାଟାତାର୍, ଆରେ ଅଲପ୍ ଆଗେ ହାଲ୍‌ଜି ଆରେ ରଗ ଲାଜ୍‌ଜି ନବେ ପୁଟ୍ ଏଜୁଙ୍ଗ୍ ଗାଟାତାର୍ । ୨୯ ଏଚେକାଡ୍‌ଦ ଆସେଙ୍ଗ୍ ଇମ୍‌ଣି କାଲ୍‌କୁକୁଡି ବୁମିତ ହାଲ୍‌ଜି ଆର୍‌ନାସ୍, ଇ ପାଣ୍ଡାଜି ହେଝାର୍ ପାଟ୍‌ପାଡ୍‌କାତାଂ ଚାର୍‌ଗଟା ଆକ୍‌ସା ତୁହିଜି ମେଦାନ୍ ପାର୍ତ୍ତାନା କିଜି ମାଟାର୍ । ୩୦ ଆରେ, ଗାଟ୍‌ଝାଡାର୍ ଜାଜ୍‌ନି ହାଣ୍ଡିକ୍‌ବାଗ୍‌ତାଂ ଆକ୍‌ସା ତୁହିନି ଚାଲ୍‌କିତ ତଙ୍ଗାମୁଣ୍ଡିତାଂ ହାମ୍‌ଦୁରତ ଜୁଡ୍‌ତି ଜାଜ୍‌ତାଂ ହନ୍‌ତି ହାଞ୍ଜେଙ୍ଗ୍ କାଜିଂ ସେସ୍‌ କିତାର୍, ୩୧ ପାଉଲ୍ ମୁସ୍‌ସିଦାର୍ ଆରି ମେଲ୍ୟାରିଂ ଇଚାନ୍, “କେଉଟାର୍ ଜାଜ୍‌ତ ମାନ୍‌ଝିତିସ୍ ଏପେଙ୍ଗ୍ ରାକ୍ୟା ପାୟାଦେଂ ଆଡୁଦେର୍ ।” ୩୨ ହେବେଣ୍ଡାଂ ମେଲ୍ୟାର୍ ତଙ୍ଗାନି ଡରି ସବୁ ରାସ୍‌ଦି ହେଦେଲିଂ ଏଜୁକାଂ ତୁହିଡାର୍ ।

୩୩ ଆରେ, ଝେଡା ଆଜି ଝାଜିମାନି ପାତେକ୍ ପାଉଲ୍ ହେଝାରିଂ ଅଲପ୍ ଚିଞ୍ଜେଙ୍ଗ୍ କାଜିଂ ଝାରିକିୟ୍ କିଜି ଇଚାନ୍, “ନେଞ୍ଜେଙ୍ଗ୍‌ତାଂ ଚଉଦ ଦିନ୍ ଆତାଡ୍ ଏପେଙ୍ଗ୍ କାସି ମାନ୍‌ଞ୍ଜି ମୁଡେ ତିନ୍‌ଝାଦାଂ ନାସ୍‌କି ମାନାରା । ୩୪ ଲାଗିଂ କାଦି କିନି କାଜିଂ ଆନ୍ ମିଙ୍ଗେଙ୍ଗ୍ ଉପ୍‌ଦେସ୍ ହିଦ୍‌ନାଙ୍ଗା, ଇନେକିଦେଂକି ହେଦାଂ ମି ମୁକ୍ତି କାଜିଂ ଲଡା; ଲାଗିଂ ମିଦାଂ ଇନେରତି କାପ୍‌ଡାନି ର ତେମୁଲ୍ ନସ୍ ଆଉଡ୍ ।” ୩୫ ପାଉଲ୍ ଇ ସବୁ କାତା ଇଞ୍ଜି

ରୁଚି ଅଜି ଝିଜାକାର ମୁମ୍ଦ ଇସ୍ବରତିଂ ଦନ୍ୟବାଦ୍ ହିଜି ହେଦାଂ ତ୍ରିକ୍ତି
ଚିଞ୍ଜେଙ୍ଗ୍ ଲାଗାତାର୍ । ୩୭ ହେବେ ହେଝାର୍ ଝିଜାର୍ ସାସ୍ ପାୟା ଆଜି
ଜାର୍ ଜାର୍ ପା ଚିଚାର୍ । ୩୭ ଆପେଂ ଜାଜତ ଝିଜାକାପ୍ ତେରକଡ଼ି
ସଉଲ ଜାଣ ଲକୁ ମାଚାପ୍ । ୩୮ ହେଝାର୍ ସାରି ଚିଚି ପାଚେ ହାମ୍ବୁରତ
ଗମ୍ ତୁହିଜି ଜାଜତିଂ ଉସାସ୍ କିଦେଙ୍ଗ୍ ଲାଗାତାର୍ ।

ଜାଜ ବିପଦ୍

୩୯ ଝେଡ଼ା ଆତିଲେ, ହେ ଦେସ୍ ହେଝାର୍ ଚିନା ଆଡ଼ଝାତାର୍, ମତର୍
ହେଝାର୍ ବାଲିଗୁଚି ମାନି ରଞ୍ଜାଙ୍ଗ୍ କଡ଼ୟ୍ ହୁଡ଼ଜି ଇନେସ୍ପା ଲାକେ
ହେବେ ଜାଜ ଟେବାୟ୍ କିଦେଙ୍ଗ୍ ଇଞ୍ଜି ସେସ୍ଟା କିଚାର୍ । ୪୦ ଲାଗିଂ
ହେଝାର୍ ଆକସା ସବୁ ରାସ୍ପଦି ହେଝାକାଂ ହାମ୍ବୁରତ ପିସ୍ପାର୍, ଆରେ
ହାଙ୍ଗେ ହାଙ୍ଗେ ମୁଣ୍ଡିନି ତରି ସବୁ ରିକ୍ତି ଦୁକା ନିପ ହାଞ୍ଜେଙ୍ଗ୍ ସେସ୍ଟା
କିଚାର୍ । ୪୧ ମାତର୍ ହେଝାର୍ ରି ହାମ୍ବୁର ମିହାଜି ମାନି ବାହାତ
ହାଲ୍ଜି ଆତ୍ ଲେ, ଜାଜ ଆକସା କୁଇଦ ଲାଗାତାଡ଼; ତା ହାଣ୍ଡୁନି
ବାଗ୍ ଲାଗାଜି ଚାଲାଝାତାଡ଼ଦେ, ମତର୍ ପାଚ୍ ବାଗ୍ନି ଲଡ଼ି ବେସି
କାଜିଂ ତ୍ରିଙ୍ଗ୍ଦେଂ ଲାଗାତାଡ଼ ।

୪୨ ହେ ଏତେକାଡ଼୍ଦ ଗେହ୍ୟାତାକାର୍ ବିତ୍ରେତାଂ ଇନେର୍ ଉମ୍ଜି
ହାନାର୍, ଇଦାଂ କାଜିଂ ହେଝାରିଂ ଅସ୍ତେଙ୍ଗ୍ କାଜିଂ ମେଲ୍ୟାର୍ ବିଚାର୍
କିଚାର୍, ୪୩ ମତର୍ ପାଞ୍ଚକଡ଼ି ମୁସ୍ତିଦାର୍ ପାଉଲ୍ଲଙ୍ଗ୍ ରାକ୍ୟା କିଦେଙ୍ଗ୍
ଇଚା ହେଝାର୍ତି ବାବ୍ନାତ ହେଝାରିଂ ଟେବାଝାଦାଂ ବଲ୍ ହିତାନ୍ ଜେ,
ଇମ୍ଣାକାର୍ ଉମ୍ଦେଂ ଆଡ଼ନାର୍, ହେଝାର୍ ହାମ୍ବୁରତ ଗୁମ୍ଜି ପର୍ଡୁମ୍
ମେଦ୍ନିତ ହାଲେର୍, ୪୪ ଆରେ ବାକିନିକାର୍ ବିତ୍ରେ ଇନେ ଇନେର୍
ପାଟାଂ ଆରି ଆରେ ଇନେ ଇନେର୍ ଜାଜ୍ନି ଇନା ଇନାକା ତ୍ରିଂତାକା
ଆସ୍ତି ହାଲେର୍ । ଇ ବାନି ଝିଜାର୍ ରାକ୍ୟା ହିଲ୍ଝି ମେଦ୍ନିତ ଏକାତାର୍
।

୨୮

ମାଲ୍ଡି ଏସ୍ବକୁପଲିତ ପାଉଲ୍

୧ ଆପେଂ ରାକ୍ୟା ପାୟାତି ପାଚେ ହେ ଏସ୍ବକୁପଲି ମେଲିତି ଇଞ୍ଜି
ପୁଚାପ୍ । ୨ ଆରେ, ବିଦେସି ମା କାଜିଂ ବେସି ଦୟା ଚର୍ଚାତାନ୍,
ଇନାକିଦେଂକି ବାହା ଆରି ପିନି ଆଜି ମାଚିଲେ ହେଝାର୍ ନାଣି ଆହି

କିଛି ମା ଓଜାରିଂ ଜିଉନତ୍ତାର । ୩୩ ମତର୍ ପାଉଲ୍ ପେଣ୍ଡା ଖେଜ୍‌ଗୁ
 ରୁଣ୍ଡାୟ୍ କିଛି ନାଣି ଜପି ତୁହିତିଲେ, କେଦନି କାଜିଂ ର କାଲାଟିରାତ୍
 ହସି ହେଖାନିଂ କେଇଦ କାପଟି ହୁରପିସ୍ ମାଚାତ୍ । ୪ ବିଦେସି
 ହେଖାନ କେଇଦ ହେ ଜାତ୍ ଜଲାଜି ମାନାକା ହୁଡ୍‌ଜି ହାରି ଇଞ୍ଜେଙ୍ଗ୍
 ଲାଗାତାର୍, “ଇ ଲକ୍ ହାତ୍‌ପା ନାର୍ ଅସ୍ତାକାନ୍, ହାମ୍‌ଦୁରତାଂ ରାକ୍ୟା
 ପାୟାତିସ୍ ପା ଦାରୁମ୍ ଇଖାନିଂ ଜିଜି ମାଞ୍ଜେଙ୍ଗ୍ ହିଞ୍ଜାତାତ୍ ।” ୫ ମତର୍
 ହେ ଜାତ୍‌ତିଂ ଡାଡ୍‌ତି ନାଣିତ ତୁହିତାନ୍, ଆରେ ହେଖାନ୍ତି ମୁଡ୍‌ତେ ନସ୍
 ଆଖାତାତ୍ । ୬ ହେଖାନ ଜେ ପୁଲାଆନାନ୍ କି ହାଚାଗ୍ରେ ହାନାନ୍, ଇଦାଂ
 ହେଖାର୍ କାସି ମାଚାର୍; ମତର୍ ବେସି ଖେଡ୍‌ତା ପାତେକ୍ କାସି ମାଚାର୍
 ପାଚେ ହେଖାନ୍ତି ଇମ୍‌ଣାକା ପା ନସ୍ ଆଖାକା ହୁଡ୍‌ଜି ହେଖାର୍ ଜାର୍
 ଜାର୍ ମାନ୍ ବାଦ୍‌ଲାୟ୍ କିଛି ଇଚାର୍, “ଇଖାନ ରଖାନ ମାପୁ ।”

୭ ହେ ବାହିନି ଲାଗେ ପୁଲ୍ଲିୟ୍ ତରନି ହେ ଏସ୍‌କୁପ୍‌ଲିନି ମୁଡ୍
 ମୁଣିକାତ୍ ଇଲ୍ ଆରି ତାରେନ୍ ମାଚାତ୍; ହେଖାନ ମାଙ୍ଗେଙ୍ଗ୍ ଇଡ୍‌ଜି
 ତିନି ଦିନ୍ ପାତେକ୍ ଖାରିତାଂ ଗୁଣ୍ କିଛି ମାଂ ବେବାର୍ କିତ୍‌ତାର୍ । ୮ ହେ
 ସମୁତ ପୁଲ୍ଲିୟ୍‌ତି ଲାତ୍ରାହି ନମେର୍ ଆରି ବାନ୍ଦାଣ୍ଡିଂ ନାଦାର୍ ଆଜି
 ହୁଞ୍ଜି ମାଚାନ୍, ଆରେ ପାଉଲ୍ ବିଡ୍‌ତେତାଂ ତା ଲାଗେ ହାଲ୍‌ଜି ପାର୍ତ୍ତନା
 କିତାନ୍ ଆରି ହେଖାନ୍ତି ଜପି କେଇ ଇଡ୍‌ଜି ହେଖାନିଂ ଉଜ୍ କିତାନ୍ ।
 ୯ ଇ ଗଟ୍‌ନା ପାଚେ ହେ ଏସ୍‌କୁପ୍‌ଲିତ ମାନି ବାକି ବେମାରିର୍ ପା ଖାଜି
 ଉଜ୍ ଆଚାର୍; ୧୦ ହେଖାର୍ ପା ମାଙ୍ଗେଙ୍ଗ୍ ବେସି ସନ୍‌ମାନ୍ ହୁଦାଂ ଖାରି
 କିତ୍‌ତାର୍, ଆରେ, ମାଦାଂ ହାନି ଖେଡ୍‌ଲିଂ ମା ଲଡାନି ଜିନିସିଂ ସବୁ
 ହିତ୍‌ତାର୍ ।

ମାଲ୍‌ତିତାଂ ରମ୍‌ତ

୧୧ ତିନ୍ ମାସ୍ ପାଚେ ଆପେଂ ର ଆଲେକ୍‌ଜାଣ୍ଡ୍ରିୟ୍ ଜାଜ୍‌ତ ଦୁମ୍‌ଜି
 ହାଚାପ୍, ହେ ଜାଜ୍ ଇ ଏସ୍‌କୁପ୍‌ଲିତ ପିନି କାଡ୍ କାଟି କିଛି ମାଚାତ୍,
 ତା ତର୍ “ମିତୁନ୍ ।” ୧୨ ସୁରାକୁସାତ ଏକିସ୍ ଆପେଂ ହେବେ ତିନି ଦିନ୍
 ମାଚାପ୍, ୧୩ ଆରେ ହେ ଏସ୍ ଜାଜ୍‌ତ ବୁଲାଜି ରେଗିୟ୍‌ତ ଏକାତାପ୍ । ର
 ଦିନ୍ ପାଚେ ତିନିବାଗାଙ୍ଗନି ଦୁକା ଇଡ୍‌ତିଲେ ରି ଦିନ୍‌ତାଂ ପୁଡେଅଲିତ
 ଏକାତାପ୍; ୧୪ ହେ ବାହାତ ଆପେଂ ଟଣ୍ଡାର୍‌ରିଂ ବେଟ୍ ଆତାପ୍, ଆରେ
 ହେଖାର୍ ଲାହାଂ ସାଡ୍ ଦିନ୍ ମାଞ୍ଜେଙ୍ଗ୍ କାଜିଂ ହେଖାର୍ ମାଂ ଗଖାରି
 କିତ୍‌ତାର୍; ଇ ଲାକେ ଆପେଂ ରମ୍‌ତ ଏକାତାପ୍ । ୧୫ ରମ୍‌ନି ପାତ୍

କିନି ଟଣ୍ଡାରୁ ଆରି ତଣଦେକ୍ ମାଂ କାବୁର ଗାଟାଜି ହେ ବାହାତାଂ
“ଆପ୍ପିୟତି ଆଟ୍ ଆରି ‘ତିନି ଦରମ୍ପାଲା ଇଲ୍’ ପାତେକ୍ ମାଂ
ବେଟାଆଦେଂ କାଜିଂ ଖାତାର୍, ଆରେ ପାଉଲ୍ ହେଝାରିଂ ହୁଡ୍ଡ଼ି
ଇସ୍ପରତିଂ ଦନ୍ୟବାଦ୍ କିଜି ସାସ୍ ପାୟାତାର୍ ।”

ରମ୍ ଗାଡ୍ ପାଉଲ୍

୧୭ ଆରେ, ଆପେଂ ରମ୍ତ ଏକିତିଲେ, ପାଉଲ୍ ଜାର୍ କାନି
ମେଲ୍ୟାର୍ ଲାହାଂ ବିନେ ବାହା କିଦେକ୍ କାଜିଂ ହେଲ୍ ପାୟାତାନ ।

୧୭ ତିନି ଦିନ୍ ପାଚେ ହେଝାନ୍ ଜିହୁଦିରତି ମୁଡ୍ ମୁଡ୍ ମୁଣିକାରିଂ
କୁକ୍ତି ରବେ କିତାନ୍, ଆରେ ହେଝାର୍ ରୁଣ୍ଡା ଆତିଲେ, ପାଉଲ୍
ହେଝାରିଂ ଇଚାନ୍, “ଏ ଇସ୍ରାଲ୍ ନି ଟଣ୍ଡାର୍, ଜଦି ଆନ୍ ନିଜ୍ ଜାତି
ବିରୁଦ୍ତ କି ମା ଆବା ଲେଡ୍ରାତି ରିତିନିତି ବିରୁଦ୍ତ ମୁଡ୍ କିଝାଦାଂ
ମାଚାଜ୍, ଆତିସ୍ପା ଜିରୁସାଲମତାଂ ଗେହ୍ୟାତି ଲାକେ ରମ୍ପିୟରତି
କେଇଦ୍ ହେଲ୍ଲାୟ୍ ଆତାଜ୍ । ୧୮ ହେଝାର୍ ନା ବିଚାର୍ କିଜି
ନା ତାକେଣ୍ ପାରାଣ୍ ଦାଣ୍ଡି ଇନା କାରଣ୍ ଝେନ୍ବିସ୍ ଡେକ୍ତି
ହିଲ୍ଡିତିଲେ ନାଂ ମୁକ୍ତି କିଦେଂ ଇଚା କିଜି ମାଚାର୍; ୧୯ ମତର୍ ଜିହୁଦିର୍
ହେବେନି ବିରୁଦ୍ତ ଇଚିଲେ ଆନ୍ କାଈସ୍ପରତି ଲାଗେ ବିଚାଣ୍ଡା ଆନି
କାଜିଂ ପାର୍ତାନା କିଦେକ୍ ବାୟ୍ଦ୍ ଆତାଂ; ନାଦାଂ ଜେ ନିଜ୍ ଜାତି
ବିରୁଦ୍ତ ଦାବା କିନାକା ଅଲପ୍ ମାଚାଡ୍, ହେଦାଂ ଆକାୟ୍ । ୨୦ ଲାଗିଂ,
ଇ କାରଣ୍ତାଂ ଆନ୍ ମିଙ୍ଗେକ୍ ନା ଲାହାଂ ବେଟାଜି ଆରି କାତାବାର୍ତା
କିଦେକ୍ ଗଝାରି କିତାଜ୍, ଇନାକିଦେଂକି ଇସ୍ରାଏଲ୍ ନି ମାନାୟାର୍
ବାସ୍ କାଜିଂ ଆନ୍ ଇ ହିକ୍ତିତାଂ ଗାଟାତାଂନା ।”

୨୧ ହେବେଣ୍ଡାଂ ହେଝାଚାଂ ଇଚାର୍, “ନି ବିସ୍ତେ ଜିହୁଦା ଦେସ୍ତାଂ
ଆପେଂ ଇମ୍ଣାକା ପା ଆକି ପାୟାଝାତାପନ୍ନା, କି ଟଣ୍ଡାର୍ ବିଡ୍ଡେ
ଇନେର୍ ଇବେ ଝାଜି ନି ବିସ୍ତେ ଇମ୍ଣାକାର୍ପା ବାନ୍ୟା କାବୁର
ହିଦ୍ଝାତାଣ୍ଡା କି ଇନ୍ଝାତାଣ୍ଡା । ୨୨ ମତର୍ ନି ବାବ୍ନା ଇନାକା, ହେଦାଂ
ଆପେଂ ନିତାଂ ଝେଞ୍ଜେକ୍ ଇଚା କିନାପା; ଇନାକିଦେଂକି ଇ କୁଦା ବିସ୍ତେ
ଆପେଂ ପୁନାପ୍ ଜେ, ଝିଜେ ହେଝାନ୍ ବିରୁଦ୍ତ କାତା ଇନ୍ୟାନାତା ।”

୨୩ ଇବେଣ୍ଡାଂ ହେଝାର୍ ତା ଲାହାଂ ର ଦିନ୍ ତିର୍ କିଜି ବେସି ଲଗୁ
ହେଝାନ୍ ବାହାତ ଝାତାର୍, ଆରେ ହେଝାନ୍ ନାଡ୍ଡିସ୍ତାଂ ମୁକାହାରେସ୍
ପାତେକ୍ ହେଝାଚି ଲାଗେ ଗାଣ୍ଡା କିଜି ଇସ୍ପରତି ରାଜି ବିସ୍ତେ

ସାକି ହିତାନ୍, ଆରେ ମସାତି ବିଦି ଆରି ବେଶ୍‌ବାକ୍‌ଶାୟକିନାକାର୍
 ସାସ୍ତ୍ର ଅଜି ଜିସ୍ତୁତି ବିସ୍ତେ ହେଝାର୍‌ତି ପାତ୍ ରୁଡାୟ୍ କିଦେଙ୍ଗ୍
 ସେଷ୍ଟା କିତାନ୍ । ^{୨୪} ହେବେଶ୍ଟାଂ ଇନେ ଇନେର୍ ଇତି ବିସ୍ତେ
 ପାତ୍ କିଝାତାର୍, ମତର୍ ଇନେ ଇନେର୍ ପାତ୍ କିଝାତାର୍ ।
^{୨୫} ଆରେ, ହେଝାର୍ ଜାର୍ ଜାର୍ ବିତ୍ତେ ରମାନ୍ ଆଞ୍ଜିତିଲେ ହେଲ୍‌ଝେୟ୍
 ଅତାର୍; ହେଝାର୍ ହାନି ଆଗେ ପାଉଲ୍ ଇ ର ବଚନ୍ ଇଚାନ୍, ମି
 ଆବାଲାତ୍ରାତି ବେଶ୍‌ବାକ୍‌ଶାୟକିନାକାର୍ ଜିସାୟ୍‌ତି ହୁଦାଂ “ପୁଇପୁୟା
 ଜିବୁନ୍ ହାତେରତେ ଇଞ୍ଜି ମାଚାର୍, ^{୨୬} ଇ ମାନାୟାର୍ ଲାଗେ ହାଲ୍‌ଜି
 ଇନାକା,

ଏପେଙ୍ଗ୍ ଝେନ୍‌ ଝେନ୍‌ ଝେନାଦେର୍,

ମତର୍ ଇମ୍‌ଣି ପ୍ରକାର୍ ବୁଜା ଆଉଦେର୍,

ଆରେ, ହୁଡ୍‌ଜି ହୁଡ୍‌ଜି ହୁଡ୍‌ନାଦେର୍, ମତର୍ ଇନେସ୍ କିତିସ୍‌ପା
 ପୁଞ୍ଜେଙ୍ଗ୍ ଆଡୁଦେର୍;

^{୨୭} ଇନାକିଦେଂକି ଇ ଲକୁତ୍ ନିର୍‌ବୁଦିୟା,

ହେଝାର୍ କିଡୁଲ୍‌ତ କସ୍‌ତ ଝେଚାର୍ ଆରି ଜାର୍ ଜାର୍ କାଶ୍‌କୁ
 ଜୁଚାର୍,

ଇନେସ୍ ହେଝାର୍ କାଶ୍‌କୁତ ହୁଡ୍‌ରୁ ଆରି କିଡୁଲ୍‌ତ ଝେନ୍‌ରୁ,

ଆରେ ମାନ୍ତ ବୁଜା ଆଉର୍,

ଆରେ ମାସ୍‌ଦି ଝାଉର୍,

ଆରେ ଆପ୍ ହେଝାରିଂ ଉଜ୍ କିଉପ୍ ।”

^{୨୮} “ହାରିହାରା ପାଉଲ୍ ଇଚାନ୍ ଏପେଙ୍ଗ୍ ପୁନ୍‌ଞ୍ଜି ମାନାର୍, ମୁଲ୍‌ଜି
 ଇସ୍‌ବର୍ ପାତ୍ କିଝି ଜିହୁଦିର୍ ଲାଗାଂ ପନ୍ତାତାଂନା ହେଝାର୍ ହେଦାଂ
 ଝେନାର୍ ।”

^{୨୯} ଆରେ, ହେଝାନ୍ ଇ, ସବୁ କାତା ଇଚିଲେ, ଜିହୁଦିର୍ ଜାର୍
 ଜାର୍ ବିତ୍ତେ କାତାବାର୍ତ୍ତା କିଉ କିଉ ହେବେତାଂ ହାଚାର୍ । ^{୩୦} ପାଉଲ୍
 ର ଇଲ୍ ବାଡା ଅଜି ବୁଇ ବାହୁଁ ପାତେକ୍ ମାଚାନ୍ ଆରି ତାଂ ହୁଡ୍‌ନି
 କାଜିଂ ଝାଜିମାନି ଝିଜାରିଂ ହେବେ କୁକ୍‌ଚି ମାଚାନ୍ । ^{୩୧} ସାସ୍‌ତ ଆରି
 ବାଦାଝାଦାଂ ଇସ୍‌ବର୍‌ତି ରାଜିନି କାତା ସୁଶାୟ୍ କିଦେଙ୍ଗ୍ ଲାଗିସ୍ ମାଚାନ୍
 ଆରି ମାପୁ ଜିସ୍ କ୍ରସ୍‌ତି ବିସ୍ତେ ସବୁ ହିକ୍ୟା ହିଜି ମାଚାନ୍ ।

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43